

LENTSOE LE BUILOENG

KE PEŌ EA TŠIMOLOHO ¹

 Kea leboha, Moena Neville. U t̄lil'o t̄šoara t̄šebeletso ea kolobetso khabareng? [Moena Neville o re, "Hang ha u qetile."—Mong.] Ha ke qetile. Ho lokile? Uh-huh.

² Lumelang, metsoalle. Ha se le thabo ho ba mona! 'Me hoseng hona re batla re qala pejana. 'Me kamehla ke mohau ho bona sebaka sa ho lulisa batho se haella. Kea tseba le thatafalloa ho ema. 'Me ke tsebisitse, hoseng hona, ke tla batla nakoana e ngata lekhatheng lena. 'Me ke hopola ho tla ba hotle haholo, joalo, ha t̄šebeletso e ntse e tsoella, ha ba bang ba ka lula fatše, ba bang ba eme, 'me le phomotsane. 'Me ha le batla ho tsoela ka nt̄le ho ithapolla nakoana feela, hopolang, erekaha e le t̄šebeletso e telelele, ho—ho tla itokela ka ho phethahala. Ke moo re ka fapanjetsanang. 'Me joale ba . . .

³ Re a tseba ba morerong oa kaho, mona tabernakeleng, kereke e khōlō le e kholoanyane e ka lulisang haholoanyane. 'Me mona kea kholoa kereke e lulisa makholo a mabeli feela le mashome a mahlano, batho ba makholo a mararo. 'Me mohlomong mona joale ba lekholo ho feta moo joale. Ka baka leo e tla . . . 'Me kea kena, ke bone batho ba khanna ba kena 'me ba etsoa, ba sa fumane sebaka sa ho emisa, ka nqa tsohle. 'Me—'me, ehlile, ereha ba fihla mono monyako ba bona liholo li petetsane, le mabota a petetsane, le joalo, a tletse batho, e ntano ba, hohle kalaneng le joalo, ke moo ba—ba tlohang ba ikela. 'Me re batla mang le mang a utloe Molaetsa oa Morena, re sa leka ho O tlisa.

⁴ Ke batla ho tsebisa hoo, kapele, ke tla leka ho bua ho fihla hora ea leshome le metso e 'meli. 'Me ka morao moo . . . 'Me ke tla le qhalanya ka leshome le metso e 'meli, le ho nea mang le mang nako ea ho fumana ho jeoang. Nakong ena, moreri, molisa, Moena Neville mona, o tla t̄šoara t̄šebeletso ea kolobetso nakong ena. 'Me—'me lona batho le ka tsoa ho ea fumana lijo, 'me re ntano khutla. 'Me ke tla leka ho hloella sefala hantle ka hora ea bobeli, 'me ke ntano khatha tema thapama ena.

⁵ 'Me ke qetile nako e ngata thapelong veke ena. 'Me nka—nka be ke sa o qeta holane ke sa khaola karolo ea bone ea oona, kapa karolo ea tharo, ke o pomme, seo ke lakatsang ho se bolella batho. Joale, ka baka leo, re le leboha ka t̄šebelisano ea lona e nt̄le ho tla likopanong, le—le ka seo le re etselitseng sona, le ka ho re thusa le re rapella.

⁶ 'Me ke fuoe monyetla, metsotso e 'maloa e fetileng, ho qoqa le leqheku la monna le mosali, e leng... Re ba tseba e le Moena le Khaitseli Kidd, esale ba tsepahetse lilemong. 'Me ba sa tsoa khefutsa metsotsong e 'maloa e fetileng. Ke ba boleletse ho feta le koano, kaha ke batlile ho ba bona motsotso. 'Me ebile monyetla oa motonana ho qoqa le batho ba holileng, ba rerileng Evangelie ke sa le e—e lesea. 'Me Evangelie ea khale e bokoang e ntlfafala ka linako tsohle, ha re ntse re atamèla qetello ea tsela.

⁷ 'Me joale masela a mang a rapelloang a robetse mona, 'me ke batla ho a rapella, ka mora nakoana. 'Me joale ha re inamiseng lihlooho tsa rōna nakoaneng ea polelo ea thapelo.

⁸ Ntata rōna oa Lehelimō, U boletse Lentsoeng la Hao, "Ha Nka nyolloa lefatšeng, Ke tla hulela batho bohole ho 'Na." 'Me ke sona sepheo sa rōna bophelong, ke ho nyolla, pela moloko o timelang oa batho, ho re Jesu Kreste e sa le Mora Molimo, 'Moloki oa lefatše. 'Me ke thabile ho tseba ke phela moo batho ba lumelang hoo, 'moho le likete tse Mo amohetseng e le 'Moloki oa bona.

⁹ Le ho tseba, hobane, ka mora bophelo bona, bophelo bo tla teng mose oane, bo tla khanya, mokhathala ona le lihora tse 'maloa tseo re fetang hara tsona, meriti ena le liriti tsa bophelo tsa setša sena sa hlahlolo, re mpa hata re kena pitikolohong joale, re emetse nako ea ho thakhoha. Hoba, mohla nako ea Molimo e tla tlala kapele, letsoho le leholo leo esale le khina nako, qetellong le tla theoha 'me Kereke ea Hae e tla tloha lefatšeng lena, ho kena sebakeng, ka ntle koo ho kena Lefatšeng leo ho sa tl'o hlaha maloetse, mahlomola, boqheku, lefu. Re bokanetse morero oo kajeno, Morena, ke ho hhalosa maikutlo a rōna ka lintho tsena.

¹⁰ Re thabetse ho tseba hore sena ha se ho phutha batho lefeela; bona bo pakiloe e le bonnate bo fetisisang boo lefatše le kileng la bo tseba, bo reng Mora Molimo ha a shoa, eo Ea entseng litšepiso, empa o phela hara rōna kamehla. 'Me re thabile haholo hoseng hona, Morena, holima lintho tsohle, leha re ka rua lefatše ra ba bacha makholo a lilemo, ho thabela hoo, empa ke sehla feela papisong le nako e baletsoeng ba Mo ratang. Ka hona, re ntse re leka ho supisa moena oa rōna le khaitsei ea rōna hora e khōlō ena e re nanarelang. 'Me ere re sa bona nako eo e atamèla, Morena, lipelō tsa rōna li a tuka. Re batla ho itokisa.

¹¹ 'Me re theohela tselaneng ka bonngoe ka bonngoe. Re sa tsoa pata e mong hara rōna. Khaitseli ea rōna Bell, o tsamaile ka potlako, ho latēla kopo ea hae; kapele hona, ra ba ra sitoa ho fihla ho eēna, ho rapela le eēna. Empa kopo ea hae e ne e le ho tsamaea, ho bona kamoo U lokileng kateng ho aba tsohle tseo re li lakatsang pelōng tsa rōna. Ha U ke u siea le e 'ngoe. Ke Uena ea e tšepisitseng.

¹² Joale, re U rapela ho teanya lipelō ho utloisia Uena kajeno, bao ba sa U utloisiseng. Khutlisetsa baetsalibe pakong, khutlisetsa bakuli tsebong ea Molimo e folisang. Oho Molimo, hlohonolofatsa bahalaleli ba Hao 'me u tlamahanye lipelō tsa bona 'moho. 'Me ere liteipi tsena li sa tsoela koana e—e metseng le likerekeng, hara lichaba tsa lefatše, a baena ba rerang, bao mohlomong ka nako e 'ngoe ba sa kang ba utloisia, joale ba tle ba utloisise, Kereke ea Hao e tle e ithophise.

¹³ 'Me joale, oho Morena, Uena ea 'ntšitseng ho 'mè oa ka, Uena ea mphepileng matsatsi oohle a bophelo ba ka, ea mpehileng horeng ena; ka mohau oa Hao, ke utloile e le thato ea Hao ho hlalosetsa batho, lebaka la boitšoaro ba ka le tšebetso ea ka, e ke e hlahisoe kamoo batho ba tla utloisia hantle ho feta, Morena, kamoo bahlanka ba Hao e leng mekhelo kateng. Aba lintho tsena, Ntate. 'Me Mangolo ana, le therò le mantsoe ao re a ngotseng mona hara veke, ka thapelo le ho lekolisia, a ke a oeles mobung o motle hohle moo a utluoang teng, mobung o ka a bolokang 'me oa a nosetsa. 'Me thoriso eohle e tla lebisoa ho Uena, hoba re e kopa Lebitsong la Jesu. Amen.

¹⁴ Ho batho ba ka ntle makoloing, ba sa khoneng ho kena, hona joale ke hokela nthoana mona. 'Me le ka bulela seea-le-moea sa lona ho leshome le 'ngoe-mashome a mahlano, leshome le 'ngoe-mashome a mahlano, 'me le tla fumana Molaetsa hantle seea-le-moeeng sa lona ka hara koloi tsa lona. Joale, ana ena ke eona khokahano? E buletsoe, ha ke re, nqa ea—ea liteipi?

¹⁵ Joale, ho metsoalle ea ka eohle, ba leng teng mona le hohle moo liteipi tsena li ka fihlang, ke utloa ke le molato bathong, ho hlalosa tse ngata tseo ke li buileng ke li entseng. Ke hangata, batho ba tlang ho 'na, 'me ba re, "Molisa oa rōna o re... Hobaneng u etsa seo, Moena Branham? Hobaneng u buile sena? 'Me sena u se etsisoa ke'ng tjena?" Joale, ka pelō eaka eohle, sohle seo ke se entseng, ke se entse ka maikemisetso a khabane ka ho fetisisa ao ke a tsebang. 'Me sohle seo ke se buileng, ke se buile se tsoa pelōng ea ka. 'Me ke se entse ka morero. 'Me ke tla leka, hoseng hona, ka thuso ea Molimo, ho hlalosa morero oo ho tsoa Bibeleng, le lebaka la ka ho etsa hoo.

¹⁶ 'Me joale mono, mohlomong, sehlopheng se se kana sa batho, mohlomong mona ho lutse bareri ba bangata. 'Me ba bangata ba tla utloa sena. 'Me ekare re ka fuoa nako e ngata hoo nka... ho kenya sohle seo ke se nahanneng, ka se fetisa mangolong, ho hlahisa Mangolo, ke rialo, ho—ho batho. Empa, ho baena ba ka, leha le sa lumellana le 'na; joale ke bua mona le liteiping. Mohlomong o nkhaneritse, haholo, ka baka la... ka kemo ea ka ea monahano oo ke o hopolang o nèpile. 'Me ke tokelo ea hao ho se lumellane le 'na, kaha u ka e bona ka ho fapano. Empa 'na ke a tšepa, hoseng hona ka thuso ea Molimo, ke tla khona ho le bontša lebaka la kemo ena ea ka. 'Me ha ke—ke ha ke eso...

¹⁷ Ke omantse likereke khafetsa, malumeli, moaparo oa basali, boitšoaro ba banna. Ke kholoa ke e tšehehitse ka Lengolo. 'Me ha ho le ka mohla, Molimo o tseba pelo ea ka, moo nkileng ka tšoara motho ka maikutlo a mabe. Leha ba sa lumellane le 'na, kamoo Bochabela bo leng hole le Bophirimela, esale ke ba rata. 'Me ha feela ke bolokile Moea oa Molimo ka ho 'na, ke tla 'na ke rata Kereke ea Hae, batho ba Hae. Ho sa tsottelehe seo ba se etsang, kapa hore ba ntšoarang joang, e ke ke ea amana le eona ka letho. Ke sa ntse ke ba rata.

¹⁸ Ke sa hopola, monna ea bitsoang Moshe ka mohla o mong. Batho bao ba sa phetse, ka puo ea rôna ea boroa re ka re, ba mo khopisa, ba sa phetse feela ho mo phephetsa, ntho eohle e khema le ho lumaluma kapa ttlebo, le lintho tse joalo. Empa, Moshe, mohla makhaolakhang, mohla Molimo o reng, "Ba sirohe, hoba Ke tla qala sechaba se seng ka uena," Moshe a itihela mocheng oa khalefo ea Molimo. Ho re, "Tlosa 'na, lesa batho bana," bona bao a ba bitsitseng bahanyetsi, ba itherileng bora khahlano le Molimo le eëna. Leha ho le joalo, o ba ratile hoo a bileng a re, "Tlosa 'na, u ba pholose." E ne e le Kreste ka ho Moshe.

¹⁹ 'Me ha motho, ho sa natse bohale boo e mong a sa lumellaneng le eëna, haeba a sa ikutloe joalo, khaello ea Kreste e teng, ke a kholoa, haeba ho tsoa pelöng ea hae (e seng melomong ea hae, empa pelöng ea hae) a se na maikutlo a joalo nqa bana ba batho.

²⁰ Ka na ka hlolloa tsatsi le leng, ha se mosoaso khetlong lena. Empa e le mohla ho tšoeroeng e—e kopano ea Chicago, 'me monna oa 'mala a lutse mono, 'me a sa phetse ho 'na a re, "Ke batla ho bona Ngk. Branham." A roetse katiba ea tonana, a khoesitse lifapanohali tsa litonana, bolelele ba tsona le bophara e le li-inchi tse robeli kapa tse leshome, sefubeng sa hae, le likobo, 'me a apere mohlolo, a noketse masale a hlollang le lifaha, le lintho tse joalo. Ka re ho Moena Baxter, e beng e le motlatsi oa ka, "Mmolelle. Mo kenyé phaposing. Ke—ke tla—ke tla 'mona."

²¹ 'Me eaba o lula le 'na, 'me a re, "Ke u tlottle u le 'ntate,' kapa u le 'moruti,' kapa u le 'moholo'? Kapa u batla ke u tlottle joang?"

²² Ka re, "Ha u nthata, u mpitse 'moena.'" 'Me eëna, ka hlonepho, a etsa joalo.

²³ 'Me a ntoo mphä tlötla ea hae e mo tlötlang, etsoe, oh, nka qeta mela e 'maloa ho le ngola pampiring, litlotla tsa lebitso la kereke, le tlötla ea hae ka hara kereke. Empa a bua ntho e sa le e nkhomarela. A re, "Ke thahasella sena, Moena Branham. Kea . . ." A mpolella seo a se thahasellang, kerekeng ea hae le linthong tsena. A re, "Ke thahasella morabe o le mong," a re, "oo ke morabe oa bana ba batho."

Ka re, "Mono re tla tsukutlana ka matsoho."

²⁴ Morabe oa batho, mothong e mong le e mong, tumelong e 'ngoe le e 'ngoe, 'mala o mong le o mong, le mothong e mong le e mong eo Kreste a mo shoetseng, ke thahasello ea ka hoseng hona. 'Me esale ke lekile ho e fetola thahasello ea ka—thahasello.

²⁵ Joale ke batla ho bala. 'Me—'me le hona feela... Ha kea ikemisetsa ho rera, hoba koana bonnyane, seo ke tlil'o se bua mona, se ka nkuka lihora tse 'ne kapa tse hlano. Koana ka morao ho lihora tse peli joale, re tla qhalana re eo ja tinare, re ntano khutla ka hora ea bobeli, mohlomong. Fihlang mona pele ho hora ea bobeli, hoba ke batla ho qala ka hora ea bobeli hantle. Fihlang mona ka bo mashome a mararo ka morao ho 'ngoe, ha le ka khona. Ke moo re tla tsoa ka nako bakeng sa bosiu bona.

²⁶ Ke tšoanelo ho tsamaea thapama ena, le joale, ho ea Tifton, Georgia, moo hosasa bosiu ke tla tšoara tšebeletso, 'me mono ke oditoriamo ea sekolo se phahameng, tšebeletso ea therio feela. 'Me ho tsoa moo, ha ke tsebe, hohle moo A ka ntataisetsang ho tsoa moo. Libaka li ngata, Moena Arganbright le bao ba letsitse ho tsoa mose ho maoatle, ho qala hang mono; ho phatlalla le Bophirima, ka ntle ho kena Canada, lefatše ho pota. Empa ke tla... le tla tseba... ho lumela...

²⁷ Ke lumela le tla tseba hantle hoba ke qete. Ha Molimo o ka nthusa ho le tlisettsa oona kamoo ke o neiloeng, ke moo, ka mora tšebeletso, le tla utloisisa, kea tšepa. 'Me ha potso e le teng, eo le sa e utloisiseng, ke tla le kopa ho tliisa libuka tsa lona. 'Me—'me lona ba nang le lihatismantsoe, le ka nka liteipi la li bea matlung a lona, la lula ka pelō e butsoeng, pelō e bulehileng feela. Ho e ala feela, ho re, "Morena, ke sa tsoa iketla joale. Ke tlil'o mamela." 'Me ha u tšoara nthoana, koala sehatisi u fumane Lengolo.

²⁸ 'Me Bibele e itse, Jesu o itse, "Ke Oona a Mpakang." Le a bona? 'Me ha re shebeng ka Lengolo re bone haeba e lokile na. Joale ke batla ho phetla...

²⁹ [Motho qoqa le Moena Branham—Mong.] Ntšoareleng? Ka mona hantle. O na mpontša ho sebelisa limaeke life tse fapaneng. Li hlile li sehlopha mona hoseng hona, ha ke tsebe ke qala ka ofe.

³⁰ Joale a re phetleng ho tse Mangolong. Ke tla qala ho Genese, 'me bosiu bona ke tla phethela ho Tšenolo. Ke lumela Lentsoe. Genese, ho qala ka khaolo ea 1, ke lakalitse ho bala karoloana ea Lentsoe. 'Me ha motho a batla joalo, motho a nka... le tšoere lipensele tsa lona le lipampiri, le lintho tse joalo, hoba ke tšoere Mangolo a mangata. Ke batla ho 'na ke bala Mangolo ana ka linako tsohle.

*Tšimolohong Molimo o no o hhole maholimo le...
lefatše.*

Lefatše le ne le hloka sebopeho, le le feela; 'me lefifi le ne le le holim'a boliba. 'Me Moea oa Molimo o no o solla holim'a metsi.

Molimo oa re, Leseli ha le be teng: 'me leseli la e-ba teng.

Molimo oa bona, hoba leseli le molemo: 'me Molimo oa arōhanya . . . leseli le lefifi.

Molimo oa bitsa leseli Motšeare, 'me lefifi oa le bitsa Bosiu. 'Me ha e-ba mantsiboea ha e-ba hosasa ebile tsatsi la pele.

Joale Molimo oa re, Sebaka ha se be . . . mahareng a metsi, 'me se arōhanye metsi ho—ho metsi.

Molimo oa etsa sebaka, 'me oa arōhanya metsi a ka tlase ho sebaka le metsi a ka holimo ho sebaka: 'me ha e-ba joalo.

Molimo oa bitsa libaka Leholimō. 'Me ha e-ba mantsiboea ha e-ba hosasa ebile tsatsi la bobeli.

. . . Molimo oa re, Metsi a ka tlase ho maholimō a bokelloe hammoho sebakeng se le seng, 'me ho hlahe moo ho omileng: 'me ha e-ba joalo.

Molimo oa bitsa moo ho omileng Lefatše; pokello ea metsi o e bitsa . . . oa e bitsa Leoatle: 'me Molimo oa bona hoba ho molemo.

Molimo oa re, Lefatše le hlahise joang, le meroho . . . le peō, le lifate tse behang litholoana ka mefuta ea tsona, tse nang le peō ea tsona, lefatšeng: 'me ha e-ba joalo.

Lefatše la hlahisa joang, le meroho, 'me tsa melisa peō ka mefuta ea tsona, le lifate tsa melisa tholoana, tse nang le peō, ka mefuta ea tsona: 'me Molimo oa bona hoba ho molemo.

'Me ha e-ba mantsiboea ha e-ba hosasa e bile letsatsi la borarō.

³¹ Joale ke batla ho qala hoseng hona, ka therō ea ka, ho sebelisa sena: *Lentsoe Le Builoeng Ke Peō Ea Tšimoloho*. Joale ke batla ho tšetleha therō ea ka mono. *Lentsoe Le Builoeng Ke Peō Ea Tšimoloho*. Joale ha le ka elelloa, Molimo oa re, “E hlahise se sa eona, ka mofuta oa eona.” E ka bang eng, se tšoanelā ho hlahisa se sa eona.

³² Joale, Lentsoe lena la Molimo ke la Bosafeleng. Molimo, e leng mohloka-pheletso, a ke ke a bolela taba e be, hamorao, a e fetole ntho e sele, ho etsa qeto e molengoana. Hobane, qeto e 'ngoe le e 'ngoe ea Molimo e phethehile. A ke ke a khona. Hang ha Lentsoe la Hae le builoe, Le ke ke la timela. Le phela le tsoella, le tsoella, le tsoella, 'me le ke ke la timela, hoba Ke

Molimo. Lentsoe la Hae le ke ke la timela joaleka Eèna a ke ke a timela. Ke ka baka leo re balang ho Johanne oa Pele kapa... Mohalaleli Johanne, khaolong ea 1, ho thoe, "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama." Lona Lentsoe le builoeng tšimolohong, ka morero oa Hae oa Bosafeleng, le tlide la fetoha nama la aha hara rōna. Lentsoe la Molimo!

³³ Lilemo tse 'maloa tse fetileng, ke utloile ho thoe mosali... Joale, ekaba taba e ke keng ea pakoa. Ea nyekileng radiamo ka leleme la hae, a ntse a e tsoaka, ho e tšela holima manaka a littleloko le litšupanako; ea bolaea mosali. 'Me lilemo hamorao, hoba ba boloke lehata la hae hlahllobong, joalo, ho thoe u no u ka nka lisebelisoa, e bang ba sebelisa eng, 'me oa se patisa lehateng leo, 'me, ho—ho shesha, u ka utloa radiamo e ntse e hoba, ka hara lehata la hae, hoba a shoe, lilemo. Radiamo e tsoelapele e sa khaotse.

Lentsoe la Molimo le tsoelapele le sa khaotse.

³⁴ Ho thoe, hola ra fumana thepa e ka qhautsang, ho thoe lentsoe la motho, lentsoe leo ke le buang kajeno, lilemo tse likete tse leshome ho tloha joale le ka qhautsoa sebakeng. Ho tšoana le ho lihela lehakoe setsing sa letša. 'Me maqhubu a manyenyane, hoba leihlo le se hhole le a bona, a tsoellapele ho fihlela a thula lebopo. 'Me maqhubu a moea a mantsoe a rōna a phalla a sa khaotse a ntse a potoloha a bile a potoloha lefatše. Ka baka leo, ke hona, lentsoe la rōna, seo re se buang, se tla re ahlola. Bopaki ba rōna bo tla ema khahlano le rōna. Mantsoe a rōna a tla tiletsa litsebeng tsa rōna, Setulong sa Kahlolo ea Molimo, mohla thepa ea Hae e khōlō e qhautsang lentsoe ka leng le kileng la buuoia, lentsoe ka leng le kileng la memetsoa.

³⁵ Joale e 'ngoe feela tsela ea ho tholisa lentsoe le phoso leo, eona, ke pak. Ke Molimo feela o ka le khutsisang. Haeba ho se joalo, le tsoelapele 'me le kopana le uena Bosafeleng. Ka hona, Molimo, e leng mophethehi, 'me Lentsoe la Hae ke la Bosafeleng, Lentsoe la Hae ka Sebele le tlamehile ho kopana le eona. Ka baka leo, O tšoanetse ho phetheha qetong e 'ngoe le e 'ngoe, hoba, hang feela ha A bolela taba, E tšoanelia ho tsamaea tsela ena eohle 'me e khutle Kahlolong.

³⁶ Joale ha le ka utloisia ka nèpahalo, kapa la leka joalo, le tla bona hobaneng ke emela Lentsoe la Molimo kamehla, kamoo ke sebelitseng; hoba lintho tsohle li tšoanelia ho timela. Molimo ke Bosafeleng, le Lentsoe la Hae ke Bosafeleng. Joale, e re le sa lekolisia... 'Me ke tla leka ho ea lolololo ho latèla bokhoni ba ka, le tle le tšoare mantsoe, 'me hoo ke ho etsetsa le molemong oa liteipi. Etsoe, le tšoanelia ho tseba hoba Bibele ena ke Lentsoe la Molimo.

³⁷ Joale, re itseba re tla fihla Kahlolong, Lentsoe la Molimo le tli'l'o re khaoletsa, kae-kae, hoba Le neiloe mang le mang

ho le utloa. Bareri ba jere boikarabelo ba ho Le nka. 'Me efèla ha Lentsoe lena la Molimo le tšoanetse ho kopana le motho e mong le e mong, joale he re a . . . le tšoanetse ho Le utloa, mona kapa Setulong sa Kahlolo.

³⁸ Ka baka leo, efèla ha kerekere e tšoere Lentsoe la Molimo, ke moo re tšoanelang ho utloa lentsoe la kerekere, kamoo batho ba rōna ba Roma e Katolike ba re joetsang. Athe bona, ka bobona, ba ferekane hakana 'me ba fapanane haholo thutong ea bona, ea Roma, ea Gerike, le ea mefuta e fapaneng, sebaka sa tumelo ha se eo. Hobane, ebe Kerekere ke efe? Na kerekere ea Roma e lokile, kapa kerekere ea Gerike e lokile na, kapa na ho lokile e 'ngoe ea likerekere? Na ho lokile Maluthere, ho lokile Mabaptise, ho lokile Mametholise, ho lokile Mapresbeteriene? Kapa, ke mang ea lokileng, athe phapang e kaale-kaale hara tsona? E 'ngoe e hole le e 'ngoe, joaleka Bochabela ha bo le hole le Bophirimela.

³⁹ Empa, mohopolong oa ka, Lentsoe la Molimo ke Moahloli. Ka baka leo, Lentsoe la Molimo, efèla ha Le phethehile hakana, Le tlameha ho tsoa mohloling o phethehileng.

⁴⁰ 'Me ha batho ba le isa koana le koana, ka liphapang tsa bona tsa malumeli, joale ha ho—ha ho tumelo e tiileng ho theoa holim'a seo ba se buoang. Ke a tšepa e hlakile. Le a bona? Hobane, efèla ha e mong a re le eme ka mokhoa *oona*, e mong o re, "O tšoanetse ho ngolisa kerekeng *ena*. Kerekere *ena*, ke eona feela, e nang le pholoso." Ke moelelo oa Katolike oo. Lutherane e a fihla e ipitsa tsela. Metholise ke ena e fihla ka ho hong hosele, Baptise ka ho hong hosele, Pentekosta ka ho hong hosele. 'Me pherekano e bonahala e phaellana.

⁴¹ Ka hona, ha u isetsa baena ba rōna Lentsoe le ngoliloeng lena, bongata ba bona ba re, "Be, ha esale matsatsi ao." E mong o re, "E mpa e le histori feela." E mong o re, "Ke buka ea lithoko." E mong o re, "Kerekere e fuoe tokelo ho e fetola." Ebe re eme hokae? Ebe tumelo e ka phomola kae?

⁴² Athé, Molimo, e leng oa Bosafeleng . . . Ke a lumela, efèla haeba re tlil'o ahloloa, 'me esale ho lutse joalo, efela haeba re tlil'o ahloloa ka letho, e tla ba ka Lentsoe la Molimo le ntšitseng thomo.

⁴³ Ka hona, haeba re tlil'o ahloloa ke Lentsoe leo, ekabeba Molimo ke Molimo o sa lokang, ho hlahisa pherekano e kana holim'a lefatše, 'me kelello e fokolang ea motho e ferekane hona, ha etsebe e etse'ng. 'Me e mong o ngolisa ho *ena*, a nto ngolisa ho *eane*. Mokola oa batho o leka ho nahana, o leka ho fumana sebaka se lokileng, o tla mamela bolumeli *bona*, a nto mamela bolumeli bo bong. 'Me eka *bona* bo bonahala bo tlokoma ho feta *bane*; o tla ea teng. 'Me, ntho ea pele, o boetse o khutletse ho ba pele. Ha a tsebe a etse'ng.

⁴⁴ Empa efèla haeba Molimo a tla ahlola lefatše ka letho, e tla ba ka Lentsoe la Hae. Ke lumela hoo.

⁴⁵ 'Me, joale, banabeso. Joale, ha ke rialo, ha ke bue le sehlotšoana se lutseng mona hoseng hona, empa ke bua le moo liteipi tsena li tla romeloa teng lefatšeng ka bophara. Eka—eka le ka 'mamella nakoana, 'me le nahane ka taba eo, nqalo ea Kahlolo e tlameha ho hlaha kae-kae.

⁴⁶ Ebe bang ba bona ba re, "Phetolelo ea King James, kapa phetolelo e itseng. 'Me joale ba hlophisa e—e phetolelo ea Standard, kapa ntho e 'ngoe."

⁴⁷ Kea lumela, efèla Molimo ha e le Molimo oa boikemelo, etsoe E le eèna, Rabosafeleng Eo, O tšoanetse ho hlokomela hoo. E itšetlehile ho Eèna. Efèla ha ke batla ho fihla Leholimōng, ha Hae, ho ho Eèna ho ntokisetsa moo ke tla tseba hore ke etse'ng, moo motho a ka beang letsoho la hae a re, "*Ena ke Eona.*" Le lumellana le hoo? [Phuthetho e re, "Amen." —Mong.] Kae-kae e ka khona... Ho ho Eèna.

⁴⁸ A ka be a sa loka... Hola ke itse, "Morena, ke ne ke le Moluthere," 'me e mong o itse, "Be, ke—ke ne ke le Mokatolike." Be, joale bobeli ba lona ke boo, bo a tsekisana. Joale, motho oa batho o tla etsa'ng? Be, haeba kerekere ea Katolike e lokile teng? Ekabeba Maluthere a lahlehile kaofela. Khele, haeba Maluthere a nepahaetse, Makatolike oohle a lahlehile.

⁴⁹ Le a bona, u tšoanelo ho fumanela tumelo 'nqalo ea phomolo. 'Me ho 'na... Ha ke tsebe lona le ikutloa joang ka eona. Empa, ho 'na, Bibele ke Lentsoe le sa tlaileng la Molimo. 'Me kea lumela hore esale Molimo a falimehetse Lentsoe la Oona, letšao le le leng le se tšohe le tsoa taolong.

⁵⁰ Morali oa ka morao mane, Rebeka, o n'a re, "Ntate, sekolong re pakile ho re... ho thoe lefatše lena le se le tsofetse limilione le limilione tsa lilemo. Ana taba eo ha e thulane le Bibele?"

"Che, monghali," ka rialo. "Ha ho joalo."

⁵¹ "Be," ho re, "haeba e—e hlahlobo ea majoe a fapaneng le lipopo, le liõlomenarale tse tšolohang le liõlomenarale tse hloang le lintho tse joalo, li paka hoo, hore li rothile, limilione tsa lilemo, athe Molimo o itse O hlotse maholimō le lefatše lihoreng tse mashome a mabeli a metso e mene, ana ha e hanetse, ho latola Bibele?"

Ka re, "Che."

⁵² Ha u ka lemoha, Molimo ha o bolella Moshe ka Bibele, O itse, "Tšimolohong Molimo o no o hlole maholimo le lefatše." Khutlo! E qetile nako e kae, ha se taba ea rôna eo. Eaba O tsoelapele a qala a hloma nako ea Hae a kenya peō lefatšeng. Empa, "Tšimolohong," e ka ba makholo a libilione a litrilione tsa lilemo, nako e se nang ho baloa, empa, "Molimo o hlotse maholimo le lefatše." Khutlo! Ke phetho. Eo ke khato ea pele. Le a bona? Ha A etse liphoso tsa letho.

⁵³ Pauluse, 'moleli e moholo, o buile, a bolella Timothea ho, "Bala, u ipake, u ntse u arola Lentsoe la Molimo ka tšoanelo." U Le bale, ka pelō e bulehileng. 'Me ke seo ke lekang ho se etsa.

⁵⁴ Joale, efèla ha tumelo ea ka e theiloe Lentsoeng ka mokhoa oo, ke moo nke keng ka amohela boitlhalosetso bo itseng, hoba Bibebe e tlaleha Bibebe e sa tla ka ho itlhalosetsa ha motho. Joale Moea o sa tsoa senola taba eo. Ke ne ke tseba Lengolo, empa hajoale ha ke tsebe hantle moo le fumanoang teng Lengolong. Empa, lona ba le ngolang, le tla le fumana. Ke nahana le ho Petrose, moo, "Bibebe e sa tleng ka boitlhalosetso ba motho." Ka baka leo, efèla ha mongoli ea bululetseng a buile, 'me Hoo ho fosahetse, ebe libaka tsa Eona tse phoso li kae ka palo? E nèpile eohle kapaa e fositse eohle. Le ke ke la E fetola letho lesèle.

⁵⁵ Ka baka leo, uena, "Be, malebana le kereke teng," u re, "be, ha ho le joalo, kereke!" Che. Ha u ea kerekeng, ebe ke kereke efe e lokileng? Ebe ho lokile kereke efe? Le a bona?

⁵⁶ U tšoanelo ho khutlela moo tumelo e ka phomolang teng. 'Me, ho 'na, ke holim'a Lentsoe la Molimo, ho lumela Bibebe ena e le morero oa Molimo nqa ho batho. Haesale e le oona!

⁵⁷ Jesu o boletse, "Mangolo a tlameha ho phethahala," mono, ke hore, "hohle ho ngolioeng Mangolong." Joale bolokang taba ena kelellong, hoba joale le fumana teipi. Pheletsong ea liteipi tsena, le tla mphihlala ke khutlela tabeng eo, hore e ka khona ho tlatsoe tsohle tse Mangolong. Joale e re e thophothele nakoana, lona tlelase. Le a bona? Hohle ho Mangolong e ka khona ho phethahatsoe. Ka hona, Molimo ha o boletse taba efe, ke moo he, e tšoanelo ho phethahala.

⁵⁸ Kapa, ho seng joalo, ha se Lentsoe la Molimo. Ka hona, ha ho le joalo, e se Lentsoe la Molimo, ebe re eme ho kae? A re fumaneng ntho e tšoanang le Molimo, kapa sohle seo re batlang ho se etsa; joaleka Bibebe ha e boletse, "Ejang, le noe le thabe, hoba hosasa re se re ea shoa." Le a bona? Joale, haese Lentsoe la Molimo, re tla be re lahlehlile bohole.

⁵⁹ 'Me efèla ha e le Lentsoe la Molimo, hlompho ea Molimo e mo tlama ruri. Molimo, Eo e leng qalo ea hlompho eohle, E leng qalo ea hlompho eohle, E leng mohloli oa hlompho eohle, E leng mohloli oa 'Nete eohle, o tlameha ho tšehetse seo A se buileng.

⁶⁰ 'Me Lena ha e se Lentsoe la Molimo, ebe Molimo ke mang, ebe Molimo o kae, kapa na ebe Molimo o teng?

⁶¹ "Oh," u re, "Moena Branham, ke a e utloa." Oh, le-le mohetene a ka rialo ho uena, ka sesèto sa hae. Ho tsamaea ho u ruta selo, ha u iponela eona. "Ka baka leo ke—ke a lumela hore nka sheba ka bona *sena*." E. "Ke a lumela ha eba... Ke—ke lumela kahobane ke—ke fetotsoe *tjena*. Hobane..." Le 'na, ke etsa joalo. Empa, u hopole, bahetene le bona ba etsa joalo.

⁶² Khele, maitšoaro a Afrika a ka khetheha... Merabe e meng eo e ka tlottolla Maamerika mona, a ipitsang Bakreste, e be sesomo, maitšoaro le bohloeki hara batho ba rapelang lisèto tsa bohetene. Ka baka leo, “Mohlomong hoo ke Molimo”? Le bona seo ke se bolelang?

⁶³ U—u a bona, ha u tjamelana le eona, u tlameha ho khurumetsa selikalikoe se seholohali mona, u tlameha ho fumana moo u khutlelang teng u beha letsoho la hao.

⁶⁴ Joale a re nkeng litseko tsa Moluthere; ba a hloleha. A re nkeng litseko tsa Mokatolike; ba a hloleha. A re nkeng litseko tsa Mobaptise, Mapentekosta; ba a hloleha. Ka hona u ke ke ua bea tšepo ea hao ho tsona.

⁶⁵ Empa ha ho letho le ngotsoeng Bibeleng ena Molimo o sa ka oa le paka, ka motho e mong, ho thoe ke 'Nete. Le a bona? Ke 'Nete. Ke boletse kamehla, koana tumelo ea ka e ka sitoa ho hloella moo Henoke a kileng a hloella teng, empa ruri nke ke ka ema tseleng ea motho ea ka hloellang mono, tumelo e khôlô.

⁶⁶ Joale, ho thea motheo ona, hoo, mabaka ao ke lumelang Bibebe ka oona. 'Me therò ea ka e tsoa moo.

⁶⁷ Joale, ntho e latèlang eo ke batlang ho e bua, hore, ha ke lumele Bibebe e Itoantša. Ke phepelitse, lefatše ho pota, bathong bafe, ba tsekang joalo, ho tla mpakela eona. Le a bona? Tloo, u e pake. Bibebe ha e Itoantše. Ke uena ea loantsang Bibebe. Molimo o ke ke oa Itoantša. Ha A etsa joalo, E tla be e se Molimo. 'Me haeba Lentsoe lena e le Molimo, ke hona, 'me Le thulana, u fetola Molimo Moitoantši. Joale ebe Molimo oa hao o kae? E a tiea, ha ke re, e a thatafala? Ha Molimo o Itoantša, ha A mphete ka letho, kapa ha u fete ka letho, hoba O khona ho Itoantša. Lentsoe le teng mono, empa Le patetsoe mahlo a ba masene le ba bohlale.

⁶⁸ Ke ka hona motho a reng, ho thoe, “Mattheu 28:19, mono, ‘E-eang le rute lichaba tsohle, le ba kolobetse ka Lebitso la Ntate, Mora, Moea o Halalelang.’ Liketso 2:38 e itse, ‘Bakang le kolobetsoe, Lebitsong la Jesu.’ Ke toantsano.”

⁶⁹ Ha e itoantše. Mang le mang ea kileng a kolobetsoa, u lokela ho kolobetsoa ka Lebitso la Ntate, Mora, Moea o Halalelang. 'Me ha u sa kolobetsoa, u sebelisa Lebitso la "Jesu Kreste," ha u a kolobetsoa ka Lebitso la Ntate, Mora, Moea o Halalelang. O kolobelitsoe ka litlotla tse itseng tsa Lebitso. Haeba hoo e le... e se tšenolo e lokileng, etlaba Bibebe e ne e fositse mohla E ne e tsoelapele 'me mang le mang a kolobetsa ka Lebitso la "Jesu Kreste." Empa haeba Bibebe, e kolobelitse, e mong le e mong oa baapostola, ho theoha joalo le mongoaha oohle, a kolobelitse ka Lebitso la "Jesu Kreste," hoba Jesu a ba rome ho ba kolobetsa ka lebitso la "Ntate, Mora, Moea o Halalelang," ekabeba Bibebe e hlile e a Itoantša. Empa ha u ka E sheba, ha E joalo. Ba entse hantle seo A se boletseng. Ha se litlotla; empa Lebitso! Ka baka leo, thulano ha e eo.

⁷⁰ Nka ntša a makae hape mona, ao ke a ngotseng fatše, moo batho ba reng A Itoantša. Ke kopile, lilemo tse mashome a mabeli a metso e mehlano, eka ba mashome a mararo joale, motho ho mpontša. Ha e eo. Che, monghali.

⁷¹ E teng mono, 'Nete, 'Nete eohle, 'me le letho haese 'Nete. 'Me tumelo ea röna e phomotse mono, hantle mono holim'a seo Molimo a se buileng. Le se—le se leke la Le toloka. Le bueng kamoo Le Le buang. Le se kenyé ho itlhalosetsa ha motho. 'Me ke lumela ho se letho le sele.

⁷² Joale, kea tšepa, haeba e thonkha, ha se bokhopo. Ke leka ho bolela lebaka la ka ho lumela seo ke se lumelang, le kamoo ke sebelitseng kamoo ke sebelitseng, ka lintho tseo ke li entseng. Ke leka ho itlhahisetsa lefatše, ke entse hona hoba e le kholiseho ea ka.

⁷³ Ke lumela hore lentsoe lefe feela le eketoang Bibeleng ena, esita le motho ea jereng molato oo, kabelo ea hae e tla tlosoa Bukeng ea Bophelo. Tšenolo 21. "Mang le mang ea ekeletsang Mona, kapa a tlosa Mona." Ha ke lumele ha tumeloana efe feela, tšomo efe feela, ntho efe feela, haese Lentsoe la Molimo ka bolona, e le leano la Molimo. Ntho efe feela esele e tletse sebe, 'me e tla phetetsoa, 'me e tla timela ka Bosafeleng; motho mang, tumelo efe feela, bolumeli bofe, kapa letho le ka ekeletsang kapa la fokotsa letšao le le leng la Lentsoe lena.

⁷⁴ Molimo, Oo e seng molimo oa maobane, o ngotseng buka oa ntano e neeletsa matsoho a mphi ea banna, 'me—'me oa e tlohelha ho ferekangoa le sohle sesele, ebe o tla ahlolha lefatše ka buka eo.

⁷⁵ Empa Molimo o E ngotseng, o a phela, o phela ka hara Eona, 'me o thasisetsa Lentsoe la Hae. Joale, ha u mameisa liteipi, ke batla u e lekolisise hantle mono, tlhahiso eo. U a bona?

Joale, ke qala ho Genese.

⁷⁶ Ke tšethemetse koana ho Tšenolo joale, ho e kopanya 'moho, ho re lena ke Lentsoe la Molimo. Tšenolo e bua, e re, "Mang le mang ea ka fokotsang ho Lona kapa a ekeletsang ho Lona, le eèna ho tla tlosoa, kabelo ea hae, Bukeng ea Bophelo." Ke tla fetela Lengolong, ke le qotse, ka morao ho nakoana. Tšenolo, khaolo ea ho qetela.

Eo ke khaolo ea 1, e a bontša joale. Eng?

⁷⁷ Lentsoe ke eng? Joale, Ke la Bosafeleleng. Ha Le a tšoanelha ho hlophshoa, ho ekeletsoa, kapa ho fokotsang. Le a bona? Ha le a tšoanelha ho hlophshoa. Molimo o hlakomela hoo. Ha Le a tšoanelha ho ekeletsoa, le letho ho Lona. Ha ho letho le ka fokotsang ho Lona, hoba Ke la Bosafeleng. Le a bona?

⁷⁸ Joale, ho thea holima hoo, ho le bontša ha seo ke lekang ho se bua se le lipakeng tsa lintho tsena, Genese ho isa ho Tšenolo, Le ke ke la tsoakana le letho lesele. Joale, ke hona moo re tli'l'o

fapanā, ho tloha mona ho fihla hora ea bohlano thapama ena. Le a bona? Ke hona moo re tlil'o fapanā. Ke ba bakae ba tla lumela *Ena* e le Buka ea Molimo ea Kahlolo, hore re tlil'o ahloloa ho latela Lentsoe la Molimo? [Phutheho e re, "Amen."—Mong.] "Ho se ke ha ekeletsoa letho teng, kapa ha fokotsoa letho teng." Joale hobane'ng ho entsoe hona? Joale re kena tabeng eo. Hobane'ng hoo ho entsoe ka ho khohlala hakana? Joale re tlil'o e fumana, lipakeng tsa Genese le Tšenolo, ho theohela nakong ea rōna hantle, tlase mehleng e meng.

⁷⁹ Joale, e reng ke e hlakise ho hlaka, molemong oa liteipi. Joale, hoba ke le boelle lebaka la ka ho lumela Lentsoe, le seo Molimo a se boletseng ka Lona, le kamoo Le sa lokelang ho tšoaroa kapa ha ekeletsoa teng, ho fokotsoa, ke batla ho kena karolong e teteaneng ea eona, mokotaba o molelele oa therō ena eo ke e ralileng, 'me ke le hlalosetse, le ho le bontša se hlahileng. Ke moo le tla bona lebaka la ka ho lumela seo ke se lumelang. Le a bona? Joale, Le ke ke la tsoakoa, 'me Le ke ke la tsoalisoa le letho. Le ke ke la tsoalisoa.

⁸⁰ Kajeno ke letsatsihali la ho tsoalisa liphoofofo, mabele, koro, ho bopa sehlahisoa se khahlang, empa ha se na molemo. Se bolile. Ha se na bophelo. Se a shoa; ha se khone ho ikatisa. Se shoele.

⁸¹ Hobane, sohle seo re se fumanang lefatšeng kajeno, sebopēhong sa sona sa tšimoloho, ke Lentsoe la Molimo le builoeng.

⁸² Ke ka baka leo moulu, phoofolo e hlahileng e le lebasetere ka ho fapanya lipoē, e sa khoneng ho boela e itsoala. Molimo o entse pere, 'me O entse moulu...kapa o entse ese. Ha u li tsoalisa, u fumana moulu. Ke sebeoa se futsoetsoeng, ka hona ha se khone ho itsoala.

⁸³ Re tlil'o thulana le peō ea noha, ka mora nakoana, joale. Ha o khone ho itsoala hape.

⁸⁴ Joale le hlokomele therō ea ka: *Lentsoe Le Builoeng Ke Peō Ea Tšimoloho*. Joale ke batla ho paka taba eo.

⁸⁵ A re phetleng joale koana ho Mattheu 24:35, nakoana feela. 'Me—'me e re re sa hlahloba Mangolo ana, nakoana, 'me ke tla bona na nako ea rōna e kae. 'Me mona ke batla ho bala Lentsoe leo Jesu a le buileng. Mattheu 24, le temana ea 35. Khaolo ea 24, temana ea 35, ho bontša kamoo Lentsoe lena e leng la Bosafeleng, seo esaleng re se buile khafetsa. "Kannete..." 34.

Kannete ke re ho lona, Moloko oona o ke ke oa feta, tseo tsohle li eso etsahale.

Maholimo le lefatše li tla feta, empa lipolelo tsa ka li ke ke tsa feta.

⁸⁶ Joale, na ebe hoo u ka ho tsoaka le hofe? Joale, Bukeng ea Tšenolo, khaolong ea 22 le temana ea 19, ke rata ho bala sena.

Tšenolo, khaolo ea 22 le temana ea 19, le ho bona se boleloang ke hona. Ha re qaleng ka temana ea 18. “Hoba ke pakela e mong le e mong . . .” Joale le hopole, ho tsoa ho Genese, moo A buileng Lentsoe. Le a bona?

Ke pakela ho e mong le e mong (ke moprista, mopapa, bishopo, mookameli oa selika, leha e ka ba mang) *ea utloang lipolelo tsa boporofeta ba buka ena, Hore ha motho a li ekeletsa, Molimo o tla ekeletsa holima hae likotsi tse mgoliloeng bukeng ena:*

⁸⁷ Le reng ka litšomo tsa lona? Le reng ka litumeloana tsa lona tseo le li mame lang athe ha li kheme le mangolo? Hara malumeli oohle, ha ho le e 'ngoe e tlolisoang mahlo.

...ekare ha e mong a tlosa ho hong lipolelong (ho re ha li sa tšoana, le a tseba, le a bona)...tsela, *lipolelong tsa boporofeta ba buka ena, Molimo o tla tlosa kabelo ea hae sefateng sa bophelo, le motseng o halalelang*, tseo tse ngoliloeng bukeng ena.

⁸⁸ E ka bang moreri, le a bona, e ka bang setho sa kereke, bophelo ba hae bohole, e ka bang bishopo, kapa mopapa; mang le mang ea fokotsang Lentsoe le le leng la Sena, Lentsoe le le leng feela!

⁸⁹ Na le elelloa Lentsoe le le leng le belaetsoeng ke Eva, e le lona sesosa sa mathata oohle? Lentsoe le le leng le builoeng la Molimo, Eva o le belaetse e le 'Nete, 'me ke sesosa sa lefu ka leng, boloetse ka bong, lesea ka leng le sotlehang. Le qositse kaho ea kokelo ka 'ngoe, karo ka 'ngoe e kileng ea sehoa, lefu ka leng le kileng la shooa, motho a le mong ho lumela ntho e le 'ngoe . . . ho se lumele Lentsoe le le leng. Ke moo he. Eva o lekile ho etsa'ng? Ho Le tsoalisa, ho Le tsoaka le ho hong.

⁹⁰ U lokela ho Le amohela kamoo Molimo a Le buileng. Le ke ke la tsoakana le letho le sele. Che, monghali. Jesu o kile a bua, “Ha le ka fuoa tumelo e kaa ka peō ea mosetareta.” Ho thoē peō ea mosetareta ha e futsoeloe. Le ke ke la e tsoaka le letho. Le ka tsoaka lihlaku tse ling, empa le ke ke la tsoaka peō ea mosetareta, le a bona, hoba ha e hana ho futsoeloa. 'Me ha le ka fumana tumelo ea mofuta oo!

⁹¹ Ke eona taba, ho nka Lentsoe le le leng la Molimo, baevangeli ba bangata hakana ba ngamōha hona moo. Re tla e finyella hamorao. Kamoo ba reng, “Oh, re lumela sena.” 'Me ba ntano nka hoo, 'me ba lumela Lentsoe le le leng leo feela, 'me ba ka le sebelisa. Empa le reng ka le leng le bapileng le lona?

⁹² “Ho lehlohonolo ea phethisang litaelo tsa Hae tsohle, melao.” Le a bona? “O tla fuoa tokelo ea ho kena Sefateng sa Bophelo. Hoba ka ntle ho tla sala baloi, lintja, le baboki, le ba joalo.”

⁹³ Joale, tlelase ea ka e tsoakane, empa mona ke kakatletse therò e ngata e buang phatla-nchocho. Ke batla lona likhaiseli le utloisise ke hona, le a bona, le kholisehe ho utloisia.

⁹⁴ Joale, re Le lumela ka lebaka leo. 'Me Ke Lentsoe la Molimo. Ha ho le joalo, Lentsoe la Molimo le builoeng ke la tšimoloho. 'Me sohle seo Molimo a se hlotseng, a se bopileng ka lentsoe, ke sa tšimoloho.

'Me le ka khona ho tsoalisa popo e 'ngoe ea Hae, ka mokhoa oa bobeli.

⁹⁵ Ke lona lebaka Eva a khonneng ho etsa seo a se entseng, ka peō ea hae, hoba a ne a le sieo popong ea mantlha. Ke khoabi ea monna, ha e fumanoe popong ea Molimo. Molimo o hlotse ntho eohle, eaba O ngoatha karolo ea popo ea Hae 'me a etsa molekane.

⁹⁶ Ka lona lebaka leo le ka hoelisa esele ka pere, empa ha e na mokoka. Ke lefu.

⁹⁷ Empa ea mantlha e na le bophelo. E boela e khutla. Kea tšepa joale le ka e bona. Ntho ea mantlha e na le bophelo.

⁹⁸ Ho latèla khopolo ea ka ke lona lebaka mekha, le bolumeli, le mekhatalo, e shoang. Nalane e li pakela joalo, e 'ngoe le e 'ngoe, e shoele. Ha li a ka tsa hlola li tsoha; li ke ke tsa hlola. Ha li khone ho itsoala hape; ha ho letho ho li tsoala. Ke linyopa. Ke ka baka leo bana ba Eva ba shoang.

⁹⁹ Ke nka nako ea ka, e le hore, liteipi, li fumantše batho nako ea ho lekolisisa. Ha ke batle ho potlaka. Ke batla ho nka nako ea ka feela. Ha ke tsebe se tla etsahala ho tloha joale, empa ke—ke batla taba ena e finyelle batho. Hore, leha Molimo a ntlosa lefatšeng lena tsatsi le leng, ke sa phelele ho bona ho Khutla ha Hae, Molaetsa o tla nne o phele. Ruri. Lulang le Lentsoe.

¹⁰⁰ Joale, le hopole, Lentsoe le leng le le leng le builoeng la Molimo ke Peō ea tšimoloho. Molimo o no o jale ntho e 'ngoe le e 'ngoe lefatšeng, ka Lentsoe la Hae. 'Me ha le lula le peō ea mantlha, le tla boela le itsoala 'me—'me le ikatise hape. Ha u le tsoalisa, le a shoa.

¹⁰¹ 'Me Eva, mosali, ke ntho ea pele e kileng ea futsoeloa. Joale, ke kholoa le sa tlo koala liteipi pele re fihla 'me re paka taba eo ka mora nakoana, le a bona, ho le bontša lebaka. E ne e le mofutsoeli, monyaluo. Lemohang, hoo ho hlasisitse lefu, ka ho leka ho nka Lentsoe la Molimo le ho Le tsoaka ka bohlale bo itseng. Le a bona? Ha se tšoanelo ho lona ho etsa joalo.

¹⁰² 'Me leha u lumela E le... u ena le bohlale ho Le hlalosa. E re feela, "Molimo o e buile, 'me ke ho fela. 'Me Molimo o itsalo, 'me ke pheto se leng teng." Ha u sa khone ho Le hlalosa, Le tlohele. U mpe u re feela, "Le joalo, hoba Molimo o itsalo." U a bona? Ke eona. Molimo o Le buile.

¹⁰³ Joale lemohang. Joale, Le ke ke la tsoakana. Ha Le a tšoanelo ho hlophshoa. Molimo o tla otla ea etsang hoo. 'Me Le ke ke la futsoeloa le letho. Ke Lentsoe la Molimo, le inotši. Molimo ha u hloke lentsoe la hao le kopane le la Hae. Ha rea lokela ho bua lentsoe la rōna. Re loketse ho rera Lentsoe la Hae, Lentsoe la Molimo.

¹⁰⁴ Joale, ha ho le joalo, bophelo ba 'nete bo ka tlisoa feela kapa bo ka ikatisa feela ka tsoalo ea bona ea mantlha. Le a bona, bophelo! Joale ke-... Joale le hlalobe taba eo, joale, ha le ntse le hlahloba liteipi. 'Me le e hlahlobe joale. Bophelo, b-o-p-h-e-l-o, bo ka boela ba hlahisoa ka tsoalo ea bona ea manthla, kamoo bo qalileng tšimolohong, ebe bo ithhahisa hape. Le a bona? Ha bo sa etse joalo, ke ntho e futsoetsoeng, bo a nyamela. Bo bong bo timela, molokong oa pele. Le a bona? Bo feela hona moo. Bo iphumana bo khutlide kapele. Bo ke ke ba hlahisa bophelo bo nèpahetseng, hoba e le ntho e futsoetsoeng.

¹⁰⁵ Genese 1:11, Bibele e boletse. Jes-... Molimo o boletse, "Peō e 'ngoe le e 'ngoe e hlahise se sa eona." Joale, ha Molimo o no o rialo, ho ituletse joalo. Ho lutse joalo kamehla. "Peō e 'ngoe le e 'ngoe e hlahise se sa eona." Ho e tsoaka, ho hlahisa sejalo sa setonana. Ke sejalo sa setonana sa eng?

¹⁰⁶ Mamelang joale. A re sesiseng butle. Ho e tsoaka... Ke leka ho itšoara. Lithero tse kang tseo, nka rera ka tsona. Empa ke leka ho itšoara ho etsa hoo.

¹⁰⁷ Ho e tsoaka, ho tla hlahisa sejalo sa setonana, joaleka ha ho pakiloe. Empa ke sejalo sa mofuta mong? Sejalo sa mafofisa, lefu. Ako futsoele mabele a hao feela, a hlahisa sejalo sa setonana, sejalo se settle, se khahlang, se mpa se shoele. Ako boele u se jale; ha se khone ho ikatisa hape. Se felile. Ke ho fela ha sona.

¹⁰⁸ Joaleka Eva, le a bona, o hlahisitse sejalo se futsoetsoeng. Re shebeng kajeno, 'me le ka qamaka la bona 'nete eo. Uh-huh. Le a bona? Ehlide bo. E ne e se morero oa Molimo. Che, monghali. Ke loketse hoikhina, mabapi le seo ke se hopotseng hona joale. Le a bona?

¹⁰⁹ Ho e tsoaka, ho hlahisa sejalo se futsoetsoeng. 'Me sejalo se futsoetsoeng ke sejalo se shoeleng, ha re bua ka tsoaliso bocha. Ha se khone ho itsosa. Se ke ke sa khona, hoba Molimo o itsalo. Se tlameha ho hlahisa se sa sona, 'me u se tsoakile. Joale hona mono le ka bona kereke, moo re tla fellaleng. E shoele hona mono, hoba e ke ke ea hlahisa se sa eona. Hobaneng? E tsoakiloe. U ke ke ua etsa letho ka eona. E shoele. Ho felile ka eona. Ke hantle.

¹¹⁰ Moloko o mong le o mong o fuoa tsoseletso ea oona ka morero oo, monyetla oa Lentsoe, hore Molimo o ikemetseng Kahlolong... Sehlopha sa John Wesley se tla tsoha, 'me kajeno Mametholise ana a hoamisitsoeng ke seteisele a tla ikarabela. Luthere o tla tsoha. Makatolike a tla tsoha (morao motše, Irenaeus, Martin, Polycarp le bao) 'me a tla lokela ho emela Kahlolo, ka ho tsoalisa Lentsoe la Molimo ka litšomo. Sehlopha sena sa Maluthere se kileng sa sala tsoseletso ea Luthere morao se tla arabela ka ho tšoana. Sehlopha se lahliloeng sa Baptise sona se kileng sa sala tsotseletso ea John Smith morao se tla etsa joalo. Sehlopha sa Alexander Campbell se tla etsa joalo.

¹¹¹ Le Mapentekosta a tla etsa joalo. Tsoseletso eo ea mantlha, mohla Moea o Halalelang o no o tšoloha, oa bitsa batho, 'me Molimo oa leka ho e tlisetsa Lentsoe la Hae. 'Me ba e hlaphisa, ba itulela mona, 'me ba hlaphisa bolumeli, 'me ba shoetse hona moo hantle.

¹¹² U re, "Empa shebang seo ba se etsang." Re sa tla fihla mono, hamamorao, kajeno. Le a bona? Re tla theohela hantle nthong eohle ea... Hajoale ke mpa ke sunya Peō. Re sa tla le bontša, hamorao, se etsahetseng. Uh-huh.

¹¹³ Joale, ka lona lebaka leo tsoseletso ka 'ngoe e fuoa letsoso... Moloko o mong le o mong o fuoa tsoseletso ea oona. Molimo o hlahisa monna oa Oona, o mo hlomela ka Lentsoe la Oona, o mo romela ka molaetsa oa mongoaha oo. 'Me hang ha monna eo a tlosoa temeng, motho e mong o a o tšoara a o futsoele. Ntho eohle e oela phethehong, ntho e 'ngoe le e 'ngoe, e ka 'na...

Nka ema motsotso mona. Ha re a potlaka. Le a bona?

¹¹⁴ Khutlelang morao. E qalile hona hoo hantle, morao koana timolohong, ho Genese. Molimo o kile oa hloma sejalo sa Oona sa morabe oa batho, 'me eaba Eva o a o tsoalisa. Le bona se etsahetseng? Ka baka leo kahlolo ea Eva e teng.

¹¹⁵ Luthere o kile a tsoa. Ba bang bohle! Kreste o kile a tsoa. Baapostola ba kile ba tsoa. Baporofeta ba kile ba tsoa. Na Jesu ha a re, "Ke mang hara lona, na bontata lona ha se bona ba hlorisitseng baporofeta bao Molimo o ba rometseng?" Na ha A ruta a re morena o kile a roma lenqosa la hae, a boela a roma lenqosa le leng, a boela a roma lenqosa le leng, le joalo-joalo, qetellong a roma mora oa hae? Le a bona?

¹¹⁶ Moloko o mong le o mong o amohela, hobane o boela o ipheta o khutlela ho E-...E-... Adama le Eva, hape, sejalo sa pele, tšimong ea Edene. Halofo ea bona e ile ea timela; moroetsana ea bohlale, moroetsana ea robetseng. Halofo ea bona, e mong o bolokile Lentsoe, e mong a le tsoalisa; morao le pele hantle, ka sekhhahla seo e ka se khonang, hantle ka mokhoa oo. Esale e sebetsa joalo mongoaheng. Re tla e paka ka Lentsoe la Molimo le ka nalane mona. Ke hantle. Ho tsoalisa!

¹¹⁷ Ho tsoalisa ho qalile pele Edene, ho qalile Genese. Ke tšimoloho, ke hona teng. 'Me ho qetella ka koano ka mona ho Tšenolo, ho Khutleng ha Kreste labobel.

¹¹⁸ Joale hopolang, ka nèpo. Moloko o mong le o mong o fuoa tsoseletso ea oona ka morero oo, o fumana monyetla oa Lentsoe. 'Me ebe ba e tsoalisa. Sebakeng sa ho tsoelapele, ba khelohela nqa esele.

¹¹⁹ Thomo ea ka, kea lumela, eo Molimo a mpilelitseng eona. Ke—ke loketse ho bua lintho tse ling tse buang ka 'na kajeno, hoba ke le boleletse ke tla etsa joalo, le a bona, le ho

bolella lefatše. Thomo ea ka, kea lumela, ho lefatše, ke (eng?) pulamaliboho ea Lentsoe le tlang ho tla, le a bona, Lentsoe le tlang ho tla e leng Kreste. 'Me Kreste, ka ho Eèna, Mileniamo o teng, le ntho eohle e teng mono, hoba Ke Lentsoe. Le a bona? Ho lokile.

¹²⁰ Jesu o boletse, ho Johanne 3:5. Joale, ha le batla ho le ngoapa fatše, Johanne 3:5. Bohle re a le tseba, kapa ke mpe ke phetle. Mohlomong motho ea teiping a ke ke a khona ho phetla ka nako eo. 'Me ke tla bala mona ho Mohalaleli Johanne, khaolong ea 3 le temana ea 5. 'Me re tla bona seo Jesu a se buileng. Re ka 'na ra qala pejana ho moo, ea 3.

*Jesu a araba a re, Kannete-nete, ke re ho uena,
Motho ha a sa tsoale la bobeli, o sitoa ho bona 'muso
oa Molimo.*

*Nikolema a re ho eèna, Na motho a ka tsoaloa joang
ha a se a tsofetse? na a ka boela a khutlela popelong ea
'ma'e, a boela a tsoaloa?*

*Jesu a araba, Kannete, . . . ke re ho wena . . . ho uena,
Motho ha a sa tsoaloa ka metsi le . . . Moea, o sitoa ho
kena 'Musong oa Molimo.*

¹²¹ Na ke Peō eo? Lentsoe le leng le le leng le builoeng la Molimo ke Peō. Ke hantle. Ke tla e paka motsotsong, moo Jesu a boletseng joalo. Lentsoe le leng le le leng le builoeng la Molimo ke Peō.

¹²² Efèla, "Motho ha a sa tsoaloa labobeli." Hobaneng a tsoanetse ho tsoaloa labobeli? O shoele, ka nama eo a phelang ho eona. Ke mofutsoeloa. Eka khona a tsoaloa labobeli. Hobaneng? O tsoaletsoe sebeng, ho tsoa sebeng sa Eva, o bopetsoe bokhopong; o tlie lefatšeng, a bua mashano. Ke raleshano, le ho qaleng. Ho sa tsotellehe u masene hakae, u rutehile hakae, le eng, ke raleshano. Bibebe e mo tlaleha joalo. Hore batsoali ba hae ba ne ba halalela hakae, kapa ntho efe feela e malebana le eona; ke raleshano, le ho qaleng. 'Me tsela e le 'ngoe feela a ka buang 'Nete, ke ho bolela seo 'Nete e leng sona, ka melomo ea hae. Eona feela tsela eo 'Nete e ka hlahang ka eona. Ntho efe feela e khahlano le Lentsoe leo, ke raleshano, le joale. E hlile e bataletse, empa ke seo Molimo a se boletseng. Uh-huh. "Lentsoe la motho e be leshano, la Ka e be 'nête.' Le a bona? Ntho efe feela e tsoang melomong ea hae, e le khahlano, ho latôla Lentsoe lena, kapa ho Le beela morabe kapa moloko o mong o itseng, kapa e ka bang eng, ke raleshano. Ruri ho joalo. O tlamehile ho tsoaloa labobeli, ebe hona a bonang Lentsoe ka leng. Tsela feela ea hae ho tsoaloa labobeli, ke Bophelo boo ba Molimo ka ho eèna, ho hlahisa Bophelo boo.

¹²³ Peō e tšoanelo ho fumana metsi, ho mela. Joale, kenya peō mobung. Mobu ha o se lesoe, ke lerole, 'me e ke ke ea mela leroleng. E ka sitoa. E loketse ho fumana lesoe la pheresente

e itseng, ho seng joalo e ke ke ea mela. Ho joalo? “Letere e a bolaea. Moea o a E Phelisa.” Le a bona? Joale, e lokela ho fuoa lesoe, ho mela.

¹²⁴ Lentsoe la Hae ke Peō. Joale ho paka seo, ha re phetleng ho Luka khaolo ea 8, temaneng ea 11, ’me re bone haeba e le ’nete kapa che, haeba—haeba Bibele e re Lentsoe la Hae ke Peō. Luka, khaolong ea 11 kapa...Khaolong ea 8, ke rialo, le temana ea 11, ’me re tla bona seo Molimo a se buileng malebana le eona; khaolo ea 8, temana ea 11. Joale O tsoelapele le ho qala a bua. Lintho tse ngata li ka boleloa ka eona. A re qaleng ho ea 4, ho bala feela.

Eare ha bongata bo boholo, ba ba tsoang metseng teng bo phuthetse ho eèna, a bua le bona ka litšoantšo a re:

Mojali o na a tsoile ho ea jala lijalo tsa hae...ho jala—ho jala lijalo tsa hae: eitse ha a ntse a jala, lijalo tse ling tsa oela pel'a tsela; tsa hatoa ke batho, ’me linonyana tsa leholimō tsa li ja kaofela.

Tse ling tsa...majoeng; ’me...tsa mela, tsa ba tsa pona, ke ho hloka lesoe.

¹²⁵ “Lesoe.” Baptise, Mapresbeteriene, Maluthere, ba se nang Metsi. ’Me khetlo la pele ha a sokoloha, u sheba hantle ho Kreste; u a lumela. ’Me ntho ea pele u a tseba, bolumeli boo bo mo tlamella sekhetlong hona, ’me lesoe la Moea le moefafetse ho eèna. U fetoha lethapa la bolumeli, ’me u shoele. E seng Baptise feela, empa Pentekosta. Ha le e lumele, ke a tseba bongata ba lona ha bo khone. Empa beang butle, re tla bona moo Bibele e hlilosang joale, kapa che. Ho lokile. “Ka ho hloka lesoe,” lentsoe la ho qetela temaneng ea 6 ea khaolo ea 8. “Ho hloka lesoe.”

Tse ling tsa oela hara meutloa; ’me...mela hammohe le tsona, ea li pupetsa.

¹²⁶ Le a bona? E ne e le eng? O tsoelapele ’me o re tse ling, hang feela ha li se li...Nke ke ka honyetsa setebele se le seng kajeno, ka letho. Le a bona? Hantle feela seo ke se nahananang ka Borakhoebo ba Bakreste, le ba bang bohle, ba mekhatalo ena ea Pentekosta, le batho bana ba hahang linthohali tsena tsa limilione tsa didolara, matlotlo a lefatše a pupelitse khanya le Moea oa Molimo. Li a shoa, hoba li pupelitsoe. Lefatše, mokhathala oa lefatše, o li pupelitse tu.

¹²⁷ Basali ba batla ho ba mahlahahlaha, ’me ba pome moriri oa bona ba ikutemekuto ea hloohometsi, ba apare marikhoana, ’me eke lefatše lohle. Moreri o ema sefaleng, ka...ba ikoetlisetsa “li-amén” tsa bona, ’me ba tšaba Lentsoe la Molimo, ka baka la teketana ea lijo. Ha ba sa palame Calillac, ha ba sa nnkuoa e le batho ba moea. Hantle. Ha ba sa

apare liaparo tse ntle ka ho fetisia, 'me ba etsa ntho e 'ngoe le e 'ngoe e sele, ba—ba nnkuoa e le, "Ba oele mohaung. Ha ba *tjena-le-tjena*."

¹²⁸ Leqheku la monna motšeо mane, motsofe Moena Kidd, o mpoleletse hoseng hona, ha ba sa 'matla, hoba o tsofetse 'me o tsepama Lentsoeng hantle. Molato ke'ng? Ba hloka lesoe. Ho lokile. "Mme tsa oela . . ."

Tse ling tsa oela mobung o motle, tsa mela, tsa bea . . .

. . . eare hobane a bolele tseo, a hooa a re, Ea nang le tsebe ho utloa, a utloe.

¹²⁹ Oho, ke setšoantšo se se kakang! Kamoo nka ratang ho ntša mohlolithero mono joale, ther. "Eare hobane A bolele tseo," khaolo ea 8, kapa temana ea 8 ea khaolo ea 8.

. . . tse lingoe tsa oela mobung o motle, tsa mela, tsa bea halekholo. Eare hobane a bolele tseo, a hooa a re, . . .

¹³⁰ A hooeletsa, mohlomong ntho e kang ena, ha A ne a re, "E tla bea halekholo":

Ea nang le tsebe . . . a utloe.

¹³¹ Uh-huh. Ka mantsoe a mang, "Ha tsebe ea hao e leolitsoe nqa Molimo, a ke a utloe." Le a bona?

. . . barutuoa ba hae ba 'motsa, ho re, Na setšoantšo seo se reng?

A re, Lona le neiloe ho tseba liphiri tsa 'muso . . .

¹³² "Liphiri." Le bona seo A buang ka sona mona? Joale lemohang. Liphiri tsa 'Muso ke life? Elelloang motsotso feela.

. . . liphiri tsa 'muso oa Molimo: ba bang ba mpa ba li utloa ka litšoantšo; hore ho boneng ba bone . . . ba se ke ba bontšisa, le ho utloeng ba se ke ba utloisisa.

¹³³ Le a bona? Empa Lentsoe la Molimo le theohela Kahlolong hantle, ho ba ahlola, hobane ba Le bone. Le ne le teng mono.

Joale setšoantšo ke sena: Peō ke Lentsoe la Molimo.

¹³⁴ Peō ea Bophelo ke eng? Lentsoe la Molimo. Ka baka leo, ho fumana Bophelo, u ke ke ua tla ka tumeloana. U ke ke ua tla ka bolumeli. U loketse ho khutlela Lentsoeng, joale, Peō ea Bophelo. Ho lokile.

¹³⁵ Lentsoe la Hae ke Peō ea Hae, 'me Moea oa Hae ke Metsi. Joale hantle morao ho Johanne 3:14, ke lona bao le boetse le e tšoere, le a bona. Le a bona? Moea o a phahamisa . . . ke Metsi. Joale, shebang, Johanne 3:14. Re utloisisa seo e se bolelang. Le batla ho e bala.

'Me joalo ka ha Moshe a na a fanyehe noha ea borase felleng, . . . Mora motho e ka khona a fanyehoe le eēna:

¹³⁶ Le a bona? Joale, efèla Moshe ha fanyehe noha ea borase, ka oona morero o tšoanang le oo Kreste a fanyehiloeng ka

oona. Joale ke ofe? Moshe o fanyehile noha ea borase e le hore batho ba timelang ba fumane metsi a ho phela. Shebang, Jesu... Oho, Molimo! Jesu ke Lentsoe la Molimo.

Joale re tlil'o e khokhethela ruri, thapama ena, le a bona, ho e paka.

¹³⁷ Jesu ke Lentsoe la Molimo. 'Me O ile a hahōloa, Bophelo boo. Bophelo bo ka hara Peō. E le hore, Bophelo bona, e leng Moea, Metsi a phallang ka holimo; Moea holim'a Peō ea Molimo, o tla hlahisa Bophelo ba Peō. 'Me ha e melisa ntho e 'ngoe e sele, mofuta o mong oa peō o teng mono. Amen. Le a utloisia? [Phutheho e re, "Amen."—Mong.] Ha Moea oa Molimo o theoha ho nosetsa Peō, haeba O nosetsa Peō, e tla hlahisa Bophelo ba Peō. E hlakile? ["Amen."] Ho hlahisa Bophelo ba Peō, hoba O abetsoe morero oo.

¹³⁸ Kea lumela Bibebe ke lona—ke lona Lentsoe, 'Nete eohle. 'Me Jesu ke Lentsoe le pepesitsoeng. Eèna le Lentsoe la Hae ba Bang le ntho e le 'ngoe. Eèna e ne e le eng? Joale shebang. E ne e le Peō eo.

¹³⁹ Ke lokela ho koetla ntho e itseng, hore, e tle e kene mona phirimana ena, le a bona. E thata.

¹⁴⁰ E ne e le Peō eo Eva a tlamehileng a ka beng a e hlahisitse. Le a e tšoara na? [Phutheho e re, "Amen."—Mong.] E ne e le Peō eo Eva a na... ho e hlahisa. A mpa a E tsoalisa, ka ho se lumele Lentsoe la Molimo.

¹⁴¹ Ka baka leo, E ne e le Peō eo. 'Me mokhoa o le mong feela oo Bophelo bo hlhang, katisong ea Bophelo, Bophelo bo ne bo loketse ho tla ka Peō eo. 'Me Peō eo ea lokela ho shoa, hore e tle e abe Bophelo. Oh! Ha le e bone na? Metsi a abetsoe morero oo, ho nosetsa Peō eo. Moea o Halalelang, o nong o le tšimong ea Edene, e ne e le ho nosetsa Peō.

¹⁴² Motho o ne a sa bopeloa ho shoa; o na bopetsoe ho phela. Empa ho tsoalisa ho hlahisitse bophelo... lefu mono, ke rialo. O ile a E tsoalisa. Joale lehana peō ea noha? Joale ke tla le botsa hobaneng le... Litšebeletso tsee tsa mapato ke tsa'ng? E ne e le ntho e futsoetsoeng. E mong le e mong oa rōna ke mofutsoeloa o tsoang tšimolohong. Ke ka baka leo le sa phetseng ho shoa.

¹⁴³ Empa, oho Molimo, le teng Lefi la Bophelo le tsoang Peōng ea makhonthe. Empa Molimo o E pakile e le Peō ea Oona; A boela a Mo tsosa hape. Le a bona? Hore, ka Bophelo boo bo phallang holim'a Peō ea mantlha, joalekaha e kile ea fuoa Eva, holim'a Kereke ea Oona ea sebele, e boela e hlahisa Bophelo, ka Tsoalo, ka popelo ea Monyaluoaa Hae. Le a bona? Oho, e enne e bile e a babatseha! Ke e fa nakoana ho lekolisia, e tle e thophothele. Ke Eèna Peō eo. Ke Eèna Peō e hlahisitsoeng ke Lentsoe la Molimo. "Ho be ho 'na ka polelo ea Lentsoe la Hao." Peō ke eo, le a bona, e amohela Lentsoe. Le a bona?

¹⁴⁴ Joale, Jesu ke Lentsoe le pepesitsoeng. Eèna le Lentsoe ba Bang le ntho e le 'ngoe, 'me ke ka hona Le beng le ka bonahatsoa ka phethahalo e kana ka ho Eèna. Ka lona lebaka leo Molimo o khonne ho Iponahatsa ka phetheho e kana ka ho Jesu, hoba E ne e le Peō-Lentsoe, Lefi-Lentsoe, ka Bolona. Lefi le ka hara Peō, boo ke Bophelo bo ka hara Peō. Le a e utloisia? Le a bona? E ne e le... Eèna e ne e le Lefi-Lentsoe la Molimo. Lefi ke Moea; Lefi ke Metsi.

¹⁴⁵ 'Me Jesu o n'a lokele ho hahōloa mono, hore Peō eo e nehele Bophelo ba Eona, ho nosetsa peō e 'ngoe e neng e tla tla. Oh! Le a bona na? [Phutheho e re, "Amen."—Mong.] Esita le Eèna o itse, "Linku tse ling Ke...tsee e seng tsa lesaka lena, Ke sa na le tsona. Li tla bona Hoo. Li tla amohela Lentsoe leo 'me li tla lula ho Lona hantle. 'Me 'Na ke roma Moea ho Le nosetsa, 'me Le tla hlahisa ka nèpahalo." Le tla hlahisa mehlolo. Le tla hlahisa Matla a Molimo. Le tla hlahisa. 'Me le ke ke la latōla letho, hoba ke peō ea lesika la ha'bo Peō.

¹⁴⁶ Nke ke ka re, "Mongh. Hlabahlabane, tloo u lule le 'na." Che. Che, monghali. Che, che. E ke ke ea sebetsa. Che, le ho leka. Le ke ke la tsoakana. Le ke ke la kopanya lefu le Bophelo. U ke ke ua shoa ua ba ua phela ka nako e le 'ngoe. Uh-huh. Le a bona?

¹⁴⁷ Ana le bona seo ke se bolelang? Ke Lefi le tsoang Peōng. Eèna ke lona. Ke Lentsoe la Molimo le bonahatsoang ka ho phetheha. Ke ka baka leo ka ho Eèna ho neng ho ahile... Eng? Ke eona ntho e neng e... Ke Eèna Mora ea nèpahetseng ea tsoang ho Adama oa pele, e ne e le Mora eo oa pallo ka Adama, ho ntsetsa morabe oa batho pele. 'Me eaba Eva o o tsoalisa, ka noha, 'me a hlahisa moloko oa bana ba bonyatsi, ba tsoaletsoeng lefu, ba se nang Bophelo. Eaba Jesu o a fihla, 'me e ne e le Peō eo. O e pakile. Sohle seo Adama a lahlehetsoeng ke sona, Jesu e ne e le sona. Le a e bona? Ke ntho e nèpahetseng. Eva qetellong o na tla hlahisa Ngoana eo. A mpa a e luba, a kenya noha ka hare, a mamela bohlale, kutloisiso, tsebo.

¹⁴⁸ Joale emang ho fihlela re kena ho Monyaluoa ka hono. Le a bona? Ke sona se... Ke lona lebaka la ka ho lumela seo ke se lumelang. E loketse ho khutlela Lentsoeng lena.

¹⁴⁹ Ke ka baka leo ke reng, mang ea batlang ho—ho eletsana le 'na, ho bua le 'na ka Lentsoe lena, tloo. Ke hantle. Ke ntšitse nyehelo eo, nako efe feela. Ha u hopola Lebitso la "Jesu Kreste" e se tsela ea ho kolobetsa, tloo qoqe le 'na ka eona. Uh-huh. Haeba u sa lumele ntho e kang peō ea noha, tloo mpone, ha re nke Lentsoe feela. Ha u sa lumele basali ba tšoanetse ho roala moriri o molelele, e le lona lesira la hae, tloo u qoqe le 'na ka eona, ka Lentsoe. Ha u sa lumele hobane

bofelo ba nako bo haufi, le hore lintho tsena tseo ke buang ka tsona li joalo, tloo u qoqe le 'na ka eona. U a bona? Ikopanye le 'na. Moena, Peō, tloo feela. Hantle.

¹⁵⁰ E ke se re u le Peō ua hanetsa Lentsoe, hoba Lentsoe ke Peō. 'Me ha u le Lentsoe, u ka Le hanetsa joang? Ekabeba u itatola bo-uena. Ekabeba u itšenyetsa morero oa hao.

¹⁵¹ Joaleka motho ha buile, "Ebe u a... U tsamaelang le batho ba joalo?" Be, hola ke sa etse hoo, ekabeba ke senya oona morero oo ke o rometsoeng mona. Leseli le tlameha ho chaba.

¹⁵² Joale e re re sa theoha, re tlil'o kenya lintho tseo le ho supa kamoo li itlhlophisang kateng, ka phethahalo le Lentsoe hantle feela. Joale... É, monghali. U a...

¹⁵³ Ke ka baka leo Molimo o nong o ka sebetsa ka Èèna. 'Me O itseng mohla A n'a le lefatšeng mona? "Ha Ke etse letho pele Ntate a Mpontša." Ka ho phethahala.

¹⁵⁴ 'Me ntho efe eo A e entseng, e netefalitsoe ke Mangolo kamehla. O itse, "Batlisisang Mangolo, hoba Ke Oona a Mpakang. 'Me ha Ke sa etse tseo A Li boletseng, Ke tla be ke se Peō eo ea mantlha. Empa ekare ha Ke etsa hoo, joale hobaneng le sa lumele ho 'Na?" Ke hantle. "Ha le sa lumele ho 'Na, kamoo Ke emang kateng, le mpe le lumele Lentsoe leo Ke le bolelang, le lumele mesebetsi eo Ke e etsang, hobane Peō ea Ka e ka melisa seo Ke leng sona feela."

¹⁵⁵ Hlabahlabane e ka itulela e le hlabahlabane feela. U ka e tsoalisa ka ntho e 'ngoe e sele, empa e sa ntse e le hlabahlabane. Ke hantle. E tla totobatsa hoo. Ke ka baka leo, ntho e ntlhapeli, e leng moikaketsi. Ke ntho e futsoetsoeng. Monna ea ipitsang monna oa Molimo, 'me a latōla Lentsoe, ke moikaketsi. Moulu o ipitsang pere, ha se pere. O itse, "Nna ke esele," 'me ha se le e 'ngoe ea tsona. U moikaketsi, ngoana bonyatsing, hantle feela. E bataletse, empa ke eona. O ne a sa ikemisetsa ho etsa hoo. Motha o e entse ka bohlale ba hae. O fellha hona moo. Ke hona moo bohlale ba batho bohole bo fellang teng, ho tsoalloa bonyatsing. Ke hantle.

¹⁵⁶ Joale, ke lona lebaka Jesu a bonahetseng ka phetheho e kaalo, Molimo oa bonahatsoa ka phetheho e kaalo ka ho Jesu, hoba E ne e le Lentsoe la Molimo. E ne e le Lentsoe la Molimo. Lebaka leo Le sa kang la melisa letho haese Molimo ka nepahalo. 'Me Molimo ha o le ka ho uena, u ka ba eng ho fetang hoo?

¹⁵⁷ Na Jesu ha a bua, ka baporofeta bao Lentsoe la Molimo le tlileng ho bona... Lentsoe la Molimo le tlile ho mang? [Phutheho e re, "Baporofeta."—Mong.] Baporofeta. Na Jesu ha a ba bitsa "melimo"? ["Amen."] Hobane'ng? Molimo o na a pepesitsoe ka ho bona. E ne e le eng? Lentsoe le builoeng le pepesitsoeng. Le a bona? Ke eona. Ho re, "Le ka latōla joang,

le re . . . Hola le le bohlale, le ne le tla utloisisa." A re, "Nna . . . Le bolela'ng ha le re le . . . Re ba bitsa . . . Molimo ka Sebele o ba bitsitse 'melimo.'" "Me a re, "Le bolela'ng ha le re le lumela ho bona, le mpa le hana 'Na, ha Ke re Ke Mora oa Molimo?" Hobane'ng ba sitiloe ho bona see? Ho a tšoana le kajeno. "Ke 'Na Peō eo e neng e tla tla, Peō ea mosali."

¹⁵⁸ "Ke tla u fa Peō." Ho noha, noha keha e se e mo silafalitse. A re, "Empa Peō ea hao, eo Ke tla u fa eona, e tla mo khoba hloho." O tla boela a e khutlisa. Amen. Eka . . . Ho 'na eka motho e mong le e mong a ka be a bona hoo. Le a bona? "Ke ttile ho hlola, le ho lokisa se entsoeng ke Eva. Nka e khona feela ka mosali ea lumetseng Peō; moo, mosali a sa kang a lumela Peō." Mosali a lumela Lentsoe; moo, e mong a sa kang a Le lumela.

¹⁵⁹ "Ke 'Na Mohloli eo. Ke 'Na ea ttileng ho fana ka Bophelo, ka lefu la Ka, ho tle ho lefshoe molato oa seo mosali a se entseng. Ka Bophelo ba Ka, bo tla abeloa lona, bo tle bo phalle holim'a lona. 'Me le tla ba bara ba Molimo, le barali ba Molimo, le a bona, ha feela Peō e lutse ka mono."

¹⁶⁰ Ha u E tsoalisa, ha u fumane letho haese ngoana bonyatsi, oa bolumeli. Ke pheto. Ntho efe e latōlang Lentsoe. Ntšoareleng, likhaiseli. Ke—ke batla le . . . Ke loketse ho bua kamoo E buang kateng Mona. Le a bona? 'Me hoo—hoo Ho joalo.

¹⁶¹ Bara bohole ba Molimo ba tšoanetse ho tšoana. E, monghali. Ho tšoaloa ka Lentsoe le Moea, ho re khutlisetsa Lentsoeng le builoeng hape, joaleka ho Johanne 3. Le a bona? Ho tsoaloa ka Metsi le Moea, Hoo ho etsa'ng? Ke moo Le u busetsang moo u nong u loketse ho ba teng tšimolohong. Le a bona? Ke oona morero oa lefu la Kreste, ho re khutlisetsa hape ho (kae?) bara ba Molimo.

¹⁶² Hola Eva a tsoala Ngoana eo . . . Pheletsong a ka be a khonne. Na Molimo ha oa re ho eèna, "Ngatafala u tlale lefatše"?

¹⁶³ Empa a tlameha ho tloha mona, a phethisa kabelo ea seotsoa. Be, u re feela, "E bataletse, Moena Branham." Empa be butle, re tla kena moo hamamorao. U a bona? U a bona? U re, "Ho ke ke ha ba joalo." Be, re tla fumana moo Lentsoe le e tlalehang joalo, kapa che. U a bona? Ka hona, e lokile. Ha se . . . Ha e a patoa. Haeba E le joalo, E patetsoe ba timetseng. Le a bona? Hantle. Le a bona?

¹⁶⁴ Joale, joale, ketso ena e le khutlisetsa morao ho Lentsoe le builoeng, ke moo re fetohang Lentsoe la Molimo le pepesitsoeng. Le a bona? Jesu o buile ntho eona eo. "Ea lumelang ho 'Na, lintho . . . le hore 'Na ke Mang, seo Ke ttileng ho se etsa, le morero oo Ke u phethisang, ke ho khutlisetsa motho ho lumela Lentsoe la Molimo 'me a sa Le tsoake ka letho, mesebetsi eo Ke e etsang, o tla e etsa le eèna." Ke lona bao.

¹⁶⁵ Hobaneng kajeno e sa etsoe? Ke mofutsoeloa, bana ba bonyatsi, ba lubakaneng. Ha e . . . Ke moulu. Ha e tsebe see e se lumelang.

¹⁶⁶ Moulu ha o tsebe ntata oona, 'm'a oona. Ha o khone. Ha se phoofolo ea lesika. Ha o na letho. Ke sehloliloeng sa bonyatsi.

¹⁶⁷ Ho joalo le ka motho, ea itlalehang a lumela Molimo a sa lumele Lentsoe la Oona, ea inkelang tumeloana ea bolumeli 'me a e tsoalisa le Lentsoe. Le a bona, ha u oa Molimo. U shoele. U ke ke ua shoa ua ba ua phela, ka nako e le 'ngoe. Ka baka leo esita le Lentsoe la Molimo ha le hole, u mpa u iphetola moikaketsi. Leha e ka ba bishopo, moprista, khalinale, e ka ba mang feela. Ke hantle. E ka khona e be Lentsoe, ho seng joalo u shoele, u ngoana bonyatsi ke phetho, Lentsoe la Molimo (karolo ea Molimo) ha khone ho hola. Mohlomong u ka mela tšimong e le 'ngoe, joalekaha re tla kena teng ka kotloloho, empa u—u ruri ha u setho sa—sa mohlape. Le ke ke la mela. Ke hantle. Ke hantle.

¹⁶⁸ Re a eleloa ke hona, le a bona. Lentsoe le builoeng, re Lentsoe la Molimo le pepesitsoeng ke hona. Molimo o batla Kereke ea Oona e le joalo, ke ho Iponahatsa. A ka Iponahatsa joang haeba Peō ea Hae ka Sebele e le sieo ka ho motho eo?

¹⁶⁹ U ka sebelisa mehopolo ea hao joang, Molimo oa nt oo Iponahatsa ka uena? U ka inkela tumelo ea hao joang, 'me u re, "Be, molisa oa ka o a ruta, tumeloana ea—ea—ea ka e rialo, matsatsi ana a mehl— . . ." U tla e khona joang, 'me u be mora oa Molimo ea bonahetseng? U tla e etsa joang? Lefu la Jesu ha le a u etsetsa letho. "Oh, ke Mo amohela joaleka Mopholosi oa ka." Lekhale! U mpa u rialo, empa ha u etse joalo. Mesebetsi ea hao e u paka seo u leng sona.

¹⁷⁰ Jesu o buile hona hoo. "Haeba le hopola Ke tsoaletsoe bonyatsing . . ."

¹⁷¹ Ba itse, "Rōna re mora oa Abrahama, ha re hloke mang ho re ruta."

¹⁷² Ho re, "Holane le le bana ba Abrahama, le ne le tla Ntseba." Ho re, "Ke mang hara lona ea Nqosang ka sebe, ho se lumele? Mpontšeng ntho e le 'ngoe eo Molimo a e tšepisitseng ka 'Na, e sa kang ea phethisoa." Huh! "Mpontšeng ntho e le 'ngoe eo Ntate a e tšepisitseng, eo Ke sa e phethisang. Sebe ke ho se lumele. Ha re boneng ha e hlahisoa ke lona." Hoo, polelo eo ea ba khorola linaka. Le a bona? Ruri. Ho re, "Ke mang ea Nqosang? Ea ka—ea ka Nkahlolang ka sebe ke mang, ho se lumele? Le a bona? Haeba Ke sa lumele, hobaneng Ntate a sebetsa ka 'Na seo A se sebetsang, Lentsoe le leng le le leng leo A le tšepisitseng? Joale e reng Ke e bone hara lona."

¹⁷³ Ea tsoaletsoeng bonyatsing ke mang le hona? E ne e le bona, bana ba bonyatsi ba ipolelang e le Molimo. Jesu o itse,

"Le bana ba ntata lona liabolosi, 'me le etsa mesebetsi ea hae." Liabolosi o n'a etsa mesebetsi ea mofuta ofe? Ho leka ho tsoalisa Lentsoe la Molimo, ka Eva.

¹⁷⁴ Malumeli a maholo ana a sebetsa joalo kajeno. Mesebetsi ea liabolosi, ntata bona, ba e etsa. Ba leka ho nka tumeloana 'me ba e tsoalise le Lentsoe la Molimo. Ke seo Satane a se entseng qalong, ntate, liabolosi. Molimo a le hlohonolofatse, baena. Tsoang ho eona! Jesu o itsalo. Ha le e-na le thojana ea Molimo ka ho lona, le tlamehile ho sheba 'me le bone Hono. Ho tsoalisa! Oho, khili!

¹⁷⁵ Mesebetsi eo Jesu a e entseng! Ekare ha Peō ea Molimo e lutse mothong, Moea oa Molimo o nosetsa Peō eo, eona mesebetsi eo ea Jesu... e bonahetseng ho Jesu, Eèna e neng e le Peō eo ea Molimo ea mantlha, lefu la Hae le boela le u khutlisetsa ho Peō ea Molimo ea mantlha. 'Me ha Moea o nong o le ka ho Eèna, o le ka ho uena, ho tla bonahatsoa mesebetsi e tšoanang.

¹⁷⁶ He le lumele seo? Ho lokile. A re phetleng koana ho Mohalaleli Johanne 14:12. U re, "Ke molumeli, Moena Branham. Ruri ke molumeli." Ho lokile. Ke tla bona haeba Jesu a tla u bitsa e mong, ho bona haeba Lentsoe la Molimo le u bitsa e mong.

Kannete-nete (ruri, ruri), ke re ho lona, Ea lumelang ho 'Na, mesebetsi eo ke e etsang u tla e etsa le eèna; u tla etsa le e fetisang ena; kahobane ke ea ho Ntate. (Ke eng? Peō e tšoanang.)

¹⁷⁷ U ke ke ua boloka... U ka lema koro joang *mona*, le koro *mona*, u nto re, "*Mona* ke tla kotula likomkomere, le koro *mona*?" U ke ke oa etsa joalo. Mokhoa o le mong u tla kotula likomkomere, ke ho jala likomkomere. Ha u e tsoalisa, e ke ke ea e-ba komkomere. E tla be e le moikaketsi. Na ho lokile? E tla ba moikaketsi, metsoalle. Ke loketse feela—feel a ho e bua. Ha se le e 'ngoe ea tsona. Ha se komekomere kapa seo u e tsoalisitseng sona. Ke peō e fapantsoeng, 'me ke sebeoa se sebe. 'Me se shoele, ka bosona, 'me ha se khone ho itsoala. Se shoetse, hantle hona mono. Morao, se ke ke sa tsoa tema. Hoo ho se qeta matla. Ke pheto. Empa ha u batla komkomere, aka qale ka komkomere.

¹⁷⁸ Ha u batla Kereke, u qale ka Lentsoe la Molimo. U batla Bophelo ba Molimo, qala ka Lentsoe la Molimo. Amohela Lentsoe la Molimo botlalong ba Lona, tekanyo e 'ngoe le e 'ngoe ea Lona. 'Me u ntano... 'Me haele botlalo ba Molimo bo ahileng ka ho uena, pula e nang e tla melisa ka tšoanelo se ka hara tšimo ea hao.

¹⁷⁹ Joale, ebe, Pula Hoetla ea lona e kena kae? Le bona moo e habileng teng ka mora nakoana, ha ke re? Ho maraka a hlaha ao a fumanoeng ke Elia, 'me ba a hopotse e le maraka, kapa a

fumanoeng ke sekolo seo sa baporofeta holimo mono, bolumeli boo ba neng ba bo hlomile mono. Ba bokella maraka a hlah, 'me ba nahana hoba e ne e le—e ne e le linaoa. Oho, be.

¹⁸⁰ Ke moo, mesebetsi e tlang ho bonahatsoa ka ho eèna, e a tšoana, hoba e le eona Peō-Lentsoe la Molimo le tšoanang. Mora oa Molimo e ne e le Peō ea Hae e entsoeng mohlala, 'me ke sona seo Bophelo ba Hae bo fetohile hoo mohla Moea o no o tšolohela holim'a Hae ka mora kolobetso ea Hae. 'Me Moea o Halalelang o no o theohèle holim'a Hae. Bona Bophelo boo A bo hlahisitseng, be, oona Moea o nosetsang e leng Moea o Halalelang o tla melisa Bophelo ba mofuta o oo, ho etsa seo A se entseng, ha e fela e le Peō eona eo. Peō Mora-oa-Molimo e tla hlahisa Peō mora-oa-Molimo.

¹⁸¹ Joale, lihlong lona basali ba pommeng moriri. Lihlong lona bareri ba latōlang 'Nete eo, ho re, "Ho itoketse. Moriri ha o amane le Eona ka letho." Empa Molimo o itsalo. Le bona moo e leng teng? Le a bona?

¹⁸² Ke ka hona ke lumelang Lentsoe. Ke Peō. 'Me ha Pula e nela Peō, E tla hlahisa sa mofuta oa Eona.

¹⁸³ Joale molato ke'ng ka litsoeletso tsena? Re etsa'ng? "Ho hlahisa milione o mong ka '44," Mabaptise, Mapresbeteriene, le eng hape, Mapentekosta.

¹⁸⁴ Empa e kae ponahatso eo ea mesebetsi ea Jesu Kreste, "Ha Ke etse letho pele Ntate a Mpontša"? Peō ea mofuta oo e tsoa kae? Moea o Halalelang o tla nosetsa 'me o melise Peō eo. Ao ke Metsi a Peō. Ha Peō e lemiloe, Metsi a etselitsoe hona hoo hantle.

¹⁸⁵ Efèla ha Metsi a u nosetsa, u re, "Ho bokoe Molimo, e re ke u bolelle taba, moreri tooe! 'Na ke Sekete-kete, 'me ha ke lumele Nyee eo." U bolumeli bo hlaphisitsoeng. U mpa u le moikaketsi oa khale feela, le ho qaleng. Ke oona mofuta oa peō e jetsoeng.

¹⁸⁶ U se ke—u se ke—u se ke—u se ke ua nkutloisia ka phoso. Ke a u rata, moratuo. Ke leka ho u tlisetra taba Ena. U a bona? Ke tla—ke tla—ke tla khefutsa ho eona, ha ke qeta kajeno. Ke tla e tlohela. Empa ke batla u tsebe, ka nako e 'ngoe, se nepahetseng, le lebaka la ka ho lumela seo ke se lumelang. Ke lumela hore liabolosi o u thetsitse. Ebile, kea tseba u entse joalo. Ho latèla Lentsoe la Molimo, Le ke ke la hloleha. O u thetsitse. E, monghali. Ke lona lebaka la ka ho rera lintho tseo ka mokhoa oa ka, hoba Lentsoe la Molimo le e boletse.

¹⁸⁷ "Oh," ho thoe, "be, Moena Branham, lena ke letsatsi le fapaneng." Lentsoe lona le a tšoana, leha ho le joalo.

¹⁸⁸ Ba sa tsoa fumana koro ka hara moliko morao mane, ea mehla ea Josefa, eaba ba e sunya ba e jala mona, lilemo tse 'maloa tse fetileng. Na le e bone makasineng? 'Me e ile ea melisa sejalo sa koro. E sa ntse e le koro, ke lona lebaka. E ne e hloka ntho e le 'ngoe, metsana a seng makae.

¹⁸⁹ Lentsoe la Molimo Le itšoanela le mohla A ne a Le bua morao koana, lilemo tse likete tse fetileng. Le hloka ntho e le 'ngoe feela ke Metsi.

¹⁹⁰ Hore'ng re sa fumane sejalo? Hobane re suntse peō e phoso. "Ba ba kae, ba lona bohole, hore'ng le sa fetole lengolo la lona?" Ngoana lihele habeli ho feta mohla u no u qala. "Ke Bamethodise ba ba kae ba lona le batlang ho fetoha Baptise? Lona Mabaptise le batlang ho fetoha Pentekosta? Tlisa lengolo la botho ba hao mona." Oh, jo 'na! Matlakala! Lithole! Lithole tsa liabolosi. Bophelo ha bo eo ka ho eona, ho hang. Ke mofutsoeloa, oa boikaketsi, e shoele, e shoele habeli, e fothotsoe ka metso. Na Jesu ha a re, "Semela se seng le se seng se sa lengoang ke Ntate oa Ka oa Lehelimō se tla fotholoa"? Bolumeli, e ka bang eng, bo tla fotholoa.

¹⁹¹ Ke Lentsoe la Molimo, le 'notši, le tla ema. Hantle! Ke sona seo A se buileng. "Lentsoe la motho e be leshano, empa la Ka ke 'Nete."

¹⁹² Joale re ea kae? Le mpe le hlaphoheloe. Empa le ke ke la Le utloa le sa rerehoa ho Le utloa. Re tla kena tabeng eo. Ha se mohloha ha e tšoloha sa metsi sekotlong sa letata, le etselitsoe ho phutla metsi, e seng ho a monya.

¹⁹³ Areka e ne e betloe ka patsi ea gofere le ka patsi ea shitime. Ke eona e fetang... E mpa e le lehahla feela. Ha ho letho haese lehahla feela. Ntho eohle e hontsoe ho eona; e hlahile e le joalo, ke patsi e bobebé ka ho fetisisa e leng teng, e bobebé le ho feta balsame. Hobaneng ba entse joalo? Hore a tle a e ine ka hara boka bo tle bo thopothele. "Hola e ne e le eike," u ka re, "na eike ha ea loka hakaalo?" Che, monghali. Ha e khone ho monya letho. E a phutla. E—e a koralla; athe ena eona e a monya.

¹⁹⁴ Le Peō ea makhonthe ea Molimo e monya Moea. Hlophiso eohle ea bolumeli e hontsoe. Ho se lumele hohle ho tsoile. 'Me ha Moea o Halalelang o kena Lefing leo la Bophelo le robetseng mono, O hlahisa Peō e 'ngoe, hantle feela. Ho tsoaloo mora e mong oa Molimo. Amen. Molimo o mong o monyenyanne, mora oa Molimo!

¹⁹⁵ Ke Branham hoba ke tsoetsoe ke Charlie le Ella Branham. Hoo ho nketsa Branham, hoba ke le peō ea bona. Litumellano tsa bona ba babeli, ho kopana ha sepeme sa bona, ho bopile peō, eaba se bopa 'na.

¹⁹⁶ Ha Molimo le Lentsoe la Oona ba e ba bang, alleluia, hoo... Ha Moea oa Molimo o nosetsa Peō ea Molimo, Lentsoe la Molimo, Le hlahisa Molimo. 'Me ha se motho eo. Ke Molimo, hoba (ke'ng?) u shoele. Ha e sa le uena. U itemoha u shoele, u hontsoe, u emetse Peō-Lefi. Ebe ke eng? Ha e sa le uena; ha se motho eo. Ke Molimo ka hara motho. Ke Peō-Lefi, joaleka tšimolohong, Lentsoe le builoeng. Ke Lentsoe la Molimo le bonahetseng ka ho motho. Ke moo, ha se motho eo; motho

eo o shoele. E ke ke ea eba mofutsoeloa le mora, ka nako e le 'ngoe. Ke mora oa lefu kapa ke mora oa Bophelo. Ka baka leo ha e le mora oa lefu, e nehele liabolosi a e bolaee... Nehela ho Molimo, ke ne ke rialo, 'me A ke a bolaee liabolosi ea ka ho uena, ho mo tebela, ho u honya. Ebe moo, o lumellang Molimo ho lema Bophelo ba Oona ka Sebele ka ho uena, ke moo e sa hholeng e le uena. Ke Bophelo ba Molimo, hoba ke Lentsoe la Molimo le nosetsoang ke Moea o Halalelang, ho tla hlahisoa ntho e tšoanang. U a e bona?

¹⁹⁷ Ke rata feela ho rera ka ntho eo metsotsi e 'maloa; empa ke tšoere maqephe a mashome a mararo kapa a mashome a mane a Lengolo mona, 'me hakana ke sa finyeletse a mararo feela. Khele! Ho lokile.

¹⁹⁸ Ho bonahatsoa, mesebetsi e bonahatsoang ka ho tšoana ka—ke rōna ka ho tšoana, kahobane E le Lentsoe le tšoanang. Joale, ha u batla ho etsa mesebetsi ea Kreste, ho etsa seo A se entseng. "Ea lumelang ho 'Na mesebetsi ea Ka e tla mo sala morao." Hoo ke'ng? Ea lumelang (eng?) hore Peō-Lefi la mantlha le tlileng ke Eèna. Peō e ho kae?

¹⁹⁹ Mona, e reng ke tšoare lisakatuku tsena. Motho ea neng a loketse ho hlaha ke *enoa*. Hantle *mona*, motho ea neng a loketse ho ba teng ke *enoa*.

²⁰⁰ Ha etsahala'ng? Eva o ile a e tsoalisa, a e tsoala, e entse hoo. Eaba e etsa'ng? Ea fetoha lefu; ea lula e ntse e shoa, e shoa. Joale ha fihla ena, eo e tsoa...

²⁰¹ Joale Lentsoe ke lena le itulela *mona*, le tšoana feela. Lentsoe ke *lena* moo le robetseng teng mona, ka ho tšoana feela. Joale ho etsahetse'ng? Lentsoe ke *lena*. Joale, Lentsoe leo Molimo a le buileng, "Ho ngatafala le ho tlala lefatše," Ha lea ka la fumana bolulo.

²⁰² Qetellong, eaba Lentsoe *lena*, Le qhautsoa ke popelo ea moroetsana. Re tla bua ka lipopelo tse peli, thapama ena, ho feta. 'Me ha etsahala'ng? Ho Eèna ho tsoile Lefi-Bophelo, eona ntho e hlahisang, oona Metsi a neang e—e—setsi monyetla oa sona ho ikatisa. Moea o tsoile ho Eèna oa nyoloha.

²⁰³ Ke rōna *bana*. Re a tla. Ho etsahala'ng? Re a e lumela. Re a e lumela. Joale, Jesu o itseng? "Ea lumelang ho 'Na." Le a bona? "Ea lumelang ho 'Na, mesebetsi eo Ke e etsang, ponahatso eo... Moea o Halalelang o tlie ka sebopeho sa leeba, oa lula holim'a Ka 'me o entse hona, e seng ka ho tsoalisa, empa ka tsoalo ea moroetsana." Ha se ka e—e—e ka mochoporo oa—oa bophelo, joaleka ho tsoala ngoana, monna ho mosali; che, ha se eona. Ha se ntho e futsoetsoeng, empa ke tsoalo ea moroetsana. "Joale, ka ketso ena, ke hlahisa Bophelo bona, hore haeba uena, ka tumelo, u amohela seo Ntate, baporofeta bohole, Lentsoe lohle la Molimo, Ke tla tšolella Bophelo bona holim'a hao, 'me u tla... ho ke ke ha etsoa letho

haese ho hlahisa eona ntho e Ke leng eona! . . . ? . . . Mesebetsi eo Ke e etsang o tla e etsa le eèna." O ile a etsa'ng? Kamoo Ntate a Mo tsamaisitseng, seo A se boneng. Mohalaleli Johanne 5:19, feela . . . "Ha Ke etse letho pele Ntate a Mpontša."

²⁰⁴ Eèna e ne e le eng? O ile A Iketsa Monna. "Molimo oa na oa etsoa nama, oa aha hara röna. Lentsoe la etsoa nama, 'me la aha hara röna." Lentsoe la Molimo le builoeng, ka moroetsana, la hlahisa e—e 'mele. 'Me 'meleng ho tsoile e—e Metsi, Moea. "Le ho hlatsoua ka Metsi a Lentsoe." 'Me oa kena ka ho Eèna, oa aha ka ho Eèna, eaba Bophelo ba Molimo bo tla bo Ipontšahatsa ka Kreste. Molimo o no o le ka ho Kreste, Motlotsuoa. *Kreste* ke ho re "Ea tlotsitsoeng," Monna ea n'a tlotsitsoe. "Mme Molimo o no o ahile ho Eèna." E ne e le eng? Lefi le nama 'moho, Ea tlotsitsoeng, nama e tlotsitsoeng ka Moea oa Molimo, e hlahisitse Lentsoe la Molimo le bonahetseng. "Me re bohile Eèna, ea tsoetsoeng a inotši oa Ntate, a tletse mohau." Le a bona?

²⁰⁵ Re ne re le moo, le a bona. E ne e le Lentsoe la Molimo le bonahetseng. 'Me, joale, O shoetse ho lefella molato oa tsoaliso ea hao. Khele! Khele! Ke moo he. Ke eng? U tle u ichoelle, ho fihlela e sa hhole e le uena, 'me u tlatsoe ke Lentsoe la Hae, ho lumela Lentsoe la Hae. 'Me ke moo Moea o Halalelang, o nong o le ka ho Eèna, o theohang ho nosetsa Lentsoe leo, ho Le melisa. U a bona? 'Me joale ke'ng? Molimo o a bontša, o ntšeletsa mosebetsi oa Mora Hae oa pele, oa Hae ea tsoetsoeng a inotši, u a bona, ea shoetseng bophelo ba röna bo tsoalisoang; A tle a re boelanye, ho behoa bara le barali ba Molimo, hore Bophelo bo tšoanang bo tle bo phalle ka Kereke, ka Lentsoe, ho tsoellisa ponahatso ea mosebetsi joalekaha ho entsoe ka ho Kreste. Kreste e ne e le Lentsoe la Molimo le bonahatsoang. 'Me O shoele, a neela Bophelo ba Hae, A tle a romele Moea; ho nyolla 'mele oa Hae, le ho boela a khutlisa Moea, ho nosetsa, ho lefella moputso o lopollang, haeba re ka e lumela. Ke eona eo hantle mono: haeba u e lumela. "Ea lumelang ho 'Na, mesebetsi eo Ke e etsang . . ." Ebe moo Moea Halalelang o theohelang holim'a lona Lentsoe la Molimo.

²⁰⁶ "Joale," u re, "taba eo u e hloma kae—kae kahara Bibele?"

²⁰⁷ Bibele tlameha ho ba ka ho uena. Lentsoe ke Peō. Ha feela Le ntse le robetse *mona*, le ke ke la sebetsa molemo oa letho. Empa ha Le kena ka *mona*, ha Le kena pelöng, ke moo Le qalang le bonahatsoa, ke Moea o Halalelang, mesebetsi ea Molimo. Ebe ho hlaha lipono, ho fihla matla, boikokobetso bo a fihla. Tsebo ea hao eohle e nyametse. U fetoha letho. Kreste o a phela. Uena u a shoa; Eèna o a phela. Ke eona. Ka hobane, A shoele, ke phela ke hona. Ha ke shoa, O—O boela a phela. 'Me ha ke shoa, O ntšepisitse Bophelo. 'Me 'na ke ichoeletse, ke tle ke amohele Bophelo ba Hae. 'Me hoo ke ho etsa joang? Ka ho nka Lentsoe la Hae, Peō ea Hae. Ho kenya Peō ea Hae ka *mona*, ka tumelo, le ho E lumela, ebe moo E hlasisang ka nepahalo seo Bibele e se boletseng.

²⁰⁸ Joale, banabeso, phahlang naha eohle. Re fumana boetsisane bo bongata.

²⁰⁹ Ha re khatheng tema nakoana. Le a bona? Ho lokile. Mesebetsi, eona e bonahatsoang ka hara Kereke ea Hae, e ne e tla etsoa, eona e kileng ea bonahatsoa ka ho Kreste. O boletse joalo, Mohalaleli Johanne 14:12. “Maholimo le lefatše li tla feta, empa Lentsoe la Ka le ke ke.” Na ho joalo? [Phutheho e re, “Amen.”—Mong.] Ho lokile.

²¹⁰ Ho reroapele, joaleka Eèna, ho fetola Lentsoe-Peō nama. Nka mpa ka emisa mono joale. Koana le ka hloleha, empa motho e mong ka ntle koana lefatšeng la teipi a ka utloisisa. Ho reroapele! Bara bohle le barali ba Molimo ba reriloepele. Re tla fetela Mangolong, ka mora’ nakoana. Ke mpa ke le qotsetsa eona feela. Baefese, khaolo ea 1, temana ea 5. Ho lokile. Re reriloepele. Hobaneng? Kreste ke Peō ea tšimoloho. ’Me Peō ena ea tšimoloho e reriloepele ke botsebelopele ba Molimo, o tsebileng tlolo e tla hlaha, ’me oa Mo rera ho tlatsa sebaka sa rôna. Le a e tšoara? Bara bohle le barali ba Molimo ba reriloepele.

“Empa,” u re, “na ebe O tla ahlola ba bang?” Che, monghali.

²¹¹ U beiloe mona u lokolohile boitšoarong ba hao. Empa lebaka leo A tsebang ka lona... Eèna, ka ho ba Molimo, Mohlokapheletso, kamoo ke le boleletseng ka eona, sohle se neng se tla hlaha O se tsebetsepele. O tsebile hore e ne e le bomang.

²¹² Joale, ha se Eèna ea etsisitseng Eva ketso eo. Ha se Eèna ea mo etsisitseng eona, O mpa a tsebile hobane u tla e etsa.

²¹³ Joale, ha ho makatse, ke a kholoa, khaolong ea 12 ea Mohalaleli Luka, kea kholoa ke eona, O boletse. Ke... Le se ke la le ngola fatše. Ke tla le fumana. Ke le ngotse fatše, hamorao, hoo. O boletse, “Ba na le mahlo, empa ha ba bone. Ba na le litsebe, empa ha ba utloe. Esaia o na a bue hantle ka lona. Esaia o le bonetsepele.” ’Me ke bao, ba ne ba lutse mono, ka mahlo, litsebe, le ntho eohle e sele, empa ha ba bone. Hobaneng? Ba ile ba phutla Lentsoe la Molimo. Éaba Jesu o re, “Oho, lona baikaketsi ting. Lona le—lona le bana ba liabolosi, le bile le etsa mesebetsi ea hae; le ntano Nkahlola,” O itse, “le hanela tšebetso ea Ka.” Athe, ako ntšupiseng moo tšebetso ea lona e hlahisang bottlalo ba Lentsoe la Molimo, joalokaha ea Eèna e entse. Le a bona? Le a bona?

²¹⁴ Joale, ho reroapele, joaleka ka Eèna. Joale u re, “Ebe boitherelopele boo bo fihla joang?” Molimo, sethatong... Joale, mang le mang ea sa utloiseng sena, ke batla u phahamise letsoho la hao hona joale ha ke qetile. Le a bona? Molimo, tšimolohong, o laetse Adama le Eva ho ngatafala le ho tlala lefatše. Kamano ea tona-tšali e abiloe joalo, morero oa eona. Empa ho tsoalisa ha hlahisa’ng? Ho hlahisa lefu. Joale re tla e finyella thapama ena, lipopelong tse peli. Le a bona?

²¹⁵ Joale lemohang. Joale, tabeng ena, Molimo o e bonetsepele oa rera lefatše la bara le barali esale pele. O ba rerile pele ho ba teng mona. 'Me ka baka la ho tsoalisa . . . Ho se lumele Lentsoe la Molimo ho hlahisitse ho tsoalisa. Molimo o e hlophisitse bocha, hape, hore ha le sa tlameha ho ba bana ba futsoetsoeng. U ka khutlela Lentsoeng la tšimoloho hantle 'me oa fetoha mora oa Molimo kamoo u nong u loketse qalong. U a bona?

²¹⁶ Kreste o be a ka sitoa ho iketsolla seo A na a le sona; E ne e le Mora oa Molimo. Ke eona. Le bona seo ke se bolelang joale? Le a bona, haeba u no u baletsoe hona, u bona Lentsoe la Molimo, u a Le lumela. Lebaka ke lefe? (Ntho e ncha e teng.) U a bona? Hobaneng?

²¹⁷ Le kile la utloela ka lefutso, le haolang lelokong? E mong, e—e—e mora, a ka futsa ntata'e kapa—kapa 'mè, kapa ntatemoholo, nkhone. Lefutso leo, la leloko. Le utloetse ka lona. Ha ke re?

²¹⁸ Be, le ka boitherelopele ho joalo. U no u loketse ho fihila mona ka tsela e lokileng, qalong. Empa, erekaha u tlie kamoo u tlileng kateng, u tlasa bohlanka ba tlolo. Empa, kahobane u reriloeppe, u utloa Lentsoe. Le u khutlisetsa hantle moo u neng u reretsoe teng pele. Amen. (Ke ne ke ea so e bone pele.) Ho u busetsa hantle . . . Ke eng—ke eng u etsisoa ke'ng ho lumela Lentsoe la Molimo, 'me u furalle lintho tse ling tsena? Ke kahobane u ne u le . . . Ntho e teng ka ho uena. Morao-rao koana, u loke—. . . Eng? U etselitsoe ho phela mona ka mehla le mehla.

“Ke batla Lengolo la eona, moreri.”

²¹⁹ Ke lena lea latela. “Bohle bao A ba tsebileng pele, O ba bitsitse; bohle bao A ba bitsitseng, O ba behile ba lokileng; 'me bohle bao A ba behileng ba lokileng, O se a ba tlotlisitse.”

“Ho rera ho thusa'ng, Moena Branham?”

²²⁰ Ho na le—ho na le sejalo ka ntle mono. Ntho feela eo ke e etsang ke ho sefa. Ke mpa ke Le lahlela ka ntle mono, le ho bona moo Le eang teng. Haeba ba le phutla, tšotso ea tšila ea lefatše le bolumeli li Le nyahlatsa, nke ke ka thusa ka letho. Empa e mong haeba a le teng ka ntle mono ho Le monya, u tla fetoha mora le morali oa Molimo, ka sebele ruri, amen, hoba e reriloeppe.

²²¹ Molimo o khonne joalo ho phethisa mesebetsi ea Oona ka Jesu, E ne e le Mora ea reriloengpele. “E ne e le Konyana e hlabiloeng pele ho theoa lefatše.” Pele ho lilemo tse makholo a bilione tse trilione tse milione tse fetileng, tseo re itseng Genese 1:1 e buile ka tsona, nakoana e fetileng, ke mohla A ne a se a reretsoe ho nka sebaka sa Hae. Amen. Lebaka leo e—e A ileng a etsa thato ea Ntate. E ne e le Lentsoe le bonahetseng.

²²² 'Me mora e mong le e mong o tla rua ponahatso eona eo, 'me ke bona ba neng ba reriloeppe. Sehlotšoana seo, molokong

o mong le o mong, se tla hlaho tsohong, hantle ho qala koana tšimolohong ea lefatše. 'Me lebaka, ba itšoarella ho Lona. Esita le Pauluse o buile ka eona ho Tšenolo, kapa ho—ho Baheberu khaolo ea 11, e itseng, "Ba phaitse hohle ka matlo a linku le ka matlalo a lipōli, ba lahleheloa ke tsohle, ba hlorisoa, ba etsoa hampe; kanthebo lefatše lena le ne le sa tšoanele ho ba le ba joalo." Amen. Ba sa je letho, 'me ba lelerisoa, ba epolloa, ba hlokofatsoa, ba sagoa, joaleka Esaia, le ba bang ba bangata. Pauluse o bua ka banna bao. E ne e le mang, eo a 'moletseng, a bua ka eèna "a sagoa ka saga"? Esaia, moporofeta, a reriloe le pele lefatše le qala. O tlamehile a be a tlide ka popelo ea Eva. Empa eaba u tla ka popelo—popelo ea mosali; moea oa hae o no o loketse ho fihla mona e tle e be paki.

²²³ Jesu, le eèna, o tlide e le paki ea lefu, kepelo, le tsoho; motho o tla shoa, empa o tla phela hape ka Eèna, ka E ne e le Peō e tlamehang ho tla. Amen. Kea kholoa le a e bona. Ho lokile.

²²⁴ Ho reroapele kamoo A neng a le kateng, ho fetola Lentsoe-Peō nama ka ho uena, Kereke ea Hae, Lentsoe la Molimo.

²²⁵ U ka re, "Ehlile, Moena Branham. Lentsoe ka leng, ke a Le lumela." Ha ho le joalo u se ke oa checha ha u fumana moetlo oa hao. U a bona?

²²⁶ Lula le Lentsoe leo hantle. 'Me u Le tiisetse hantle, sheba se etsahalang. E re, "Oho Morena, ke a Le lumela. Romela Moea o Halalelang." Ebe u a shebella. Ka hona haeba A paka, u tla tseba hoba u O fumane. Ha se ka tšisimoho e itseng; matemona a etsa hoo. Ha se ka mohlolo o itseng; matemona a etsa hoo. Empa ka tumelo ea hao e sa timeng Lentsoeng la Molimo, le ka bophelo boo u bo phelang, u sa latole letho. Ho lokile. Hoo ho fetola Lentsoe nama, u a bona, nama le Metsi-Moea ona oo.

Joale, be butle motsotso. Nke ke ka tlola taba ena. Le a bona?

²²⁷ Jesu e ne e le Peō ea Abrahama, ha ho buuoa ka nama. Ho lokile? [Phutheho e re, "Amen."—Mong.] Peō e reriloengpele ea Abrahama. 'Me enereha Moea o tšolohela holim'a Hae, A hlahisa Bophelo ba mofuta mong? O hlahisitse Bophelo ba tumelo. Bophelo ba mofuta mong?

"U re E tla ba mojaki joaleka Abrahama?"

²²⁸ Batho ba ferekana hona moo kajeno. Ba leka ho nahana hore motho oa Molimo a tlameha ho etsa sena, a latele sena, a etse sane. Oho, lekhale, che. E ne e le eng... .

²²⁹ Kreste e ne e le Peō ea Abrahama joang? E seng ka ho ea Hae... . hakaalo 'meleng oa Hae. Hoba, Isaaka, peō eo ea Isaaka qetellong e ile ea tlola ea shoa, ea oa mohaung 'me ea tsoalisa, hape. Re tla kena ho eona, ka kotlolohlo. Le a bona? Empa

Peō ea Abrahama ka tumelo, o lumetse Lentsoe la Molimo ho sa tsoteloe mabaka a neng a le teng! Ke moo he. Shuu! Le a tseba, ke ikutloa ho hoeletsa. Shebang. Le a bona? Shebang. Peō ea Abrahama ka tumelo, e ne e le eng? Ha se 'mele oa Abrahama, empa tumelo ea Abrahama. Tumelo ea Abrahama ho (eng?) Lentsoe la Molimo. Ho sa tsotelehe se tlileng, a bitsa sohle se khahlano le Lona eka hoja se le sieo mono. Oho, jo 'na, na e ke ke ea kheketa malumeli aa likotoana? Hum, hum, hum, hum! Ehlide e tla etsa joalo.

²³⁰ Hola 'Nete ea *Lenyalo Le Hlalo* e ka chabisoa ka leseli la eona le ka hare ka mona, ka hara Bibebe, e ne e tla pshatla kereke e 'ngoe le e 'ngoe motseng ona, motseng ofe feela, ho leka ho khutlela ho eona. Bao, mahlakore bobeli, a fositse. Nka e paka ka Lentsoe. Bobeli ba fositse. Ho lokile. Ho re ebe monna a ka etsa *sena* kapa a etse *sane*, kapa mosali *sena* kapa *sane*. Nke ke ka e bua, hoba ke fumana pherekano e ngata hara bona. Le a bona? Uh-huh. Jesu o itse, "Ba tloheleng. Lifofu li tsamaisa lifofu." Khele, ba pheha khang feela ka lona. Ba ke ke ba e lumela. Haeba ba tsoaletsoe Bophelo Bosafeleng, ba tla lumela Lentsoe. Le a bona? Hantle. Ha ba sa khone, Molimo o tla Iponahatsa ho bona. Ha ba sa Le lumele, khele, ba ke ke ba Le lumela. Ke pheto.

²³¹ A re finyelleng mona, pele. Mohlomong re tla fihla mono, hamorao nako e 'ngoe. Empa ha re hlokome leng taba ena, pele, le a bona, re bone hobaneng re tšoanelia ho lumela lintho tsena, kamoo re loketseng ho li lumela. Le tšoanetse ho li lumela. Ha le sa etse joalo, le lahlehile. Ho joalo ka lona.

²³² "Ho lumela'ng, Moena Branham? Uena?" Che, monghali, e seng 'na. Ha u lumela ho 'na, 'me . . .

²³³ Ke bolela Lentsoe. Ha ke sunye letho mona. Ke mpa ke le bolella seo Bibebe e se buang ka ho lumela Lentsoe lena. 'Me ke seo ke se entseng, ke ho leka ho lumela Lentsoe leo hantle kamoo Le ngotsoeng kateng; ha ke ekeletse letho, ho tlosa letho. Ke mpa ke Le bala kamoo Le leng kateng, le ho Le lumela joalo feela. 'Me ka mohau le ka thuso ea Molimo o Matlaohle, O Le kholisitse.

²³⁴ 'Me ke kopa motho ho Le hanetsa. Joale, lona ba teiping, tloong le e etse. Mpolelleng mohla nkileng ka le bolella phoso, e sa kang ea etsahala. Mpolelleng taba, nako efe feela, moo Molimo a sa kang a e kholisa a e sebetsa ka nèpahalo e boletsoeng. Ho lokile.

²³⁵ Ho reroapele, kamoo A na a le kateng, ho fetola Lentsoe-Peō oona Metsi ao holim'a (eng?) Kereke ena kajeno. Na Monyaluoia o reriloepele? Na Molimo o boletse A tla ba le Monyaluoia ea se nang letheba kapa letsika? [Phutheho e re, "Amen."—Mong.] Ka hona e tla ba E reriloepele. Ha E joalo? ["Amen."] Le a bona? Be, Kreste o ne a reriloepele. E ne e le

Peō ea Borena ea Abrahama, 'me e ile ea etsa'ng? Mohla Moea o no o lula holim'a Kreste, O ile a paka Lentsoe la Molimo. 'Me ha e—ha Metsi-Moea o rothela holim'a Lentsoe-Peō, Peō ea Borena ea tumelo ea Abrahama Lentsoeng la Molimo e tla hlahisa sejalo sa mofuta o tšoanang.

Ho re, "Ha ke lumele taba eo."

²³⁶ Ho lokile, a re fumaneng. A re eeng joale 'me re bone. Na re Peō ea Abrahama? Genese 17. Khutlelang ho Genese 'me le fumane khaolo ea 17. Ke tlola lintho tse ngata mona, empa ke—ke loketse ho ama tse ling tsa tsona ka mona. Hoba, moseholli a ka tšoana a hlaha a re, "Ha ke lumele taba eo." Ka baka leo, re tla kenya karoloana ya eona mona, A tle a mo thibele ho rialo. Le a bona? Ho lokile, 17:7, a re qaleng temaneng ea 6.

Ke tla u atisetsa bana haholo-holo (Peō ea Abrahama), ke u etse lichaba tse ngata (Balichaba le bohle)...'me marena a tsoe ho uena.

Ke tla tiisa selekane sa ka (joale elang hloko) se mahareng a ka le uena le litloholo tsa hao tse u latèlang ka moloko ea tsona e be selekane se sa feleng, ke be—ke be Molimo oa hao, le oa leloko la hao le u hlahlamang.

²³⁷ Joale Peō ea Abrahama ke eng? Ha se nama ea hae. Pauluse o boletse, "Mojuda, e leng Mojula ka ntle, ha se Mojuda. Mojuda ke ea ka hare." Le a bona? Peō ea Abrahama ke eng? Bao ba lumelang Lentsoe lohle la Molimo, ho sa tsotelehe seo bolumeli, kapa papa, kapa mama, motho mang a se buang. Ba lumela Lentsoe la Molimo lohle. Molimo o boletse, "Ke tla tiisa selekane sa ka hona joale, ho rera selekane sena le uena le Peō, molokong o mong le o mong o u hlahlamang, o tla se lumela." Ke moo he, Peō ea Abrahama. Joale u re...Joale ela hloko. Molimo o itse, "Ke tla se tiisa le Peō."

"Be," u re, "Moena Branham, hoo ho nea motho ka mo-..."

²³⁸ Joale ema motsotso feela. Ha re feteleng ho Baefese joale, koana Bukeng ea Baefese, 'me re tla qala khaolong ea 1 ea Baefese. 'Me ebe re bala nakoana mona 'me re bone feela seo Molimo a se buang ka ena—ena taba. Joale mamelang. Pauluse, joale elang hloko kamoo a se buang joale.

²³⁹ Motho mang le mang a eme ka a hae—maoto a hae joale, re tšoere feela...kapa a falimehe. Re saletsoe ke motsotso o seng mokae feela joale, ebe re a...Metsotso e ka bang mashome a mane le metso e mehlano, ntho e 'ngoe, re ntano qhalanela lijo tsa motšeare. Joale shebang.

Ke le Paulose, moapostola...

²⁴⁰ *Moapostola ke eng? "Ea romiloeng." "Pauluse, morongoa oa Jesu Kreste." Na ho nepahetse? [Phutheho e re,*

“Amen.”—Mong.] “Ka thato ea Sanhedrine”? Ke le balile ka phoso, ha ke re? “Ka thato ea—ea Luthere, kapa eona . . .”? Be, leha ho le joalo:

Ke le Pauluse, morongoa oa Jesu Kreste ka thato ea Molimo, ke ngolla bahalaleli . . .

²⁴¹ Le ngoletsoe mang, e mong le e mong? Che, monghali. Mang le mang a ke ke a le amohela. Uh-huh. Ke hantle.

...ke ngolla bahalaleli ba Efese, e leng ba lumetseng ho Kreste Jesu:

²⁴² Ba seng ba le ka hare mono. Kea t̄sepa ke bona bao ke buang le bona, phuthehong ena hoseng hona, bao ba seng ba le “ka ho Kreste Jesu.” Joale, ke hona moo sena se lebi- . . .

²⁴³ Le a bona, le ke ke la bolella . . . bao—bao masea a ka ntle ka mono ka Eona. Ha ba khone ho ja nama. Ba loketse ho noa lebese. Ba sekutoana. Le a bona? Ka baka leo, le hopole, hore ha ba khone ho ja linama tse thata.

...joale e leng ba lumetseng ho Kreste Jesu:

Ke re a le ke le neoe mohau, le khotso, ke Molimo Ntata rōna, le ke Morena Jesu Kreste. (Ho lokile.)

Ho bokoe Molimo Ntata Morena oa rōna Jesu Kreste, o seng o re hlohonolofalitseng . . .

²⁴⁴ Joale, o bua le Kereke, joale. Enoa ha se motho ea ka ntle. Ena ke Kereke.

...ka mahlohonolo oohle a moea—moea maholimong . . .

²⁴⁵ Joaleka hoseng hona, bohole ba Le ratang ba ja Lona feela. Le a bona?

...maholimong ho Kreste:

Kamoo o re khethetseng . . .

²⁴⁶ Na re Mo khethile? Huh? “Oho, Moena Branham, ke—ke kopa t̄sarelo. Ke entse joalo.” Che. Uena, ho latēla Lentsoe, ha u a etsa joalo.

²⁴⁷ Jesu o boletse, “Ha se lona le Nkhethileng. Ke ’Na ea le khethileng.” Oh, ee. O E khethile neng? Jesu o re o khethile Kereke ea Hae neng? “Ho eso ho theoe lefatše.”

²⁴⁸ “Kamoo O re khethetseng ho Oona kateng,” tsoseletsong ea ho qetela eo Ngk. *Sekete-kete* a ne a e t̄sore? Che, che. U ka e bala tumeloaneng, bukeng ea paliso, empa e seng ka hara Ntho ena. U a bona?

Kamoo o re khethetseng ho eēna kateng ha o no o e-so ho thee lefatše . . .

²⁴⁹ Re ne re khethoe neng, tsoseletsong ea ho qetela, bosius mohla re ne re bolokeha? Khele, mohla—mohla lefatše le eso ho be teng, ho se naleli, ho se liatomo, ho se molekule, ke mohla

re ne re khethoa. Amen. Oh, le se ntumelle ho qala ke rera ka taba eo. Ke mpa ke leka ho hhalosa ntho e 'ngoe mona. Ho lokile.

...ha o no o e-so ho thee lefatše, hore re tle re...

²⁵⁰ Eng? "Litho"? Che. "Re loketse, oh, ka mora ho bolokeha ha rōna, re etsa ka ho rata ha rōna feela"? Che.

...re tle re halalele 'me re hloke sekoli pel'a oona hobane...

²⁵¹ "Ho fetoha setho"? Che, che. Ke "lerato." Ha se lona? Ke hantle. Ho lokile. "Leratong." Ntšoareleng. Ke e poma likoto feela, ke a kholoa, joale. Ha kea lokela ho e etsa. Ho lokile.

...leratong la oona:

O no o re (Eng? R-e-r-e-p-e-l-e. Oh!) rerepele ho re bea bana ba oona (Peō ho tloha tšimolohong, le a bona)...bana ba oona ka Jesu Kreste, ka ketso ea boithatelo ba oona,

²⁵² Ke mang ea entseng hoo? Molimo. O e entse neng? Ho eso ho theoe lefatše. Efela ha re etla ka tsoalo ea bonyatsi ka tšilafatso ea Eva, hoo ho re fetola bohle bana ba hae le hona ba leng tlasa bohlanka ba lefu, ke moo Molimo oa boikemelo o lokelang ho etsa tsela ho lopolla bana ba Oona. "Me bohle bao Ntate a 'Neileng bona ba tla tla ho 'Na. 'Me ha ho ea ka tlang a sa huloa ke Ntate oa Ka." Oho, banna! Joale e kae nthohali ea hao ea tonana eo u e entseng? Ha u a etsa letho. U loketse ho itšoabela. Molimo, Ea entseng lintho tsohle! Lebili le sebetsa hantle feela.

²⁵³ Motho o tlie, tsatsi le leng, a re motho o mpuile hampe, 'me—'me a bile a nqosa ka ntho e phoso. 'Me ka re, "Oh, e lebale."

²⁵⁴ Ho re, "Khele u ka e nka joalo joang? E akha lelapa la hao ka hare, taba eo."

²⁵⁵ Ka re, "Oho, khele!" Ka re, "Taba eo e ne e reroepele ho eso ho theoe lefatše, ho mphethisa hlahlobong." Ka re, "Oho, khele, khele, khele! Ehlide. Ka hona ho itoketse."

Ho re, "U e khona joang?"

²⁵⁶ Ka re, "Ha nka lula ke shebile fatše nqa *ena*, ke ne ke tla oa kamehla."

²⁵⁷ Batho ba etsa joalo kajeno. "Ha nka amohela 'Nete ea Lentsoe la Molimo, Moena Branham, ba tla nkharameletsa ntle." Be, ebe u shebela'ng *mona*? Sheba mona moo tsela e fellang. Le a bona, motho ea shebang ka tsela *ena*, ha a tsebe moo a eang teng, o shebile nqa *ena*. Empa ha u ka sheba koana, ha u natse se etsahalang hona joale, u tseba moo u eang teng. U a bona? Ke eona. Sheba moo u eang teng. Lula u tsepame le Lentsoe. Ho lokile.

²⁵⁸ “Oa re rerela ho beoa bana.” Joale le a lumela re ne re reroepele? [Phutheho e re, “Amen.”—Mong.] Joale, na Jesu o ne a reroepele? [“Amen.”] E ne e le Konyana ea Molimo, e hlabiloeng le pele leseli le eba teng, le pele mochochonono o hlaha, le pele molekule o hlaha, atomo, ntho efe feela. E ne e le Mora oa Molimo, ea hlabiloeng. Oh, boholo ba Molimo!

²⁵⁹ Ebe moo mabokonyana ana a tsoang nthoaneng ea maiketsetso a lekana le makotomane, a tsoa seqhotsising se mohloloholimo mona, a leka ho ngangisa Hono ‘me ba re ha Se a loka. Ke lihlong. Ebe le bo mang?

²⁶⁰ Ebile ba bang ba re, “Lihele ha li eo.” Kanthebo le lutse holim'a pitsa ea lona letsatsi le letsatsi, e botenya ba limaele tse likete tse robeli, tlasa lona feela, seretse se belang; le ho sheba holimo le ho ngangisa Molimo le Lentsoe la Oona. Athe ha u hanetsa Lentsoe, u hanetsa Molimo. Hantle.

²⁶¹ Oho, khele, U moholo hakakang, Morena! Re loketse ho ba motlotlo hakakang! Ke hantle.

²⁶² Ka baka leo, balumeli, ba Lentsoe le Moea, ba tšoanetse ho ba bang. Le a e tšoara? [Phutheho e re, “Amen.”—Mong.] Balumeli, Lentsoe le Moea, ke ntho e le 'ngoe ruri. Ha u ke u inahanel a le uena. Ha u ke u sebelisa mohopolo oa hao ka bouena. Na hoo ho a babatseha? [“Amen.”] Mohopolo o nong o le ka ho Kreste o ka ho lona. Le a bona? Mohopolo o leng ka ho Kreste, ‘me u tla nka Lentsoe joaleka ha A entse, hoba E ne e le Lentsoe. ‘Me ha mohopolo oa Kreste o le ka ho uena, u Lentsoe. U Lentsoe la Molimo le phelang, baemeli ba Hae, mona lefatšeng, ke hantle, ho tsoellisa mosebetsi. Kereke e loketse ho ba joalo. ‘Me ha ho le joalo, Bibebe e boela e bonahatsoa joaleka matsatsing a ho qala a barutuo. Joaleka morutuo feela, Bibebe e phela hape, ka ho uena.

²⁶³ Joale a re boneng. Ke loketse ho leka ho finyella bonnyane, maqephe a ka bang leshome le metso e mehlano mona, ka potlako ruri. Ha ke batle ho etsa joalo. Empa feela ke tla lokela ho e tlola. Hobane, ha ke sa khone, thapama ena ke tla... Hosane ke na le kopano, ‘me—‘me ke loketse feela ho potlaka joale. Ke hantle. Joale re tla leka ho potlaka ho se hokae, ha re ka khona, ho qhomela ka hara eona. Na le ntse le lumela? [Phutheho e re, “Amen.”—Mong.] Ke hantle.

²⁶⁴ ‘Me ha ho le joalo, Bibebe e bonahatsoa hape joaleka mesong e qalang ea Kreste. Le a bona? Hobane, le uena u Peō e reriloengpele joaloka Kreste mohlang oo. ‘Me Pula ha e tšolohela holima Peō, Bophelo bo boela bo Itsosa hape, ha Moea o Halalelang o tšoloha.

²⁶⁵ Mohla O no o tšolohela holim'a Peō tseo tse...Jesu o boletse A ba khethile (neng?) pele ho theoa lefatše, ha ho le joalo e ne e le Peō e reriloengpele. Na ke 'nete? [Phutheho e re, “Amen.”—Mong.] Ka hona, ke bana ba hahaha ba nyoloha,

ba kena phaposing e ka holimo, Lipeō tsena, Lentsoe. 'Me Lentsoe le ne le robetse mono, le hloka Bophelo ka ho Lona. "Hang molumo o tsoang Leholidong oa fihla nakong eo Metsi a qalang a phorosela, 'me hantle-ntle A ba a tlala ntlu eohle eo ba lutseng ho eona." 'Me Lipeō tsa qala tsa hola. Ea qala ea Iponahatsa, Lentsoe la Molimo le a bonahatsoa. Ke hantle.

Ebe hobane'ng mello ea tsoseletso e timile?

²⁶⁶ Joale, mona ke tšoere Mangolo a ka bang leshome, hola le ka elelloa mona, seo ke lokelang ho se bua. Empa ke lokela ho tlola boholo ba eona, ho le nea kaletso ea eona feela. Ho lokile.

²⁶⁷ Ebe hobaneng mello ea tsoseletso e timile? Joale ke tlameha ho bitsa mabitso. Ha ke sa tla etsa hoo ka mora mona Molimo a sa mpolella. Empa ke tlameha ho bitsa mabitso. Ke tlameha ho bua lintho tseo ke sa batleng ho li bua, empa, ke hore taba ena e tle e hlake.

²⁶⁸ Le ka bona moo ke habileng teng, lebaka leo ke entseng seo ke se entseng. Kea lumela hore *Lena* ke Lentsoe. 'Me kea lumela hore Kreste o na le Kereke, 'me Kereke ke tšimo. Re tla fihla ho eona, ka mora nakoana. 'Me u loketse ho sunya Lentsoe tšimolohong le pele Moea o ka etsa letho. Le a bona?

²⁶⁹ Hobane'ng mello ea tsoseletso e timile? Billy Graham ha a sa utluoa haholo, joaleka baevangeli ba baholo. Oral Roberts, ha a sa chesetsa naha sa mohlamonene. Likopano tsa ka ha li sa utloahala. Ke boo borarō boo. Molato ke ofe?

²⁷⁰ Joale re tlil'o kakatlela thuto e tebileng haholo. Le a bona? Ke tla lokela ho e sebelisa hona joale feela. 'Me teipi ena ha e tšoha e oela matsohong a Billy Graham, Oral Roberts, ke batla le tsebe, banabeso, ha ke le nyelise. Le 'na kea ikenyeletsa, haeba le ka ela hloko, ka mono, ke le ngoana'bo lona le molekane Evangeling. 'Me ke nahana, ka mora sena, le tla ba le kutloisiso e molemo, baena, ea hobaneng ke entse seo ke se entseng. 'Me ke tšepile ho bona mohau mahlong a Molimo, le ka pela lona hape, ho tšepahala le ho ba le 'nete ea ho le bolella lebaka.

²⁷¹ Joale, Billy Graham, lefatše le ne le tukisoa ke Billy Graham maobanyana mona. Joale re mo utloa seoelo. O sa tsoelapele, empa molato ke ofe? Oral Roberts, khele, a tukisa lefatše feela; o a kokobela. Tommy Osborn. Bao bohle ba lokile, banna ba barapeli. Ho etsahetse'ng? Ke a lumela Molimo o mpilelitse tšebetso, ho etsahetse'ng ka oa ka? Joale mona ho tla arabjoa lipotso tse 'maloa. Le a bona? Ho etsahetse'ng?

²⁷² U re, "Moena Branham, oa hao o shoele ho fetisisa eohle." Hoo, hoo ke 'nete. Hoo ho nepahetse.

²⁷³ Billy Graham o utloahala ho mpheta, ebile Billy o utloahala ho feta Oral. Oral o utloahala haholo, letsatsing le

le leng, ho mpheta likhoeling tse tšeletseng. Tommy Osborn, Tommy Hicks, mang feela oa banna bao ba barapeli, ba utloahala haholo ho feta. Ka baka leo, ho latèla mothinya oo, oa ka o saletse morao ho bao bohle. Ho etsahetse'ng?

²⁷⁴ “Moena Branham, u rialo, hantle-ntle mona u re ho rōna u lumela Lentsoe le ntho eohle, be, ho etsahetse'ng ka uena? Ho hlahile'ng?” Ke sona seo re batlang ho se tseba. Ke sona seo re batlang ho se tseba.

²⁷⁵ Joale, e kenyeng mohopolong oa lona joale. Theolang sekhele le hlohlore pula, le bule pelō tsa lona motsotso feela le mamele.

²⁷⁶ Hopolang, Bibele e boletse ho Genese, khaolong ea 1 eo re e balileng, ho thea mohopolo oa rōna oa letsatsi, ke, “Peō e 'ngoe le e 'ngoe se sa eona.” E tla tlameha ho bea se sa eona. Ke hantle. Peō e 'ngoe le e 'ngoe e tla lokela ho bea. Hopolang, lefatše le tletse lipeō, 'me pula e le lokisetsa ho melisa se sa eona.

²⁷⁷ Kea lumela kotulo e haufi. Ha le e lumele na? [Phutheho e re, “Amen.”—Mong.] Le lumellana le eona kaofela. [“Amen.”] Re haufi le nako ea kotulo. Joale, lipeō li se li jetsoe. Ke lona lebaka. Lipeō li se li jetsoe. Oh!

Oho Molimo! Eka le ka bona se fetileng ka pela ka lekhatheng leo.

²⁷⁸ Lipeō li se li jetsoe. Hopolang, e teng nako ea ho jala, ho ntano latela nako ea kotulo. Ba ba tseba ba itsalo. Ke hantle.

²⁷⁹ Joale, ho jetsoe mefuta e meraro ea lipeō. Ea mekhatlo ea malumeli, Billy Graham, e bile mojali oa sehlooho. Oral Roberts, oa Mapentekosta. Peō ea Pentekosta e jetsoe; ke bua ka mokhatlo joale. 'Me, hape, Lentsoe le jetsoe. Joale le tla tlameha ho utloisia, bomphato. Nke ka e bua Molimo o sa mpolella. Ke batla le e tšoare hantle le ka ho hlaka. Ho jetsoe lipeō tse tharo.

²⁸⁰ Ke lona lebaka, ho jala, ho batlang ho fetile. Le a bona? Ho felile. Lipeō li tšoanetse ho jaloa pele Pula e na. Ho joalo? [Phutheho e re, “Amen.”—Mong.] Kapa, ka mantsoe a mang, Moea. Joale mono le t'il'o hana, empa beang butle motsotso feela. Le a bona? Lipeō li tšoanetse ho jaloa; 'me Pula e ntano tšoloha, ho nosetsa Peō. Ho joalo? [“Amen.”] Joale ke batla . . .

²⁸¹ O teng motho ka mona ea utloisisang Seheberu, ea tsebang mantsoe a Seheberu? Ho lokile. Le ka le sheba ha le batla.

²⁸² Joale, re e utloa haholo, 'me mekhatlo emekana le ntho eohle e bua ka eona, “Re nakong ea pula ea hoetla.” Mopoto. Ntho e kang eo ha eo joale.

²⁸³ Oho, ntho e 'ngoe e a tsahala. Ke e bona e feta pel'a ka. E se e tšoere Moea. Le a bona? Amen. Kea tseba hona ke 'Nete. Ke HO RIALO MORENA. Ka pono, le a bona, e tsamaeang feela, e fihlang. Ke batla ke sa khone ho sheba fatše mona. Le

a bona? Nako le nako ha ke sheba, ke e bona e feta ka pel'a ka, ka tsela *eo*, e ntano khaoha; le ho tsamaela ka nqa *ena*, le ho sheba ka nqa *ena*. Esale ke leka ho sheba mathaka a mang a lutseng fatše mona. Le ho sheba koana, 'me hohle moo ke shebang, eka e teng mono. Le a bona? Ho lokile.

²⁸⁴ A re khutleng re lekeng hape joale, ho kholisisa hore ke e fumane ka mono. Ha ke tsebe hantle se etsahetseng lekhatheng leo. Shebang.

²⁸⁵ Ke lumela nako ea kotulo e atametse. Lipeō li se li jetsoe, peō ea mekhatlo ea malumeli a likereke, e kang Baevangeli, joaleka Baptise, Presbeteriene, le Luthere. 'Me le lipeō tsa Pentekosta li jetsoe ka hara mokhatlo oa Pentekosta, ke banna ba baholo ba kang Oral Roberts, Tommy Hicks, le Tommy Osborn, banna ba baholo ba Molimo. Le a bona? 'Me kea lumela Lentsoe la Molimo le jetsoe, le sa silafala, hole le mokhatlo ofe feela ho eo. Ke lona lebaka. Le a bona? Peō e tšoanetse ho fumana . . .

²⁸⁶ Peō e tšoanetse ho fumana Metsi a Peō pele E ka mela. E tšoanelia ho fumana Metsi, a tšolohang, pele Peō e jetsoeng e ka mela.

²⁸⁷ Joale, "Be," u re, "Moena Branham, ntho ea rōna e hlahile . . ." Kea tseba. Ke hantle. Ke qhautsa mohopolo oa hao joale, u a bona. U ke ke ua o pata joale. Uh-huh. Ho lokile. Ka baka leo, hlokomela seo u se nahangan.

²⁸⁸ Joale, Peō e tšoanetse ho jaloa. 'Me E nto tšoanelia ho fumana Metsi, e tle e mele.

²⁸⁹ Joale, u re, "Be, Moena Branham . . ." Ke tlil'o pepesa mohopolo oa hao mono. "Re se re fumane Metsi." A ho be joalo. Ho nepahetse. Le se le fumane Metsi.

²⁹⁰ Le kile la jala khabeshe kapa ntho efe feela, kapa lipoē, leha e le ntho e kang eo? Ka tloaelo, ba nka metsi mono, ba lifafatsa hanyenyane feela. Le a bona? Ho lokile.

²⁹¹ Empa, joale, be butle. Re fumane'ng mehleng ea tjalo eo? Pula ea selemo.

"Oh," u re, "Moena Branham, mopoto!"

²⁹² Joale be butle motsotso. Ha u nka lentsoe "hoetla," ho Joele 2, u le sheba, ako bone seo lentsoe la Seheberu . . . Lata Seheberu, 'me u bone haeba le se joalo. Ha u batla ho le ngola fatše, m-o-u-r-e-h, *moureh*, 'me u nke lentsoe la Seheberu, u le toloke, u bone seo *moureh* e se bolelang. Thuto, "pula" ea thuto e se e nele.

²⁹³ Pula ea thuto ea malumeli e se e nele, "Milione o le mong ka '44," Mabatise. Tse *kana-le-kana*, *kana-le-kana*, litho ka hara kereke. Oral Roberts le baena bao ba momahaneng le motsamao oa Pentekosta, ba ekonomi . . . motsamao o moholo oa Pentekosta, ba atisitse limilione. Le a bona? Ke hantle. 'Me Peō e fetile, Lentsoe, palo e nyenyan, sehlopha.

²⁹⁴ Joale elang hloko. Joale le hopole, lentsoe m-o-u-r-e-h, *moureh* le bolela thuto, “pula ea hoetla.” Se re *moureh*, “pula,” pula ea thuto. Pula ea thuto e nele. Billy Graham o khahlotse lefatše; Mapentekosta a khahlotse lefatše; le Lentsoe le khahlotse lefatše.

²⁹⁵ Joale, molato ke ofe joale? Joale e emetse “pula ea selemo.” Ke mohla e beang litholoana tsa eona. Oh! Hum! Kea tšepa lea e tšoara. U tla kotula sejalo sa mofuta oa peō eo o e jetseng tšimong ea hao. Haeba malumeli a batla litho tse ngata, ke sona seo ba tla se fumana; ke sona seo ba se fumaneng. Mapentekosta a batla Mapentekosta a mangata; ke sona seo ba tla se fumana. Hantle. Empa Lentsoe le tla hlahisa bara le barali ba Molimo. Uh-huh. Uh-huh. Hantle. Seo le sona, se a tla. Elang hloko. Shebang pulahali eo ea selemo e lokelang ho nesoa, kamoo ba tla matha ba tbole leralla, ba tbole, le kamoo e tlang ho ba lebotho le tlang ho tla. Emang motsotso feela. Uh-huh. Mofuta oa sejalo seo u tla se fumana, ke mofuta oa peō eo u e kentseng tšimong ea hao. Ke hantle.

²⁹⁶ Mefuta e ’meli ea malumeli, le a utloisia, mefuta e ’meli ea malumeli e tla kopana hammoho, ho ea Sodoma.

²⁹⁷ Empa Lentsoe le tla sala le Mokhethoa, Peō ea Borena. Amen. Le a bona? Jesu o boletse, “Joaleka matsatsing a Sodoma, ho tla ba joalo ho Tleng ha Mora motho.”

²⁹⁸ Eaba ho theoha Mangeloi a mabeli, bareri ba babeli ba tlotsitsoeng ba theohetse Sodoma, ho leka ho ntša monna ea n'a olele mohaung, a e na le thojana ea Molimo ho eèna. ’Me mosali oa hae, monyaluoaa oa hae, le tseba se ileng sa mo hlahela; o ile a hlabisoa lihlong. ’Me bonang barali ba hae; ’me le shebe seo e se qhotsitseng ka mora ho tsoa ha hae. Haesale e le phatsa e ka hara leihlo. Le a e tseba e nepile. Tšoarelang tlhahiso eo; empa, le a tseba, ke ntho e khamang. Ka baka leo ntho eo ke... Esale e le joalo. Re tseba hono. Joale, le ke ke la latola Lentsoe la Molimo.

²⁹⁹ Empa e Mong a sala le Abrahama, e leng eèna ea hlahisitseng pontšo. E-ea. Ho nepahetse? [Phutheho e re, “Amen.”—Mong.] Ho lokile. Ho lokile. E Mong o ile a sala.

³⁰⁰ Abrahama le sehlopha sa hae ba ne ba bitsoe eng? Peō e khethiloeng e sa kang ea theohela tlase. E ne e le bafeti. Ba ne ba jaka *mona*, ba jaka *mane*; ba jaka *mona*, ba jaka *mane*; phutheho e sa seeloang moeli.

³⁰¹ Empa bolumeli bo kile ba theoha ’me a ikahela motse. ’Me Lota a hlongoa moprista, kapa bishopo, kapa e... le a tseba, seo e neng e le sona mono, monna oa sehloho, a lula mono—a lula mono motseng ’me a ahlola, e le eèna ea buang (bishopo, mookameli oa selika), “Che, thaka leo ha re le batle hara röna. Che, monghali. Ha a lumellane le thutamolimo ea röna. Re ke ke ra e amohela.” Lota oa khale ke eo. Ke eo moo a lutseng.

"Haeba a sa tšoara litšoanelo tsa sehlopha sa rōna, ha re 'matle, ho hang." Ke mang ea u beileng moahloli oa Ntlo ea Molimo, uena nyee e futsoetsoeng? Uh-huh. Huh! Lentsoe la Molimo le tla reroa, leha ho le joalo.

³⁰² Mohalaleli Martini o na etele sehlopha se kang seo, 'me thaka leo le sa batle ho ema, ho mo hlompha, hoba a robe menyako. Molimo o bile oa chesa kobo ea hae, ka mora hae, ho mo emisa ho lumelisa moporofeta eo oa Molimo ea neng a kena motseng. Uh-huh. Ke hantle. Setulo sa hae sa hotetsoa ke mollo, a sa lutse mono, holima terone ea e lutseng. Ke hantle. Le balile nalane ea kereke. E, monghali. A theohela mono ka Lentsoe la 'nete, a etsa mehlolo le lipontšo; a ba a paka, holim'a Lentsoe, ho le joalo. Ba ne ba fumane libishopo tsa bona, 'me ba fumane seo ba neng ba se batla, 'me e le pheto seo ba se batlileng. Empa Molimo o tla hlokomela hore... Mohlomong bana ba khethiloeng ba ne ba le teng ka mono, 'me a loketse ho ea ba lata. Ke hantle.

³⁰³ Ka baka leo, hopolang, e ne e le eng? Joale a re emiseng mona motsotso feela. Lota o kile a fuoa khetho ea ho kenela bolumeli bo sa khetheng nku ka pere, ka boeena. Ke hantle? [Phutheho e re, "Amen."—Mong.] O kile a fuoa monyetla oa ho tsamaea le Abrahama, empa lerato la lefatše la mo pupetsa. Ke sona se hlahileng kajeno.

³⁰⁴ 'Me, hopolang, bao ba tlase Sodoma ha ba ka ba bona le o mong oa mehlolo eo e hlollang. Ba ile ba foufatsoa. 'Me therø ea Lentsoe e foufatsa mahlo a mosalumele. Billy Graham le bao ba entse hona hoo, ho foufatsa mahlo a bomosalumele ka ntle mono. Ke hantle.

³⁰⁵ Joale le ke ke la hana hoba Jesu o itse, "Joaleka matsatsing a Sodoma, ho tla ba joalo ho Khutleng." Ke ena, ka hara Bibele. Le a bona? Ho tla ba joalo ho Khutleng ha Mora motho.

³⁰⁶ Joale elang hloko. Empa e Mong a hlaha e le Lentsoe. E ne e le Lentsoe, homme A sala kae? Le ea tšepisitsoeng, mokhethoa. Lentsoe la sala le mokhethoa. 'Me Lentsoe la Molimo, kajeno, le tla sala le Mokhethoa, Peō ea Borena ea Abrahama, ka tšepiso.

³⁰⁷ E ile Ea etsa mesebetsi ea mofuta mong? Mohla E ne e bonahatsoa ka mora lilemo tse ka bang makholo a robeli, ka sebopheho sa Jesu Kreste, E entse eona mesebetsi e entsoeng ke e Mong eo morao mane, Lentsoe le entse joalo, khorong ea tente ea Abrahama. A lula mokokotlo oa Hae o furaletse tente, a bolella Abrahama a re lebitso la hae e ne e le Abrahama; e seng Abrame, kamoo esale le bitsoa, lebitso la hae. Empa lebitso la hae e le Abrahama, hoba Molimo a kopane le eèna matsatsinyana pele ho moo, oa mo rea lebitso Abrahama. Ho re, "Mosali oa hao o kae," e seng S-a-r-a-i. S-a-r-a, "Mosali oa hao Sara, o kae?" Eka hoja A sa tsebe.

Ho re, “O ka tenteng, ka mora Hao.”

³⁰⁸ A re, “Ke tla u etela.” “Ke,” leemeli la motho, “Ke tla u etela, ka nako ea bophelo,” oh, “me u tla fumana lesea leo e sa le u le lebella.”

³⁰⁹ Pula ea selemo e itokisetsa ho tšoloha. U bolokile Peō eo halelele ho lekana mono joale, ka ho lumela. ’Me u lebeletse Mora ea tlang, ’me O tla tla. Amen. Ke Kereke ea ’nete kajeno, le a bona, Peō e khethiloeng eo. “Esale u Mo shebeletse, ’me Ke tla u romella Eèna.” Amen. Hoo ho boletsoe ke eng? Lentsoe.

“Oh,” u re, “e ne e le Lentsoe na?” Ke kopa tšoarelo.

³¹⁰ Abrahama o Mo bitsitse, “Elohim,” Eo ke ea Matlaohle, Ea leng teng-ka-boeena. E ne e le Lentsoe, Elohim.

³¹¹ O tlie ho mang? Peō ea Abrahama. Joale, le hopole, ha A ka a amana le malumeli ka letho. A lula hantle le Mokhethoa, ’me a rera, ke hantle, a ba a hlahisa pontšo. ’Me Jesu o boletse... Joale beang butle nakoana.

³¹² Eaba, Sara, o a inahanel! Elang tšilafalo eo hloko, le a bona. Joale, hantle-ntle, ho se lumele Hono, Molimo o ka be o ’molaile hantle hona moo. Le tseba seo? Eaba o tsoa a latöla. Abrahama... A tšeja ka marameng, ka mantsoe a mang, a itšeheela. Joale, eèna, mohlomong, ha a bososela. Empa, tlase pelöng ea hae, a—a—a tšeja ho se hokae. “Nna, mosalimoholo, oa lilemo tse lekholo; lilemo tse mashome a mahlano menophose e tlotse, nako ea bophelo. Ke phetse le eèna lilemo tseo tsöhle! Be, ha re eso phelisane sa monna le mosali, lilemo tse mashome a mabeli a metso e mehlano, mohlomong tse mashome a mararo. U a bona? ’Me ho thoe ke tla boela ke thaba le morena oa ka, Abrahama?” Monna oa hae!

³¹³ Le tlameha ho ba basali ba mofuta oo, le loketse joalo. Pauluse o itsalo. Le rate banna ba lona ha kaalo. E seng ho tsoalisa ntho e itseng ka ntle ka mona. Le a bona? Hopolang, mehopolo ea lona... Re tla kena moo, thapama ena, “popelo, mohopolo.” Ka baka leo joale... Empa, tabeng eo, o ne a rata Abrahama hoo a ’mitsitseng morena oa hae.

³¹⁴ “Morena oa ka o tsofetse, le eèna, le ’na ke se ke tsofetse, ’me nka hla ka boela ka thaba le eèna?” ’Me eèna... [Moena Branham o etsisa Sara ea khamang setšehe—Mong.]

³¹⁵ Eaba Lengeloi le bontša Abrahama hore na lona E ne e le Mang, hore E ne e le Lentsoe. La re, “Sara o tšehele ke’ng?”

Ka baka leo a ’mitsa, ’me a re, “Ha kea tšeja.”

La re, “Empa ee bo.”

³¹⁶ Eng? Ke mohau oo. Le a bona? Hantle mono, Molimo a ka be a n'a 'molaee hantle mono, empa O ne a ke ke. Oh! Le bona booatla ba röna? A ka bolaea e mong le e mong oa röna, empa A ke ke. Ho bolaea Sara, O ne a lokela ho tlosa Abrahama,

hoba Sara e ne e le karolo ea Abrahama. Ba le bang, kopanong. 'Me ho tlosa Kereke le ho E timeletsa, A ke kea etsa hoo, hoba E le karolo ea Hae, Kreste; karolo ea Hae, Lentsoe le etsoang nama. Oh! Mohau o hlollang, mololi o monate-nate! E ke ke ea etsoa. Le a e tšoara? [Phutheho e re, "Amen."—Mong.] A ke ke a 'molaea. A ke ke a tlosa bophelo ba hae, hoba e ne e le karolo ea Abrahama. Le a bona? E le nama ea nama tsa hae, le lesapo la lesapo la hae.

³¹⁷ Liphosong tsa rōna, u se ke ua re, "Be, ke—ke sitiloe." Che, hoo ha ho ba fetole... Abrahama o entse liphoso, le eèna. Le a bona?

³¹⁸ Empa O ne a ka sitoa ho tlosa Kereke. A ke ke a bolaea Mokhethoa, A ke ke a tlosa bophelo ba hao, hoba u karolo ea Hae. Uena u Lentsoe. Lentsoe le ka ho uena. Le a Ipontšahatsa, ho Ipaka; lerato, thabo, khotso, tiisetso. Mantsoe oohle a Molimo, u lumela mosebetsi o mong le o mong oa Eona, 'me Molimo o sebetsa ka uena. U a bona? U karolo ea Lentsoe, e leng Kreste. 'Me re rutoa hore Eèna ke Lentsoe. "Rōna re nama tsa nama ea Hae, le lesapo la lesapo la Hae." Ke moo he.

Joale re theohela nthong e 'ngoe.

³¹⁹ *Moureh, moureh*, pula, pula ea "hoetla," pula ea tjalo e tšolohile. Joale ho etsahetse'ng? Pula ea hoetla e ne e jaloa; pula ea selemo e ile ea tšoloha. Ha etsahala'ng? Sodoma 'moho le Basodoma ba eona ba chesoa; Abrahama a fumana mora oa tšepiso. Jesu o boletse, "Li tloheleng li hole hammoho. Mahola a tla tlangoa, a bokelloe ngata, 'me a chesoe. Oona mol... Koro e nkeloe molikong." Le a bona? Pula ea selemo e se e le haufi. Re se re tla fumana...

³²⁰ Ha ke batle ho ema halelele mono, hoba ke tšoere ntho e babatsehang haholo morao mona malebana le hono, ke a tseba. Le a bona?

³²¹ Malumeli a mabeli a tla kopana, Pentekosta le tsena tse ling, 'me li tla kopana. Empa e—e Lentsoe le tla sala le Peō ea Abrahama ea tšepiso, joaleka ha Le entse mohlang oo. Jesu o boletse, "Joaleka mohlang oo..." Le na le litsebe tsa ho utloa na, mahlo a ho bona, kutloisiso ho utloisia ka eona? [Phutheho e re, "Amen."—Mong.] Jesu o boletse, "Joaleka moo, na ha ho a ngoloa..." Na O ne a tla bua, hola A eme mona hoseng hona, na ebe—na ebe O ne a sa tlo bua sena, "Ana ha ho a ngoloa, ha thoe, joaleka matsatsing a Sodoma, ho tla ba joalo ho Khutleng ha Mora motho"? ["Amen."] Na ha le bone likotulo tse peli tse nyolohang mona, tse suoang tšeole ea tsona ea ho qetela? Li se li kene tšeoleng eo ea ho qetela. Le a bona? Eaba ho etsahala'ng? Eaba Mangeloi le Morena ba nyamela. Pula ea nto na. Ho lokile.

³²² Joale le hlokomele ka thata joale. Joale, kea khlooa ke ne ke tšoere temana ena mona, e-ea, ea pula, 'me ea

sel...ea pula ea selemo. Lipontšo tsohle li supile pheletsong joale. Mang le mang, ea lumelang Lentsoe la Molimo, o tseba seo. Esita...

³²³ A nke ke emise nthong e 'ngoe hantle mona. Ke tla lokela ho bitsa lebitso. Ha kea ikemisetsa ho khohlahala, empa ke na le...kea...Ke boleletse Molimo ke—ke—nke ka honyetsa litebele tsa letho, ke tla theohela mona 'me ke hhalose hantle feela seo ke se tsebileng bophelo ba ka bohle, 'me hape lintho li teng qetellong mona tseo ke tla tlameha ho li koetla, kea tseba, empa ke—ke—a kea ttil'o le hhalosetsa, ho latèla kamoo A ntumellang ho e etsa. Pele, kea...

³²⁴ Mof. Wood o a tseba ka mora hoba ke fumane sena, 'me maqephe a mang a mangata a teng ntle le ana, Moea o Halalelang o ile oa re, "U se ke ua etsa joalo." Na ke ile ka u bitsa, Mof. Wood, 'me ka re, "O mpoleletse ho se etse joalo"? Ka baka leo ka khutla ka ea rapela. 'Me bosiuung boo A itlhahisa ho 'na ka pono, a re, "E-ea u etse sena. Nka Sena u Se bee mono, hoba ba ke ke ba utloisia Sena. Nako ea Sena ha eso fihle. Bea Sena mona." 'Me ka etsa joalo. Ke hantle. Le a bona? "Kutlo e molemo ho sehlabelo." Le a bona? Ho lokile. Ho ba le kutlo!

³²⁵ Joale, joale shebang. Re a...Ho le bontša hobane re nakong ea qetelo, esita le un...Papiso ea moroetsana ea bohlale le moroetsana—moroetsana ea leoatla e holima rōna. Joale, shebang. Ea leoatla moroetsana—moroetsana... Le ke le ntšoarele. Moroetsana ea leoatla o tla fetoha ntho e futsoetsoeng. Le a bona? O na e na le Peō, a se na Oli, lesoe ho E melisa. Joale, 'me o etsa'ng? E—e lihlopho tse peli, sehlopho sa Pentekosta le malumeli a lefatše (lihlopho tsa boevangelii), li teana 'moho. Le a bona? Ho etsang? Ho ea Sodoma, le a bona, le a bona, joale ela hloko, ho kotula kotulo ena. Lemohang moroetsana—moroetsana ea leoatla.

³²⁶ Na le lemohile hoo, esita le e mong oa metsoalle ea ka e meholo, moithuti oa sekolo ruri, monna ea bohlale, ea kelello, ea hlaketsoeng, monna oa Mopentekosta? 'Me ke bona baena beso ka hara Borakhoebo ba Bakreste ba hooa lithoriso tsa Molimo, hobane, ka hare ka mono, ba na le bareri ba Episkopaliane, baptista ba Katolike. Kea ipotsa na ebe banna bao ba khalehile na. Le a lemoha na? Ba re, "Oh, ke ntho e kholahali eo u kileng oa e utloa, Moena Branham. Khele, batho bana ba Episkopaliane ba tlide koano ba itlalehile ba fumane Moea o Halalelang. Ba buile ka lipuo. Ba entse lilo. Ho bokoe Molimo! Kea le bolella, ba—ba—ba mpa feela... Khele, kereke ea bona e hlanamisitsoe bocha." Oho, khili!

³²⁷ Bana beso, na ha le tsebe hoo ke eng? Ke pontšo. Mohla moroetsana ea bohlale a batlang Oli...Kapa, moroetsana ea leoatla, ke rialo, a batlang Oli, 'me, e re a sa E reka, Monyali o

fihla ka eona nako eo. Oh, lona Mapentekosta, molato ke eng? Be, le ke ke la e bona ha Molimo o sa le bontše eona, ke ntho e le 'ngoe e tiileng. Haeba—haeba u sa tsoaloa morao koana, ho rereloa eona, u tla e fosa. “Ho lehlohonolo litsebe tse khonang ho utloa.” Ho lehlohonolo lipelō tse ka utloisisang, hoba nako e haufi. Pontšo e 'ngoe le e 'ngoe e supile teng. Le a bona?

³²⁸ Ba shebeng ba tšoara litsoleletso tsa mofuta mong. Tsosoletso e khōlō, eo ba ileng ba e tšoara. E shebahala hantle, ha ke re?

³²⁹ U re, “Be, Moena Branham, joale u re suntse sekhutloaneng.” Ke hona moo ke neng ke le batlile teng.

“Le tla tseba se lokileng le se phoso joang?”

³³⁰ Se fetise hlahlobong ea Lentsoe. Ke oona mokhoa oa ho bolela ha e nepahetse kapa e fosahetse. Hoo, feela—feela se fetise hlahlobong ea Lentsoe, u bone seo e se buang ka Lentsoe. Moea ofe, sheba na u buang ka Lentsoe. Ha u latōla Lentsoe, ha se oa Molimo. U a bona? Ho sa tsotelehe seo u leng sona, ha u latōla Lentsoe, ha se oa Molimo. Sheba, u fetise tekong ea Lentsoe, 'me u bone se etsahalang.

³³¹ Jesu o re laile khahlano le lintho tsena. Mattheu khaolo ea 24 le temana ea 35, ke mpa ke batla ho lebisa mono, ka baka la liteipi. Mototsso feela joale. Re saletsoe ke metsotso e ka bang mashome mabeli pele re qhalana, 'me—'me ke tiile re ke ke ra finyella karolo ea 'ngoe holima tharo, empa leha ho le joalo ke tlameha ho bala sena. Le a bona? Mattheu 24:35. Joale le mamele seo Jesu a se buileng ka kelohloko. Joale, kamoo sena... Kamoo A re boleletseng, hore, “Meea e 'meli e tla bapa, hoo e ka thetsang le bona Bakhethoa...” Le tseba seo. Ha ho joalo? Joale, na e tla be e nepile? E, monghali. Mattheu 24:35 e re:

*Maholimo le lefatše li tla feta, empa lipolelo tsa ka li
ke ke tsa feta.*

³³² Le a bona? Joale o... Meea e 'meli e bapile hoo, litaba li lokela ho ema joalo. Li loketse joalo. E—e bolumeli ba Pentekosta bo tlameha ho etsisa hakana, bo tšoane le ntho ea sebele, hoo Jesu a bileng a re ke Bakhethoa feela ba ke keng ba thetsoa. Taba eo, e batla e mpolaea. Empa, baena beso ba malumeli, na ha le bone hobaneng—hobaneng ke entse seo ke se entseng? Le a bona? “Ho bapa, ho ka thetsang le bona Bakhethoa, hola ke ntho e ka etsoang.”

³³³ Empa, ho Bakhethoa, ba khethetsoeng Bophelo Bosafeleng. Joale, le bua ka ho khahlola taba ena, re tlil'o e khahlola ka mora nakoana, ho e otla ruri. Le a bona? E... Hopolang, ke, Bakhethoa ke oona feela mofuta o tla E tšoara.

“Be,” u re, “u tseba joang hore ha u a nepa?”

³³⁴ Ntlhahlobe ka Lentsoe. Tloo, hlahloba bolumeli ba hao ka Lentsoe lena. Ho bona ea lokileng. “Le leke tsohle,” Bibele e itsalo.

³³⁵ U re, “Ha ho phapang ea letho, ho kolobetsoa ka tsela *ena kapa eane.*” Ehlile e etsa phapang. Ke sona seo Satane a se boleletseng Eva.

³³⁶ Motho o ne a se a kolobelitsoe, ho Liketso 19. Ba kolobelitsoe ke monna ea lokileng oa Mokreste, le hona, Johanne Mokolobetsi. Pauluse a re, “Na le amohetse Moea o Halalelang ho tloha le lumetse?” Re ile ra re . . .

A re, “Ha re tsebe hoba Moea o Halalelang o teng.”

³³⁷ Ho re, “Athe le kolobelitsoe joang?” Hola la e utloisia, le ka be le e tsebile. Le a bona? “Empa ebe le ka be le . . . Joang—joang ebe le kolobelitsoe joang?”

A re, “Ho Johanne, monna e moholo ea kolobelitseng Jesu.”

³³⁸ Pauluse o itse, “E ke ke ea sebetsa joale. Hoba, Johanne ha a kolobeletsa, haese pakong feela, e seng tšoarelong ea libe; Sehlabelo se ne se eso hlahisoe.” ’Me eitse ha ba utloa hona, ba kolobetsoa hape, ka Lebitso la Jesu Kreste.

Ho ka thoeng hola Moshe a itse . . .

Molimo o itse, “Rola lieta tsa hao, Moshe.”

³³⁹ A re, “U a tseba, ke hlile ke li hlametse hoseng hona, Morena. Ke tla bontša hlompho e kholoanyane, ke tla rola katiba ea ka”? E ka be e sa sebetsa. Ha A re katiba. O itse lieta.

³⁴⁰ ’Me liabolosi ke eèna ea lekang ho soefatsa Hoo, joaleka ha a entse ho ’mè Eva. Lentsoe ka leng ke ’Nete, ka nepahalo eo Molimo o Le ngotseng mono. Ke Le lumela ka tsela eo.

³⁴¹ Joale, u ka tsoela pele. Haeba u re, “Be, re tšoere ’Nete,” be, u ka ’na oa tsoelapele he. Ho itoketse. Haeba u foufetse hakaalo, u ka ’na oa tsoelapele hantle, u ntse u thekesela lefifing. Lentsoe le tla u ahlola ke lona lena, moena, e seng tumeloana ea hao.

³⁴² Oh, e shebahala e le ntle. E, monghali, e shebeha hantle. ’Me u re, “Be, Moena Branham, be butle motsotso. Ho bokoe Molimo, ke ba bone ba tsoa ba folisa bakuli.” Oh, ehlile, le ’na bo. “Oh, ke ba bone ba bua ka lipuo.” E, monghali, le ’na bo.

³⁴³ Ha ke eso lumele, ’me ha ho motho ea ka e kholisang ka Lentsoe la Molimo, ho thoe bopaki ba mantlha ba Moea o Halalelang ke ho bua ka lipuo. Ke batla motho ea tla tla etsa hoo. Ha e sa le ke e phepetsa. Ke lumela ho bua ka lipuo. E, monghali. Empa ke bone matemona a bua lipuo. Baloi le baupelli ba bua ka lipuo, ba bile ba li fetola, ba ntse ba latôla ntho e kang Jesu Kreste. Ke bone banna ba bua ka lipuo, a lula le mosali oa monna e mong; a ema, a nchebile hantle sefahlehong, pono e hlahile ka pel’ha hae; ka ’mitsetsa ka thoko, ’me ka mo pakela eona. ’Me hoo le ho bitsa Moea o Halalelang? Oh, ee.

³⁴⁴ U re, “Be, Moena Branham, na ha u lumele Moea o Halalelang o bua ka leleme?” E, monghali. Empa ako o hlahlobe ka Lentsoe. U a bona?

³⁴⁵ Jannese le Jambrese ba entse mehlolo. Ke hantle. Na o e entse? E, monghali. Jannese le Jambrese, mohla Moshe a theohetseng Egepeta, pontšo efe eo Moshe a e hlasisitseng, Jannese le Jambrese, baloi ba babeli bao, ba e hlasisitse ka ho tšoana. Matemona a mabeli! Moshe o ne a re, "Matsetse!" Ba itse, "Matsetse!" Moshe a re, "Molamu fatše!" Ba re, "Molamu fatše!" "Noha!" "Noha!" Ke hantle. Ba khonne ho etsa mehlolo.

³⁴⁶ Bibebe e boletse, ea re, "Matsatsing a qetelo, ea re, matemona a tla hlaha, a etsa mehlolo, 'me a tla thetsa batho." E boima e thata, moena, empa u tšoanetse ho tseba 'Nete.

³⁴⁷ Jesu o itse, "Ba bangata ba tla tla ho 'Na ka tsatsi leo 'me ba re, 'Morena, Morena, na ha kea etsa *sena*, 'me ka etsa *sane*, 'me ka etsa *sane*, le joalo, ka Lebitso la Hao?'" O tla re, "Tloha ho 'Na, uena ea sebetsang bokhopo." Bokhopo ke eng? Ntho u e tsebang e fosahetse, 'me u ntse u e etsa, leha ho le joalo. 'Me u a tseba Lentsoe la Molimo le nepile. Hobaneng u iketsa moikaketsi? Ka baka la mokhatlo oa hao, 'me u nka lethonyana *mona* 'me ha u Le amohele ka bottlalo. Uena ea sebetsang bokhopo! Ho re, "Tloha ho 'Na. Ha Kea ka ka u tseba le ka mohla." Joale, hoo... U lukela hara lihele hona mona kapa ka morao ho mona. Ka baka leo, u a bona? Joale, hopola, ke 'nete. Ke seo Jesu a se buileng.

³⁴⁸ Janese le Jambrese ba hanetsa Moshe. Hopolang. 'Me Bibebe e boletse, "Joaleka ha ba hanetse Moshe, ba tla boela ba hlaha matsatsing a qetelo, meeaa eona eo, hape." Eng? Pejana ho tokoloho ea batho. Alleluia! Nako ea tokoloho e fihfile.

³⁴⁹ Jesu o boletse, ho Mattheu 24 mono, ha thoe—ha thoe, "Ba tla thetsa le bona Bakhethoa, holane e le ntho e ka etsoang." Ke Bakhethoa feela ba tla E tšoara, a le mong feela *mona* le *mane*. "Bona Bakhethoa, holane ho ka etsoa."

³⁵⁰ "Joaleka Janese le Jambrese ba hanetse Moshe, le banna bana ba mehopolo e bolileng nqa ea Lentsoe ba tla etsa hoo, nqa ea 'Nete." 'Me Lentsoe ke 'Nete. Na ho joalo? Joale, ona ha se motsarane, motsoalle. Le a bona? Shebang. Bao...

³⁵¹ Bibebe e boletse, Jesu o boletse, ha thoe, "Ba tla bapa ho ka thetsang le bona Bakhethoa, holane ho ka etsoa." Empa ha se ntho e ka etsoang. Peō eo e tla oela mono, hobane E ne e rereloe ho oela mono. Lipeō li jetsoe; malumeli a jetse. Lentsoe le jetsoe. Le a bona?

³⁵² 'Me Janese le Jambrese, bao, bona batho bao, Bibebe e boletse matemona ana a tla hlaha matsatsing a qetelo 'me a tla thetsa batho, ka mehlolo ena le lipontšo tseo ba khonneng ho li etsa. Le tla tseba phapang joang? Lentsoe. Lona... Esita le Testamente ea Khale e itse, "Ha ba sa bue ho latēla molao le baporofeta, ha ba na Bophelo ka ho bona," haeba ba latōla ntho e le 'ngoe.

³⁵³ Le ke le mpotše motho ea kileng a kolobetsoa, ho sebelisoa tlota ea lebitso la “Ntate, Mora, Moea o Halalelang.” Le e etsetsa’ng he? Tumeloana, mofutsoeloa, bana ba shoeleng, bana ba bonyatsi, ba shoeleng habeli, ba fothotsoeng ka metso! “Me motso o mong le o mong oa Ka... Semela se seng le se seng se sa lengoang ke Ntate oa Ka oa Leholidō, se tla fotholoa. Maholimo le lefatše li tla feta, empa Lentsoe la Ka le ke ke la feta,” Jesu o boletse.

³⁵⁴ Joale le bona lebaka la ho ema ha ka kamoo ke ileng ka ema? Mpontšeng sebaka se le seng, haeba e se thohako ho mosali ho kuta moriri oa hae. Ke moo. Ebe le mphehisa khang.

³⁵⁵ Ebe batho ba re, “Moena Branham ke moporofeta. Oh, le mo khlooe ha feels a bua le batho, a ba bolella libe tsa bona, le lintho tse kang tseo. Empa ha a kena thutong, le se lumele Hono.” Be, mofohatse tooe oa moikaketsi. Ha u tsebe letho. A na Bibele ha e rialo, “Lentsoe la Morena le tlie ho baporofeta”? Ha ke ipitse moporofeta. Ha ke moporofeta oa letho; empa ke lona le itsalong. Ke pheta seo u se buileng, ‘me u ntano hlanōha u bua ntho e joalo? U se ke ua e latōla. Ke e hatisitse, moo u e buileng teng. U ne u sa tsebe, ha ke re? Ke batla u e latōla, ka nako e ’ngoe. Ke phetho seo ke batlang hore u se bue. E re lentsoe la hao le boele le bue le uena.

³⁵⁶ “Joaleka Janese le Jambrese ha ba hanetse Moshe.” Bo-ramehlolo, empa Lentsoe le ne le le hokae, Lentsoe la ’nete? Mathaka a etsang mehlolo ke ao. Mathaka a khonneng ho etsa sohle se amanang le mehlolo eo... .

³⁵⁷ Empa mono keha ho eme baporofeta ba babeli ba tlotsitsoeng, kapa moporofeta a le mong le motlatsi oa hae. Moporofeta ea tlotsitsoeng ea bitsoang Moshe e le eo, a eme mono, a tšoere HO RIALO MORENA. Pheletsong, ea bonahatsoa eohle, pejana ho tokoloho. Na ho joalo? Bao ba reiloeng bo-ramehlolo ba ile ba shoa ba timela.

³⁵⁸ ‘Me seo ba lekang ho se etsa, ba ntse ba leka ho—ho iphehlela pula ea selemo. Lithole. Khеле, pula ea selemo e tla hohola lefatše, moena. Pula ea hoetla e fetile, ho jala mantsoe. Ke hantle. Joale le tla bona seo pula ea selemo e se hlahisang. Le tla fumana ho tlaboloa selekane. Mapentekosta a tla teana le lihlopha tse ling tsohle, ‘me ba tla koalla mathaka a sa e mameleeng menyako. Le ho bula molomo u ke ke oa lumelloa. Hantle. Ke hona mohla A tla hlah. Ke hona mohla A tla bontša. Ke hona mohla u tla bona pula. Oh, khele! Khutsang. Tholang. Uh-huh. E tloheleng. Oh!

³⁵⁹ Empa Lentsoe le ne le lutse ho moporofeta eo ea tlotsitsoeng, hobane Lentsoe la Morena le tlie ho moporofeta. Joale, Molimo ha o fetole tsamaiso ea Oona. Che, che. Ha A eso fetole tsamaiso ea Hae le ka mohla.

³⁶⁰ Joale, e ne e le eng? Borarō boo bo ne bo eme mono hape. Mono keja ho tsamaea Janese le Jambrese, ba etsa mehlolo.

Joaleka ho theohela, Sodoma, ho etsa mohlolonyana o le mong, ho foufatsa batho. Le a bona? Abrahama motlotsua o ne a eme mono, le Molimo, le molekane oa hae Sara. Ho joalo? Janese le Jambrese ke bana ba eme mona, ba etsa mehlolo, ntho efe feela eo Moshe a e khonneng ka mohlolo, lipontšo. Lentsoe le tlotsitsioeng le ne le eme mono, moporofeta, le motlatsti oa hae, mothusi oa hae.

³⁶¹ Oh, eka nka e rera joale, lihora tse peli feela tse mahetla. Ho lokile. Ho Genese 1, hopolang, “Peō e ’ngoe le e ’ngoe ho latèla mofuta oa eona.” E ka khona ho be joalo kamehla. Lipapiso tseo tsople ke tseo.

³⁶² Monna ea ka reng, ea ka lumelang, a re Kereke e tla feta nakong ea Matšoenyeho, ke ipotsa moo le ka fumanang peō ea ntho eo? Holim’ a esita... “Be,” u re, “Ke lumela hore Le bolela sena, hore ba tla etsa joalo.” Ho itoketse. Na le kile la sheba morao la elelloa moo pula e tšolohileng nakong e ’ngoe? E tšolohetse holim’ a eng? Le pele ho kahlolo keha Nooe a kene arekeng. Sodoma; le pele e etsahal keha Lota a tsoile Sodoma. Le a bona? Ke ’nête. Re a . . .

³⁶³ Ha re fete nako ea letho ea Matšoenyeho. U tlil’o kena Hloibilong, le leng la matsatsi ana. Ruri. Seo re se etsang . . . Hobane’ng u tšoanetse ho ahloloa? Athe O kile a emela matšoenyeho a ka; Jesu Kreste. Matšoeho a ka a phethiloe mono, hantle mono. E-ea. Ke Mo amohetse, ke sa lefisoa le moputso. “Ha Ke bona Mali, Ke tla le feta.” Ke hantle. Moshe o ne a sirelelitsoe le Israele ka polokeho, mohla matšoenyeho a ne a theoha. Ke hantle. Ho lokile.

³⁶⁴ Peō ka ’ngoe e tšoanelia ho tla ka mofuta oa eona. “Molimo o entse motho ka setšoantšo sa Oona, ka mofuta oa Hae,” ho fetoha Lentsoe la Hae lefatšeng. O E pepesitse ka ho Jesu Kreste. E le eng? Molimo o no o le ka ho Kreste. Ke Monna oa mofuta oa Hae. Le a bona? Mohla Molimo, e leng Lentsoe . . . Ba bakae ba Mo tsebang e le Lentsoe? Mohla Lentsoe le ne le le ka ho Kreste, Monna, Monna motho, le Itlhalosa ka Eèna, e ne e le Molimo eo, Lentsoe, ka ho Kreste, le Itlhalosa.

³⁶⁵ “Me Molimo, tšimolohong, o entse motho ka setšoantšo sa Oona ka Sebele.” ’Me kajeno Molimo o etsa motho oa mofuta oo. Setša sa thupelo le seqhotsisi se qhotsa sekhakhatha sa lintho tsa mafutsoeloa, le a bona, likolo. Empa Molimo ha o bitsa motho, o setšoantšong sa Hae ka Sebele, Lentsoe le phelisitsioe ka ho eèna. Ke hantle. Ke eo moo a leng teng. Ke motho oa Molimo eo, motho ea setšoantšong sa Hae ka Sebele, ka ho tšoana ha Hae ruri. ’Me Jesu o boletse, ha thoe, “Mesebetsi eo Ke e etsang o tla e etsa.”

³⁶⁶ Ka baka leo, “Molimo o entse motho ka setšoantšo sa Oona ka Sebele, oa mofuta oa Hae.” Mofuta oa Hae! Mofuta oa Hae ke ofe? Lentsoe. Eèna Ke Lentsoe. Efèla ha motho a

latōla Lentsoe la Molimo, a ka ema ka setšoantšo sa Molimo joang? Botsa potso eo feela. Ipotse. U ka ema ka setšoantšo sa Molimo joang 'me u latole Lentsoe la Molimo, athe Lentsoe ke setšoantšo sa Oona se pepesitsoeng?

"Oh," o re, "Ha le bolele Hoo."

³⁶⁷ Setšoantšo se pepesitsoeng sa Molimo se re, "Oh, ke Le buile, athe ruri ke ne ke sa tiea ka Lona. Ke—ke ne ke fositse mono. Ke—ke a honyela. Le ne le etselitsoe nako e 'ngoe. Ke ne ke sa tiea ka Lona"? Oh, mohau! Lithole, hleke-hleke ea liabolosi, eo a e foqileng Eva. Le se mo lumelle ho leka ho e sutela tlase molaleng oa Bakhethoa, le hona. Che, monghali. Ba ke ke ba e lumela. "Tloo u ngolise setlamong sa rōna feela." U se ke ua ngolisa le letho!

³⁶⁸ U tlameha ho tsoaloa, e seng ho ngolisa; sebopuoa se secha, e, ho ema ka setšoantšo sa Hae ka Sebele, sa mofuta oa Hae, ho fetoha—ho fetoha Lentsoe la Hae le hhalosoang holima lefatše. Joale, Jesu e ne e le Lentsoe la Molimo le hhalositseng. Le lumela seo? [Phutheho e re, "Amen."—Mong.] Ha ho le joalo re tšoanelia ho ba eng? Bara ba Molimo, le rōna, ka mokhoa oa Lentsoe le pepesoang ka hara Kereke, ho tsoellisa. Ke oo 'Mele oa Kreste oa sephiri, o tsoellisang eona mesebetsi eo Jesu a e entseng mohla A ne a le mona holim'a lefatše. Le a bona? Ke oo mofuta o futsitseng mofuta oa Hae.

³⁶⁹ Joale, u ka fumana Lutherane e futsitse Lutherane, Methodise e futsitse Methodise, Katolike e futsitse Katolike, Pentekosta e futsitse oa ha'bo eona, Bonngoe bo futsa ba ha'bo eona, Botrintase bo futsa ba ha'bo eona.

³⁷⁰ Empa ha u le mofuta oa Molimo, ho fapanie, u a bona, u setšoantšo sa Lentsoe le hhalosoang le Iponahatsang. Oh, banna! Khele, e loketse joalo. Ha metsi a Le nela, Le loketse ho etsa hoo. Ka hona, ebe o a Tsoaloa, papiso, 'me o...ka mora hoba...Molimo o entse motho ka setšoantšo sa Oona ka Sebele. Ke—ke nahana ke haelloa ke nako ea tlhahiso e latēlang ena. E a babatseha. Empa ha ke—ke batle...Mantsoe oohle a Molimo a babatseha, le a bona. 'Me bonang mona moo ke neng ke loketse ke be ke le teng, e—e nakong ea tinare. Ke batla ke le hole hakaalo ho tloha teng, karolo ea eona ea 'ngoe holima tšeleta. Hum. Ho lokile. Na nka khona...A re e tloheleng hona moo feela. Le reng? 'Me ebe re...E-ea. Ba ka khutlang thapama ena ba ba kae? Phahamisa letsoho la hao. E-ea. E-ea. Ke botle. Ha ke batle ho le tšoarella halelele. Ke tla—ke tla feela...Ha ke batle ho le khathatsa. 'Me joale ke tla...Joale, lona bashanyana ba teipi mathisang liteipi motsotso feela, 'me ke tla—ke tla e khaola motsotsong feela, ka bona. Ho lokile, monghali. Joale re...

³⁷¹ Re qetetse ka mohopolo mona, ho thoe, Molimo o entse motho ka setšoantšo sa Oona ka Sebele, e leng oa mofuta oa

Hae. Molimo o entse motho, ka mofuta oa Hae. Le a e tšoara? [Phutheho e re, “Amen.”—Mong.] Motho, ka mofuta oa Hae. Be, E ne e le Monna oa mofuta ofe? Ha u ka hetla oa bona seo A na a le sona mohla A na etsoa nama, O etsa motho oa mofuta oo. Na ho joalo? [“Amen.”] Motho, ka mofuta oa Hae. Amen. Ke hantle. Ha se eona na? [“Amen.”] Ke eo motho oa mofuta oa Hae.

³⁷² O buile, ka mohla, ka nako e 'ngoe, a bolella monna, “U monna oa pelō ea Ka ka Sebele.” Monna oa pelō ea Hae ka Sebele, Davida. Le a e hopola? [Phutheho e re, “Amen.”—Mong.] Moea oa Molimo ka ho Davida. Davida, morena ea khesitsoeng. Motlotsua o khesoa kamehla. Davida, morena ea khesitsoeng, a hloa leralla mohla sechaba sa ha’bo ka sebele... Ke tla rera sena metsotso e meraro ena e latèlang. Athe batho ba ha’bo Davida ba ne ba loketse... O phethotsoe ke mofuta oa ha’bo ka sebele teroneng, mora oa hae ka sebele, ‘me ba mo leleka ba mo tlosa teroneng.

³⁷³ Davida ke eo a theoha, eaba e mong o tsoa a mo tšoela ka mathe, morena eo ea tlotsitsoeng. Athe thakanyana lena la khale le tsoile mono, le ne le holofetse thutong ea lona. Bibele e mo tlalehile a ne a holofetse, le a tseba. ’Me a tsamaea joalo, a tšoela morena eo ka mathe. Elang Kreste hloko. Ba mo tšoela ka mathe; moromuo ea emeng lephakong la hae, (lengeloi, papisong), a tsomula sabole, a re, “Na hloho ea ntja eo e ka hla ea lula e hlomiloe; a ntse a tšoela morena eo ka mathe?” Lengeloi la re, “Ke tla mo otla ke ‘molae.”

³⁷⁴ Davida a re, “Busetsa sabole ea hao. Ke etsa se ntšoanelang.” A hloella hlöröng ea leralla, la Jerusalema, a hetla fatše, morena ea khesitsoeng, ‘me a lla.

³⁷⁵ Lilemo tse makholo a robeli hamorao, Mora oa Davida, Moea o nong o ahile ho Davida, ka karolo, o kile a ema holima leralla leo; Morena ea khesitsoeng, a tšoeloa ka mathe a songoa. Ho joalo? [Phutheho e re, “Amen.”—Mong.] Eka Molimo o itse... Mono Mangeloi a bapile le Eèna, mohla A nyolohang Kalvari joalo. “Na hloho ea ntja eo e ka hla ea lula e hlomiloe holima eona?”

“Mo tlohele.” Oh, khele!

³⁷⁶ Nako ea tla. Empa ha etsahalang mohla Davida a khutlang? Maoa a fetoha. Davida a khutla a kaletse ka tlholo. Thaka lena le ile la matha, a hoeletsa a rapelisisa ho hauheloa. Ehlide.

³⁷⁷ Ba tloheleng. Tsatsi le leng O tla tla, ka matla. Ke moo bao, ba kileng ba tšeja, ba tlang ho balehela nqa ese. Ke hantle. Ba tloheleng feela.

³⁷⁸ Empa, Molimo oa re, “Davida, u monna oa pelō ea Ka ka Sebele.” Molimo ha o bopa motho, ke oa mofuta oa Hae.

³⁷⁹ Davida a re, “Lentsoe la Hao ke le patile pelöng ea ka, ke tle ke se ke ka U sitela, Morena.” O ne a mpa a hloka pula. Davida

a ka be a itoketse holane a fumana pula eo, empa mohlang oo Moea o Halalelang o ne o eso ho abjoe. O ne a tšoere Lentsoe, 'me Lentsoe le ahile ka ho eèna, 'me o khonne ho Le tseba. O itse, "Ke Le patile pelöng ea ka, Morena. Le ke ke la thunya la sebetsa ka tšoanelo ea Lona, empa ke Le patile mono, Morena. Ke Le patile mono." Empa mohla Jesu a ne a fihla, eèna e leng Lentsoe le bonahetseng, Lefi la Bophelo le ntšitsoe ho Lona, 'me joale Le khutlisetsoa Lentsoeng. 'Me efela ha mohope oa Davida o ne o khaphatseha, oa rôna o tlamehile ho etsa'ng? Ehlide. Moea o ne o le sieo... Amen. Ha A babatsehe na? [Phutheho e re, "Amen."—Mong.] Le a Mo rata? ["Amen."]

Ha A makatse, oa makatsa, oa makatsa?
 Na Jesu Morena'a ka ha makatse?
 Mahlo a bone, tsebe li utloile, se ngotsoeng
 'Ntsoeng la Molimo;
 Na Jesu Moren'a ka ha a makatse?

³⁸⁰ Ha A joalo na? Ba Le ratang ba ba kae? Ba ba kae ba Mo ratang? Oh, khele! Ho makatsa!

³⁸¹ Joale, e khohlighetse, motsoalle. E khohlighetse haholo. Ha kea ikemisetsa ho etsa joalo, ka bona. E-ea. Kea tšepa le utloisia hono. Le a bona? Empa kajeno ke hlaysia polelo ea hobane'ng ke entse lintho tseo ke li entseng.

³⁸² Joale, hlophollo e sa reng letho, pele re qhalanel a e-ijo tsa letšehare, ke ena. Ke batla le tsebe hore ke... Ebile morero oa ka le sepheo, ke Lentsoe la Molimo. Morero oa ka ke ho Mo khahlisa. 'Me nke ke ka mamela ntho tsohle 'me ka lumela Lentsoe la Molimo, le joalo nke ke ka mamela ntho tsohle 'me ka khahlisa Molimo. Morero oa ka ke ho tseba Lentsoe la Oona le ho khahlisa Molimo, ka ho Mo sebeletsa ka Lentsoe la Oona. Ha kea koetla letho khahlano le... .

³⁸³ Joale, mang le mang ea tsoetsoeng ke Moea oa Molimo ka mona, e leng leloko la Bakhethoa, koana e kile ea eba Momethodise, Mobaptise, Mopresbeteriene, Mopentekosta, e ka bang eng, nqa e 'ngoe. Joale, le tseba seo. Le tseba seo. Ha ho le joalo, le a bona, ha u re, "Tsoa u kene hara bona," u loketsse joalo. Motho o teng ka hare ka mono, ha u ka jala Peō, kotulo e tla fihla, tsatsi le leng. E tla oela... .

³⁸⁴ E 'ngoe e tla feta, e re, "Ah, ha se letho ke... Ke mothetsi." Na ha ba rialo ka Morena oa rôna? "Ha ho letho Mono." Be, ha ho le joalo, hobane'ng u sa Le hlahllobe le 'na 'moho? "E mpa e le mothetsi feela!" Le a bona? E hlahllobe ka Lentsoe he. Le a bona? Ha e se Lentsoe, e tla be e bua leshano. Le a bona? Joale, thutamolimo ea hao ha e fapano le Lentsoe, e tla be e sa loka. Le a bona?

³⁸⁵ Joale, ba bang ba tla feta ba re, "Be, u a tseba ke'ng, kea kholoa nka Le leka nakoana." U tla pupetsoa. Ke hantle. Le a bona?

³⁸⁶ Empa haeba u hlile honya, u re, “Morena Jesu, e se hlole e ba ’na, empa Uena, ho qala mona.” Le a bona? Ke hona mohla Le tla bea halekholo. Le lumela seo? [Phutheho e re, “Amen.”—Mong.] Kea Le lumela, le ’na, ka—ka bolokolohi le ka ho loka ho bohle. Ke hantle. E, monghali. Ke tlabola selekane ho Morena oa ka, le a bona, ho rera Lentsoe la Hae le ho ema ’Neteng ea Hae.

³⁸⁷ Ha e qosa bophelo ba ka, ke sa tsoelapele ka ho tšoana. Hoba ke tla... Ho ’na ekaba ntho e khōlō, ha ke batle ho etsa joalo, empa holane ke tlamehile ho e etsa, ho tsoaka mali a ka holima lefatše lena, joaloka bao ba tsoakang mali a bona ka morero oo. Joaloka bao ba timetseng mameneng a tau; joaloka bao ba shoeleng lifapanong; bao ba sagiloeng ka lisaga; ba kharameletsoa ka ntle ho mekhatlo ea bona; ’me ba phaila hohle ba apere matlo a linku le matlalo a li pōli; ’me ba hloka. Ho ’na e ka ba monyetla o moholo. Mokana barutuo ba Kreste ba khutlide, ’me ba balile e le thabo e khōlō ha ba khonne ho jara sekhobo se qhoaetsoeng Lebitsong la Hae. Haele moo ba hlokokafalitsoe ka baka ka Hae, hloriso e nyenyane ea bona. Ha ke batle ho sotleha. Ha ho mang ea batlang ho sotleha.

³⁸⁸ Nka rata ho teanya matsoho le malumeli, ho re, “Baena, a re eeng.” Nka rata joalo. Ha nka etsa joalo, ekabeba ke rutla letsoho la ka hara la Hae. Ke se leke ho etsa hoo le ka mohla. Haeba ke ema ke le mong, ke ema le Eèna le Lentsoe la Hae ’moho. Hobane, ho joalokaha Eddy Perronet a buile:

Ke ema holim’ a Kreste Lefika le matla;
Mobu oohle ke ’hlabathe le tebang.

’Me Kreste ke Lentsoe. “Tšimolohong...”

³⁸⁹ ’Me e ne e le eng? Lentsoe ka leng le a bea. “Peō ka ’ngoe e hlahise mofuta oa eona.” Peō ea bolumeli e tla hlahisa mofuta oa eona. Mokhatlo oa Pentekosta o tla hlahisa mofuta oa eona. Baptise e tla hlahisa mofuta oa eona. Ke eng? Mokhatlo, molebe, molebe. Re tla bontša, thapama ena, ha Molimo o rata, kamoo li qalileng kateng, hore na li bakile eng, le moo Bibebe e li tlalehileng li tla etsa joalo, le mokhoa oa pheletso ea tsona, hantle seo pheletso e tla ba sona.

³⁹⁰ Molimo a le hlohonolofatse bohle, ka koloing, Bongata, lona bohle ba makoloing, le sa khonang ho kena, la mamela ka maekrofounu ona. ’Me Molimo a hlohonolofatse lona le itšetlehileng ka marako ana; le lona ba lutseng mona hoseng hona.

³⁹¹ ’Me ke tšepa, ka mohau oa Molimo, ke sa khopisa letho, ke mpa ke itotobatsa. Joale, ha u lumela seo ke se buileng hoseng hona, na u ke ke oa ema ka ho tšoana? [Phutheho e re, “Amen.”—Mong.] Ehlide, u no u tla etsa joalo.

A re inamiseng lihloho tsa rōna nakoana feela.

³⁹² Ntate ramehauhelo oa Leholumō, ha re leke ho koala kopano, ke ho khefutso nakoana, metsots e 'maloa feela. 'Me lipoē tsena tse jetsoeng hoseng hona, e mpe be li oetse mobung o lokileng, o nonneng. Li ke li bee litemeteme, Morena, litemeteme tsa Bophelo Bosafeleng. Joale rea rapela, Ntate, hore lipoē tsena tse jetsoeng li tla be li robetse, li emetse pula ea selemo ho tšoloha. Ho ema! "Ba emelang Morena, ba tla bona matla a macha." Molimo, re se mathe ra eta Lentsoe pele; lula Lentsoeng. Aba sena, Morena. Re hlohonolofatse joale.

³⁹³ 'Me bao ba tla ea ja, ke U rapela ho ba fa lilo tsa bona, le—le ho hlohonolofatsa lilo tsa bona, le ho ba fa matla, le ho ba khutlisa thapama ena, nako e sa le ntle, Morena. Ba lule ka tempeleng ka mona, ba se ba lebeletse.

³⁹⁴ 'Me 'na U nthuse ke sa ea rapela, 'me ke tla khutla. Ke U kopa ho nchafatsa tlolo thapama ena. Aba sena, Morena, ke tle ke hlahise seo ke se lumelang e le Lentsoe la Hao, bathong. Aba sena, Ntate.

³⁹⁵ Ke U kopa ho hlohonolofatsa moratuo oa rōna, moruti ea ratoang, Moena Neville, moena oa rōna ea khabane. Metsotsong e 'maloa, o tla kena mona metsing, le sehlopha sa batho, ho kenela kolobetso.

³⁹⁶ 'Me, Ntate, mang ea leng teng mona hoseng hona, ea kolobelitsoeng ka tsela e sa khemeng le kolobetso ea Mokreste, eo mohlanka oa Hao e moholo Pauluse... 'Me u boletse, u ipoletse Lentsoe la Molimo le ne le ahile ka ho eēna. 'Me u itse, "Ekare ha motho kapa lengeloi, leha e ka ba Lengeloi le tsoang Leholumōng," joalokaha Satane a kile a ema ka setšoano sa Lengeloi, "le theoha le bolela taba e hosele le eo a e boletseng, le neeloe anathema." Ntate, rea e tseba e ngotsoe Mangolong. 'Me kea rapela, Ntate, hore, e tle—e tle e thophothele lipelōng tsa bona, hore Pauluse ke eēna ea laetseng batho, ba neng ba sa kolobetsoa ka Lebitso la Jesu Kreste tšoarelōng ea libe tsa bona, o ba laetse ho kolobetsoa hape. Le romele bathong, Ntate. Ba ke ba ele taba eo hloko, tšebeletsong ena ea kolobetso e tla latēla.

³⁹⁷ Ba lemohe hoba seo ke 'Nete, ba tseba ba ke ke ba hlahisa Lentsoe le le leng Lengolong, ho tšehtsa mohopolo oa bona oa botrintase ba Molimo-borarōng. Ntate, rōna, ehlide, rea lumela U ruile liphaposi tse tharo, tsa Ntate, Mora, le Moea o Halalelang. Re hlide re lumela hoo, Morena, empa ha se ho U fetola Melimo e meraro. Ho U etsa Molimo o le mong o sebelisitseng liphaposi tse tharo, tsa Ntate, Mora, le Moea o Halalelang 'moho, 'me Lebitso la Molimo oo la bitsoa Jesu Kreste. Joale, ke lona Lebitso la Ntate, Mora, Moea o Halalelang.

³⁹⁸ Ntate, batho ba ke ba e bone 'me ba fuoe kutlo e isang kolobetsong ea metsi, tšoarelōng ea libe tsa bona. 'Me mantsoe

a 'maloa ana, a kolobetso, joale a ke a oele botebong ba pelō ea e mong le e mong, hoba ha re tsebe nako e sa re saletseng, Ntate. E ntse e atamèla haholo.

³⁹⁹ Sera, rea tšepa re tla bua ka taba eo thapama ena, se ntse se teba, se ipha sebete, ka linako tsohle. Ho tloha ba ikhapetse terone. Ba tloha 'me ba kena ka hare hantle. Morena, re e bona lehlakore ka leng. Ha se bokomonisi, Morena. Batho ba ke ba utloisise hore ke Boroma, "Mme oa khale oa seotsoa le lihlola tsa hae." 'Me re a ba bona, Morena, ba kena, ke setšoantšo sa sebata. 'Me ke rōna bana.

⁴⁰⁰ Ntate Molimo, aka hauhele joale. 'Me u re lumelle bohole ho kena polokehong, ka hara Areka, le ho itokisetsa pula ea selemo. Re e kopa Lebitsong la Jesu. Amen.

⁴⁰¹ Joale ho lona ba ka hara mohaho mona, joale, ha le batla ho thoba ho ea fumana lijo, ho itoketse, ha le batla. Le ntano khutla, le kena ka mona ka potlako eo le e khonang ka mora tšebeletso.

⁴⁰² Joale a re emeng nakoana feela. A re—a re emeng, 'moho. Ba lumelang Lentsoe la Morena ba ba kae? Phahamisa letsoho la hao. Amen. Oh, ho lebohuoe Morena! *Oh, Jesu Ke Mo Rata Joang.*

Oh, Jesu ke mo rata joang,

⁴⁰³ Morena Jesu, hlohonolofatsa lisakatuku tsena. Ba fe, Morena, tlolo ea Moea . . . ? . . . ka Lebitso la Jesu. 

LENTSOE LE BUILOENG

KE PEŌ EA TŠIMOLOHO²

Be, joale, ho hotle, Moena Kidd. Ke botle. Re hona moo.
[Moena Kidd o bua taba le Moena 'Branham—Mong.] Amen. U batla ho bua ntho ka pholiso ea hae.

² [Moena Kidd o re, "E. Ke 'na motho ea folileng, lilemo tse peli tse fetileng. Ke ne ke se ke itokiselitse lekese la ho bea meja fatše. 'Me a bitsa Moena Branham, 'me a tla, eèna le—eèna le mora oa hae. 'Me ba tloha hae mona ka hora ea bobeli, 'me a tla a nthapella. Ka moo... Ke shoele bohatsu ho qala—qala—qala lethekeng, ho theohela tlase, ho se letho. 'Me hora hoba a nthapelle, a se a tsamaile, maikutlo ohle a khutla. Molimo oa mpholisa kankere. Ba itse 'Ha a na liphieo.' Ke fumane tse ncha. Ha ke tsebe, empa Molimo o li melisitse. Empa taba eo e hlahetse 'na. Lilemo tse mashome a robeli le motso o le mong, e se e le lilemo ke batlisisa hohle, ke thusa ho tlisetsa Pentekosta hlabollo. Taba eo e ntliophpha hoo nka shoang. Moena Branham o bua ka eona, 'Bohole ba hahile marako a karohanon kahlano le e mong, 'me ha ba fumane tsoseletso.' Ke hantle. O nèpile mono." Phutheho e a tšeja—Mong.]

3 Ke eona feela. Moena Ed, e entse hona hoo. Oh, ha e babatsehe na? Ke rata bopakinyana boo, moena.

4 Joale seea-le-moea sa makoloi se hoketsoe, ho latèla polelo ea bona ka mona, karolo ena mona.

5 Mang le mang o thabile joale? [Phutheho e re, "Amen."—Mong.] Be, joale, re tla qala hantle joale ho fihlela khitla ea bosiu, ebe re a...["Amen."] Re thabile haholo ha Morena a re thusitse a re lholhonolofalitse.

6 Joale, pele re qala hape, a re lebiseng polelo ea thapelo ho Eo re buang le Eèna joale.

7 Ntate oa Leholimō ea mohau, U utloa bopaki ba mohalaleli enoa, morapeli, oa leqheku. Haesale mongoaheng, eèna le mohatsa'e e monyenyan, ba sebetsa 'moho, le kamoo a ileng a tlameha ho itšoarella ka Uena, le ho U rapelisisa ho fetola monna oa hae moreri, 'me ke enoa. 'Me hape mohla a rapameng mono, a eshoa, lingaka tse khabane naheng tsa bua, li re, "Ho felile ka eèna. O tla phela lihora tse 'maloa. Ho felile. 'Mele oa hae o jeloe ke mofetše. Ha a sa tla hlola a hata hape. Maqaqailane a hae a tšoaelitsoe, le lintho, e se e mo qetile." Ke enoa, lilemo hamorao, o ntša tsoela pele. Re leboha haholo, Ntate. Ho a bontša, hore, ha Lentsoe le lengoa, le nosetsoa, Le tla hlahisa sejalo sa kotulo.

⁸ Joale re a rapela, Ntate, U re lumelle ho ala Mantsoe thapama ena, ho tsoa Lentsoeng la Hao. Ke Lentsoe la Hao, 'me re batla ho Le ala kamoo Le le leng kateng feela. 'Me U ntoo Le nosetsa, Morena, ka Moea. Re a kopa, re sa ineela, 'moho le Molaetsa, ho Uena, U tle u re sebelise, ka Lebitso la Jesu. Amen.

⁹ Joale ho potlaka hantle. Mohatsa ka o na nts'a mpolella, hoseng hona, ka ho thatafalloa ha batho, le a tseba, maoto a bona a honyela mesifa le lintho; mafumahali, 'me—'me haholo batho ba kang 'na, ba tsofalang, ha ba loketse ho ema joalo. Ke ananela hoo, botšepehi ba lona. 'Me joale re tla khutlela Molaetseng ka kotlolohlo re tsoele pele. Ha ke batla ho potlaka haholo, empa ke batla ho leka ho potlaka hoo nka qetang thapama ena, ha nka khona.

¹⁰ Hape, hang feela ha re qeta, re tla tloha ho ea—ea Tifton, Georgia, hase ntho ea tloa—...ke kopano e tsoellang. Mono re oditoriamong ea sekolo se phahameng, bosiu bo le bong feela. Mono ke bosiu ba hosasa, 'me ke tšebeletso ea theroy feela. 'Me ke tla nka sehlohonyana se tloaelehileng, kapa ntho eo nkileng ka e rera mona, hoba e le ho etela batho feela mono. Ha ba kopane kamehla kapa le letho. Ka baka leo re . . .

¹¹ 'Me joale, re—re khaolitse, hoseng hona, re ntse re bua ka theroy ea rōna e tsoang koana ho Genese, khaolong ea 1, le—le temana ea 11, haholo-holo. *Lentsoe Le Builoeng Ke Peō Ea Tšimoloho.*

¹² 'Me joale morero oa ka hoseng hona, le kajeno, ke ho leka ho hlahosetsa batho. [Moena Branham o botsa motho e mong, "Ntho eo e buletsoe na? Eaa."—Mong.] Ho leka ho hlahosetsa batho, boitšaro ba ka, joale, hobaneng ke entse tseo ke li entseng. Le ho lemoha, hobane, liteipi tsena li a hatisoa li tla romeloa ntle. Batho ba bangata ba tla li utloa ke se ke le hole le mona, ha Jesu a ka lieha. Empa ke batla hore ke lumela Lentsoe la Molimo, hore Lona, Hono, ke 'Nete.

¹³ Joale, re emisitse moo . . . matsatsing a qetelo, se hlahetseng molaetsa oa baboleli oo lilemo tse 'maloa tse fetileng o nong o chesetsa naha feela, 'me eka ba khaolitse kaofela ha bona. Joale, ha ke re ke ba tsoile masimong. Ba sa tsoela pele, empa litholoana ha li eo, eka ho joalo. Ha ba tsoe tema. Ua bona? Molato ke'ng? Tšimo e se e jetsoe. Ua bona? Joale le hopole. Le se lebale.

¹⁴ Motho o nkopile ho pheta lentsoe leo la Seheberu, ho Joele, khaolo ea 2, Joele 2:28, moo a buang ka ho khutla ha pula ea hoetla le ea selemo. Lentsoe "hoetla" ke lentsoe la Seheberu m-o-u-r-e-h, *moureh*, le bolelang thuto. Ka mantsoe a mang, e tla ba pula ea thuto le pula ea kotulo. Joale re fumane pula ea thuto, 'me joale re itokisetsa pula ea kotulo. Le a tseba, pula ea pele keha u lema peō, e qalang e melisa sejalo sa hao.

Ebe pejana feela se butsoa, ho fihla sejalo se seng. Hoo ba ho bitsang pula ea kotulo. Rea e tseba mohla e fihlang. Lipula tsa selemo, e ntoo ba lipula tsa ho ella Phupjane, e etsang sejalo sa hao. Joale, pula, re e fumana, e ne e le Moea.

¹⁵ 'Me joale re khaolitse ke hlahisa maikutlo a ka ka tšobotsi eo ntho eohle e tla ipha eona. Ke hore, ke lumela hore e-hore e-pula e tšolotsoe, pula. Re ntse re khutsa ke hona, hoba mobu o se o jetsoe. U batla u sa fumane letho, hohle, haese se jetsoeng. Hape o tsoile ka seea-le-moea, thelebishene, liteipi, lentsoe, ntho e 'ngoe le e 'ngoe. Naha eohle e jetsoe. E jetsoe lipoē. Joale, lipoē life feela tse jetsoeng, u ke ke ua fumana letho haese lipoē tse jetsoeng. Le a utloisisa joale? E tla be e le lipoē tse jetsoeng. Joale, Moea o tla theoha, empa O tla melisa kotulo ea peō eo O tšolohelang holim'a eona. Joale, hopola. Ho lokile.

¹⁶ Ke nōha ke re lihlopha tse peli tsena tsa bolumeli, tsa Pentekosta le lihlopha tsa boevangeli, li tla sebetsa 'moho bolumeling, li tla iteanya ho iketsa leloko, kaofela ha tsona, la Federasi ea Kansele ea Likereke, kapa la Kansele ea Likereke. E se e le litho tsa eona, kaofela ha tsona. 'Me ka bona, ho tla liheloa, khatello, kapa khanyetso, e tla khina sohle seo e seng setho sa kopano ea likereke. Ke eona ntho eo... Bibebe e tlalehile ho tla riteloa khanyetso, ho fihlela batho ba tla sitoa ho reka kapa ho rekisa ha ba sa amohela ntho ena: letšao la sebata, e leng Boroma; le setšoantšo sa sebata, e leng Boprotestanta. Ho thoe setšoantšo... Sebata se ne se e-na le matla, borena, ho phelisa setšoantšo, hore se bue, 'me se entse joalo. 'Me eo ke Konfederasi ea Likereke, mohla li momahanang 'moho.

¹⁷ Joale bacha ba bangata mona. Ha ke tsebe, Jesu a ka fihla thapama ena. A ka fihla isao. Ha ke tsebe mohla A tla Fihla. Empa, le hopole, ha ke sa phelele ho bona Lehla la ho Fihla ha Hae... Etsoe, ke tšepa ke tla khona, ka mokhoa o itseng ke lumela ke tla khona. Joale, haeba ke sa le bone, le se lumelle Lentsoe lena la khutsa litsebeng tsa lona le pelōng tsa lona. Ua bona? Le hopole feela, ke bua ka Lebitso la Morena.

¹⁸ Joale, ke lumela ka pelō eohle ea ka, hore e tla ferella joalo. Ho tla riteloa ntho e kang kopano, e-e leng khanyetso. Litulo tsohle tse kang tsena tse mona li tla koaloa. 'Me u ke ke ua bua ha u se na e-e tumello, kapa laksense e tsoang Federasing ena ea Likereke, ho tšoara tšebeletso. E batla e le... E itšupa e sebetsa joalo hona joale, esita le bolumeling. E itšupa moo e leng teng. E, monghali. U tlamehile ho le fumana. 'Me e tla fellu hona teng. Ke bolepi ba ka boo, joaleka mohlanka oa Kreste, ka kutloisiso ea ka ea Lentsoe, le ka tšusumetso. Ke hona moo e tla fihla teng. Eona... Matšoao oohle a supile bofelong. Ke sa tsoa bua ka hono. Ekasita le ho fihla ho...

¹⁹ Moroetsana ea leoatla o qala a tsetselela Oli. Joale, le hopole, e ne e le moroetsana. 'Me haeba e le moroetsana, ke kereke. Ua bona? Re tla kena moo thapama ena, ho Tšenolo 17. Haeba e le moroetsana, ke kereke, hoba kereke ke moroetsana.

Pauluse o itse, "Ke le lebeletsa ho Kreste, joaleka moroetsana ea hloekileng."

²⁰ Seotsoa, sa Tšenolo 17, e ne e le kereke. Johanne o kile a tsota botle ba sona—ba sona, seo a neng a le sona. E le nthoana e khahlehang. Empa, leha ho le joalo, "Ho eèna ha fumanoa mali a mohalaleli e mong le e mong oa Jesu Kreste, ea bolailoeng ka ho sona." Ke hantle. Ke khlooa e le limillione tse mashome a tšeletseng a metso e robeli, ho bashoela-tumelo, bao kereke ea Roma e Katolike e ba bolaileng ho qala—qala ka Mohalaleli Augustine oa Hippo. Ho bolailoe Maprotestanta a millione tse mashome a tšeletseng le metso e robeli, 'me a ngoliloe rekotong ea bashoela-tumelo, ke kereke ea Katolike, ka baka la ho hanana le thuto ea eona. Ha ho makatse Bibele e itse, "Ka ho eèna ho fumanoe mali a moshoela-tumelo e mong le e mong."

²¹ Joale, joale, na hase Jesu ea boletseng ho tla fihla nako, "Ba tla le bolaea, ba lekanya hoba ba sebeletsa Molimo"? [Phutheho e re, "Amen."—Mong.] 'Me ba tsepahala ka eona. Hase baikaketsi. Ba lumela hoo. Ba rutoa hoo.

²² 'Me ha Lentsoe leo...Ha—ha Lentsoe leo le jaloa moo, Le tlameha ho melisa sejalo. Ehlide, Le loketse joalo. Le hopole, re tšoarane le, "Peō." Ke mohlolithero oa rōna, Peō ea rōna. Lentsoe le builoeng la Molimo ke Peō. Ua bona? E tlameha ho khutlela Lentsoeng lena hape, 'me Lentsoe leo le tla hlahisa seo Le se bolelang.

²³ Ke ka hona ke lumelang pholiso ea Khalalelo. Ke ka hona ke lumelang lipono. Ke ka hona ke lumelang Mangeloi. Ke ka hona ke lumelang Molaetsa oona, ke ka hobane O tsoa Lentsoeng la Molimo. 'Me sohle se thoko le Lentsoe la Molimo, ha ke se lumele. Ho ka ba joalo, empa le joale ke tla lula le seo Molimo a se buileng, le ho ikholisa hore ke nèpile. Joale, Molimo a ka etsa seo A se batlang. Ke Molimo. Empa ha feela ke lula le Lentsoe la Hae, ke a tseba ke itoketse. Ke lumela hoo.

²⁴ Joale, moroetsana enoa ea leoatla ke mosali. Ke kereke, empa o leoatla. Ua bona? O mpile a ba bohlasoa, koana o bitsoa—o ipitsa Monyaluoa.

²⁵ 'Me le hopole, ntho eohle e khema ka borarō, e le phethahalo. Tharo ke palo ea phethahalo.

²⁶ Liphaposi tsa Molimo: Ntate, Mora, Moea o Halalelang. Molimo Ntate e ne e le Molimo o phelang Topallong ea Mollo. A leka ho hulela Israele ho Eèna. Ba hana ho tla. Molimo Ntate o phetse ka ho Mora, hoo ha Mo etsa Molimo Mora; oona Molimo oo, setšoantšo sa Molimo se bonahalitsoeng, Peō ea Molimo e bonahalitsoeng, ho leka ho hulela batho ho Eèna. Ba

Mo thakhisa. Moea o Halalelang ke oona Molimo o nong o le tšimolohong, kahara Mora Molimo, 'me joale mona (phaposi e 'ngoe ea Molimo) matsatsing a ho qetela, o phela kahara Kereke; ho leka ho tlisa Lentsoe, Lentsoe le builoeng, joaloka ha liphaposi tse ling tse peli li entse, bathong, 'me ba Le hana. Ke ntho e le 'ngoe. Ke liphaposi tse tharo kapa liponahatso tsa tšebetso ea Molimo o le mong. 'Me Molimo kahara batho ba Oona kajeno, motsamaong, ke Molimo motsamaong. Ua bona? Ke Molimo kahara batho.

²⁷ Ha Morena a rata, ke batla ho bua ka hoo, hosane bosiu, "Molimo bokahohleng ba Oona, Molimo ka ho Mora oa Oona, Molimo ka ho batho ba Oona," le joalo-joalo. Joale, nkile ka bua ka eona, mona, ke a kholoa.

²⁸ Joale, ebile, moroetsana enoa ea leoatla, mohla a ileng ho ea reka Oli. O kile a rongoa ho ea reka Oli. Eare a sa ile, a iphihlela a siiloe ke nako. Hobaneng? Hobaneng, motsoalle? Lipeō li se li jetsoe. Ua bona? Ba ne ba le bararō, ho ea fihla nakong ea Sodoma.

Esale e le palo ea tharo, ka linako tsohle.

²⁹ Kreste o tla hararō. O tlie hang ho lopolla Monyaluoia oa Hae. O a tla, khetlo le latèlang, Hloibilong, ho nka Monyaluoia oa Hae. O boela a khutla, Mileniamong, le Monyaluoia oa Hae 'moho.

³⁰ Ntho ka 'ngoe e khema ka borarō. Borarō ke palo ea phetheho. Hlano ke palo ea mohau; supa, qetello; leshome le metso e 'meli, ho rapela; mashome a mabeli le metso e mene... kapa—kapa mashome a mane, teko; mashome a mahlano ke selemo sa ngoaha o molemo. Lona lentsoe leo, *pentekosta*, le bolela *ngoaha o molemo*, "mashome a mahlano." Ua bona? Joale, 'me joale, Molimo, ka lipalo tsa Oona, O phethehile lipalong tsa Oona. O phethehile Lentsoeng la Oona. O phethehile motsamaong oa Oona. O phethehile nthong e 'ngoe le e 'ngoe, hobane Ke Molimo o phethehileng. E-ea.

'Me re bona baroetsana bana....

³¹ Joale, shebang, ntho e teng e bitsoang "sehlola," kahara Bibele. Joale, ke batla hore likhaitseli tsa ka li—li ntšoarele. Ke a...Bibele e itsalo. Kajeno ke bua phatlalatsa. E 'mitsa, "Sehlola, le 'ma liotsoa," e leng ntho e tšoanang. Joale, ha le ka eleloa, "sehlola" se teng, kahara Bibele seo ho buoang ka sona, ke kereke. "Seotsoa" seo ho buoang ka sona, sa Bibele, ke kereke. Le "Monyaluoia" eo ho buoang ka eèna, kahara Bibele, 'me eona ke Kereke. Tse tharo ke tseo. Re tla kena ho tsona, ka mora nakoana, ho supa hore na ke banyaluoa ba mang, le kamoo ba tla lahloa kateng, le tsohle tse e amang, ha Morena a ratile.

³² Joale, ntho ea pele, ke batla ho bua sena pele ke lebala. Le ka mohla, le se tšabe bokomonisi. Bokomonisi bo mpa bo sebeletsa matsohong a Molimo. Ke morero oa bohetene o kang Morena Nebukadnesare, empa O mo isitse mono ho ratha

Iseraele ka ho hloka kutlo ha bona. Mohlang oo, moperofeta o ba boleleletse se tla hlaha, o ba boleletse ho lula lefatšeng la bona le ho hopola Molimo. Ba hana ho etsa hoo. Ba tsoela pele, leha ho le joalo, 'me morena eo a tsoa a ba tšoara, ke hona, hobane A itse o tla etsa joalo. Bokomonisi ke ntho e . . .

³³ Bokomonisi bo hlahisitsoe ke liketso tsa bonyatsi tsa kereke ea Katolike, mose ho maoatle, koana Rashia. Ba ile ba nka chelete eohle, 'me ba etsa—etsa ba ipokella ntho eohle, eaba ke phetho. Ke sona se hlahisitseng bokomonisi.

³⁴ Mohla moshanyana eo a na a tsosoa bafung, holimo mono Finland, masolehali ao a makomonisi keha a eme mono ba otla salutu ha ke feta, 'me likeleli li matha marameng a bona. Ba re, "Re tla amohela Molimo o joalo, ehlile, Molimo o ka tsosang mofu 'me oa boloka Lentsoe la Oona. Ehlile." Ua bona? Empa haeba e le ho tsamaea kereke feela, le ho phela joaloka liabolosi le ntho eohle, joaleka lefatše lohle, ho sa etsoe letho, ba ke ke ba e lumela. 'Me, ka botšepehi, le 'na nka sitoa. Ke hantle. Ke hantle.

³⁵ Ha ho Lengolo le tlalehang bokomonisi bo tla busa lefatše. Empa Lengolo le teng, athe eibile ke Lengolo lohle, le tlalehile Boroma bo tla etsa hoo. Le bo bee leihlo ke hona.

³⁶ Shebang, bosius bona. Shebang se hlahileng maobane bosiu. Mosenatoro enoa oa Kentucky, ea buileng a re o tla hlomamisa Morephaboliki mono e—mono setulong holimo mono joale, o emetse naha ea Kentucky. Me o itse, "Ke Moprotestanta, eibile ha a bo soabele," eèna ke Mokatolike. Ba sebete haholo. 'Me, le hopole, lintho li teng tse khemang le eona.

³⁷ Nako ea moroetsana ea leoatla, re a e bona. Lintho tse e-song ho etsahale, banna, baruti, ho theosa le mongoaha ba ne ba ka sitoa ho bua tseo re li buang joale, hoba li fihlile. Joale, moroetsana ea leoatla le Mapentekosta a futsoetsoeng, ke ntho e le 'ngoe, ho futsoeloa ka lintho tsa lefatše.

³⁸ Joale le hopole, ke mopentekosta le 'na, empa ha ke Mopentekosta ka bolumeli. Ke hanana le eona. Ke mopentekosta ka boiphihlelo. Re tšoanetse ho fumana . . . Methodise ke pentekosta, Baptise ke pentekosta, Katolike ke pentekosta, haeba ba fumane boiphihlelo ba pentekosta. Le ke ke la hlophisa pentekosta, hoba ke e—ke boiphihlelo, 'me ke Molimo. 'Me Molimo a ke ke a hlophisoa.

³⁹ Joale, joale, Jesu o re boleletse a re lintho tsena li tla fihla, joale, ho re bolella se tlang ho hlaha; moroetsana ea leoatla o tla hlaha, le lintho tseo a tlang ho li etsa; le kamoo batho ba tla lla, matsatsing a bona, 'me ba batla Oli, empa nako e tla be e ba siile. Ua bona?

⁴⁰ Joale le elelloe borarō boo, likereke tse tharo tseo. Mofebi ke eo; o tlie a sa batle letho, joale, o nonne pelō. Moroetsana ea leoatla e ne e le eo, e leng kereke ea Protestanta. Le

Monyaluoa e le eo. Ua bona? Joale, ke eo mekhahlelo e meraro ea kereke ea matsatsi a morao. Joale elang hloko. Re tla li hotolla ho qala ho Genese hantle, re li tlise ka koano re li hlome ho Tšenolo, Hloibilong, ha Morena a rata.

⁴¹ Lintho tsena tsohle li shebeha li lokile. Pentekosta e shebeha e lokile. Nahanang eona... “Khele, ke setho sa mokhatlo oa Pentekosta.” Ha se ntho e fetang ho lula kahara serobe sa kolobe. Ha e etse phapang ea letho. Le ho leka. Ke koporo e llang le simbala e molumo o moholo, e-ea, ho sa tsottelehe hore na u setho sa eng, haeba u sa tsoaloa ke Moea oa Molimo ‘me u amohetse Moea o Halalelang. ‘Me lebaka...

⁴² Haeba u e-so etse hoo, u sa lumele Lentsoe lohle la Molimo, ha u e-so amohele Moea o Halalelang le joale. Hantle. Ke hantle haholo. Moea o Halalelang... Ha u utloa ‘Nete, ‘me Moea o Halalelang u sa u tataisetse ho Eona, u teng moea o u thibelang Eona. Ka baka leo, moea o ka ho uena ha se Moea o Halalelang. Oh, e-ea.

⁴³ Joale re a fumana, ha re khatha tema, ho itsoe, “Joaloka Janese le Jambrese ha ba hanetse Moshe.” Re buile ka eona, kamoo lintho tsena li tla hlaha letsatsing la qetelo joale.

⁴⁴ ‘Me qotso ea rōna ea ho qetela, e ne e le eona eo, “Molimo o bopile peō e ‘ngoe le e ‘ngoe ka mofuta oa eona.” Ke ea Hae eo... Ua bona? ‘Me eareha O etsa motho oa Oona ka setšoantšo sa Oona, keha e le Peō ea Lentsoe la Hae. ‘Me mohla Jesu a ne a etsoa nama, E ne e le e—e le nama ea Lentsoe la Molimo. ‘Me ha re amohela Lentsoe la Molimo, re fetoha Lentsoe la Molimo nameng ea rōna. Ua bona? Kereke e loketse e be e le boemong boo.

⁴⁵ Joale, ha ho le joalo, hoba A etse motho ka setšoantšo sa Oona ka Sebele... “Oa mo etsa ka setšoantšo sa Molimo.” Joale, hoba O etse hona... Joale le se fose sena. Hoba Molimo o etse motho Oona—Oona ka setšoantšo sa Oona ka Sebele, ka Lentsoe la Oona ka Sebele le builoeng, joale, e ne e le motho ea phethehileng. Empa moo tlōlo e hlahileng teng, ke mohla O ngoathang khoabi ho eēna, oa mo etsetsa monyaluo. Bothata bo hlahile hona moo joale. Haeba u le motho oa moea, u se u e tšoere. Ua bona? Ua bona? Eēna... Ha se Adama eēna ea keneng bothateng. Ha se Adama ea belaetseng Lentsoe. Ea belaetseng Lentsoe ke monyaluo oa hae.

⁴⁶ ‘Me ha se Jesu ea belaelang Lentsoe, hoba E ne e le Lentsoe. Ua bona? Ke monyaluo oa Hae. Ho futsoela ho hlaha hona moo.

⁴⁷ Ha ea hlahisoa ke Adama. Lihlong lona ba sa e boneng. Ua bona? Phoso ha se ea Adama. Ha a amane le eona ka letho. Efela lefu ha le hlahile ka Adama, etlaba le hlahile ka Molimo. Lefu le hlahisitsoe ke ho futsoela.

⁴⁸ Lefu le ke ke la hlahisoa ke Lentsoe la Molimo. Lefu le hlahisoa ke ho Le futsoela le bolumeli, le tumeloana sebakeng

sa Kreste, tšomo sebakeng sa Lentsoe. Ha le tlisoe ke Lentsoe. Lentsoe ke Bophelo. Jesu o itse, "Mantsoe a Ka ke Bophelo." 'Me Moea o phelisa Lentsoe leo 'me o Le nee Bophelo. Ho Le futsoela, ke hona moo lefu le tsoang teng.

⁴⁹ 'Me efela Adama ha e le Lentsoe la Molimo, Lentsoe la Oona le builoeng, Peō ea Oona ea ho qala, hoba Ke oa pele ea hlahileng ka popo mohlang oo, Adama oa Oona oa bobeli le eèna o tlide ka popo, Lentsoe le builoeng. Le a latèla? [Phutheho e re, "Amen"—Mong.]

⁵⁰ Joale, ha se Adama ea the-...ha a thetsoa. Empa monyaluoaa hae ke eèna ea thetsitsoeng. Kreste, kajeno, ha a thetsoa. Lentsoe ha se lona le thetsang. Monyaluoaa ke eèna ea thetsang, ka Lentsoe. Ua e bona? [Phutheho e re, "Amen."—Mong.]

⁵¹ Joale, O mo file monyaluoaa, papiso ea Adama oa bobeli. O file Adama oa pele monyaluoaa; eaba o a tlöla. O file Adama oa bobeli, Kreste, monyaluoaa; eaba o a tlöla. Ke hantle. Hobaneng? Ha se ntho ea tšimoloho. Ke khoabi.

⁵² Monyaluoaa kajeno ke khoabi. Ua bona? Eèna, o ipitsa monyaluoaa. Empa seo a leng sona, o bopiloe ka thepa ea mokhatlo, e seng ea Lentsoe; Lentsoe le le kana ho oona, ho e fetola ntho e kang khoabi, e fetoloa boikaketsi. Eva o lumetse boholo ba Lentsoe, empa a belaela karolo e le 'ngoe ea Lona. Kajeno, ha a khone ho nka Liketso 20...kapa ho tsepamisa Mattheu 28:19 le Liketso 2:38 'moho. Ua bona? E a mo ferekanya. Ke tulonyana e le 'ngoe, har'a tse ling tse lekholo.

⁵³ Joale, monyaluoaa oa Adama e ne e le papiso ea monyaluoaa oa Adama oa bobeli. Joale, monyaluoaa oa Adama...

[Sekheo lebanteng—Mong.] Ke khaotse teipi na?

⁵⁴ Monyaluoaa oa Adama o sitiloe ho ema. Molimo o no o laetse Adama le Eva, "Ngatafalang le tlale lefatše." Taba e beng e tla latela hamorao, tšepiso. E-so be mosali oa hae, le joale, hobane a ne a e-so phele le eèna.

⁵⁵ Monyaluoaa oa Kreste ha e-so be mosali oa Hae. Selallo sa Lenyalo se tla tšoaroa. Le a e tšoara? Lemohang, oh, e ennè hle.

⁵⁶ Eaba o a potlaka, 'me a etsa'ng? A fapanya peō ea hae. A e tsoaka le peō ea noha. 'Me hoba a etse, a hlahisa e—e... A hlahisa'ng? A hlahisa ngoana oa lefu. Ngoana, eèna, o ile a khopamisa ngoana e mong le mong ea latetseng.

⁵⁷ 'Me mohla kereke ea Jesu Kreste e ne e khopamisoa mehleng ea Roma, hoba e tsoaloe e le moroetsana, e filoe Kreste Pentekosta, eona...Eaba e etsa'ng? Eaba e itsoakanya le tšomo ea Boroma. 'Me kereke ea Protestanta e entse hona hoo. Ha e khone ho ema.

⁵⁸ Mosali ea beeletitsoeng ke tjaka ea monna, e mocha, ea hloekileng, le pele ba kopana, o entse'ng? O fihleloa a emarisitsoe ke mang-mang. Ha ho le joalo peō ea hae ka

sebele, ea molebeletsoa . . . 'Mele oa hae ka sebele, o laoletsoeng mohlankana oa hae, monna oa hae ea lebelelitsoeng, o fihleloa o tletse peō ea monna e mong. Lihlong tse kakang!

Adama o fumane hona hoo.

⁵⁹ Kreste o fumane hona hoo. O sitiloe ho ema. Ke bona bothata ba batho kajeno. Ha ba emele Moea o Halalelang oa sebele ho nka Kereke ho e kenya malulong. Ba tlamehile ho fehla ho hong, ho fuluo ho hong. "Bopaki ba mantlha, ke ho bua ka lipuo," ho kenya maloko a mangata kerekeng. Matlakala ana a mefuta eohle, sebakeng sa ho emela Morena ka ponahatso ea makhonthe ea tsoho ea Kreste ea Itsebisang har'a batho. Ha a khone ho ema.

⁶⁰ O ile a etsa'ng? A tsoa a emarisoa ke bolumeli. Ea pele ke Assemblies of God, eaba ho latēla Oneness, eaba ho latēla ho hong. Joale eo ea bitsoang monyaluo o emarisitsoe ke nyee ea mefuta eohle, lihlong. Basali ha ba tsotelle seo Lentsoe la Molimo le se buang, le letho, le banna ha ba khone, kapa esita le bareri, ebe hoo ho bitsoa monyaluo.

⁶¹ Ke eng? O emarisitsoe. Monyaluo oa Kreste o emere lefatše, o apara joaleka lefatše, o etsisa lefatše, likereke tse khōlō, tse ntile. Eng? E mo supa seo a leng sona. Ke oa liabolosi. Satane o entse hona hoo khetlo la pele, morero e le ho haha 'muso o moholo o motle Leholimōng, eaba o a leleko, a khaoloa Leholimōng. Monyaluo oa Kreste oa mehla ena o hona moo, o rahetsoe ntile, hoba o khaotsoe ho Molimo, kaha e le seotsoa 'me e se moroetsana. E tebile, empa kea tšepa le a e tšoara.

⁶² Monyaluo oa Adama o sitiloe ho ema, a mpa a futsoela peō ea hae, e se ka molao. E se ka molao!

⁶³ Re loketse re be re lumela Lentsoe la Molimo, homme Hoo feela. Joale, baena, ba mona le ba koana teiping, ana le bona lebaka la ka ho loanela Lentsoe leo, Lentsoe ka Lentsoe? Ke le boleletse ka re ke lumela hoo e le 'Nete ea Molimo. Molimo o sirelelitse Bibele eo. O tlameha ho ahlola lefatše ka ho hong, ka Jesu Kreste e leng Lentsoe. 'Me Lentsoe lena le ne le etsoe nama, la fetoha Jesu Kreste. Ke Le tlohella ho thopothela feela. Le hopole Lentsoe!

⁶⁴ 'Me joale O mo fumana a silafetse ka botlalo. Le hopola A ka nyala ntho e joalo? Le khale. O a halalela. O sitiloe ho ema. Tlōlo ea molao!

⁶⁵ Adama o fumane hona hoo. Joale, baena, khaitseli, shebang morao. Ha u sheba seriti sa ntho, se hhalosa setšoantšo se tlang ho hlaha hantle. Ka baka leo, ua bona, Adama a lokela ho fumana mosali a emere. 'Me a re, "Noha e nkekile." Joale re . . . le . . .

⁶⁶ Ke tilo tšoarana le mahlakore bobeli, metsotsong e 'maloa feela, ha Morena a rata, ua bona, ho supa e ke ke ea eba letho le sele.

⁶⁷ Joale, monyaluoa oa Adama o sitiloe ho ema, empa o tsoile pele.

⁶⁸ Ho joalo, kajeno, monyaluoa kajeno. O batla ho fehla ntho e 'ngoe. "Thoriso ho Molimo," o tšoanetse ho e fuluha, kalaneng. O tšoanetse ho fumana ntho e 'ngoe le e 'ngoe. Ua bona? O etsa'ng? Ho fehla ntho e 'ngoe.

⁶⁹ Le shebe moo e habileng teng. Le ka bona hobane ha ho letho ho eona. Ke moritaoke. Hantle haholo. Hola e se oona, lefatše lena le ka be le tukisoa ke Matla a Molimo; kereke e ka be e tuka. Oh! Eng? Bafu ba ne ba tla tsosoa, 'me ho etsoe lintho tsa mefuta eohle.

⁷⁰ Empa o jetsoe ka eng, le pele Kreste a mo fihlela. Pele A fihla ho eèna, ho lema Peō ea Hae ka Sebele, keha a amohetse'ng? Peō ea lehola, lefatše, lipeō tsa bolumeli. Ka lebaka leo o kotula kotulo ea hae hona joale.

⁷¹ Ke a tšepa ha le khopisoe ke eona, empa ke tšepa hore Le theohela moo ke hopolang Molimo a le abetse Lona. Ua bona?

⁷² Joale, o ile a tsoaka peō ea hae, ka tlōlo ea molao, tlōlo ea molao nqa Lentsoe. E le ha a leka ho fumana'ng? Joale mamelang ka hloko. E le ha a habile'ng? Bohlale.

⁷³ Bohlale! Le kajeno o entse hona hoo. O rometse bareri ba hae likolong, ho ba qhotsa, ka machini, saekholoji, lilo tse lokelang ho... tse sa fumanoeng le kahara Bibele. 'Me o fuame a hae—a hae—mahe a hae. 'Me hoba a qete, o qhotsitse sebeoa sa—sa sehlopha sa batho ba—ba tenyetsehang hohle, 'me ba hanelia oona Molaetsa oa Molimo, ha a tsebe seo a se etsang. O hloka temoho mono. Ha a lumele, ha a hopole a fositse.

⁷⁴ Le Eva ha a hopola a fositse. Eva o ikhopotse a nèpile. 'Me haeba e ne e le papiso, 'me ena e le papiso-maleba, e lokela ho bapana le papiso mohlang oo. Joale mono, ho 'na, ke peli atisa ka peli e lékana le 'ne feels.

⁷⁵ Joale le elellroe se hlahetseng bana ba Eva, oa pele ea tsoetsoeng.

⁷⁶ Joale, efela ha Molimo o itse, "Atang," ho monyaluoaa hae, ho monyaluoaa Adama, "'me le tlale, atang le tlale lefatše," e ne e le taelo ea Molimo eo. 'Me a ka be a khonne, homme eèna, ka ho itsoaka ha bona 'moho. Empa ha etsahala'ng? Mohla Adama a itokisang ho tla ho eèna, keha e se e le 'mè. Le bona seo ke se bolelang?

⁷⁷ Joale kereke ea Kreste e hlahetsoe ke hona hoo, monyaluoaa oa Kreste. Joale re khutlela morao pejana ho moo, motsotsong.

⁷⁸ Lemohang, kahara monyaluoaa enoa, o entse'ng mohlang oo? Ngoana oa hae oa letsibolo a hlaha, e le ngoana bonyatsi. 'Me a tletse lefu, a hlahisa lefu, 'me ho tloha mohlang oo e mong le e mong ke lefu. Joale lea bona e ne e loketse ho ba bong. Hobane'ng le eshoa, hola e ne e se bong?

⁷⁹ Athé, Molimo o ntšitse taelo e ke keng ea timela. Lentsoe la Molimo ke la Bosafeleng. Le ke ke la hloleha. Mohla O no o re, “Ngatafalang le tlale lefatše,” e ne e le morero oa Molimo oa Bosafeleng. Ha u phethisa hoo, u ke ke ua shoa. Hobane leo Ke Lentsoe la Oona, u loketse ho phela.

⁸⁰ Hola ngoana eo a hlahisoa ka nèpahalo, lefu le ne le tla ba sieo. Empa a sitoa ho ema.

⁸¹ Ke bona bothata ba kajeno. Le batlana le malepa a itseng a boiqapelo, ho hlabo litlatse, ho qhomaka, ho bua ka lipuo, kapa ntho e ’ngoe, ho e-na le ho emela ponahatso ea Lentsoe la Molimo la makhonthe ka Monyaluoa.

⁸² Mofuta oo, o nkang Lentsoe, ke Monyaluoa oa Molimo oa sebele ea tsoalang Bana. Ba ke ke ba shoa. Ngoana ea hlahisoang ke Monyaluoa ka Lentsoe, a ke ke a shoa, hobane Ke Lentsoe. Amen. Na le e tšoere? A ke ke a shoa, hoba o... Ngoana eo a ke ke a shoa, hoba ke Ngoana-Lentsoe, ke Ngoana-Peō, ke Ngoana oa Bosafeleng. Alleluia!

⁸³ Ke seo Jesu Kreste a na a le sona hantle, Ngoana oa Bosafeleng, ea builoeng. O ne a sa tlameha ho shoa, empa O e entse ho lefa molato. O ka lefshoa ka mokhoa oo feela. Keha ho se motho ho etsa hoo; bohle ba tsoetsoe ka kamano ea bong, ka liabolosi, ka leano la hae. Le e tšoere joale? Ua bona?

⁸⁴ Empa monna mang le mang, leha e ka ba mopapa, moprista, mobishopo, e ka ba eng, o a shoa hobane ke e—ke mofutsoeloa. Ke hantle. O tsoetsoe ke Satane le Eva. ’Me ba ka e bitsa eng le eng eo o e batlang. E ne e le Satane le Eva. Lentsoe la ho qala le ne le sa amane le eona ka letho. Lentsoe la ho qala e ne e le Bophelo. O ile a Le tsoaka, ’me ea hlahisa lefu.

⁸⁵ ’Me ha kereke, kajeno, bona ba itheileng Pentekosta, ba itheileng Baptise, seo ba se batlang feela, ha ba futsoela Lentsoe lena ka tšomo, le hlahisa ngoana ea shoeleng. ’Me ha a na Bophelo ka ho eëna. O shoele, le bana ba hae ba shoele. Molimo o itsce, “Ke tla mo lihela liphateng tsa lefatše, ke bolaae bana ba hae.” Molimo o itsalo, ho Tšenolo. Ba ba kae ba e tsebang e nèpile? [Phutheho e re, “Amen.”—Mong.] “Ho mo lihela liphateng tsa lefatše,” o hona moo hantle, “ke bolaae bana ba hae, esita le ka mollo.” Re sheba moo ntho... Se hlahelang mahola a har’ a koro ke sefe? A chesoá.

⁸⁶ Oh, u ke ke ua buisa Lentsoe leshano. Ke ’Nete. Ka nako tse ling re a sothahana, ’me re ka Le fosisa. Empa ha le ka Le mathisa ka kotloloho, Le tla matha ’ngoe-peli, ’ngoe-peli, ’ngoe-peli, ’ngoe-peli, hantle joalo.

⁸⁷ “O ile a liheloa liphateng tsa lefatše.” A ke ke a tsoala letho haese bana ba shoeleng. Ha ho le joalo, ekare ha bolumeli bo hlahisa ngoana ea futsoetsoeng, hore’ng le ipatla le le setho sa bona?

⁸⁸ Joale, baena, ke khahlano le oona ka lebaka leo. Ke “seotsoa,” le qalong. Bibele e itse e ne e le “sehlola.” Ke mantsoe a bataletseng, empa kajeno ke itse ke tla bua phatla-nchocho. Ke seo a leng sona. O feba moeeng, ka ho amohela tšomo le tumeloana litulong tsa Lentsoe, ho ruta bana ba hae ho etsa hona hoo.

⁸⁹ Joale, bana ba hae ba hlaha ba shoele, popelong. O tlamehile ho shoa, ke hantle haholo, joaloka mang le mang. Mamelang. Ruri joalokaha mang le mang ea tsoang popelong ea mosali a tla shoa, le mang le mang ea tsoetsoeng ke bona o tla shoa, hoba ke mofutsoela, oa bonyatsi, le bana ba hae ke ba bonyatsi. Ka népo. Ke a tšepa ha e fete holim'a hloho tsa lona.

⁹⁰ Joale, Jehova o kile a fumana monyaluo, ka mohla o mong. Adama a fumana monyaluo. Jesu a fumana monyaluo. Jehova o kile a fumana monyaluo. Le tseba hoo? A ntano tlameha ho mo lahla. A se a fetohile seotsoa, A mo lahla ke hona. O itsalo hantle. A fetoha seotsoa, sehlola. Se mo etsisitseng hoo ke'ng? Eka re ka be re fumana nako ho le bala. Nka fihlela karolo ea lona, ka mora nakoana. Hantle joale... E ne e le mehleng ea Samuele, mohla Iseraele a ne a fumana Morena, Molimo. 'Me e ne e le moroetsana. A tla hlahisa ho hong. 'Me ha etsahala'ng? A qala a qamaka a bona lichaba tse ling li hlomme morena, a batla ho ipapisa le tsona.

Lona Mapentekosta a soeufalitsoeng, le entse hona hoo hantle.

⁹¹ Moreri enoa oa leqheku ea lutseng mona, lilemo tsa hae li ka ba lekholo, kajeno. Mohla pentekosta e ne e ropoha, morao mono, u ne u sa tlo bolella letho ka mokhatlo. Ba ne ba sa tlo e mamela. Ba ne ba e bitsa lintho tsa liabolosi, 'me banna bao ba ne ba nèpilé.

⁹² Empa le entse'ng? La lokela ho ipapisa le likereke tse ling. La lokela ho e hlophisa. Eaba, joaleka ha a boletse, la aha marako lipakeng tsa lona, ho ruta, “Ha le a tšoanelo ho ruta sena. Thoriso ho Molimo! Allellua! Tsela ke ena ka *mona*,” le ho qhomela holimo-le-tlase le ho bua ka lipuo. Ha thoe, “Mo kenyeng le mo etse setho; o e fumane.” A sa kolobetsoa le hantle, ka metsi kapa ka Moea. O phoso, 'me litholoana tsa hae li e pakile. O ntse a holela holim'a peō e fosahetseng. “Ho bokoe Molimo, moena, re tla u bea matsoho mona, re u bee moholo. Ke tla bolela seo u—u... Re tla haha mokhatlo oona mona ho fihlela o feta Assemblies ka boholo.” E tsamaile ka mokhoa oo. Balang nalane ea Pentekosta le bone haeba ho se joalo, kapa kereke efe feela. Baptise e batla ho hlolisa Methodise. Mamethodise a batla ho hlolisa Lutherene. Lutherene e batla ho hlolisa Katolike. E mong le e mong o batla ho hlolisa, ho hlolisa e mong. Ua bona? Oo ke—ke moea oa mokhatlo.

⁹³ Jesu o itse, "Empa ho tla bolokeha ba 'maloa. Monyako o patisane, le tsela e tsesane, 'me e tla fumanoa ke ba seng bakae." Ba 'maloa feela! Efela haeba A itse ba "'maloa," ke Lentsoe la Molimo leo, Peō eo, ba tla ba 'maloa. E ke ke ea ba mashome a libilione le libilione. Ba 'maloa ba tla E fumana. Bo ba Le reretsoeng pele, ba Le utloa.

Pula tsa hoetla li se li fetile joale.

⁹⁴ Joale, Jehova o kile a fumana monyaluoa A mo ratile, a mpa a tloha a ea feba (A etsa'ng?) ka ho latèla e—e matla a mang a lefatše.

⁹⁵ 'Me eaba O etsa'ng ka moporofeta enoa oa morapeli, oa leqheku, ea tlotsitsoeng? Etsoe, Lentsoe la Morena le tla ho moporofeta. O ile a fihla. Moporofeta eo oa leqheku, Samuele, a mo atamela. A re, "Bana, nteeleng hare motsotso. Ke batla ho bua le lona, kaofela ha lona. Ebe le batla morena ka life? Athe Jehova ke Morena oa lona."

⁹⁶ Ebe tumeloana le e batlela'ng? Bibebe ke tumeloana ea lona. Bibebe ke 'Nete. Litumeloana ke mashano. U shoele, e entsoe ke batho.

⁹⁷ "Tumelo ea baapostola," mpontšeng eona ka Bibeleng. Ea kileng a utloa ntho e kang eo ke mang, "Ke lumela kopanong ea bahalaleli"? Mang le mang ea lumelang kopanong le bahalaleli, ke moloi, kopano le bafu. Moemeli o mong feela lipakeng tsa Molimo le batho, ke Kreste; 'me ha A shoa, empa O phela ka mehla, o tsohile bafung. Maprotestanta a e koenya, ka kholloro e khilikoe, 'me ha ke tsebe le eng hape; ka likatekisima tsohle tsa likereke, ba e koenya hantle ka ho tsoana. Ba e rata, ehlile, joaleka lefatše lohle.

⁹⁸ "Oh, ua tseba, re ne re le pentekosta. Re ema koung, ka moropa letsohong, 'me re rapela. 'Me basali ba eme mono, 'me meriri ea bona e melelele e lepeletse, 'me ba rorisa Molimo, le lintho tse kang tseo."

⁹⁹ Oh, khele, bathong! U tseba hantle ho feta moo. Ba ne ba tla u tšeja sefahlamahlo, Mokreste oa 'nete o tla etsa joalo; ho ema kantle mono ka pitsa ea moriri o pongoeng *joalo*, ho tšasitsoe pitsana e khōlō ea ferefē *joalo*, 'me mose o tšoana le letlalo la soseje. 'Me a tsoa a tsamaea joalo, 'me u ipitsa, kantle mono, "mohalaleli oa Molimo"? U tseba hantle ho feta moo. Le lefatše le tseba hantle ho feta moo. Ha u soabe. Le mpe le tlohe koung, ha le sa khone ho bea ho feta moo. Ha ke a tlala lenyatso. Ha ke a hlahafala. Ke le bolella 'Nete, 'me le tla fumana matsatsi a tlang, hoo. Empa ho itšoanelā le ka mehla. E ba feta holimo ka mehla, mohla ba e bonang nako e tla be e tlotsē. Esale ba etsa hoo nako le nako. Ba se ba e entse.

¹⁰⁰ Monyaluoa oa Jehova o ipatletse ho feba a sala batho bohle morao, joaleka ba bang bohle. Monyaluoa oa Jesu le eèna o batlile ho etsa hona hoo.

¹⁰¹ Motsofe Samuele, eo Lentsoe le tlileng ho eèna! Lentsoe le tla ho mang? Baporofeta. Eng? Motsofe oo oa moporofeta a nyoloha, ho re, “Joale motsotso feela, bana. Hobane’ng le batla ho sala selo se kang seo morao?” Ho re, “Na nkile ka le bolella taba ka Lebitso la Morena, e sa kang ea hlaha?” Le sa e hopola? Ba bakae ba e balileng? Ehlile, le e balile. “Nkile ka le bolella taba ka Lebitso la Morena, e sa hlahang? Ntho e ’ngoe, na nkile ka tsoa, ho tsoara matšolo a maholo kapa ntho tse joalo, ‘me ka le amoha chelete ea lona eohle? Na nkile?’” A re, “Na nkile ka kopa letho?” Ke ntse ke bua ka Samuele joale, e-ea, motho eo Lentsoe la Morena le tlileng ho eèna. Ho re, “Nkile ka le kopa ho—ho—ho nokela *bo-kana*, le ho etsa *hore-le-hore*? ”

¹⁰² “Che.” Ba re, “Che, ha u eso etse joalo. Ha u eso re bolelle letho le sa lokang.”

A re, “Ebe hore’ng le ka batla ho sala ntho e *joalo* morao?”

¹⁰³ Ba re, “Samuele, uena, u nèpile ho nèpa. Empa re a e batla, leha ho le joalo.”

Kereke ea Pentekosta e entse hona hoo hantle.

¹⁰⁴ Lebaka la ka ho se iteanye le bona ke leo. Ehlile. Ke batla ho lula ke le moroetsana pela Molimo, ka Lentsoe la Oona. Leha ba... Ha ke a tlameha ho besa lipontšo tsa litonana le lintho tse kang tsena. Ke li hanne. Ha kea ka ka batla ho ithara ka letho. E ne e se bohlale ba ka boo; e ne e le bohlale ba Molimo. Haeba ke lokela ho tsoa, hore ke tle ke... ho kokèla batho le liabolosi, le ho ba bolella, “E, ke tlameha ho fumana *bo-kana* khasong ea thelebishene, ‘me ke tlameha ho fumana *bo-kana* bakeng sa *sena*. Le tla tlameha ho e lefa,” ke ne ke tla tlameha ho qeka joalo, le ‘na. Empa ha ke e-so le bolelle letho ka Lebitso la Morena le sa hlahang. Ha ke e-so le bolelle letho haese Lentsoe. Ikahloleleng, e le lona. Na nkile ka le qela letho? Che, monghali. Che. Molimo o hlokometse hoo. Ha ke hlophise mananeo a maholo a tšehetsoang. Ha ke a batle. Mang le mang oa Molimo o tla utloa Molimo. Ke utloa ke tataisoa ke Moea ho ea tulong efe le hore ho etsoe’ng, ‘me ke se etse, ke phetho se hlokoang. Boloka ntho eo. Hase lenaneohali la letonana le fehlang chelete e etsang limilione tsa didolara ho lona, limilione le limilione le limilione, ‘me ba bang joale ba haha lilo tsa limilione le libilione tsa didolara mono.

¹⁰⁵ Ha ke—ke ikutloe hampe ho nyefola. E loketsoe ke nyefola. Ha ke batle ho thonkha maikutlo a motho. Nka mpa ka thonkha maikutlo a motho, ho e-na le ho thonkha maikutlo a Molimo. Haeba A u romile a u ntšelitse ntle mona, ho etsa lintho tsena, ‘me a li pakile har’ a batho, le tlamehile ho E utloa. Ke le bolella ’Nete. Molimo o e paka e le ’Nete. Feela ka... Hase ka lipontšo tsa Oona feela, empa O e paka ka Lentsoe la Oona, ke ’Nete. Ke hantle haholo.

¹⁰⁶ Monyaluo oa Jehova o ile a tloha a ea feba. 'Me a etsa'ng? A boela a tsoala mphi ea bana ba bonyatsi. Na ho lokile? Re a tseba ke 'Nete. Morena Nebukadnesare a ba a tlameha ho ba hapa, le joalo-joalo.

¹⁰⁷ Monyaluo oa Kreste o entse ntho e tšoanang. Molato ke'ng? Ha a khone ho ema. Oh, che. Huh-uh. Ha a khone feela ho ema. Ba tlameha ho fehla ntho e 'ngoe. Ha ba khone ho emela ho fihla ha Moea o Halalelang 'me o kena kahara Kereke. Ua bona, ba tlamehile ho sunya batho ba bangata bolumeling ba bona.

¹⁰⁸ Holane ea itulela e tšoana morao koana, lilemo tse lekholo tse fetileng kapa tse mashome a mahlano tse fetileng, mohla pentekosta e ne e simolla tsatsing lena la morao, mohla Lentsoe le qalang le reroa; holane ea itulela e le joalo, mohlomong litho tsa eona li ka be li sa fete mashome a mahlano, kajeno. Ke hantle. Empa ba ka be ba hlatsoitsoe ka Mali. Ba rue Matla a Molimo ka ho bona. Lefatše le ka be le reketla tlasa sekhhahla se seholo sa Lentsoe, le entsoeng nama, le boleloang, Lentsoe ka Lentsoe.

¹⁰⁹ Empa, kajeno, khele, ke borase bo llang le simbala e molumohali. Ke hantle. E fetohile sesomo feela, kutu e tše豪ang, lihlong ho lefatše, lihlong ho Molimo.

¹¹⁰ Nkile ka kena tulong e 'ngoe, re le baena ba bararo. 'Na le baena ba babeli ra kena tulong e 'ngoe re tsoa Springfield, Missouri, hoseng ho hong ho ja borakefese, re tsoa Arizona. 'Me teng Moena Woods a hulela maikutlo a ka ho mofumahatsana, a tšoana le Khaitseli Collins oa róna; moriri o le mosehla, sehlahlahali sa moriri ka morao. 'Me a re, "Na ha a tšoane le mohatsa Moena Wilbur Collins?"

¹¹¹ Ka re, "Ho joalo." Eaba ho hlaha mofumahali ea hola-holileng. Ka re, "Ke kholoa e le 'mae eo. Sheba sehlahlahali se seholo sa moriri." Ka re, "Ke pela kereke ea Assemblies of God hantle mona, ntlokholo ea Assemblies of God. Ke hona moo...lebaka leo ba leng joalo."

¹¹² 'Me mono ho lutse sehlopha sa bokhaiseli ba ikutile mekuto ea metsi, ka tsela eo. Bona e le baithuti. E le "ricky" e monyenyan 'me bohole ba lutse kantle mono, ua tseba, ba itšoere joalo. Bohole ba khoaetse Bibele tsa bona tlasa liphaka. Ra ba shebella ba ba ba tsoa kaofela, ba keketeha, ba tšeha, ba tsoella joalo, ka sejoalejoale. Ke—ke sejalo sa Pentekosta ea hosasa seo, haeba e sa le teng. Hobaneng? Hobaneng? Hobaneng? Hobane ke lipoē tse jetsoeng. Hantle haholo.

¹¹³ Eareha a etsoa, bao bohole ba tsoa, mofumahatsana enoa a khutla a pota, ho re, "Nka le thusa ka letho?"

Ka re, "Ke rata ho u botsa potso."

"E, monghali."

¹¹⁴ Ka rialo, ke iketsa moeti. Ka re a ka tšoha a re tsebile. 'Me ka re, "Athe hase sekolo sa Bibebe se mose oane?"

A re, "E, monghali, ke sona."

¹¹⁵ Ka re, "Kea kholoa khoebo ea lona e ngata e tsoa mono." Joale, e ne e le Moena Fred Sothmann ea lutseng mono, le Moena Banks Wood mono, literaseti tse peli tsa kereke. 'Me ka re . . .

A re, "E, ho joalo."

Ka re, "Athe ha u leloko la eona?"

A re, "Che." Ho re, "Ke masoabi. Ha ke lona."

¹¹⁶ 'Me ka re, "Ke nahanne joalo ka baka la moriri o motle oo, o molelele oa hao. Kea kholoa eo ke 'mao?"

¹¹⁷ Ho re, "Che, monghali." Ho re, "O mpa a sebetsa mona feela." A re, "Che, ha ke sona . . ." Ho re, "Ke rata moriri o molelele. Ke na le ngoanana. Ke mo tlohella moriri o molelele, le eèna." Le hore, "Mohatsa ka o rata moriri o molelele."

¹¹⁸ Ka re, "Molimo a mo hlohonolofatse." 'Me eaba o re, be, a re . . . Ka re, "Be, ho a makatsa. Na e ne e le baithuti bao ba ka mona, banana bao ba mekuto eo ea meriri e hlabaletseng joalo, e kang ea mofumahali oa pele?"

"E-ea." Eitse ha re tsamaea . . .

Ka re, "Ke a u leboha."

¹¹⁹ Ka tsoa. Ka re, "Molimo o beile mosali eo mono e le khalemelo ho mphi eo ea bana ba tsoaletsoeng bonyatsing mose ho seterata." Ke hantle.

¹²⁰ Bonyatsi, ka ho latèla lintho tsa lefatše! Ke basali ba bakae ba latetseng Jesebele, mofumahali oa pele oa naha eo, le banahanang ba le Lehelimõng, bosiung bona, kajeno? Ua bona? Ua bona? Lintho tsa lefatše! "Ha u rata lefatše leha e le lintho tsa lefatše, lerato la Molimo ha le eo ka ho uena." Ke moo he. Ke eng? Ke lebebe la tholoana ea hosasa, ho Pentekosta, tsamaiso e kholohali ka ho feta sechabeng. Ke moo he. Ke monyaluoa eo. Ha ke e utloisise. Ke hantle.

¹²¹ O leka ho etsa'ng? Oh, o fehla ho tlokaka kalaneng. Ha ke some; ho itoketse. O fehla ntho e itseng. Hobaneng? Ho kenya litho kahara kereke. Molato ke'ng? Ha a khone ho ema. Ua bona? Ha a khone ho emela Molimo ho e etsa. Ba loketse ho kenya litho ka mono kae-kae. Ka baka eo ba re ho bona, "U loketse ho etsa hoo," 'me ke bao ba tloha. Ua bona? Peō ke eo, e nyolohang hantle. "U loketse ho e etsa." Ke . . .

¹²² Ke moromuo. Ke bone maAfrika a ngoatha mali a phoofolo ba itšela ka oona, *tjena*, ba hlobotse ho hlobola, banna le basali. Ba itšasa ka ferefef sefahlehong. Ke hona moo e tsoang teng. Ferefef e tsoa setsong sa bahetene; ha e tsoe ho röna batho, Bakreste, balumeli, ha eso etsahale. E ne e se holim'a . . . Mosali a le mong, kahara Bibebe eohle, ea kileng a

itaka, e ne e le Jesebele, liabolosi. Ka hona o... Ba itaka ka ferefe sefahlehong. Ka meleketa ea lintho litsebeng, tse kang likutu tsa patsi, maZulu. Ke kutu ea patsi, e sarolla e leketlisa nama ea tsebe *mono*. Ka linako tse ling ba petsola lipounama tsa bona, 'me ba li hlanole. Ba nahana hore e ntle. Ho e tšasa, matsoeleng a bona le ho ithatika le meomo ea bona le linthong, mali, ba take metaka e kang ea qoaha. 'Me ba hlaba littlase, ba tlala moeeng, ba bua ka lipuo, ba khumamela matemona. Bopaki ba Moea o Halalelang?

¹²³ Ke ne ke etetse India mohla ba tsamaisang batho holim'a mollo, le ntho eohle, 'me kea e tseba ke 'nête. Sesêto se seholohali mono se noketsoeng mahakoe litsebeng, masale, le lintho tse kang tseo. Ba bile ba itlhokofatsa, ba totometsa lilo tse phunyang nama ea bona, 'me—'me ba ichapa. 'Me ba rokella lipounama tsa bona ha eba ba buile leshano, ba itlhokofaletsa sebe. Ba totometsa tsenene molomong oa bona *mona*, kapa selelung sa bona, ba phunya nko ea bona holimo, e hlahe *joalo*. Ba tšoara lilope tse khôlô tsa hlapi, tse leketlang libolo tse kang tsa sefate sa Keresemose, ba li tlatsa metsi, ba hokela likete tsa tsona 'meleng oa bona, ba phunya nama. 'Me ba tlohe mono ba chaee chao ba potoloha sesêto sena, ka mokhoa oo, ba hlabe pôli ba rapele ka mokhoa oona. 'Me ba tsamaee har'a mollo o mofubelu tlere, ba sa tlabohe. Lona Mapentekosta le ke le e leke.

¹²⁴ Empa e kile ea etsoa, bana ba Baheberu, empa ha ba leke Morena Molimo oa lona. Ba mpile ba lahleloa kahara sona. Ha ba leka ho fehla ntho e 'ngoe.

¹²⁵ Ke bona bothata ba Mapentekosta kajeno, ba fehla ntho e 'ngoe. Ba sitiloe ho ema. Oh Molimo! Ha ba khone ho ema, ba etsa bohlola ke hona. Amen. Mahola, ho fehla ntho e 'ngoe, e hlahisa'ng? Joaleka ha e entse khetlo la pele, monyaluoaa oa pele ea sitiloeng ho ema.

¹²⁶ O hlahisitse lefu ka ngoana ea tsoaletsoeng bonyatsing, eo bohle re leng bana ba hae. Empa Molimo o tlide ka nama, ho re fa Tsoalo e 'ngoe, ho re busetsa ho bara le barali ba Molimo ba mantlha. Ua bona? Ke moo he. Sepeme sa Bophelo sa Eva se sitiloe ho beha. Ha se a khona. Hoban'eng? O ile a se tsoaka. A se thibela, sebakeng sa Adama ho etela joaleka monyaluoaa, mohla nako e baliloeng. Joaleka ha ka Kreste a tla etsa, a ka be a ile a etela seholophaa seo. Kreste a ka be a ile a etela Kereke ea Hae. O tsepisitse ho e etsa.

¹²⁷ Molimo o tsepisitse ho ba atisa, empa keha ba loketse ho emela nako ea Molimo.

¹²⁸ Ke bona bothata kajeno. Ha ba batle ho emela nako ea Molimo. Ba batla ho iphumanelo ho hong. 'Me liabolosi kantle koo o bohlale ho ba fa eona, ho bopa mokhatlo, ho ikaha ho fetu ba bang bohle.

¹²⁹ Joale na le bona lebaka la ka ho ema khahlano le oona? Ehlide. Ke khahlano le oona, ka sohle se ahileng ka ho 'na. Ha feela Lentsoe le le teng ka mono, Le tla ema khahlano le oona kamehla. Molimo o khahlano le oona. Molimo O ipoletse joalo. Ke hantle.

¹³⁰ Ba sitiloe feela ho ema, sepeme sa Eva se sitiloe ho beha. Ka ho futsoeloa le leshano la Satane, monyaluoia ea khahlehang oa hae a silafatsoa. 'Me ho etsahetse joalo le ka monyaluoia oa Kreste. Monyaluoia, o silafalitsoe ke'ng, monyaluoia oa Adama, joale? Hoba a sa ka a ema le Lentsoe la Molimo. Ho joalo na?

¹³¹ Ke a botsa. Joale, ha eba e se joalo, see bue. Empa ha eba e le joalo, u e bue. Lebaka leo eo oa Molimo...Lebaka leo monyaluoia oa Adama...Ke boo borarō boo: Adama, Kreste, Molimo. Lebaka leo monyaluoia oa Adama a sa kang a bea ka nèpo, Ngoana Bophelo, ke hoba a sa lumela Lentsoe la Molimo. Ha e nèpahetse, e reng, "Amen." [Phutheho e re, "Amen."—Mong.] Lebaka leo mosali oa Jehova a lahliloeng, kapa monyaluoia oa Hae, ka hobane a lahlile Lentsoe la Molimo, moperofeta. Ho joalo? ["Amen."] Lebaka la ho lahliao ha monyaluoia oa Kreste hلالونگ, ke hobane o lahlile Lentsoe la Molimo, joaleka Eva ha a entse, joaleka ha ba bang bohle ba entse. ["Amen."] Hantle. Liotsoa kaofela, bohle ba silafalitsoe, monna oa bona o sitiloe ho ba etela. Le pele monna oa bona a ba etela keha ba emere. Oh Molimo, ke pono e haulang hakakang! Nahanang ka mohlankana ea etelang mosali, 'me a mo fumane a tletse peō ea monna e mong. Ntho e kakang! Ke sona seo Molimo o se entseng. Ke sona se entsoeng ke Adama. Ke sona se entsoeng ke Kreste. Oh! E.

¹³² O sitiloe ho ema le Lentsoe, 'me a hlahisa e—e maemo a futsoetsoeng. Ke sona se entsoeng ke Israele. Le bona moo e leng teng? Ke sona se entsoeng ke monyaluoia oa Kreste. Le 'mona a moo a leng teng? Ho khutlela morao le bona bohle.

¹³³ Monyaluoia oa Kreste oa Pentekosta o entse hona hoo. Ha a khone ho hlahisa oa moea, Bana ba Lentsoe, hoba le eèna o futsoetsoe. A ka khona joang, athe le eèna o itsoakile ka malumeli? O se a ikopantse le bona, le ntho eohle, o itšoanelia le bona. Ba matahane le Khansele ea Likereke, ntho e 'ngoe esele, ke mofutsoeloa joaloka ba bang ba bona. A ka e khona joang? A ke ke a khona.

¹³⁴ Joale, ke tlameha ho bua tse ngata, 'me ke loketse ho potlaka holim'a lintho tsena. Ke...Ke batla ho rera ka e 'ngoe le e 'ngoe ea tsona. Ua bona? Joale le ele hloko.

¹³⁵ Monyaluoia oa sebele, allelua, e Mong o tla ba teng. Hobaneng? O reriloepele. A ke ke a hlophisoa ka bolumeli, hoba O reriloepele. Ua bona? Ha a tlameha o ikhathatsa ka bolumeli bofe bo hlophiloeng. O se a rereloepele ho ema litulong tsa hae. Shebang. Joaloka Maria...

¹³⁶ Ke batla le e tšoare joale, le se hlolehe. Le itokisitse? E reng, “Amen.” [Phutheho e re, “Amen.”—Mong.]

¹³⁷ Mohla Kreste a tlang ho Monyaluoa oa Hae, E tla be e le moroetsana joaloka Maria. Hoba Molimo a ke ke a hlahisa Kreste ka popelo ea seotsoa, le Monyaluoa A ke ke a mo hlahisa joalo. A ke ke a tlisa Lentsoe la Hae ka seotsoa sa Lentsoe la Hae.

¹³⁸ Ke mantsoe a harolang letsoalo ao, empa Bibele e itsalo. Ke bua seo E se buang. Hobane, Ke... Taba ena e tlameha ho utloisisoa.

¹³⁹ Ho paka, Monyaluoa oa sebele, joaleka Maria, o tla ba le popelo ea moroetsana bakeng sa Monyaluoa oa Lentsoe, e leng Kreste. Etlare ha Kreste, Lentsoe, a etela Monyaluoa, O tla be a tšoana le Eèna, moroetsana ka Lentsoe. Oh Molimo!

Ke kholoa—kholoa e fihla, Moena Neville. Ke...

¹⁴⁰ Ua bona? Ua bona? Kea kholoa le a utloisia. E ne e le Mang? Lentsoe, Lentsoe la Molimo. “Seaparong sa Hae O ne a ngotsoe Lebitso, ‘Lentsoe la Molimo.’” “Lentsoe le ne le le tšimolohong, ’me Lentsoe le ne le le ho Molimo, ’me Lentsoe e ne e le Molimo. ’Me Lentsoe, la etsua nama la aha har’ā rōna.” Ke Molimo, ’me Molimo ke Lentsoe.

¹⁴¹ ’Me Monyaluoa oa Hae ha a fihla, E tla ba sebeoa sa mofuta oa Hae. Moroetsana! Na Kreste e ne e le setho sa bolumeli? Na Jehova e ne e le sona? Le Monyaluoa oa Hae lekhale. Ke karolo ea Hae. Ha A hloke tšomo. A ke ke hloma letho. E tla ba moroetsana ea tletseng. Joang? Ka Lentsoe. Amen. O tla thasisetsa Lentsoe ka leng leo Molimo a le buang, ka eona, “Amen! Amen!” Oh! “Ho be ho ’na ho latèla Lentsoe la Hao. Amen!” Oh, khele! Ke moo. Ho thasisetsa Lentsoe la Molimo.

¹⁴² Ho rua popelo ea moroetsana. Ebe O tla tsoa kae? Popelong ea moroetsana, Lentsoe. Jesu o tsoile kae? Popelong ea moroetsana. Ua bona?

¹⁴³ Mohla Adama a na a etela mosali oa hae, keha a emere. A entse ntho e ’ngoe. O ne a tsoakiloe. O ne a futsoetsoe, ngoana, ’me a shoa. Empa mohla Josefa a na a etela monyaluoa oa hae, keha a emarisitsoe, empa ke Bophelo. Mosali oa Adama, kapa monyaluoa oa Adama, mohla Adama... Le pele ba kopana; joaloka Josefa le Maria, joaloka Kreste le Kereke joale. Le a e bona na? [Phutheho e re, “Amen.”—Mong.] Ua bona?

¹⁴⁴ ’Me le pele ba kopana, Adama le Eva, keha a emere peō e silafetseng e tsoang ho noha. ’Me mohla Adama a na a etela mosali oa hae, o mo fumane a emere lefu. Ua bona? Lefu! Joang? Ho shoa moeeng le nameng.

¹⁴⁵ Empa mohla Josefa, motho, a na a etela mosali oa hae... Thoriso! Ha ke khone ho e koetla. Keha a emere Bophelo, Lentsoe la Molimo, nama ka popelong ea hae.

¹⁴⁶ Khutlisang Lentsoe leo le builoeng, khutlisang Lentsoe leo la Molimo leo e neng e le Lentsoe mona, le ttileng ka popelo ea motho. Amen. Molimo o tla e etsa, le hona. O e buile, e tlameha ho hlaha joalo. Amen. Ke Molimo oa rōna oo. Oh, e enne, baena, ha eba le khona ho E thuisa, le ka E nèpa.

¹⁴⁷ Ke mohla a ne a fumana hoo, mohla—mohla Adama a na a etela mosali oa hae, keha a emere peō e phoso. Mohla Jo... Peō eo e ile ea shoa. Josefa o tlide ho oa hae, keha a emere. Joale, kemaro e fapaneng e bakiloe ke'ng? Hobane mosali oa Adama o belaetse Lentsoe. Ke hantle? Monyaluoaa oa Josefa o lumetse Lentsoe. Phapang.

¹⁴⁸ Ka baka leo, ke eng, he? Ke Lentsoe, oh, Lentsoe leo le theko e thata. Ke lona. Lefatše le bopiloe ke Lentsoe la Molimo. Alleluia! Ke lula hona moo, hantle mono. Malumeli oohle le lintho tsohle li ke li oe, ba etse seo ba tla se etsa. Ke ema holim'a Lentsoe leo.

¹⁴⁹ Lebaka la ka ho etsa seo ke se entseng. Lebaka leo esale ke heletsaa malumeli. Ho re, “E, e mpa e le... o pshatla likereke.” Ba e buile le ka Morena oa rōna. Ua bona? Ba e bua nako le nako. Ua bona?

¹⁵⁰ Joale, joale, O mo fumane. Kreste o etela monyaluoaa oa Hae; O mo fumana a le joang? Ka ho tšoanang. Hobaneng? Mohla a na a qala... Joale mamelang. Ha ke batle ha le fosa taba ena. Mohla a ne a qala, e ne e le moroetsana. O ne a tla itokela. O ile a tsoelapele, kereke eo ea hoseng, e ne e babatseha. Molimo o ile oa Mo fa monyaluoaa, 'me a etsa'ng? Ha eba le tseba histori, ka 606, o theohela tlase mono hantle 'me o ikemarisa ka tšomo ea Boroma, mokhatlo. 'Me ho tloha moo, ho ea joalo, “mè seotsoa,” seo sa khale, kahara Bibele, o tsoala likereke, 'me e ne e le “lihlola,” e leng seotsoa. Ao ke Maprotestanta, hoba oona, e 'ngoe le e 'ngoe, e tsoetsoe ke eèna, 'me e 'ngoe le e 'ngoe e nkile ntho ea eona, mokhatlo. Joale le a bona hobaneng ke le khahlano le oona? Ke hantle.

¹⁵¹ Joale, hobane tsoalo ea Lentsoe ke Kreste, ha e a silafatsoa ke bolumeli. Kereke ea hoseng, e ne e se bolumeli, Lentsoe feela, 'me Moea oa nosetsa. Moena, eona... Molimo o ile oa bea Lentsoe joalo, 'me Moea o Halalelang oa Le nosetsa, 'me Ke eo e tloha. E ile ea tsoala bana. Ruri.

¹⁵² Empa kereke ena ha e khone. E hlophisitsoe ho tlōla tekano. Ua bona? Ha E khone. E itsoakile le lefatše. Shebang seo ba se entseng, joale. Joale ke eng?

Molimo o ile oa thasisetsa Lentsoe la Oona a sebelisa 'Mele oa Hae. Ke 'nete? [Phuthetho e re, “Amen.”—Mong.]

¹⁵³ Eaba o tloha ho ea feba, a etsisa mosali oa Adama Edene, le mosali oa Jehova tšiung tsa Samuele, eèna ea kileng a ikhethela morena. Ba hlala Molimo, Monna oa hae ea lebelelitsoeng le Lentsoe la Hae; le moporofeta oa Hae, phororo

ea Lentsoe la Hae; 'me a tloha a ea feba, a etsisa lichaba tse ling tsohle. 'Me eaba Molimo o a mo hlala. Le kajeno O entse hona hoo. Ketso eona eo.

¹⁵⁴ Bara ba monyaluoa ba feba, ua bona, 'moho le... Monyaluo, Mora Molimo...monyaluo oa Hae ea tsoang Pentekosta, moroetsana ka Lentsoe, o ile a tloha a ea feba 'me a bōka a etsisa mosali oa Adama, le mosali oa Jehova o entse hoo. 'Me mosali oa Mora ke enoa, o tloha ho ea feba, o bōka le melimo ea Boroma; bongateng, melimo! 'Me ho khahlisa linyatsi tsa hae, melimo ea Boroma, a leka ho tšoara Monna oa hae a Mo khekhetha likoto tse tharo, ho khahlisa linyatsi tsa hae. Molimo a be le mohau... Ehlide, ba ne ba ena le melimo e makholo; oh, ehlide, Astarte, molimo-letsatsi, le—le Baalime, molimo-letsatsi, le mofumahali oa leholimō, le lintho tseo tsohle mono. Ka baka leo, monyaluo, e le ho khahlisa linyatsi tsa hae tse litšila.

¹⁵⁵ Na Molimo ha o a bua mono ka Sefela sa Salomone, o bua ka mosali oa Hae e beng e le sehlola, 'me a lutse a takalalitse ka linako tsohle, 'me a phamola nyatsi e 'ngoe le e 'ngoe e fetang? Ke bua puo-pha, empa Bibele e itsalo. Monna e mong le e mong ea batlileng ho hloaela le eèna, a ka matha le eèna.

¹⁵⁶ Monyaluo oa Kreste o entse hona hoo. O ipuletse tloaelo e 'ngoe le e 'ngoe ea khale e litšila, e silafetseng ea mokhatlo o mong le o mong oo ba kileng ba o thea, o entse hona hoo.

¹⁵⁷ Ke tlilo nyatsetsoa Eona. Ho lokile. Ebile, ke tlil'o tlottisetsoa Eona, hoba E tla be e le 'Nete. Ke 'Nete ea Molimo. Hobane, O E batla e boletsoe, 'me ke ena E... Ke leka ho E bua ka bokhoni ba ka. Ua bona?

¹⁵⁸ O lekile ho khahlisa linyatsi tse ngata tsa hae. Ka ho etsa joalo, a futsoela, a leka ho futsoela ka linyatsi tsa hae, Lentsoe la Molimo. Ea hana ho sebetsa, ka hona eaba o re, "Latolang ntho Eo," a ntano iqapela lentsoe la hae. Joale e ipolela, e le Lentsoe bo-eona. Empa le se lumelle Makatolike... kapa Maprotestanta ho bitsa Makatolike, hoba ba etsisana khanseleng ea likereke tsa bona, ba etsa bohlola. Hase mohlolo ha ba bitsoa lihlola. E khohlahetse, ha ke re? E le harotse letsoalo, empa e etselitsoe hona, ho le phaphamisa ka nako tse ling. Hantle. O entse hoo hantle. A ngala Jesu, e leng Lentsoe-Monna.

¹⁵⁹ 'Me joaloka Samuele, ba ile ba ngala Samuele ba ikhethela Saule. Ba ngalile moporofeta, ea tlotsitsoeng ka Lentsoe, 'me ba inkela morena ea tšoereng lere. Athé, qetellong o ne a tla fumana Morena, lere Lilemong tse Sekete. Empa joale o lahlueoe. O tlohilie ho ea iphumanelia Monyaluo oa Balichaba. Ho joalo? [Phutheho e re, "Amen."—Mong.] Ke Lentsoe.

¹⁶⁰ Joale, o tlohetse Jesu, Lentsoe; Jesu, Lentsoe; 'me a nyaloa ke monna e mong, ea bitsaang mopapa, ea tšoereng tšomo. Joale ha a sa na Jesu. O fumane mopapa. Joale ha re na... Protestanta ha e na Jesu. E na le bolumeli, ntho

e tšoanang, setšoantšo sa sebata. Ka baka leo, ha a khone ho nea bana ba hae Tsoalo ea Lentsoe, ha ho le a mong oa bona. Ke sehlola, ka bo-eèna. Bibele e 'mitsitse sona. "O na a nkile senoelo letsohong la hae, 'me a nosa batho thuto ea hae, e leng manyala, litšila tsa bootsoa ba hae." Bootsoa ke eng? Ke bophelo bo sa hloekang. 'Me thuto ea hae eo a e nosang batho, ke litšila tsa bootsoa ba hae. "'Me Marena a lefatše, le bohle, ba ne ba tahiloe ke veine ea bootsoa ba hae." Hantle haholo. Ba shebeng. Moshaana, ba ka o khaola qoqotho, ka motsotso, ho rialo. Ha se Makatolike feela, empa Maprotestanta.

¹⁶¹ Mamelang, lona Mamethodise. Joseph Smith o balailoe ke mang? Joale le bulula lenaka la lona. Leha, koana ke sa lumele thuto ea hae, joalokaha ke sa lumele ea lona. Hase kantle koana; ke mona. Ke lona lebaka. Tokelo ea Joseph Smith sechabeng sena ho rera tumelo ea hae e a itekanelo, joaleka lona, empa la 'molaea holimo mona Illinois. La mo thunya, ho se lebaka, hoba a na a tšoere ntho e batlang e fapane. Le ntoo inanatha ka kereke ea Katolike. Tsoang ulu-ulung eo ea lithole, lona Mamethodiste a reretsoeng Bophelo Bosafeleng. John Wesley a ka phethoha lebitleng la hae; ka boitšoaro ba lona. Ehlide, o tla etsa. John Wesley ha a e-so ho thee kereke e kang eo. E entsoe ke mphi ea bo-rickies le bo-elvises ka mora lefu la John, ke hantle, hase John Wesley.

¹⁶² Ha se mapentekosta ao a meso a khaleng a hlahisitseng litholoana tsena. Ke sehlopha sona seo, ka mora lefu lena. Ke hantle. Jesu Kreste o be a sa tlo thea ntho e tšoanang le ea rôna joale, e bitsoang Pentekosta, le Moea o Halalelang o ka sitoa. Empa ke ntho eo le e tšoereng mona, tulong tsa eona.

¹⁶³ Empa Moea o Halalelang ba ke ke ba o bolaea joale. O tla ntša Monyaluo, leha ho le joalo. Amen. O tla nka e Mong, leha ho le joalo. O itse O tla etsa hoo; o Mo reriloepelle.

¹⁶⁴ A siea Jesu, Lentsoe-Monna oa hae, ho nyaloa ke mopapa, ha a khone ho Tsoala ke hona, Tsoalo ea moea. A ka hlahisa tsoalo ea bolumeli, joale. O tšoere peō e ngata ea hoo. A ke ke a hlahisa Tsoalo ea moea. Eèna, hobane e ne e le sehlola, a ka hlahisa bophelo ba bolumeli le lerata le le ngata.

¹⁶⁵ Kereke ea Katolike, ka boeona, e theiloe ka litumelokhoela tse 'maloa tsa Bokreste le—le khahlakhahla ea Boroma.

¹⁶⁶ 'Me kereke ea Pentekosta e mpefetse ha kaalo, letomotomo la ho tlolaka, le ho hlaba litlatse, le ho bua ka lipuo, le lintho tse kang tseo. Ha e kokobela, ke mabifi a tlakomang, 'me ba u leleka phuthehong ea bona. Leha Molimo a ka kena ka mono a tsosa bafu, ha u sa lumellane le bona, ba tla u leleka ha u se setho sa mokhatlo oa bona.

¹⁶⁷ Joale, "'mè sehlola" sena sa khale, ke khutlela ho eèna motsotsong. O itlaleha matla a ho tšoarela libe. Empa,

motho ha u ahloloe ka maipolelo a hao, motho ha u tsejoe ka maipolelo a hao. U tsebjoa ka mesebetsi ea hao. Ebe a ka tšoarela libe joang? Mo shebeng.

¹⁶⁸ Jesu mohla a ne a etsa hoo, ba itse... “Le ka Nqosa, Mpontšeng moo Ke sa lumelang Lentsoe.” O itlaleha matla ho tšoarela libe, empa hoo ho tlisoa ke Lentsoe feela. Ke hantle. Molimo, a inotši, a ka tšoarela libe. Na ke ’nête? [Phutheho e re, “Amen.”—Mong.] Na Bafarisi bao ha ba rialo? Kelello e ne e le efe, molato e ne e le ofe ka sehlapha seo sa lifofu tsa baikaketsi? Hobaneng? Hobane ba sitiloe ho bona Lentsoe le emeng le bona. Ke Lentsoe. Thoriso ha Molimo. Ke ka hona A khonneng ho tšoarela libe. E ne e le Molimo. E ne e le Lentsoe le bonahetseng.

¹⁶⁹ Joale kereke ea Katolike e ipoletse Jesu a ba file matla. O entse hoo; O neile Kereke matla. Ke ’nête. Re lumela hoo.

¹⁷⁰ Barali ba hae bohle ke liotsoa. Barali ba hae bohle, barali ba hae ba bolumeli, ke liotsoa. “Moena Branham, ke Lentsoe le leholo leo.” Hase Lentsoe la ka. Ke Lentsoe la Hae. Ke hantle. Hase la ka. Ke la Hae. Ho loklile.

¹⁷¹ “Joang,” u rialo, “ba joang, ba fetohile liotsoa joang? Be, ke batho ba lokileng, *sekeke-le-sekete.*”

¹⁷² Ha ke bue letho ka hoo. Ha ke bue ka seo ba leng sona. Ha ke re batho ba Katolike ha ba loka, ba lokile sa mang kapa mang. Ke libopua batho, joaleka rōna. Empa, mabapi le kereke eo ea khale, e fositse. Protestanta e lokile ha kaalo. Methodise e lokile ha kaalo ka Baptise kapa Mapentekosta, kapa mang feela o sele. Tsohle li a tšoana.

¹⁷³ Empa ntlha ke ena, ekaba seotsoa joang? Hobaneng? Mo leke ka Lentsoe. U e tseba joalo. Uh-huh. Ako mo hlahlube ka Lentsoe, hang, ’me u bone seo a se buang. “Oh, ehlile, re rutoa seminareng hore—hore matsatsi ao ha a...Ke e...Ho kile ha ba joalo, empa, huh, e ne e le morao koana matsatsing a baapostola. E ne e etselitsoe baapostola, feela.” Lona ba reiloeng church of Christ, “Le buang moo Bibeleng e buang, le khutsang...” Be, ke batla ho le utloa le bua joale. Uh-huh. Uh-huh. Uh-huh. Che. Tholang. Lentsoe la Molimo le khutsisa tsohle, moena. Ha ho motho ea ka iphafang. Ke hantle.

¹⁷⁴ Barali ba hae bohle ke liotsoa. Joang? Ba etsisa ’m’ bona, ba feba moeeng khahlano le Lentsoe. Kereke ea Katolike e fetohile sehlola joalo, barali ba hae ba fetoha liotsoa joalo, ka ho tšoana, bofebe ba moea khahlano le Lentsoe.

¹⁷⁵ Eèna le barali ba hae popelo tsa bona ke tsa bohlola. Lefu ke lona feela le ka tsoang ho bona. Molimo ha o ke o hlahisa bophelo ka lefu. ’Me sohle se tsoetsoeng se shoele hase phele. ’Me na... Joaleka Jobo a boletse, “Na u ka ntša ntho e hloekileng ho e sa hloekang? Che, le ho leka.” Hantle. A ka

tsoala joang, ka bo-eëna, athe o shoele, ka bo-eëna? Ekaba moroetsana joang athe ke sehlola? Ua bona? Ke moo he. Ke eo ntho eohle. Oh, khele!

¹⁷⁶ Joale re tliro thulana le ntho e enneng haholo, e tlakomang livithamini, e qala ho Genese e qetella ho Tšenolo. Lemohang.

¹⁷⁷ 'Me eëna le barali ba hae popelo ea bona ke ea sehlola. Lefu ke lona feela le ka tsoang ho bona. Ha u batla ho ingolisa mokhatlong, u ikhopola u itoketse, na ebe u bona moo u kotsomalang teng na. U tšethemela hantle har'a lefu. Hantle feela. Ha eba u sa e bone joale, moea oa hao u fousetse. Ua bona?

¹⁷⁸ Joale, a re khutleng joale re boele re tšoarane le eona, 'me re ntano theohela nthong e 'ngoe. Le sa hopola seo tšebeletso ea Sontaha se fetileng e ne e le eng? "Monyako oa soule." Le a hopola? Joale, popelo ea nama e teng. Popelo ea serepete e teng. Le e lumetse na? Popelo ea seperete e teng le popelo ea nama e teng. 'Me kelello ke popelo ea seperete. Hobaneng?

¹⁷⁹ Joale hopolang. Ke le boleletse Sontaha se fetileng, ka le takela eona mona. Lithusakutlo tse hlano tsena tse kena kahara peō li tsoa kantle; bona, latsoa, ama, fofonela, utloa. Kahare li hlano; letsoalo, le—le tse joalo, tse hlano ho tsoa kahare. Joale, ka lehlakoreng la Bophelo, e 'ngoe feela. Hoo, u theiloe holim'a boikhethelo, ho amohela, ho bulela kahare kapa ho bulela kantle. Ua bona?

¹⁸⁰ Bofebe bo joalo... [Sekheo lebanteng—Mong.] Motostso feela. [Sekheo lebanteng.]

¹⁸¹ Bofebe bo etsoa joalo, ka moea; keha uena, holim'a u tseba hantle, ka Lentsoe la Molimo, ka ketso ea kelello, u kenya leshano la liabolosi kahare, khahlano le Lentsoe la Molimo.

¹⁸² Eva o entse hona hoo, ka ketso ea moea, pele, e tlileng ka ho lumela leshano la Satane, kahara popelo ea kelello ea hae. Hoo ho silafalitse soule ea hae, hoa kenya lefu kahara soule, eaba ho latèla ketso ea tlhaho.

¹⁸³ 'Me mosali a ka feba joalo nqa monna oa hae, pele ka ho lumella monna e mong ho mo menamena ka puo, 'me a ntano amohela monna eo e seng molekane oa hae. Ebe joale o febile.

¹⁸⁴ 'Me ha monyaluoia oa Jesu Kreste a lumella litumeloana tse entsoeng ke batho le litšomo ho tlatsa malulo a Lentsoe la Molimo, o a feba. Na Jesu ha a re, "Ea shebang mosali... o se a mo febile pelōng ea hae; ea shebang mosali ho mo lakatsa, o se a mo febile"? Hobaneng? O e lumella ho kena e ralla kelello ea hae. Eo ke popelo e qalang e theta polokoe. Satane o a kena.

¹⁸⁵ Re jetsoe ka Lentsoe. "Ka tsatsi le le leng, Ke tla hlahisa Bophelo lefatšeng le ho atisa boch-... ho tlatsa lefatše." Se sitileng Eva, Maria o se entse. O ile a nka Lentsoe. Eva o nkile leshano la Satane. Maria o ile a nka Lentsoe la Molimo. 'Me ka Peō ea Maria, ho boela ho tlatsoa lefatše, ka Monyaluoia oa

Hae, ka Lentsoe, ho tla hlahisoa Sekete sa Lilemo. Lentsoe le tsamaea ka mocha oo, 'me Lentsoe le jaloa pelōng e 'ngoe le e 'ngoe e rерioeng pele. Ebe Moea o theoha ho Le nosetsa, 'me ba ke ke ba shoa. "Ke tla mo tsosa hape matsatsing a qetelo." Oh, moena, khaitseli, hoo ho—hoo ho tiile.

¹⁸⁶ Ke'ng? Kelello ke popelo ea seperete, (Eng?) ke ho bulela kahare kapa ho bulela kantle. Ba feba joalo, ka ho nka, ho lumella Satane oa mofuta, moea oa liabolosi ho kenya ntho e khahlano le Lentsoe la Molimo ka ho bona. Ke moo o se a febile.

¹⁸⁷ Eva o amohetse... Mamelang sena. Peō-lentsoe le phoso, leshano la Satane khahlano le Lentsoe la Jehova, litlamorao e bile lefu.

¹⁸⁸ Joale, re tla kheloha temana ena, metsotsong e 'maloa. Empa pele e theoha ke batla ho e khokhothela ke tiile, ho fihlela moo ke tlamehang ho khaotsa teng. Ke tla tlōla leqephe mona, hona joale, motsotso.

¹⁸⁹ Joale shebang. Eva, o entse hofe—hofe? O amohetse peō e phoso. O e entse joang? Ka ho lumela leshano la Satane. Ba ba kae ba reng e nēpahetse? [Phutheho e re, "Amen."—Mong.] Khele, ehlide, e lokile. Ehlide. O amohetse leshano la Satane. Eaba o hlahaha'ng, ka ho etsa hoo? Satane o itse, "Ua tseba, sena se a babatseha. Ke ntho e khabane ena. Na u no u tseba hobane u etselitsoe eona? Khele, u hlile u etselitsoe morero ona."

"Oh, eèna 'na?"

¹⁹⁰ "Oh, e khahla mahlo. E monate. U tšoanetse. U loketse ho e leka."

¹⁹¹ "Empa Morena Molimo o itse, 'E seng—e seng—e seng hoo, e seng hona joale.' Be butle, ema motsotso. Che. Che."

"Empa, u a tseba..."

"Oh, ha re ka e etsa, re tla..."

"Oh, ruri le ke ke la shoa."

¹⁹² Liabolosi ea leleme-le-phollatsi eo. Ha a na litlhako le mohatla o arohaneng, che, kamoo ba lekang hore le lumele. Ke thellanyane ka morao ho sefala. Hantle. Uh-huh. Kapa, ricky-nyana ea itseng ea phophothileng moriri oa hae o maname sa letata, a itšełehile nqa e 'ngoe kantle mane, ho ntša morali oa 'mè e mong kotsi, ke lona thaka le tlāng ka nthoana e ntle e kang... Oh, nka mpa ka e tlohela.

¹⁹³ Joale, popelo, Eva o amohetse peō-lentsoe le phoso. Joale mamelisang joale. Re tlii e tebisa re e khokhothela hantle, ha Morena a ratile. O amohetse lentsoe le phoso. Le ile la etsa'ng? E ne e le leshano la Satane, ho itsoe, "O tla ba bohlale."

¹⁹⁴ "Be, e ka ba setho sa kereke e khōlō. U tla nkela holimo motseng. Khele, u tla tšoana le batho ba bang bohle." Huh! Ehlide. Monyaluoaa oa Jehova o lumetse sona seo. Ke hantle haholo.

¹⁹⁵ Satane o ne a leke ho rialo mohla Lentsoe le tlélang Maria.
A mpa a mo phoka.

Ho re, “Ebe ho ka ba joalo joang?”

¹⁹⁶ Ho re, “Moea o Halalelang u tla u khurumetsa. Ke Lentsoe la Molimo.”

¹⁹⁷ Ho re, “Ho be ho ’na ka Lentsoe la Hao.” Hoo ho hlasisitse Bophelo. Ke moo he.

¹⁹⁸ “Be, ua tseba na,” Satane a rialo, “ba tla u tšeha kaofela.” Keha ngoananyana eo ea marama a makhubetsoana a sa natse letho.

¹⁹⁹ A nyoloha hantle a etela koana Judea. “Ua tseba, ke tli’lo fumana Lesea,” le pele a utloa letho, kahobane Lentsoe le se le hlomiloe mono. Keha e le photo. A sa tlameha ho feta moleng oa thapelo, khetlo la bobeli, u a tseba. Che, che. Che, monghali. Che, monghali. A e lumela. A sa fuoa le pontšo ea bophelo. A e-so bone pontšo ea kemaro, ho hang. A e-so utloe letho. Joaleka . . . Ntho ka ’ngoe e sa ituletse sa ka mehla. Empa a tloha, a bolella mang le mang, “Ke tli’o fumana Lesea.” Ḵobaneng? “Molimo o itsalo.” Hoo ke’ng? Peō ea Abrahama ea borena.

“U tla fumana lesea, Abrahama, ka mosali eo?”

“Molimo o itsalo.”

“Be, u mpoleletse eona, lilemo tse mashome a mabeli a metso e mehlano tse fetileng.”

“Ke a tseba, empa Molimo o itsalo.”

²⁰⁰ Ke eona. Ke moo he. Ho a tšoana. Kajeno lena le re’ng?

“Be, u a tseba phutheho ea bolumeli e tla u rahela kantle.”

“Empa Molimo o boletse joalo. Molimo o boletse joalo.”

“Be, u a tseba, ha u ka kolobetsoa ka tsela eo . . .”

²⁰¹ “Be, Molimo o itsalo.” Ke eona. Ke eona. Moroetsana oa lona ke eo. Ke eo moo a leng teng. Hase kolobetsong feela, empa nthong efe kapa efe, Lentsoe lohle. Ua bona?

²⁰² Ha ho le joalo, ke’ng? Ketso ena, e entsoe nameng le moeeng, ho Eva. Pele, le nako efe kapa efe.

²⁰³ Ke le boleletse, ka ba ka le kopa, hoseng hona, bokhaiseli, ho ntšoarela, ke tle ke bue ka taba eo. Nako efe le efe ha mosali a fosa . . . Ke bua ka Kreste le Monyaluoja joale.

²⁰⁴ Empa nako le nako ha mosali a fosa, pele o tlameha ho e amohela kelellong ea hae. Hantle. Thellanyane e itseng e tlameha ho mo qophella, ebe o mo mamela khahlano le kakanyo ea hae e nèpileng, ho ntano etsoa ketso.

²⁰⁵ Ka hona, pele, la tobolaka, Satane o ile a tobolaka kelello ea Eva. ’Me kahara popelo ea kelello ea hae, a belaela Lentsoe la Molimo, eaba ho latèla ketso ea mannête.

²⁰⁶ 'Me mokhoa oo re ka tsoaloang bocha feela, pele, kahara popelo ea kelello, o amohela Lentsoe, Moea o ntano theohela holim'a Seo ho Se nea Bophelo. Ke moo he. Ke hona ho sebetsang. Ke eo thuto ea sebele ea Evangel, moena. Kea lumela, hola Mohalaleli Pauluse a ne a eme, kajeno, o ne a tla ruta joaleka 'na, horeng ena. Ke hantle.

²⁰⁷ Litlamorao tsa—tsa hae e bile life? Lefu la nama le la moea.

²⁰⁸ Litlamorao tsa ba amohelang tsela esele ke life? Ke ho sohломela monyakoeng ona oo ba o besitseng kajeno, lefu la nama le la moea 'moho. 'Mele le moea li tla timeletsoa, li se hhole li fumaneloa malulo. Ke hantle haholo.

²⁰⁹ Le elelloe, popelo ea Maria. Popelo ea Maria, kelello ea nama, ua bona, e ne e le popelo ea moroetsana. Hobaneng? O lumetse Lentsoe la Molimo. Ho sa tsotellehe mang o ne a seholla ha kakang, motho o ne a bua lintho tse ngata ha kakang, e ne e sa amane le eona ka letho. A lumela Lentsoe la Molimo, ho sa tsotellehe. Oh, eka nka be ke khona ho e fetisetsa koo. Le ntse le e tšoara na? [Phutheho e re, "Amen."—Mong.] Ua bona? Ua bona? Ebile kelello ea hae pele. Le pele ketso e etsahala popelong ea hae ka seqo, ketso e ne e tlameha ho etsoa ka *mona*, pele, ho lumella Moea ho kena le ho qetella mosebetsi oohle. Oh, khele!

²¹⁰ Thoriso! Pele Tsoalo, ea mannete ea moea e ka etsahatsoa, Lentsoe le tlameha ho Itšebetsa kahara kelello ea hao, ho Le lumela. "Ea utloang Mantsoe a Ka, 'me a lumela ho Ea Nthomileng, o na le Bophelo Bosafeleng, 'me a ke ke a tla Kahlolong, empa o...kapa ho feta nakong ea Matšoenyeho, empa o tlohile lefung ho kena Bophelong." Ke eona. Oh, khele!

²¹¹ Joale le lemohe. Popelo ea moroetsana, kelello ea hae; kelello ea moroetsana, ho lumela Lentsoe la Molimo.

²¹² U re, "Joale sheba mona. Oh, khele, Moena Branham, e ke ke ea etsahala. Hase ntho e ka etsoang. John Wesley a ka be a e bone. *Sekete-kete* a ka be a e bone." Huh!

²¹³ Ehlide, liabolosi a ka be a itsalo ho Maria. "U le mang uena? Khele, u mofutsana ea tlase motseng. U mpa u le kharejana, ea lilemo tse leshome le metso e tšeleta, leshome le metso e robeli, u theohile ho kha metsi pompong ena. Ntata'o, o shoele; 'ma'o, ke sefov sa mosalimoholo tlase mono. Uena har'a batho bohle u ka hla ua...Joang?" Ho thoe, 'mae e ne e le Anne. "Uena har'a batho bohle u ka hla ua khona?"

²¹⁴ "Mamela, 'mè mosalimoholo ke sefov, empa ke mosali oa morapeli. Ka melomo ea hae, o jetse peō pelong ea ka. Ke e balile Lentsoeng la Molimo, moo Molimo o buileng, ho Esaia 9:6, 'Moroetsana o tla emola.'"

²¹⁵ Alleluia! Ua e bona na? Lentsoe le apara nama. Ke moo he. Molimo o tla fumana Kereke. E tla tsoaloa ke Lentsoe la Molimo, hobane Ke Lentsoe la Molimo le phelang. Ua e bona na?

²¹⁶ “U e tseba joang? Khele, e tla ba... Ua tseba u tlil’o bitsoa’ng, ho qala jolae ho tsoella? U tlil’o bitsoa...”

²¹⁷ “Ha ke tsotelle seo ke bitsoa’ng sona. Ha e amane le eona ka letho. Ho be ho ’na ho latèla Lentsoe la Morena.” Oh, na motho a ka rialo kajeno? Oh, hola—hola batho ruri, ho tsoa pelong tsa lona, bohole re ka rialo, ua bona, “Ho be ho ’na ho latèla Lentsoe la Hao, Morena.” Khele! Ho e bua ka kholiseho. A le mong kapa ba babeli, kapa nqa efe kantle mono, Le tla thonaka bao ba reriloeng pele ’me ba e bua ba tiile. ’Me, moena, u tla bona ho tlöla lihlase. Ke hantle. Ha u hlile u e tšoere moo, ho kopana le ntho eo e tlang, ntho e nosetsang eo e qala e tšolohela holim’ a Lentsoe leo. E, monghali.

²¹⁸ Joale, e ne e le eng? Kelello ea moroetsana, popelo, popelo ea moroetsana bakeng sa lesea. Litlamorao? Bophelo Bosafeleng.

²¹⁹ Eva, mosali ea lokileng ea ka kang... ea kang eo, e le moroetsana ea kang eo, empa a lumella pelaelo ho kena pele, ka lentsoe, leshano la liabolosi. O ile a etsa’ng? O ile a mo futsoella phoso. Ngoana oa hae a fetoha eng? Lefu.

²²⁰ Maria, kelello ea moroetsana, popelo ea moroetsana. Mohla liabolosi a ne a leka ho mo kenya molekong, ’me a tla... Lengeloi le ne le fihle ho eëna mohlang oo la re, “U tla fumana lesea.”

Satane a re, “Joale, ah, u mpe u botsisise taba Eo hantle.”

Lengeloi la re, “Ke tšebetso ea Molimo.”

²²¹ ’Me ntle le pelaelo a hopola Esaia 9:6. A re, “Bona lekhabunyane la Morena.” Litlamorao ke life? Tsoalo ea moroetsana, Lentsoe la Bosafeleng ka ho eëna, ’me a tsoala Bophelo Bosafeleng. Ke hantle.

²²² Monyaluo oa Jehova o tsoakiloe, peō ea monyaluo oa Jehova e tsoakiloe. “U itseng joale, Moena Branham? Hoseng hona, u itse, ‘Monyaluo oa Jehova o febile.’” Nke ke ka e tlohela.

²²³ Joale a re eleng hloko joale. Joale re sa na le hora e ’ngoe, ke a kholoa. Ke tšoere lintho tse ling mona, ke tla lokela ho tlöla tse ling, ke ntano qala ho bala metsotsong e ’maloa, ua bona, ’me ke tla bala ka potlako eo nka e khonang, ho e ntša. Joale, hora e ’ngoe hape, ke a kholoa re tla be re tsoile, ha le ka ’mamella feela ’me la nthapella. Ua bona?

²²⁴ Joale, monyaluo oa Jehova o sitiloe kae? Ke hantle. Jehova o romeletse monyaluo oa Hae eng tlase Egepeta? Oa na oa tšepisa Abrahama oa re monyaluo oa Hae, peō, e tla jaka Egepeta lilemo tse makholo a mane. Ho joalo? [Phutheho e re, “Amen.”—Mong.] Ha ntso fihla nako ea ho phethisa Lentsoe.

²²⁵ Ana re fihlike mohla Lentsoe le lokelang ho phethisoa? [Phutheho e re, “Amen.”—Mong.] Ehlide. Bakeng sa tokoloho, ho ntšoa. Ke hantle.

²²⁶ Ba kile ba fumana Lentsoe joang? Na ba kile ba bopa mokhatlo, ha kopana sehlopha sa banna, le baprista, 'me ha thoe, "Joale, baena, re tla tšoara e—e voutu mona. 'Me e fetisoe, ka khetho ea kakaretso, ho thoe re tla thea mokhatlo o bitsoang 'Bafarisi', 'me, ka oona, Molimo a sebetse"? Molimo ha o e-so etse ntho e kang eo, ha o e-so ka o e etsa.

²²⁷ O mpile oa ba romella'ng? Moporofeta. "'Me Lentsoe la Morena le tlie ho moporofeta." A mo hlahisa har'a bona hantle, moporofeta. 'Me oa mo tlotsa oa mo netefatsa, hantle pontšeng ea matemona a mang ooohle a sebetsang, ka mehlolo le meeka le ntho eohle, hobane Moshe o kile a tsepama le Lentsoe.

²²⁸ A sheshena sehlopha seo sa batho; letšoele le kopaneng la tloha le bona. Eare hobane ba tšeles, ba se ba tobile lefatše la pallo, le pele ba fihla moo, monyaluoa oa Hae ea ratehang a feba le Moabe. E reng ha a etsa hoo, joale. O e entse joang? Moporofeta oa leshano, a ema khahlano le Lentsoe la Molimo. Leha koana, a bontšitse lipontšo tsohle, le litšebeletso tsohle, e ne le le motho oa moea ea kang Moshe, kapa ka tekano e kaalo.

²²⁹ Shebang. Mamelang. Mamelisang joale. Iseraele ke enoa o lutse liahelong, a sa natse mokhatlo. Hantle. E ne e le eng? Moporofeta ea tlotsitsoeng a le har'a bona. Topallo ea Mollo e le har'a bona. Ka lefika le kopotsang metsi, ho ba nosetsa. Ba ne ba sebetsa hantle. Le eng? Ba hlomile lialetare tse supileng. E ne e phethahetse. Holim'a lialetare tseo ho beiloe liphoofofolo tse supileng tse hloekileng, lipheleu. 'Me pheleu e ne e lekanya ho Khutla ha Kreste.

²³⁰ Moabe. Ha etsahala'ng mohla Balaame a theohelang mono? A haha lialetare tse supileng li lekana le tsa bona ka palo. Le se ke la bua letho ka bona, ho latèla motheo, hoba u mpe u tsebisise seo u se buang.

²³¹ Jesu o itse, "E ka thetsa le bona Bakhethoa." Ke ketso ea semoea, e senotsoeng. U a E tšoara, 'me Ke Lentsoe, u bona ponahatso ea Lentsoe.

²³² Shebang. Ba ituletse holimo *mona*; Moabe eèna a lutse *mona*. Bolulo ba hae... Ntle le pelaelo e le bishopo, ehlide, mothaka e moholo. 'Me eaba o haha lialetare tse supileng. Holim'a tsona a rapalatsa lipheleu tse supileng, ho rialo ke ho lumela ho Messia ea tlang. Moena, ho latèla motheo, Molimo o na a tlamehile ho ela bobeli boo hloko.

²³³ Mohla Kaine a ne a hahela Morena aletare, mora Satane o kile a hahela Morena aletare, a haha aletare e tšoanang le eo Abele a e hahileng. Bobeli ba rapela. Bobeli ba tsamaea kereke. Bobeli ba lefa likabelo tsa bona. Bobeli ba ne ba tlameha. Ba theoha ba khumamela Molimo o le mong. 'Me e mong a amoheloa, 'me e mong a timela.

Ho tla joang? Jesu o itse, “Holin’ a lejoe lena Ke tla haha Kereke ea Ka.”

²³⁴ Kereke ea Katolike e re, “Lejoe le teng mono, Kereke e hahiloe holim’ a lona. Kapa eona... ’Me Petrose e ne e le lejoe leo.” ’Me kereke ea Katolike e re Petrose o epetsoe ka ho bona. Ke leshano, empa, ke ho latèla chebo ea ka. Mohla ba ne ba re Petrose o epetsoe mono, keha Bible e mo tlaleha a le mona Jerusalema. Ua bona? Ha a e-so ka a fihla Pal-... holimo koo. Empa, koana, ba re o kile a fihla mono. Ho bua ’nnete ha ho rekoto e tlalehang Pauluse a fihlile mono, ntle le hisetori. Empa ba re “Petrose,” o patiloe mono, le haeba a entse hoo. Phapang ke efe? Hase se seo Jesu a na bua ka sona. Le bona kamoo ba ferekanyang ntho ea hlaho?

²³⁵ Be, Moprotestanta o itse, “Che. Jesu o ipoletse e ne le Eèna Lefika leo.” Joale, le ka mohla ha A rialo.

²³⁶ O itse, “U lehlohonolo uena, Simone, mora Jonase. Hase nama le mali tse u senoletseng Eona, ‘U Kreste, Mora Molimo o phelang.’ Nama le mali... Ha u a ithuta Eona kolesheng ea thupello. Sena ha u a se rutoa ke bolumeli bo itseng. Empa Ntate oa Ka ea Leholidöng o u senoletse Eona. ’Me holim’ a lejoe lena, la semoea, tsenolo ea ’Nete ea Lentsoe la Molimo, ka semoea, Ke tla haha Kereke ea Ka. ’Me likhoro tsa lihele li ke ke tsa E sisinya.”

²³⁷ Moabe o entse hona hoo. Ho theohela mono a ruta bana ba Israele, ho re, “Joale sheba mona, motsoalle.” Joale, o entse eona ntho eo ho Pentekosta. Joale shebang. “Joale shebang mona, na ha re tšoane bohole? Na ha re lumele Molimo o le mong? Bohle re a tšoana.” Bana ba Moabe e ne e le ba morali oa Lota. Na le bona sehlopha seo sa khale, se balehetseng tlase mono? E sa ntse e le phatsa e kahara leihlo. Ua bona? Ke bao, e a kata. Ua bona? Keha ba le holimo mono. ’Me ba ne ba tšoere... “Khele,” o itse, “joale shebang mona, u a tseba bohole re a tšoana.” Ba ba kae ba tsebang hoba e ne e le bana ba Lota bao? [Phutheho e re, “Amen.”—Mong.] Ehlide. Ba tsoetsoe ke ntata bona ka sebele, bofabe, ’me ho itsoe, “Joale, bohole re a tšoana.”

²³⁸ “Ua tseba, lona Mamethodise, le lona Mabaptise, le rōna Mapresbeteriene, le bohole... Khele, ehlide, re batla Olinyana ea lona. Bohle re a tšoana.” ’Me eaba ba etsa’ng? Ba nyallana. ’Me Pentekosta e entse Maprotestanta joalo. O nyetsoe setlamong sa likereke. O ile a itlhophisa bolumeling. ’Me o kae? O itšoanelia le Israele mohlang oo, o lahloa ka baka la bohlolaa ba moea le bohlolaa ba nama. Molimo o mo hanne, ho tloha mohlang oo ho tsoelapele. Esita le bana bao ba Basamaria ba rohakiloe. Ho lokile? [Phutheho e re, “Amen.”—Mong.] Ehlide, o entsoe joalo. Jehova o ile a mo lahla.

²³⁹ Monyaluoaa oa Kreste o entse hona hoo, ho tsoaka peō ea hae ea bolumeli, ’me a ntša Kreste, monna oa hae e leng

molebeletsoa, a mo lahla. Lona sehlopha sa Mapentekosta a mahlatsuo-a-ho-omile! Molato ke'ng ka lona? Tsenolo, khaolo ea 3 le temana ea 20, re a fumana, ka seporofeto, Jesu Kreste o kantle ho kereke ea Hae ka sebele, Mongoaheng oa Laodisea ena, a kokota monyako, a leka ho khutla. [Moena Branham o kokota ha hlano sefaleng—Mong.] Pono e haulang ka ho fetisisa kahara Bibe. O ile a etsa'ng? A ineela bohlola.

²⁴⁰ Mohla Jesu a ne a fihla, ebe O kokota ka lebaka lefe? Jesu o khutla ho amohela Monyalua oa Hae, 'me mohla A fihlang a kokota monyako, A thibelloa kantle. [Moena Branham o kokotile sefaleng ha tšeleta—Mong.] "Khele, u ke ke ua kena ka mona. U ke ke ua tšoara tsoselatso. Nka... E re ke bone lipampiri tsa hao tsa hlomamiso." Motho ea tletseng Moea oa Molimo, oa sebele, Mantsoe a Molimo a 'nete, Lentsoe la Molimo le bonahatsoa tšeletsong ea hae, u ke ke ua bua ntho le e 'ngoe khahlano le eëna, mekhoa e litšila kapa letho. A ka qosoa ke mang? Ha ho fihloa bolumeling, "Khele, hase Oneness. Hase Assembly. Ke Trinity. Hase Trinity. Ke Assembly." Lona sehlopha sa bafo ba tsoaletsoeng bonyatsing. Ha le soabe. Molimo, o kantle!

²⁴¹ Empa Johanne o itseng, moromuo eo oa ho qetela tlase mono, pele ho ho Fihla ha Hae? "O ka tsosetsa Abrahama bana le ka majoe ana. Le se ke la tla, le itlaleha le re, 'Re litho tsa sena. Re litho tsa sane.' Molimo a ka khona, ka majoe ana, a ka tsosetsa Abrahama bana." Ke hantle.

Re sa tsoela pele joale, oh, kamoo ke ratang sena!

²⁴² Monyalua oa Kreste, o etsisitse monyalua oa Adama le ba bang bohole, ba tsoaka peō 'me ba ntša Kreste, ho rúa bolumeli ba bona. Ruri o e entse. O hlile o e entse. O hanne Molimo, monna oa hae oa hosasa, joalekaha Eva a entse. Ho amohela Satane le mahola a hae a lefu-leshano. Litlamorao, o tsoetse kereke e shoeleng, e sataletseng. Joale, "U leshano." Ho thoe, "Ke leshano." E kae Pentekosta ea lona? E sataletse ho feta Mabaptise. Ehlide. Ua tseba ke'ng? E shebahala e le mpe hona joale, ha ke re?

²⁴³ Empa Joele o itse'ng, ho Joele 2:28? "Empa Ke tla busetsa, ho bolela Morena."

²⁴⁴ [Sekheo lebanteng—Mong.] Uh! Joalokaha Adama a fumane mosali oa hae a emere peō ea lefu, ea leshano la Satane leo a le amohetseng.

²⁴⁵ Josefa o fumane mosali oa hae a emare Peō ea Molimo, e leng, Lentsoe leo a le amohetseng.

²⁴⁶ Taba ee eohle e bolel'ang? Ke leka hore'ng? Joale, ho lona batho ba moo—ba moeeng, lona batho ba kantle koloing, lona batho ba kahara tabernakele, lea bona hobane'ng ke ile ka ema joalokaha ke lekile ho ema hantle mona, le ho khalema hoo? Hase hoba ke le khahlano le banna bao, basali bao. Ha

kea koetla ntho le e 'ngoe khahlano le bona, ke mpa ke—ke sa khone ho thea holim'a—holim'a mobu oo. Ke mpa ke sa khone, hoba e phoso.

²⁴⁷ Nka rata ho qotsa Lengolo, ka Jesu, molekong oa Hae, mohla a ne a leka ho Mo tšoara! Ho re, "Ke tla U fa mebuso ena eohle ea lefatše. Ke ea ka." Ua bona? Le ho Eva o tlie ka hona hoo. Ua bona? Pele, ka ho fetola bohobe, ka ho ja, joalo-joalo. Ua bona? "Ke tla etsa sena sohle ha U ka nkhumamela. Ako tle u iteanye le sehlopha sa rōna."

²⁴⁸ Jesu a re, "Ho ngoliloe thoe, 'Motho a ke ke a phela ke bohobe feela, empa le ke Lentsoe le leng le le leng le tsoang molomong oa Molimo.'"

²⁴⁹ Ke eng? Bang ba lona bareri joale, ba tšabang ho ikemela, le tšabang hore ba ke ke ba u lumella ho kena mokhatlong. U sa tla hlola u etsa'ng, le hona? Ba tla u rahela ntle. Ke u utloela bohloko, ntho ea pele, ka bofokoli ba hao. Ke hantle. Tumelo ea hao ho Molimo e ho kae?

²⁵⁰ Ba ne ba rialo ho 'na. Ehlide. Ke sebelitse lilemo tse leshome le metso e supileng, eaba Molimo o nntšetsa kantle eaba o nkaha holima ntho ena, ka ntano nahana, "Joale, Satane, u ka tla joale, ho bona moo e leng teng."

²⁵¹ Mohla u lemohang hoba Molimo o u senoletse 'Nete ea taba, ha ho letho lefatšeng ho u fekisa. Ke pheto. Ruri u ke ke ua hloloa; ha se uena, empa Molimo ea leng ka ho uena. Ha se Kreste, empa, ha se 'mele, empa ntho Ena, Lentsoe le neng le ahile ka ho Eèna. Ha se Maria, empa Lentsoe le tsoetsoeng ke eëna.

²⁵² Joale, ka hona, motho o tla phela ka eng? Ha se ka setlankana sa hae sa lijo, empa ka Lentsoe la Molimo. Ha se ka mokhatlo oa hao o u lokisetsang bolulo. "Be, e re ke bone litšoanelo tsa hao. Na ueme hantle? Ke tlameha ho li hlahluba. Be, ee, uena, u eme ka tšoanelo, lipheresente tse ka bang lekholo. Be, re ka u amohela matsatsi a 'maloa, tsoseletsong, re u fetise hlahllobong ho bona haeba u tla khona." Oh, khele! Ebe Molimo o ka sebetsa joang har'a sehlopha se joalo, "Ba shoeleng habeli, ba fothotsoeng ka metso," ba fothotsoe, ba putile, ntho e 'ngoe le e 'ngoe eseles? Oh, khele! E 'ngoe ke eo.

²⁵³ Oh, lona batho, Molimo a le hlohonolofatse! Nkutloeng! Nke ke ka lumela letho ntle le Lentsoe la Molimo. Ke batla hore Le fetohe bophelo ba ka, sohle seo ke leng sona. Le lona ke le batla le etsa joalo. Metsamao ea lona, lipolelo tsa lona, khato tsa lona, ntho eohle eo le e etsang, ebe Lentsoeng la Molimo. Mohopolo oa Kreste o kene ka ho lona, 'me—'me hoo ho tla le emarisa ka Lentsoe. Ha u sa etse joalo, ha u lumella mohopolo oa bolumeli ho kena, u tla emarisoa ke bolumeli. Ha u lumella mohopolo oa Kreste ho kena ka ho uena, A ke ke a latola Lentsoe la Hae ka Sebele, hoba Ke Molimo. U emarisoe ke Lentsoe, 'me u Le lumele. Ha ke tsotelle na ba u

ntša, ho u rahela ntle, ho u leleka, 'me monyako o mong le o mong o koetsoe, u tla tsoelepele ka ho tšoana. Amen. Shuu! Ke tlameha ho potlaka joale. Ah!

²⁵⁴ Kreste joale o Inkela Monyaluo, ea tla emarisoa ke Peō-Lentsoe la Hae ka Sebele kahara popelo ea Hae, popelo-moea ka-ka kahara mohopolo oa Hae, 'me a ke ke a tsoaka lithole life feela tsa bolumeli le eona. Ke moroetsana ho Eēna.

²⁵⁵ Oh, ke hopola mohla ke lutseng ka phaposing mono, matsatsi a mararo ka mono, ke rapela ke emetse Morena, 'me ke itimme lijo. Eare ha e nhabela, ka nahana, "Oho Molimo, ke eng? Ke 'na enoa, setšoantsong. Ke 'na enoa. Hola nka e ntliisetra kereke hakana, ke tla ba kae? Ke tla be ke ba beile bothateng. Nka etsang? Ke bone kereke papisong ka 'ngoe le ka seriti, le ka ntho ka 'ngoe ese, e supa ho felile ka eona. U tla etsa eng?"

²⁵⁶ Eaba ke hopola Lentsoe leo, "Ke tla khutlisetsa, ho bolela Morena. Ke tla khutlisetsa." Le hopola sefate sa khale sa phaene, mohla se ne chesoa ke mollo 'me o se chesa lore; se hlohlora peō, le ha ho le joalo. Peō eo e hlahisa se secha. Ho joalo. Lifate tsa khale li chesitsoe ke mokhatlo le ke ntho eohle, empa Peō ea Lentsoe e setse. 'Me Lentsoe la Molimo, Le tla boela le khutla, ho Ikatisa, ehlile bo. E. Joale, joale, a ke ke a e fosa. Lemoha. Empa Kreste . . .

²⁵⁷ Rea lumela re nakong ea qetelo. Ha ke re? [Phutheho e re, "Amen."—Mong.] Lea lumela pele le fumana sejalo sa kotulo, joale, le loketse ho jala peō? ["Amen."] Lea bona hobaneng ke lumeletse likereke ho 'ntšetsa ntle, ho mpolella ntho eohle, ho mpitsa ka mabitso oohle a mefuta, ntho eohle, le ho tsepama hantle feela le Lentsoe leo? ["Amen."] Ua bona? Semela se teng, Peō e jetsoe. E se e jetsoe, motsoalle. E se e phethiloe. Nka e bua joale. Ho felile. Hantle. E se e jetsoe. Oh, e-ea. Le peō ea bolumeli e joalo, tse ling tsohle.

²⁵⁸ Joaleka moholo oa rōna, ea ratoang Moena Billy Graham a buile hantle mona Louisville, ho re, "Pauluse o n'a ka nka Bibele . . ." O ile a tšoara Bibele, ho re, "Joale, Pauluse o n'a ka kena motseng a tšoare tsoseletso. A sokolle a le mong. A khutle isao, o fumana mashome a tšeletseng ka a le mong eo." Ho re, "Ke ee ke tsamaee ke tšoare tsoseletso ea liveke tse tšeletseng, le ho fumana—fumana basokolloa ba likete tse mashome a mabeli. 'Me ke khutle likhoeling tse tšeletseng 'me ha ke fumane le ba mashome a mabeli."

²⁵⁹ Ke eng? Meea eo ha e a sokoloha. Ke meeaa ea bolumeli, ke pheto. Ruri. U loketse ho jala . . . Ua bona, u jala peō ea bolumeli, ke sona seo u se fumanang. "Tloo joale, moena, ikopanye le kereke, ngola lebitso la hao bukeng." Ke phetho seo ba se tsebang. Hantle.

²⁶⁰ Pentekosta e entse hona hoo. “Ho bua ka lipuo, le ntho tse joalo, ke phetho se u loketseng ho se etsa. Ke moo he. Tloo, u ikopanye le kereke.” Ho lokile. Nka kolobetso ea hao ea bohata, le ntho tse joalo, ’me u tsoelepele, “Me ke phetho seo u lokelang ho se etsa.” Ua bona?

²⁶¹ Empa mohla Kreste a fihlang, O Tlela moroetsana ea nang le... Kereke e se nang letheba le le leng kapa letsika le le leng la bolumeli kapa ntho efe esele, litšomo tse tsoakiloeng le eona. E tla be e le Lentsoe, ’me Lona feels.

²⁶² Joale, oh, monna, ke rōna bana! Ho bokoe Morena! Joale re fihla ho ’Mele o fetohang Monyalua oa Kreste, joale ho fetoha ntho ea Hae “nama ea nama ea Hae, le lesapo la lesapo la Hae.” Joale, re tla potlaka joale. “Nama ea nama ea Hae, le lesapo la lesapo la Hae.” Hobaneng ho sa ka ha...

²⁶³ Ke le botsa potso. Hobaneng lipula tsohle tsa lona, morao koana, li sa hlahisa monyalua oa Kreste? Ke batla le nkarabele eona. Haeba... Ho Tla ha Hae ho se ho tlotse. Re a e lumela. (Joaleka matsatsing a Nooe, mamello e telele, O ntse a lokisa Monyalua oa Hae.) Hobaneng lipula tsena... Hobaneng lona Mapentekosta morao koana, lilemong tse ’maloa tse fetileng, mohla le qalang, mashome a mane, lilemo tse mashome a mahlano tse fetileng, hobaneng le sa tlisa Kreste, Monyali, ho mo tlisa ho monyalua? Ke tla e tlohela e thophothele, motsotsso. Hobaneng? Hobane le mo emarisitse, ka bolona, ka bolumeli ba lona. Ke seo le se entseng hantle. A ke ke a nyala seotsoa. O tla nyala moroetsana. E bataletse, empa ke ’Nete. Le E tseba, ha e bataletse. Ha le a lokela ho ipotsa. Taba eo ha E nkhopre. Ho le bolella ’Nete. Hobaneng e sitiloe ho mo tlisa? Hobaneng e sa tlisa Kreste, ho tlisa Kreste ho eèna? Hobane ha e na tokelo. O mo fumane bohholeng.

²⁶⁴ Ka lona lebaka leo bana ha ba phele kamehla ha ba tsoaloa; Adama o fumane mosali oa hae a emere.

²⁶⁵ Ka lona lebaka leo Jehova a tlameha ho nka Monyalua oa Molichaba; ho mo fumana a emere.

²⁶⁶ Kreste o tlamehile ho Iphumanela Monyalua ka mokhoa oo joale; O fumane sehlopha se itlalehang jwalo se emarisitsoe. O tla jala Peō ea Hae. Motha e mong o tla E amohela, hoba ba reriloepele ho fetoha Kereke pheletsong ea tsela.

²⁶⁷ Joaleka ka eo oa Adama le eo oa Jehova, O ba fihletse ba emarisitsoe ke lithuto tsa bolumeli bo entsoeng ke batho. Joaleka ’Nete ea Molimo, ho Genese 1, “Peō e ’ngoe le e ’ngoe e hlahisitse mofuta oa eona.” Ka baka leo, eitseha Moea o tšolohela holim’ a hae, keha monna a se a fihlile popelong ea hae mono, a e tlatsa ka lipeō tsa bolumeli ba mohopoloo oa hae, ke ka baka leo a emeng boemong boo a leng ho bona, ’me Kreste a hanne ho tla ho eèna. Hum! Ke taba e boima, ha ke re?

²⁶⁸ Tsatsi le leng, ha ke le holimo Lelaleng la Green's. Esale ke rapela matsatsi a 'maloa; lilemo tse ngata tse fetileng. Ka nyolohela mona Mishawaka. Ha ke e-so e bue teiping pele. Ka nyolohela Mishawaka. Le sa hopola moshanyana oa bammala? Ke sa tsoa kopana le batho ba Pentekosta; ke e-so tsebe letho ka ntho e kang eo. 'Me eaba ke nyolohela mono ka ba fumana; ka hopola ke fumane seholpha sa Mangeloi. 'Me ka ba bona ba bua ka lipuo le lintho. Ke e-so utloele ka eona, pele. Empa ke bao, ba mathela holimo-le-tlase fulurung, ba bua ka lipuo. Ka nahana, "Khele, ho a babatseha." E le U.P.C. ea khale, le P.A. ea W., le mefuta eo eohle, li ile tsa kopana. Ba e-na le... E le mehleng ea khethollo ea ba basoeu le bammala. Keha ba tlamehile ho tšoarela seboka sa bona holimo leboea. Se ne se le koana Mishawaka, Indiana. Khele!

²⁶⁹ Ke tšoere dolara le lisente tse mashome a supileng a metso e mehlano, li lekane ho nkhutlisetsa hae. Ka kenya nikeli kahara nthoana ea khale u-... didonatše tsa khale kapa—kapa lirolo, tsa matsatsi a mabeli kapa a mararo. Ka theoha ka kha jeke ea metsi, pompong ea metsi. 'Me ka nto tsoa ke kena tšimong ea koro. Le ho ntša litulo tsa Ford ea ka ea khale, 'me ka bo ala fatše; ka patisa li-britches tsa phirima eo, marikhoe a sisaka ao ke beng ke a apere, le sekipanyana sa khale. 'Me hoseng ho latèlang ka boela ka theoha. Ke sa batle ho ja le bona. Ke ne ke amohetsoe, ke mpa ke sa batle ho ja le bona, hoba ke sa nokela letho monehelong oa bona.

²⁷⁰ 'Me ka baka leo ka tsoa ho ea fuputsa. Tsatsing leo, ba ne ba tantša, 'me ba terepele, 'me ba bine Moeeng. Ka nahana, "Oh, khele, hoo ho monate. Uh!" Monna e mong o ne a ema a bua ka lipuo, 'me enoa a fetolele. 'Me, moena, ho le joalo. A bitsa batho, motšeо mono har'a letšoelle. Ka nahana, "Oh, moena, ho a babatseha."

²⁷¹ "Borella Mofn. Jones," kapa Sekete-kete, "tloo esale joale. Morena o a 'mitsa." Ke enoa a e-tla. Ke hantle.

²⁷² Ebe enoa o bua ka lipuo, e mong a fetole. Ka nahana, "Oh, khele, khele! Sekete sa Lilemo li se li tla qala. Ena ke eona. 'Me, ka hona, hola nka tsukutla matsoho a banna ba halalelang bao," ka nahana.

²⁷³ Eaba ke atamela e mong oa bona, ke sa le kantle, ke ntse ke itsamaela. Ba sa ntsebe. Ke le mothaka oa khale kantle mono. 'Me ka potela ka kereke, 'me ka mora nakoana, ba sa khefulitse. Eaba ke kopana le monna kantle mono, 'me ka... e mong oa bona. 'Me ka tsukutla letsoho la hae. Ka re, "U phela joang, moena?"

²⁷⁴ Joale, le a tseba, Molimo o mphile neonyana mona, ho fumana lintho ha A batla ho ntsebisa eona. Ua bona? Ka nahana, "Ha mo buisa, 'me ka 'muisa ntho, nka fumana haeba e ne e le lokile kapa che."

²⁷⁵ Ka baka leo ka bona ntho eo, eka baetapele ba eona. Ka tsukutla letsoho la hae. “U phela joang, moena?”

Ho re, “U phela joang!”

²⁷⁶ Ka bua le eèna nakoana, ’me e le Mokreste oa makhonthe. E ne e le eèna. Ka nahana, “Ho bokoe Molimo!”

²⁷⁷ Ka mora nakoana ha ke hlahela ka khona, ka khahlana le monna enoa e mong. Ka re, “U phela joang, moena?” ’Me ka qala ka bua le eèna. Ha eba nkile ka bua le moikaketsi, e ne e le e mong oa bona. E le monna ea hloho-ntšo, ’me a tsoetsoe ngoana ka mosali ea hloho-tšebla. Masea a mabeli ka mosali ea hloho-tšebla. Ka e bona ponong hantle ka pela ka.

²⁷⁸ Ka nahana, “Joale ke hlide ke ferakane. Joale, ho ea ka’ng ha Moea o le mong oo, o lula holim’ a monna, ebe monna ea lokileng, e mong holim’ a liabolosi, moikaketsi?” Ka nahana, “Molimo, nka—nka mpa ka tlohela ntho eohle. Ha ke tsebe.” Ke le lilemo tse ka bang leshome le metso e robong, tse mashome a mabeli. Ka nahana, “Nka mpa ka e tlohela. Be, ha ke tsebe. Litaba li ka ema joalo joang? Ha ke khone ho bua letho ka eona, nka se bue letho khahlano le eona, empa ke a tseba monna eo o phoso.” ’Me Moea o le mong oo, ka O sheba, O ne o tšolohela kahare, o sebetse ka ho tšoana. Ka nahana, “Phoso e teng mona, kae-kae. Ke pheto se neng se le teng ho eona.” Ka re ho monna enoa . . .

A re, “U kile ua amohela Moea o Halalelang?”

Ka re, “Ha ke lumele ke tšoere seo le se tšoereng lona mathaka ting.”

Ho re, “Ho bokoe Molimo! U kile ua bua ka lipuo le ka mohla?”

Ka re, “Che, monghali.”

A re, “Ha u na oona.”

²⁷⁹ Ka re, “Che, ha ke—ke kholoe ke e-na le oona.” Ua bona? Ka re, “Ena ke ntho e ncha. Ha ke e-so E bone, ka utloela ka Eona.” Ka re, “Be . . .”

²⁸⁰ A re, “Be, kena ka mono u o fumane. Ehlide. O etselitsoe uena.”

Ka re, “Ke a u leboha, monghali.”

²⁸¹ Ka nahana, “Moena, ha ke batle seo u se tšoereng.” Ha ho le joalo he ka—ka e sheba nakoana. Ka potela, ho se ho kae, ’me ka ntano tloha ke potela.

²⁸² Ka tsoa ka kena merung bosius boo, ’me ka—ka nahana, “Molimo, nkauhhele. Ke ea hae.” Ka ea hae. Ke sa khone ho e buella kapa ho bua khahlano.

²⁸³ E ne e le mohla, ke etetseng holimo mona Lelaleng la Green’s, lehaheng la ka la khale moo ke khathaletsang, lea le tseba. Ke lutse mono, ka nthoana e itseng. Matsatsi a mararo kapa a mane, ke le holimo mono ke itima lijo le ho rapela. Ha

ba mongobo ka lehaheng, 'me ka tsoa, thapama e 'ngoe. Ho hlakile, 'me letsatsi le chabile, mahlaku. Sekoqo sa khale se rapame *tjena*, tlasana ho lona feela, ho ella nqa letša. 'Me ka lula holim'a sona mono, ke pikitla mahlo a ka, ke qetile nakoana motšeо lehaheng le lefifi. Ka bea Bibele fatše ka mokhoa oo. Ka nahana, "Be, kea kholoa nka bala lintho tse 'maloa Bibeleng. 'Me ke tla itšetleha ka lekala lena mona 'me ke iphomolele, 'me ke itšetlehe." Ke tletse lepoqo, hohle. 'Me ka qala ka bala.

²⁸⁴ 'Me ha ke phahamisa Bibele, keha e le Baheberu, khaolong ea 6. Ua bona? "Hoba bao ba seng ba kile ba bonesetsoa, ba fuoa kabelo ho Moea o Halalelang, bao ha ba ka oa, ho inchafatsa hore ba boeles ba bake. Le bona pula e nela lefatše, kamehla, ho le apesa, ho le lokisetsa seo re se fumanang, haele litšeħlo le meutloa, tse okametsoeng ke tšenyeho, li tla chesoa."

²⁸⁵ Ka nahana, "Be, hoo ke'ng? Thola." Ka nahana, "Ntho eo e ne e le eng? Oh," ka re, "e ka ba nthoana e itseng feela." Ea tloha. Ke ne ke sa...Ke le holimo mono ho rapela ka ntho e itseng. 'Me ka boela ka bea Bibele ea ka fatše.

²⁸⁶ Ka re, "Be, mohlomong nka phetla ntho e itseng ka bala," ka mokhoa oo.

²⁸⁷ 'Me eaba moea o fihla o boela o e pheula o e phetla. Ke ne ke le Testamenteng ea Khale. Oa e pheulela ho Baheberu hape, khaolong ea 6. Ka sheba fatše hape. Ke eo moo e neng e le teng. Ka sheba. Ka e phahamisa. Ka e bala hape, ntho e tšoanang. "Be," ka nahana, "khele, na ebe u tlokeloa ke tumelo-khoela, Bill?"

²⁸⁸ Ka baka leo ka nahana, "Be, ke tla bala mona." 'Me eaba ke-ke qala ke bala, 'me ke sa khone ho thahasella letho. Ka nahana, "Be, kea kholoa nka phahamisa matsoho a ka feela 'me ka rorisa Morena." Ka bea Bibele fatše, ka mokhoa oo. Ka phahamisa matsoho a ka, 'me ka rorisa Morena.

²⁸⁹ Eare ha ke phahamisa matsoho a ka, moea oa feta, "Shuu!" Oa boela oa pheula. 'Me ha o entse joalo, ka sheba mono, Baheberu 6. Ka e bala hape.

²⁹⁰ Ke nahane, "Hoo ho bolela'ng? Ha ke utloisise." Ke se ke lebetse ka mohopolo oa Pentekosta. Eaba ke a nahana, "Hoo ho bolela'ng?" Ke ne ke lutse mono. Ka nahana, "Na ntho e teng ka mono, Morena na?"

²⁹¹ Ke nahane, "Joale, ke lumela khethong. E-ea. 'Ba seng ba kile ba bonesetsoa, ba filoe kabelo ho Moea o Halalelang,' ua bona, "me ba latsoitse Lentsoe la Molimo." Ka re, "Ke balumeli bao ba moeli ba eeng ba nyolohe, ho fihlela ntho ea sebele mohlomong, 'me ba ntano khutla, joalo ka bao ba mehleng ea Joshua hantle."

²⁹² Joshua le Kalebe ba ne ba tšeles. Empa bana ba lula moeling, ua bona, "latsoitse." Ba bone mesebetsi e molemo

ea Molimo, ba ntano e latola. Batho ba lula ka kerekeng, ka linako tsohle, ho thoe, "Ke lumela Seo, Moena Branham," ba mpa ba sa nke khato ho Eona. Ua bona, ha ho kamoo ba ka hholang ba tšela. Ka baka leo, he, ba fihla sebakeng seo. 'Me u ka rerela basali ba moriri o ponngoe, isao moriri oa bona o ponngoe ka ho tšoana. U rerela banna ho sebetsa, ba etsa feela—feela ka ho tšoana, ua bona; ha ba bone ho hang. Ke balumeli ba moeli ba reng, "Oh, e, ke a lumela hore Le lokile."

²⁹³ Ka re, "Ehlile, ke lumela hoo." Empa, sena, ha e fihla sebakeng seo, 'Empa meutloa le litše hlo, tse okametsoeng ke tšenyeho, pheletso ea tsoma ke ho cheso." Ke nahane, "Ebe hoo ho bolela'ng? Ha ke e tšoare."

²⁹⁴ Ka lula mono nakoana. Ke nahane, "Molimo, ha e le ntho eo U batlang ke e tsebe? Ke nyolohetse holimo mona ho batla pono e tsoang ho Uena, Morena, ho tseba se ka etsoang ka tšebetso tlase mane, 'me ke batla U mpolelle, Ntate."

²⁹⁵ 'Me ka sheba ka nqane ho khoho, ho ella holimo nqa... E le koana holim'a Charlestown, nqa New Market, nqa *eane*. Eba ke tlöla ke hloa leralla. 'Me ka sheba, 'me ka bona ntho e kang mookoli o leketlileng holim'a phula. 'Me ka mookoli oona, ka bona ntho e phethohang. Ka talima, 'me e ne e le lefatše. 'Me mona ha tsoa Monna ea apereng bosoeu.

²⁹⁶ Joale, batho ba bangata mona le sa le bacha haholo ho tseba sena. Le sa hopola mehleng eo re neng re hasa lipeō ka... re leketlisa mokotlahali lephakong la hao, u kenyé letsoho la hao u e lahlele? Mong Woods, u sa e hopola, ho hasa lipeō ka mokhoa oo. U li tšoara ka matsoho a hao u li hasanye ka mokhoa oo, u lumelle moea ho li pheulela teng—teng mobung.

²⁹⁷ 'Me eaba ke bona Monna ea apereng bosoeu, a parola ka mokhoa oo, a jala lipeō. Ka Mo sheba a ba a likella kobamong ea lefatše koana. Ke nahane, "Kea ipotsa hoo ho bolela'ng?" Ka ntano talima. Hang hoba A furalatse mokokotlo oa Hae, ke mona ho hlaha thellanyane ea 'nete, e fihla, e thalatsa ka mokhoa oo. Mokotla a o tlatsitse, 'me a Mo sala morao a jala mahola. A likela ka mora lefatše, a nts'a shebile, a nanya, u a tseba, a a hasa ka mokhoa oona. 'Me a tloha a potela ka lefatše.

²⁹⁸ Ka ntoo e bona e hlaha, eaba koro ea hlaha. Le mahola a hlaha, bohome, meutloa, litše hlo. 'Me tsa hola bobeli, ha'moho.

²⁹⁹ Eaba ho fihla komello e khölö. 'Me ka bona koronyana eo e kebisa hlohoana ea eona, e re, "Heh, heh, heh, heh, heh, heh!" E bolaoa ke lenyora la metsi feela. 'Me ka bona letjoi la khale le kebisitse hlohoana ea lona, "Heh, heh, heh, heh!" Le bolaoa ke lenyora la metsi feela. 'Me mang le mang a qala a rapella metsi.

³⁰⁰ Eaba hang feela, ho tšoloha lipula tse khölö, li arabela thapelo. 'Me lipula tsa tšoloha, li haola holim'a lefatše. 'Me

hang feelsa hoba lipula li nele lefatše, koronyana eo ea tlōlaka, ea re, "Thoriso! Thoriso! Thoriso! Thoriso!" 'Me le letjoinyana la tlōlaka, le hoeletsa, "Thoriso! Thoriso! Thoriso! Thoriso!"

³⁰¹ Be, ke nahane, "Joale hoo ke'ng?" 'Me nakong eona eo... "Be, koro eo e ne e hoeletsa. Nka e bona. Empa ebe letjoi le ne le bapisa'ng?"

³⁰² Eaba O re, "Bala Baheberu 6."

³⁰³ "Pula e nela ba lokileng le bakhopo." Ke eona taba. Ke seo re... lebaka leo re hlokileng Monyaluoa ea itlhophetseng Kreste joale. Re jetse lipeō tsa bolumeli tulong tsa Lentsoe. Hoo ho bakile'ng? Ho hlahisitsoe bana ba bang ba bolumeli. Ke hantle. Empa koro e teng e oetseng kahare ka mono. Hantle. Empa, shebang, oona Moea o buisang molumeli oa makhonthe—makhonthe oa sebele ka lipuo, oona Moea oa sebele o fetolang molumeli oa makhonthe Mokreste, ua bona, hoba ke oona O nosetsang Lentsoe, Peō. Oona Moea o etsang ntho e 'ngoe, phapanyetso ea Lona, ntho e tšoanang le sebeoa se futsoetsoeng sa Eva, o thabisa mofutsoeloa ha kaalo, ho hoeletsa ha kaalo feelsa, ho O thabela ha kaalo ka ba bang bohle. Empa 'nete ea taba ke efe? Peō e fosahetse, le ho qaleng. Ka baka leo liponahatso tsa hao tsohle tsa nama ha li bolele letho.

³⁰⁴ "Leha nka bua ka puo tsa batho le tsa Mangeloi, 'me ke se na lerato, ha e nthuse letho. Leha nka suthisa lithaba, 'me ke se na lerato, ha e nthuse letho. Leha nka aba maruo a ka oohle ho fepa mafutsana, 'me ke se na lerato, ha e nthuse letho; leha nka bua ka puo ea batho le ea Lengeloi, ho joaleka borase bo molumo o moholo le simbala e llang." Ua bona? Hase letho.

³⁰⁵ Mamela, kereke! Pentekosta? Letho! Hobane'ng? Ke peō e futsoetsoeng. Ha e khone ho tla Lentsoeng. Joale, ke moo.

³⁰⁶ 'Mele o tsoalang 'Mele oa Kreste, hape, eka khona o tsoe popelong ea moroetsana, Lentsoe. Hantle.

³⁰⁷ Ke lona lebaka. Mamelang taba ena. Ka lona lebaka leo e hlahisitse, "Milione o mong hape ka '44." Leo e ne e le lepetjo la Baptise. Ka lona lebaka leo malumeli a Pentekosta, a sitiloeng ho hlahisa Tsoalo ea moea, ho hlahisa liponahatso le Kreste, hoba e ne e mpa e le pula ea tjalo. 'Me e hlahisitse kereke ea bolumeli. 'Me e matahane le eona—le Baevangeli ba baholo, 'me e ikhethetse tsela ea Kore. E itsamaetse le malumeli a hlophiloeng. Ke lona lebaka.

³⁰⁸ Joale ha re khutleleng Testamenteng ea Khale, ho nka lipapiso tse 'maloa. Ebe, ke qala mona, metsotsong e 'maloa, ka ntho e itseng, ke ntoo le tlohela. A re khutleleng Testamenteng ea Khale, ho nka lipapiso tse itseng, ho kholisa lintho tsena. Joale, ke qetile lihora tse 'maloa mona, ke ala taba ena. Joale re tlil'o fetola leoa, ho fetola lenaneo.

³⁰⁹ Joale, pele, ke tšoere ntho e itseng, hantle feela ha ke re ke... Ke tšoere e—e maqephe a 'maloa mona, ke ntoo lokela ho... Oh, khele, khele, ruri ho se be joalo, ntho eo. Ke tla lokela ho potlaka feela, kapele ruri. Ke tla e bala, ua bona, ho bala kapele kamoo nka khonang, hoba kea tseba ha re na letho haese e—e nakoana e khutšoane haholo joale. Ua bona? Joale, na le khathetse? [Phutheho e re, "Che."—Mong.] Oh, ho lokile, ke 'na, he. Ke hantle. Tsoela pele, ho itoketse.

³¹⁰ Joale, ka lona lebaka leo re fumana lintho tsohle tseo re li fumanang. Joale, lintho tsena tsohle tseo ke li buileng, ha li sa kheme le Bibele, kapa—kapa ho momahana le Lentsoe la Molimo, li fosahetse, li fosahetse, setšoantšo sena sohle. Joale ke tla lokela ho potlaka feela holim'a tse ling tsena, ke sa e hlalose. Empa ho potlaka holim'a eona feela, re tle re finyelle ho eona, 'me, kea le tšepisa, kapele kamoo nka khonang.

³¹¹ Ke ile ka fihla mona, ka haptjoa ke Moea hona. Ka ba ka... Ka nyolla kereke, ho e bontša le ho kholisa kahara Lentsoe mona, ntho e hlihileng ka nèpo, ho tla joalo. 'Me eitse ha ke etsa joalo, ka nahana, "Morena, ke emisitse batho mona joale. Ke tla ba siea ba eme mono. Nka ba bolella'ng? Nke ke ka lepa bokamoso. Nke ke ka ba bolella hore ba etse'ng. Ke tla etsa'ng? Ke tla ba siea ba eme tlekelele." Ka phahamisa letsoho la ka, ka re, "Molimo, ke kholoa ke etsa sena ka thato ea Hao. Ha ke e-so etse taba ena, le ka mohla pele, hoba Peō e ne e eso jaloe." Ka re, "Joale ke tšoere... Ke—kea lumela ke nako ea ka ho e bua. Empa, joale, ke tla bua'ng joale?"

³¹² 'Me ka ho hlaka joaleka ha le utloa lentsoe la ka, Ntho ea re, "Nka pene ea hao."

³¹³ Ke tla le balla eona, motsotsong. 'Me hoba ke qete, keha e le eo, eona karabo. Ke sa tsebe le seo ke se ngolang; ka mpa ka qala ka ngola. 'Me eitse ha ke qeta, ka bea pene fatše. Ka sheba. Ka nahana, "Molimo, eba le mohau! Ke eona, hantle mono. Ke sona seo ke se batlang." Joale, ke ile ka tlameha ho tlöla lintho tse itseng. Re tla fihla ho eona, nakoaneng, ha Morena a ratile.

³¹⁴ Testamente ea Khale eohle e ne e le lipapiso tse supang Kreste le Kereke ea Hae. Lea lumela Adama le Eva ba ne ba supa Kreste le Kereke ea Hae? [Phutheho e re, "Amen."—Mong.] Lea lumela Jehova le mosali oa Hae ba ne ba supa Kreste le Kereke ea Hae? ["Amen."] Be, haeba tseo—tseo e le lipapiso, 'me ena e le papiso e lebahaneng le eo, e tlameha ho tšoana le papiso. Hoba, papiso-maleba e futsa—e futsa... Papiso-maleba e qopitsa papiso.

³¹⁵ Kreste ke Hloho, Lejoe la sebele la Molimo. Le lumela seo? [Phutheho e re, "Amen."—Mong.] Lentsoe la sebele! Monyaluoa ke 'Mele. Le batla Mangolo a itseng a lintho tsena, le tle le a hlahlobe? Ke—ke ne ke batlie ho bala Mangolo, empa nke ke.

Petrose oa Pele 2:1 ho fihla ho 6, Baefese 5:22 . . . Ua bona? Petrose oa Pele 2:1 ho fihla ho 6, Baefese 5:23. Balang khaolo eo, bobeli ba tsona, ka mono. Ua bona? Testamente ea Khale: Kreste.

³¹⁶ Shebang mona. A re nkeng sena, ho tea mohlala. Hola mohatsa ka a sa nka dolara ea ka . . . Ke ena. Ho lefella lisemechisi tse 'maloa, nakoana e fetileng. Ntšoareleng, metsoalle, ke ne ke sa lokela ho rialo. Empa ke na le mofumahali ea lokileng. Joale, ka morao ho dolara ena . . . Hola e se be ka eèna, nka be ke se na dolara, ke a kholoa. Ke mohau oa Molimo o re fileng eona, le eèna o a nthusa.

³¹⁷ Joale, ka mora ntho ena, ekare, haeba e le chelete ea rōna eo, tiiso ea Amerika e ka letsohong le letšeħali la dolara e tlameħa ho ba tiiso e khōlō ea naha ena. Na ho joalo? Empa hobane'ng, piramite, e bitsoa tiiso e khōlō? Esita le chelete ea lona e tlameħa ho e paka. E.

³¹⁸ Nako le nako ha u romela karete ea poso, kapa u romela lengolo, u tšoanetse ho pak- . . . E a paka, "Selemo sa Morena oa rōna, 1962." Ntho eohle e paka ka Kreste. Ua bona?

³¹⁹ Na le lemoha seo, hore tiiso e khōlō, ke piramite? Motho o kile a tseba hoba piramite ha e-so ruleloe ka lejoesekoahelo? Ba ba kae ba tsebang seo? [Phuthetho e re, "Amen."—Mong.] Ehlide. Nkile ka etela Egepete, Cairo. E-ea. Ha e-so ruleloe lejoesekoahelo. Hobaneng? Le ile la lahloa, lejoesekhutlo. E ne e le lejoesekhutlo le tlammeng mohaho oona, le lejoesenotlolo. Ba tsebang hore lejoesenotlolo ke'ng ba ba kae? Ka nako ha ho hahuoa boholokoana ba moaho, lejoesenotlolo le o kakatlela 'moho. Lejoesekhutlo ke lona le tšoereng moaho 'moho. Na ho joalo? ["Amen."] 'Me lejoesekhutlo la piramite e ne e le lejoesekoahelo, e ne e le lejoesenotlolo, le neng le tšoere ntho eo eohle 'moho. Joale, lejoesenotlolo lena le ile la lahloa. Na le eleletsoe holimo mono? Le e okametse, ka holim'a piramite.

³²⁰ Joale hoo ho ne ho bapisa'ng mohla Henoke a na e haha? Se etsahetseng ke sena. E tšoana hantle le Kereke ea Evangelī e nyolohang. Ua bona?

³²¹ Joale, tlase karolong e sephara ea piramite, e bapisa matsatsi a qalang a hlabollo. Ho ipitsa Mokreste feela, ho latola kereke ea Katolike, u ne u bolaeloa hona. Eaba ho latēla . . . Ba ile ba rera tokafatso ka tumelo. Eaba ho latēla . . .

Joale hlokamelang *borarō* boo ha bo boela bo khutla.

³²² Eaba ho latēla John Wesley, a rera khalaletso. Kereke e eketsa ho nyenyefala, ua bona, e theoha ka mokhoa *oona*.

³²³ 'Me ka mora matsatsi a John Wesley a khalaletso, ha latēla kereke ea Pentekosta, 'me Molimo oa ntša masalla mono. E mong le e mong ea amohelang Lentsoe. Ua bona? Joale, ha e fihla tlase ho Mapentekosta, e sehoa hasesane ho feta, hoba e ne e le khutlisetso ea lineo, ho e nyolleloa holimo hantle.

³²⁴ Ke'ng? Tlaase *mona*, e batla e fapane le hloho haholo. Tlase *mona*, e atametse hloho haholoanyane. Holimo *mona*, e atametse haholoanyane. Empa e loketse joalo, ruri, e tle e lekane ntho eohle. E tlamehile ho hohloa.

³²⁵ Kahara piramite eo, ha u nka lehare la thipa ha u khone ho le mathisa lipakeng tsa majoe moo samente e kenang; e lekana e matahana ka thata. Ho thoe tempele ea Salomone e ne e le joalo. Ua bona?

³²⁶ Molimo o ntša Mokhethoa kerekeng eo ea Pentekosta, mofutsoeloa oo, ho Mo hula, le ho phethela Lentsoe. 'Me e ka khona e atamele hoo Lentsoe ka Bolona le tla lohana le Lentsoe lena. Lejoehlōrō ke leo le etla, le hoeletsa, "Mohau, mohau, mohau o hlollang." Lejoehlōrō!

³²⁷ Ke lona bana, ka mokhoa oona, ua bona, *mono*. Na le bona bophara ba eona tlase *mona*? 'Me e lula e patahana, e patahana, e patahana, tšebetso eo. Ka mora nakoana, ke mona ho fihla... Luthere ke *enoa*; tokafatso, ea lokafalitsoeng. Wesley ke *enoa* a fihla; seholpha se halalelitsoeng. Pentekosta ke *ena* e fihla; khutlisetso ea lineo. Joale Molimo o ntša mono, o honya seholpha, ho hlahisa tšebetso e tšoanang le Lentsoe leo mono, hoba e tlamehile ho khohlelana le Lentsoe. Monyaluoa ke eo; o Mo nyollela holimo.

³²⁸ Joale, Kreste o bonahalitsoe ka morero oa ho senya mesebetsi ea liabolosi. Le lumela seo? Joale, nke ke ka hhalosa sena sohle. Ke mpa ke tla haola har'a sona feela, ka potlako joale, ho otla lintha tsa seholho le tle le se ke la lula halelele. Kreste o bonahalitsoe ka morero oa ho senya mesebetsi ea liabolosi. Na ho joalo? [Phutheho e re, "Amen."—Mong.] Le lumela seo bohle. Ke ka hona A... Eèna e ne e le eng? Lentsoe la Molimo, le senyang mesebetsi ea mofutsoeli, liabolosi. Na ho joalo? O hlahisitsoe ka morero, ho etsa hoo. O tsoaletse morero oo, ho senya mesebetsi ea liabolosi.

³²⁹ Joale, 'Mele oa Hae o tlameha ho etsa hoo. Hobane, 'Mele ò joalo, hloho le 'mele li 'moho. Ho lokile? Efela ha Kreste e le Hloho, e ne e le Lentsoe, 'Mele oa Hae o lokela ho fetoha seo Hloho ea Hae e neng e le eona. Ho joalo na? Kereke ea Lentsoe, e tsoetsoeng ke Lentsoe, e tsoaloa e le moroetsana ea tsoang Lentsoeng! Hase bolumeli joale; e tsoaloa e le moroetsana ea tsoang Lentsoeng!

'Mele o sebetsa ka ho laoloa ke Hloho. Ho joalo?

³³⁰ 'Mele oa ka ha o ke ke ao tsamaea pele hloho ea ka e o laela ho tsamaea. Be, holane hloho ea ka e le nama 'me 'mele oa ka e le konkreiti teng? Huh! Ha o khone ho tsamaea. Hloho e ka re, "Tsamaea, tsamaea, tsamaea, tsamaea, tsamaea," empa ha ho letho ho romela molaetsa. Ho joalo? [Phutheho e re, "Amen."—Mong.]

³³¹ Be, ha Hloho ea ka e le Kreste, 'mele oa ka e le bolumeli, ebe o ka sebetsoa joang? Bohloeki le sehlola li ka sebetsa 'moho joang? Uh-huh.

³³² Ke a e rata, baena, ke tla le bolella. Ke rata ho rera tse ling tsa lintho tsena, nakoana. 'Mele o sebetsa ka ho laoloa ke Hloho, 'me Hloho ke Lentsoe. Ho joalo? Hloho ke Lentsoe.

³³³ Bapisang kereke ea mehla ena joale. Hobane'ng re hloka meeka ka ho eona? Hobane'ng re hloka Lentsoe ka ho eona? Ha e khone ho fihlisa Lentsoe ho eona. Bolumeli bo a Le khina. Ehlide. A re re, monna ea lokileng ke enoa, oa morapeli oa Molimo, a bolela Lentsoe la Molimo, ka kotlolohlo ho tsoa Bibeleng; bolumeli, "Uhm! Che. Che, monghali. Mo ntšeng mona." Ua bona, 'mele ha o khone ho tsamaea. Ua bona? O ponngoe, o tlamehile joalo.

³³⁴ Joale, 'Mele o jere mesebetsi, o ntšeletsa mesebetsi, 'me o etsa mesebetsi eo Hloho e O laelang ho e etsa. Ha-ha-ha!

³³⁵ Mpolelleng moo A kileng a re, "Hlophisang." Mpolelleng hohle—hohle moo Hloho e reng, "Basali ba lokile ho poma moriri oa bona." Huh? E boleleng. Ha e eo. Mpolelleng moo Hloho e kileng ea re, "'Na Ke etsa mesebetsi ena, empa lona le ke ke la e etsa." Mpolelleng hoo.

³³⁶ Empa, Hloho e boletse sena. Haeba le batla ho ngola Lengolo fatše, ke tla le fa lona. Johanne 14:12, "Mesebetsi eo Ke e etsang le tla e etsa le lona," oo ke 'Mele oa Hae. Ua bona?

³³⁷ Ua bona joale hobaneng ke bile le cheseho ea—ea mofuta oa Peō eo ke e jaletseng 'Mele? Pula e tla na kapele joale; ke bolela, pula ea makhonthe. 'Me e tlameha ho fumana Peō ho tšolohela holim'a eona. Kea tšepa ke tla phelela ho e bona. Le a utloisia joale? [Phutheho e re, "Amen."—Mong.] E tla be e le Lentsoe le phelang joaloka leo La tšimolohong, Lentsoe la Molimo le builoeng; ho rua Matla a Hae, kahobane E le ka ho Eèna, kahara 'Mele oa Hae ka Sebele, o etsang thato ea Hae ka Sebele.

³³⁸ Shebang litšepiso tseo Molimo o li fileng 'Mele oona. Joale re kena nthong e 'ngoe. Re tla ho Thaba Sione joale. A re shebeng seo A se boleletseng 'Mele oona; ke bolela, o tsoetsoeng seroetsana. Joale re bona eona—re bona boetsisi ba eona. Re bo bona letsatsi le ka leng. Empa a re atameleng 'Mele oa makhonthe, ho bona seo A se buileng ka Sena. A re shebeng. Ke hantle. Seo A se tšepisitseng ke sena.

³³⁹ Lea lumela Johanne 3:16 e nèpile? [Phutheho e re, "Amen."—Mong.] Ke tlamehile ho bala sena. Ke phetho se leng teng. Ho lokile. Lona, nka . . . Mang le mang ea lumelang Johanne 3:16, "Molimo o ratile lefatše ha kaalo, O bile oa le nea Mora oa Oona ea tsoetsoeng a 'notši,' le joalo, e reng amen. ["Amen."]

³⁴⁰ Ke le phepetsa ho Le lumele kaofela. Ke bua ka 'Mele, joale.

³⁴¹ A re nkeng Johanne 20, ho qalisa. Ke hantle. Nkang Johanne, khaolo ea 20, 'me re ke re boneng. Johanne, khaolo ea 20, 'me re tla qala ka, oh, nka re temaneng ea 19. Mohalaleli Johanne 20, kea kholoa ke seo ke se tšoaileng mona, le ho qala ka temana ea 19. Joale mamelang ka hloko.

³⁴² Ke le phephetsa ho e lumela. Oh, ke—ke mpa ke thabile feela. Oh, hola feela nka... Eka—eka nka bona Moea o Halalelang o haola o oka-oka holim'a tulo ena mona, ka tsela eo, ua bona, ho re, "Joale, ke 'Na." Mamelang.

...mantsiboea a letsatsi leo, e leng le qalang veke, menyako ha e koetsoe ea moo barutuo ba neng ba phuthehile teng...menyako ha e koetsoe ea moo barutuo ba neng ba phuthehile teng ka baka la hona ho tšaba ba-Jude, Jesu a hlaha a ema har'a bona, a re ho bona, Khotso e be le lona.

Eare hobane a bue... Eare hobane a bue joalo, a ba bontša matsoho le lehlakore la hae. Eare hobane barutuo ba hae... (A re boneng)... lehlakore la hae. Eare hobane... Eaba barutuo ba thaba, ha ba bona Morena.

Jesu a boela a re ho bona... Khotso e be le lona:... (Oh, na le itokisitse?)... joaleka ha Ntate a se a nthomile, (Eèna ke Lentsoe, Peō, Peō-Lentsoe), le 'na ke le roma joalo.

³⁴³ Lea e lumela na? [Phutheho e re, "Amen."—Mong.] Le se ke la emisa. Ho sa na le ho hong.

Etse hobane a bue joalo, a bululela ho bona, a re ho bona, Amohelang Moea o Halalelang:

Bao le tla ba tšoarela libe, ho bona ba tla tšoareloa tsona; bao lona le tla ba balla libe, ba tla balloa tsona.

³⁴⁴ Na ke 'Nete? [Phutheho e re, "Amen."—Mong.] Taba ee O e boleletse mang? Peō, Lentsoe. Hobane'ng? Ba ne ba ka tsoaloa feela ke—ke Lentsoe. Ke lona lebaka. Le lumela seo? ["Amen."]

³⁴⁵ A re nkeng Mattheu 16 joale, motsotso feela. Mattheu 16:19, a re baleng lena, motsotso feela. Ho lokile.

Ke tla u nea linotlolo tsa 'muso oa leholimō: hohle hoo u tläng ho tlama holimo lefatšeng ho tla tlangoa leholimōng: le hohle hoo u tläng ho lokolla lefatšeng ho tla lokolloa leholimōng.

³⁴⁶ Ke le phephetsa ho e lumela. Haeba leo e se Lentsoe, e tla ba Johanne 3:16 hase Lentsoe. Hore'ng ho 'nkuoa a mang le leng le sa 'nkuoe? Lentsoe lohle la Molimo le lokile, empa Le tlameha ho kena popelong ea moroetsana, moo ho sa lulang letho haese Peō e 'notši. Lea e lumela? [Phutheho e re, "Amen."—Mong.] Ho lokile.

³⁴⁷ Joale elelloang hona ka hloko. Kea tseba seotsoa se itlaleha joalo, 'me ba hlile ba tšoarela libe ka matla a bolumeli ba bona, empa le shebe bana ba sona. Holo efe le efe ea ho tantša, ba kuta moriri oa bona, ba ferefiloe sa lisoasoi, banna ba tsoile ba phela le basali ba banna ba bang, ba bonya, ba matha kantle seterateng, ba tola ka kopanelo, ntho efe le efe. Ehlide. Ba tšoarela, ba leballa libe, ka mokhoa oa bona, empa litholoana tsa bona li bontša seo e leng sona. Hase tšoanelo ho bona. Che, monghali. Ba etsa'ng? Ba tena lishoto, ba kuta moriri oa bona, ba itlola meikapo. Jesu o boletse, "Ba tsejoa ka litholoana tsa bona," mofuta oa peō eo ba leng eona. Ke sona seo e leng taba. Peō ea bolumeli e ntša tšoarello ea bolumeli. Hantle haholo.

³⁴⁸ Molimo oa re, "Lentsoe le hlahise se sa mofuta oa Lona." 'Me Le hlile le joalo. Ke hantle. Oh, moena, Mangolo a nèpile. Lea e lumela? [Phutheho e re "Amen."—Mong.]

³⁴⁹ 'Me Moea o Halalelang o paka neo e reriloengpele eo Kereke e ipolelang E kakatletse. Eng? Ka ho nosetsa Lentsoe, ho omèla Lentsoe, ka "amen." Ha Le ne le re, "Bakang 'me le kolobetsoe, Lebitso la Jesu Kreste." "Amen." Ha Le bua lintho tse ling tsena. "Amen." Ke eona. "Amen," nthong efe le efe, ua bona, O omèla Lentsoe. 'Me Molimo ka . . . rerile ho tlisa neo esale pele, ho tšoarela libe, empa hoo ho abetsoe 'Mele-Lentsoe o tletseng-Moea. Hobane, ke Lentsoe, to, le ka tšoarelang libe, hobane Lentsoe ke Molimo.

³⁵⁰ Bafarisi bao ba ne ba nèpile ha kakang! Ke boletse, hoseng hona, re tla fihla mona. 'Joale, ke nkile nako ea ka. Empa bo-bo Bafarisi ba itse, "Monna enoa o tšoarela libe. Rea Mo tseba ke monyefoli. Ke Molimo o 'notši o ka tšoarelang libe. Athe Monna enoa o tšoarela libe." Ba sa tsebe hobane Hoo e ne e le Lentsoe. Lentsoe le tšoarela libe, hoba E le Molimo.

³⁵¹ 'Me ha le sa fetohé ba lona . . . Molimo o a tseba, o tsebile, 'me o tsebile ka boitsebelopele, ea tla amohela neo ena le ea tla e sebelisa ka nèpo. Ba e ruileng ba netefatsoa ke Lentsoe la Molimo, le ke Lentsoe lohle le Moea. E hlakile na?

³⁵² Ba bang ba rata hore le lumele hoba e tla ka sekolo, mangolo a sekolo, ligarata; ha u ka kena sekolo nako e baliloeng, ha u etsoa bishopo, ua ithutela ho ba mopapa, kapa ua ba khadinale, kapa ntho e kang eo. Hono, bang ba batla re lumele ha e-tsoa mono, ha motho, ka pèo ea matsoho, a u fetola ho hong ho etsang sena. Empa ba fapohile Lentsoe.

³⁵³ Baroma 11:29 e boletse, "Lineo le lipitso ha li tlisoe ke pako." Ke Molimo o e abang. 'Me hape le Johanne 15:16, ha le batla ho le ngola fatše.

³⁵⁴ Mamelisisang joale. Kamoo Jesu a na fapane kateng, matsatsing a Hae, hole le malumeli a mehla ea Hae. Ba ne ba mo supisa morao . . . Nka rata ho tiisetsa nakoana!

Shuu! Ba supa morao holim'a mahetla a bona, morao koana mehleng, 'me ba re, "Rōna re barutoana ba Moshe. Re tseba Molimo ea ipontšitseng Moshe, sehlahleng se tukang. Rea tseba."

³⁵⁵ Ba ne ba tseba, ba tsebile nalane ea Moshe, ba mpa ba sa tsebe Molimo oa Moshe. Hoba, O n'a eme ka pel'a bona, ho Johanne 6, le ho re, "Pele ho Moshe, pele ho Abraham, KE TENG," sehlahlala se tukang. Ba ne ba tseba nalane ea Moshe.

³⁵⁶ Ho joalo le kajeno. Ba tseba Molimo... Ba itlaleha ba tseba Lentsoe la Kreste, ba mpa ba sa tsebe Molimo o nong o ahile ka ho Kreste. Mollo o takiloeng! Ea ka futhumatsoang ke mollo o takiloeng ke mang, boiphihlelo ba koleshe ea thupelo? Ba ne ba tseba Moshe, empa e seng Molimo oa hae. Jesu o khonne 'me o bile a re...

³⁵⁷ Amen. Mamela taba ena, moena. Shuu! Joale ke ikutloa sa Davida ea tsokotsang letjeketjane leo joale. Ke kholoa ke sa rōnèhe ho lona, metsoalle. Ke itoketse, empa ke ikutloa hamonate. Ruri ke ntse kea, ke ikutloa monate joale.

³⁵⁸ Jesu o khonne o bile o boletse, "Ntate ea Nthomileng o ka ho 'Na. 'Me joaleka ha A Nthomile, le 'Na ke le roma joalo," ho barutuo ba Hae. "Ntate ea Nthomileng o na le 'Na. Ha Ke sa etse mesebetsi ea Lentsoe le tsepisitsoeng ke Ntate oa Ka, le se ke la lumela ho 'Na, hoba ke eona e Mpakang."

³⁵⁹ Alleluia! Oh, lona kereke, le ho kae? Jesu o boletse...

Ba re, "Oh, re tseba Molimo o kile oa etsa *sena*, empa e seng kajeno."

Jesu o re, "Esale eèna..."

"Re tseba Molimo o ne o e-na le Moshe."

³⁶⁰ "Empa Molimo o nong o e-na le 'Na o ka ho 'Na. Hobane, ekare ha le sa e lumele, bonang se ngoliloeng ka 'Na. Bonang seo Lengolo le boletseng Ke tla se etsa, 'me, ha Ke sa khohlelane le Mangolo, le se ke la lumela ho 'Na."

³⁶¹ E reng ke bue sena, ke sa thunthetse borapeli, empa e re ke bue ka Molaetsa oo ke o rerang. Ekare ha Molimo o sa netefatse Hona e le 'Nete, e tla ba hase Eona. Empa ha Lentsoe le paka hoba ke le bolella 'Nete, le mpe le lumele Lentsoe. Ke oona a pakang na Ke bolela 'Nete kapa che. Ke oona lipaki. Oona—oona a pakela 'na...ka thuto eo A mphileng eona. O tsepisitse sena matsatsing a qetelo. Ke ena. O boletse seo e tläng ho se etsa. Ke ena. Re kena ho eona hantle joale. Le ka e bona haeba e le 'Nete kapa che. A Molimo ebe oona o pakang. Efela ha mesebetsi, lintho tseo ke li rerang li boela li sa pake, li re ke 'Nete, e tla be e se 'Nete. Empa haeba Lentsoe le bua ka sena, 'me e le sena, ebe le tla etsa'ng ka eona?

³⁶² Jesu o itse, “Kea le tseba. Ka ho lona le re le tseba Moshe. Lea tseba, mohlomong le tseba pale ea Moshe, empa ha le tsebe Molimo oa hae. Hoba, Ke tlide pele ho Moshe. Ke ’Na ea buileng le Moshe. Ke ’Na ‘KE TENG.’ Ke Lentsoe.”

³⁶³ Ba sitiloe ho e bona, hoba e le bana ba ntat’ bona, liabolosi. Malumeli a bona a ba thibile ho e bona. Hoo ha ho a khina Lentsoe ho tsoelapele, ka ho tšoana. Le ile la oela holim’ba bang, hantle, ’me teng ha tsoa Monyaluoa, molokong oo. Ke hantle. Ho fapanie ha kakang, mollo o takiloeng!

³⁶⁴ Jesu a ka be—be a itse, “Ntate ea Nthomileng,” o na le Eèna. “Me mesebetsi eo Ke e etsang, e a paka, hoba Ke etsa tseo Mangolo a boletseng Ke tla li etsa.”

³⁶⁵ Bajuda ba ne ba tseba Molimo oa bona oa histori. Ho a tšoana le joale. E. Hobane’ng ba tsebile Molimo oa bona oa histori? Hobane ba ne ba jere peō ea histori. Hore’ng ba sitiloe ho Mo amohela? Hoba e ne e futsoetsoe ka bolumeli.

³⁶⁶ Jesu o tsebile Ea neng a Mo romile, hoba Ea Mo romileng a na a le ka ho Eèna.

³⁶⁷ ’Me ho Eèna ho ne ho sa tlamelloa bolumeli ba letho. Amen. Mpolelleng lebitso la ona. “O tsoa sekolong sefe?” Ba re, “Bohlale ba Hae o bo fumana kae? Thuto ena e tsoa kae?” Ha ba ka ba fumana sekolo seo A kileng a se kena.

³⁶⁸ ’Me, koana, ha a le lilemo tse leshome le metso e ’meli, A ferekanya bangoli le Bafarisi. Oh, khele! Ke sona se boletseng. Hobane’ng ba sa ka ba bua letho ho Eèna, bongoaneng ba hae? E ne e le Lentsoe la Molimo. Ba ne ba sa khone ho Le hanetsa.

³⁶⁹ Ha ho makatse ha batho ba ne ba tsota Thuto ea Hae! Na le kile la bala hoo? Mareka 1:22, ha le batla ho le ngola fatše. “Batho ba ne ba tsota Thuto ea Hae, hoba A ne a ruta joaleka motho ea nang le borena.” A tseba seo A na bua ka sona. Ua bona?

³⁷⁰ Kereke joale e loketse e be e ruile karolo tse peli tsa Moea. Hoba ke ’nete, joaleka kobo ea Elia e theohetseng holim’ a Elisha, ka karolo tse peli, e le eona ntho e tsoang ho Jesu Kreste. Joale, u ka re, “Oh, Moena Branham, u bua ka Kereke ea Hae.” Ke hantle. Ke ’Mele oa Hae oo.

³⁷¹ Na mohatsa’ ka hase karolo ea ’mele oa ka, ’me le mohatsa’o ha se karolo ea ’mele oa hao na? [Phutheho e re, “Amen.”—Mong.] “Nama tsa nama ea hao, le lesapo la lesapo la hao,” ka kopano e halalelang. Na ke ho joalo? [“Amen.”] Ka lona lebaka leo Mokreste ha tšoanelo ho nyala sehlola. Ua bona? Hase tšoanelo, che, monghali, hoba hoo ho roba lintho tsohle tsa Molimo.

³⁷² U re, “Oh, joale, Moena Branham, be butle. U bua ka Moea oa Kreste o holim’ a . . .”

³⁷³ Bibele e Mo boletse a tla etsa hoo. Na ho joalo? Esaia 9:6, E boletse—boletse, “Re tsoaletsoe ngoana, re neiloe mora; o tla reoa Lebitso la Moeletsi, Khosana ea Khotso, Molimo o matla, Rabosafeleng. ‘Muso oa Hae o ke ke oa e-ba le bofelo. ‘Me borena bo holim’ a Hae...’ Eng? [Phutheho e re, “Lehetla.”—Mong.] Ke karolo ea ‘Mele oa Hae eo. Khele! Ke ‘Mele oa Hae oo. Ke eona na? [“Amen.”] “Mahetla a Hae” ke ‘Mele oa Hae. ‘Muso o ho kae holim’ a lefatše? ’Meleng oa Hae.

³⁷⁴ “Bahalaleli ba tla ahlola lefatše.” Ho joalo? [Phutheho e re, “Amen.”—Mong.] Pauluse o itse, “Le isana khotla, ‘me ha le bèèle kereke taba.” Hantle. Ua bona? “Bahalaleli ba tla ahlola lefatše.”

³⁷⁵ Borena bo tla beoa holim’ a eng? Mahetleng, ‘Mele oa Hae. “Borena bo mahetleng a Hae,” ke karolo ea ‘Mele eo. Ke eng? Matla a Hae a lefatše. Matla a Molimo holim’ a lefatše ke Lentsoe la Hae le entsoeng nama kahara ‘Mele oa Hae mona holim’ a lefatše, ho e phethahatsa.

³⁷⁶ Moshe... Mamelang. A re tloleng tse ling. Barongoa ba Molimo esale ba latoloa. Lea e lumela? [Phutheho e re, “Amen.”—Mong.] Moshe o na a latoloe. Ho joalo na? [“Amen.”] Jesu o na a latoloe. ‘Me Luka o boletse, ho 10:16, ha u batla ho le ngola fatše. Ke hantle. Ho latoloa!

³⁷⁷ Samuele oa Pele 8:7, molaetsa oa Molimo o ile oa latoloa. Molimo oa na oa bea morongoa, moporofeta, ea bitsoang Samuele. Lea e lumela? [Phutheho e re, “Amen.”—Mong.] Eaba o latoloa le molaetsa oa hae. Ba ikhethela lefatše.

³⁷⁸ Oona ke molao oa—oa Molimo. Taba ena e tla... Ha ke tsebe hore nka e bua kapa che. Molao oa Molimo ke oona. Molao oa Molimo ke ho amohela mohlanka ea netefalitsoeng.

³⁷⁹ Feela ha re—ha re e pakeng, motsotsso. Ke batla ho tšoara le leng la Mangolo mona, Johanne 13:20. A re boneng feela. Ke ngotse nthoana mona, ke tsoatsoile ka e hopola monahanong oa ka. Oh, e-ea, ke ana.

Kannete-nete, ke re ho lona, Ea amohelang eo ke mo romileng o amohela ’na; ’me ea nkamohelang o amohela ea nthomileng.

³⁸⁰ Mohlanka ea netefalitsoeng! Oh, moena, hantle mona joale ho robetse lithero tse sekete. Ua bona? Ke hantle. Oh, khele! Ke molao oa Molimo. O amoheleng.

³⁸¹ Samuele a theoha a re, “Ke batla ho le botsa taba. Na nkile ka le bolella taba e sa kang ea hlaha ka Lebitso la Morena?”

Ha thoe, “Che.”

³⁸² “Na nkile ka phutha monehelo ho haha matlo a maholo, le ho etsa lintho tse ngata tse khôlô ’me ka itlotlisa?”

“Che.”

“Na Molimo o pakile, ho arabela Lentsoe leo ke le rerileng?”

“E bo.”

“Be, hobaneng le sa nkutloe?”

Jesu o boleletse Bafarasi . . .

“Rea tseba U tsoaletsoe bohololeng.”

³⁸³ A re, “Ke mang oa lona ea ka Nqosang ka sebe? E reng Ke le bontše Lentsoe la Molimo, ho bona ha eba le tla Le lumela, ho bona ha eba Molimo a Le netefatsa ka ho lona. ’Me e reng Ke Ipolele, ekare ha Ke Ipolela, Ke leshano. Empa ekare ha Ke bua ka Molimo, ’me Molimo o bua ka ’Na, ka Lentsoe la Oona, e tla be le ’Nete. Ha ho le joalo, ea lumelang Lentsoe la Molimo ke mang, ’Na kapa lona?” Ha-ha! Ea e khina.

³⁸⁴ Jesu o boletse, “Ea amohelang bao ’Na ke ba romileng, o amohela ’Na.” ’Me, joale, bao A ba romileng. “Me ba amohelang ’Na ba amohela Ea Nthomileng.” Eka re ka be re e-na le nako ho lika-lika mono. U ka sebeletsa Molimo ha feela . . . U ka sebeletsa Molimo ka ho etsa feela ’me—’me u lumela bahlanka ba rongoang ke Molimo. U ka sebeletsa Molimo feela lefatšeng, ua bona, ha bahlanka ba Molimo ba rometsoeng lefatšeng ba u tolokela Lentsoe ka pululelo e Mokhethoa. Lea e lumela na? [Phutheho e re, “Amen.”—Mong.]

³⁸⁵ Le batla ho ngola Mangolo a ’maloa mabapi le eona? Bakorinthe ba Pele 14:16. Pauluse o itse, “Le ntatele joaleka ha ke latèla Kreste,” hape, 11:1. Luka 10:16, le bone seo A se boletseng, seo Jesu se buileng mono. Luka 10:16, kea kholoa le haufi le eona mona. A re boneng seo e se buang ka nako e ’ngoe mona, Luka 10:16, ba sa ntse ba ngola a mang fatše. Joale, moo ke Bakorinthe ba Pele 14:16, hape 11:1, le Luka 10:16.

³⁸⁶ Joale ha re baleng. Ke fetela ho Luka 10:16, mona, ho bala feela le sa sheba le leng joale, nakoana feela. Ke hantle. Ke rōna bana.

Ea le utloang o utloa ’na; . . . ea le nyatsang o nyatsa ’na; . . . ea nyatsang ’na o nyatsa ea nthomileng.

³⁸⁷ Ke bopaki ba hobane Molimo o bolela Molaetsa oa Oona ka bahlanka ba Oona. Esale ho lutse joalo. Ke hantle.

³⁸⁸ Joale, matla a Kereke e lumelang. “Kreste o ruile matla oohle maholimong le lefatšeng.” Lea e lumela? [Phutheho e re, “Amen.”—Mong.] Joale, haeba A le ka ho uena? Na Kreste o ruile matla oohle? [“Amen.”] Mattheu 28:18. Ho lokile. Ke Peō-Lentsoe kahara ’Mele oa Hae. ’Me Eèna, ka ho rōna, o fetoha Peō-Lentsoe ka ho rōna. Eng? Sohle seo Molimo a n'a le sona, O se khokhøhetse ka ho Kreste; ’me sohle seo Kreste a n'a le sona, se khōkhōthētsoe kahara Kereke. Ke ao matla.

³⁸⁹ Joale shebang. Hopolang molao oa Molimo oa boikatiso, joale, hopolang, “Ka mofuta oa eona.” Ho joalo? [Phutheho e re, “Amen.”—Mong.] Peō ea Kreste, Lentsoe, e tšoanetse ho tsoa ’Meleng oa Hae. Ha-ha-ha-ha-ha!

³⁹⁰ Na lea khathala? [Phutheho e re, “Che.”—Mong.] Ho lokile. Motsotsso feela joale. A re khutseng ’me re rapele. Ke batla ho kenya taba ena, hantle haholo. Ke batla hore e silakanye.

³⁹¹ Peō ea Kreste e tšoanelā, t-š-o-a-n-e-l-a, e tšoanelā ho tla ka ’Mele oa Hae; e seng ka bolumeli, empa ka Peō ea Lentsoe e tsoetsoeng labobelī, e tšoanelā ho tsoa moo. Joale, hopolang. Ke eng? Peō ea Kreste.

Peō ea ka e tla joang? Ka ’mele.

Peō ea apole e tla joang? Ka ’mele.

³⁹² Peō e tla ka ’Mele, ’me Kereke ke ’Mele oa Kreste. Ho lokile? [Phutheho e re, “Amen.”—Mong.] Kereke ea Bibe! Tsoalo ena e Mo hlahisa (eo ke Tsoalo e ncha.) ka ’Mele, Kereke ea Hae, ke Lentsoe la Hae, batho ba tle ba bone thasiseletso ea Baheberu 13:8, “Jesu Kreste èèna maobane, kajeno, le ka ho sa feleng.” Lea e lumela? [“Amen.”] Bana hase bolu- . . . mabasetere a bolumeli, joale. Bana ke ba keneng mopotolohong, ba emetse nako ea ho thakhoha, le tseba seo ke se bolelang, ba itokisetsa ho nka rokete. Thoriso! Bana hase mabasetere a bolumeli; ha ba ema ka Mona, ha ba etsa joalo. Che, monghali. Ke Peō.

³⁹³ Pauluse o ne a tšaba hore batho ba ka tšoha ba tsota mantsoe a maholo ao a buileng, thuto ea hae. Bakorinthe ba Pele 2:1 ho isa ho 8. Le batla ho le ngola fatše. Bakorinthe ba Pele 2:1 ho fihla ho 8, Pauluse o itse, “Ha kea tla ho lona, ke bolela mantsoe a bohlale, lea tseba, tumelo ea lona e tle e theoe thupelong ea mofuta. Empa ke tlie ho lona ka ho nyatseha, ka matla le ka ponahatso ea Moea o Halalelang, hore Lentsoe la lona . . . tumelo ea lona e tle e theoe Lentsoeng la Molimo.” E, monghali.

³⁹⁴ Leha, likereke tsa malumeli li tla feta Monyaluoā ka palo, a le mong khahlano le ba sekete. Lea e lumela na? [Phutheho e re, “Amen.”—Mong.] Lea lumela Bibe! e a e ruta? [“Amen.”] Esaia 54:1. O e tšepisitse. Hoba eona . . .

³⁹⁵ Le—le batla ha ke—le batla ke le bale? Ho lokile, a re le fumaneng. Le batla ho bona moo le leng teng, moo A tšepisitseng hobane ba tla feta ka palo. A re feteleng koana ho Esaia 54, 53, 54:1.

Tlerola, uena nyopa, u sa kang ua tsoala; u lumise litlatssi, le lipina tsa thabo, uena u sa kang ua tseba boholoko ba ho beleha: hobane bana ba ea furatsoeng ba bangata ho feta bana ba ea nyetsoeng, ho bolela MORENA.

³⁹⁶ Ha-ha-ha-ha! Ke hantle? Bana ba seraburabu ba bangata ho feta ba Mosali ea nyetsoeng. Ehlide. Ba re feta ka palo, makhetlo a mangata. Leha ba—leha ba le bangata palong, ha ba na ntate oa 'nete.

³⁹⁷ Joale, Juda 8-13 e tšoantša mefuta ea liphutheho tsa malumeli. Ke kereke e akaretsang eo, "Maru a se nang pula, ba akhelang mafilo a lihlong tsa oona."

³⁹⁸ Kereke ea Pentekosta e tšoantšoa, ke sehlopha seo sa bolumeli, ho Timothea oa Bobeli 3:1 ho ea ho 8, "Ba nang le sebopinho sa borapeli." Peō ea bona e hlahisa mofuta oa bona. Lemohang, leqhalaha...

³⁹⁹ Oh, mona, re tlil'o kena nthong e tebileng joale. Joale shebang Peō-Kereke ena, Kereke ena ea sebele, e jereng Sepeme sa 'nete.

Lemohang, hobane leqhalaha le ne le teane le li-D.D.

⁴⁰⁰ Joale hopolang, Molimo ha o e-so laeletse... Molimo ha o e-so laeletse thero ea Oona—Oona le Evangelia ea Oona ho Lengeloi. Ke ba bakae ba tsebang seo? Ba ba kae ba tsebang Bagalata 1:8 e boletse, "Ekare ha Lengeloi le tsoang Lehohimōng le bolela ntho e hosele le eo ba e rerileng, le rohakoe?" Ka baka leo, Lengeloi le fositse haeba le fapania le Lentsoe. Molimo o kile oa theohela ka tlasana ho Mangeloi, 'me oa E laetsa ho motho, bona e ne e le bara. Le lumela hoo? [Phutheho e re, "Amen."—Mong.] Joale shebang. Joale, ha O a ka oa E laeletsa Mangeloi. Lemohang, ha O a ka oa e etsa.

⁴⁰¹ Joale, Filippi o na a nyolohetse Pentekosta, Jerusalema, ho rapela. Ba ba kae ba reng, "amen" mono? [Phutheho e re, "Amen."—Mong.]

⁴⁰² Leqhalaha, le ne le teane le li-D.D. le li-L.D., le ntho eohle. Empa hobane'ng a sa fumana letho? O khutlide a theoha, a ntse a bala boporofeta ba Esaia.

⁴⁰³ Leha Lengeloi le isitse Fillipi ho eèna, empa Lefi la Bophelo le ne le loketse ho tsoa 'Meleng, Fillipi. Ah! Oh, moena, joale re moleng. Lefi le tsoile kae? Ka Lengeloi? Lengeloi le 'montšitse hore a ee kae. Lengeloi ke moromuo. Mora ke enoa. Fillipi o ne a jere Lefi, Molaetsa, Lentsoe. Ngoana a ka tsoaloa ka tsela eo. Fillipi o ile a 'mea matsoho holimo. Fillipi a mo kolobetsa ka Lebitso la Jesu Kreste. Eaba Moea oa Molimo o a theoha. Ehlide. Joale, Lefi le ne le loketse ho tsoa 'Meleng. 'Meleng ofe? 'Mele oa Kreste. Ka nèpo. 'Me Fillipi e ne e le setho sa 'Mele.

⁴⁰⁴ Joale mamelang. Ntho eona eo e hlahile ho Liketso 10:48. Petrose o ne a le ka tlung e ka holimo. Lengeloi la mo isa tlung ha Kornele. Empa Lentsoe le tsoile ho kae? 'Meleng. Oh, oh, oh, oh, oh, oh! Ke ikutloa monate haholo, ke ikutloa ho tsoela pele. Lengeloi la tla la re, "U se tšoenyehe. U se ke ua bitsa letho litšila. Tsoelapele feela, u se ke ua nahana letho."

⁴⁰⁵ “Me eare Petrose a sa bolela Mantsoe ana,” e seng Lengeloi, e seng khadinale. “Eare Petrose a sa bolela Mantsoe ana.” Eng? E ne e le ’Mele. A jere Lentsoe. Lentsoe le ne le itšoareletse. Oh, moena! Shuu! Huh! Oh, khele! Lengeloi le e tataisitse, empa Bophelo bo tlisoa ke ’Mele oa Kreste.

⁴⁰⁶ Pauluse, tseleng ea hae e eang Damaseka, pono e mo tataisitse. Empa Ananiase o ne a jere Lefi, a tšoere Lentsoe. Amen. Moporofeta eo, Ananiase, o bone pono e reng, “Nyolohela teng, o ’mee matsoho holimo.”

⁴⁰⁷ Ho re, “Moena Saule, Morena o ipontšitse uena tseleng, e tlang koano.” O tsebile joang? O ne a tšoere Lentsoe. Lentsoe la Morena le tlie ho moporofeta. A porofeta, a nyolohela teng ’me a re, “O tlie, o nthometse koano, ke tle ke u bee matsoho, u fole ’me u amohele Moea o Halalelang. U boele u bone.” Makhapetla a oa mahlong a hae. A tsaha, a kolobetsoa, Lebitso la Jesu, a tloha ho ea bala.

⁴⁰⁸ Lengeloi le e tataisitse, ke ’nete, empa Pauluse o ne a tšoere Peō-Lefi.

⁴⁰⁹ Ho qosa Moea oa Molimo, Peō, ho aba Bophelo Bosafeleng. Shuu! Khele!

⁴¹⁰ Na e se e le hora ea bobeli? [Phutheho e a tšeja. Motho o re, “E se e slotse.”—Mong.] Kea tseba. Uh! Ke tla bala nthoana, he. A nke ke bale feela metsotso e ka bang leshome. Na le tla khona? [“Amen.”] Ke na le khopolo e ntle, nka lula mona, empa ke tla mpe ke tsue tema nakoana mona. ‘Me re fumane nako ea rōna. Ke metsotso e mashome a mabeli a metso e mehlano pele ho hlano. Ha ke tsebe re tla fihla nako mang Georgia. Eka nka emisa ka re qaqa nakoana mona. Empa ke tla e bala butle haholo. Mamelang ka hloko. Taba eo ke ileng ka e nkela pene ke ena, karolo ea eona.

⁴¹¹ Lea bona, metsoalle, seo ke se tšoereng, lebaka leo ke ileng ka ema kamoo ke entseng? [Phutheho e re, “Amen.”—Mong.] Lea bona hoban’eng ke tsitlallega, “Suthang malumeling ao le fumane Kereke ea ’nete ea Molimo”? [“Amen.”] Lea bona hoban’eng E tšoanetse ho tsoa Lentsoeng? [“Amen.”] E ke ke ea tlisoa ke bohlale ba motho. E loketse ho tla ka Lentsoe la Molimo. Ka lona lebaka leo ke lumela Lentsoe kamoo Le ngotsoeng kateng. Nke ke ka eketsa letho kapa ho fokotsa letho. Ha e se ho Le rera ka tsela eo, ho tsoela pele feela.

⁴¹² Joale, banabeso, lona bohole ba teiping, haeba le sa lumellane le ’na, ke tla le rapella. Haeba ke le phoso, le nthapelle.

⁴¹³ Ke tla bala ntho tse ling joale. Feela... Ke batla le mamele sena ka hloko. Ke hona moo Moea o itseng, “Nka pene.” Ke tla lokela ho tlohela tse ling tsa Eona, empa ke loketse ho le tlisetsa tse ling tsa Eona. Ho lokile.

[Moena Branham o bala liratsoana 414 ho tsoella ka 441—Mong.]

⁴¹⁴ Joale, seo ke lekang ho u bolella sona ke sena. Molao oa boikatiso, ke ho hlahisa sa mofuta oa eona, Genese 1:11. Matsatsing ana a qetelo, Kereke-Monyaluoa oa sebele e tla e habile Lejoehlōrō, e tla ba Kereke e khōlōhali, Moloko o moholohali, joaloka . . . ho atamela Lejoeschlōrō le leholo. Ba tla tšoana, hantle le Eèna, hoo ba tla ema ka setšoano sa Hae, hore ba tle ba teangoe le Eèna. Ba tla ba Bang. E tla be e le eona ponahatso ea Lentsoe la Molimo o phelang. Malumeli a ke ke a hlahisa Sena. Sena e tla ba . . . Ba tla hlahisa litumeloana tsa bona le litšomo, tse tsoakiloeng le Lentsoe, 'me—'me ba hlahise sebeoa se futsoetsoeng.

⁴¹⁵ Mora oa pele e ne e le Peō-Lentsoe la Molimo le builoeng. A fuoa monyalua. (Ke mpa ke pheta feela. Joale Moea o mpa o thonaka seo ke se boletseng. Ua bona?) Monyalua, ikati- . . . ho ikatisa ka bo-eèna. O ile a oa. Ua bona, ke sona seo . . . Monyalua o tlisitsoe, ka morero oa ho ikatisa hape, mora e mong hape oa Molimo. Empa a tlōla, ka ho futsoela, ua bona. Ho ikatisa; empa a oa, a mo bolaea.

⁴¹⁶ Mora oa bobeli, Peō-Lentsoe la Molimo le builoeng, a fuoa monyalua, joaleka Adama. Empa le pele A ka mo nyala, le eèna, keha a oele. Hoba a kile a beoa holim'a boikhethelo, joaloka mosali oa Adama, ho lumela Lentsoe la Molimo le ho phela, kapa ho Le belaela le ho shoa. 'Me a etsa joalo.

⁴¹⁷ Ebe ho tsoa sehlotšoaneng sa Peō ea mannete ea Lentsoe, Molimo o tla hlahisetsa Kreste Monyalua ea ratehang, Moroetsana, Moroetsana oa Lentsoe la Hae. 'Me ka bona, le ho bona, ho phethisoe tsohle tse tšepisitsoeng Lentsoe la Hae kahara Moroetsana ea sa tsebeng litumeloana tse entsoeng ke batho kapa litšomo.

⁴¹⁸ Lentsoe la tšepiso le ka ho Eèna, joaleka ha Le ne le ahile ka ho Maria, 'me Molimo o kile oa bonahatsoa ka sebele sa Oona. O tla sebetsa ka bo-Oona, ka Lentsoe la tšepiso ea Oona ka Sebele, ho phethisa hohle ho ngoliloeng ka Eèna, joaloka ha A entse mohla A tsoang popelong ea moroetsana. Papiso ea popelo ea Moea joale, le Moroetsana o tla etsa joalo joale, ka ho amohela Lentsoe la Hae, "Ho be ho 'na ka polelo ea Hao." Leha le builoe ke Lengeloi, e ne e le Lentsoe le seng le ngoliloe, Esai 9:6.

⁴¹⁹ Ba tla Mo rata, ho rata ba Hae, 'me ba rue bokhoni ba Hae, hoba ke Eèna Hloho ea bona. 'Me bona ke bafo ba Hae, ba ikokobeletsa Hloho ea Hae. Hloho ea Kreste e ne e le ea Hae.

⁴²⁰ Lemohang kutloano e kakang! Jesu o n'a sa etse letho pele a le bone ho Ntate, kapa, pele Ntate a Mo bontšitse. Kutloano e lipakeng tsa Molimo le Kreste, ua bona, Johanne 5:19. Le Monyalua o tla itšoanelo, 'me O Mo bontša Lentsoe la Hae la

Bophelo. O a Mo bontša, 'me O a Le amohela. Le ka mohla ha A Le belaele. Ha ho letho le ka Mo ntšang kotsi, esita le lefu. Hoba Peō ha e jaloa, metsi a tla boela a E tsosa. (Amen. Eaba ke fihleloa ke "Alleluia!" ea tonana.) Sephiri ke sena. Lentsoe le kahara Monyaluo, le mohopolo oa Kreste, ho tseba seo A batlang se etsoe ka Lentsoe. 'Me O se etsa ka Lebitso la Hae. O tšoere HO RIALO MORENA. Ebe moo Le phelisoang, ka baka leo Moea o Halalelang o Le nosetsa ho fihlela Le holile 'me le phetha morero oa Lona.

⁴²¹ Ba etsa thato ea Hae feela. (Amen. Ke lumela seo.) Ha ho motho ea tla ba qophella ka ho sele. Ba tšoere HO RIALO MORENA kapa ba ikhutsetsa. Ebe ba tla etsa mesebetsi ea Molimo, hoba e le Eèna Ea leng ka ho bona ho tsoellisa Lentsoe la Hae ho phethisa, kamoo A e phethileng matsatsing a Hae. Lintho tsohle, mohla A n'a le mona, ha A ka a li phetha tsohle mohla A n'a le mona, hoba nako e ne e-so butsoe.

⁴²² Joale a re emeng sa Joshua le Kalebe. (Joale u ele hloko. Taba ena e tlil'o alloa motheo oa moea.) Joale a re emeng sa Joshua le Kalebe, re sa bona Lefatše la tšepiso le hlahla. Nako ea ho hlahisoa ha lona e a atamela. Joshua, ka Seheberu, ke ho re *Mopholosi*, 'me o bapisa moetapele ea tšepisitsoeng oa nako ea qetelo ea tšelisetsang Kereke mose oane. Kalebe o bapisa molumeli oa makhonthe ea ileng a ema le Joshua. Molimo o qualie Iseraele e le moroetsana ka Lentsoe la Hae. Ba mpa ba ipatlela ntho e fapaneng. Le kereke ea letsatsi la morao e entse joalo.

⁴²³ Lemohang kamoo Molimo o sa kang oa tsamaisa Israele nako ea Oona ka Sebele e baliloeng e-so fihle. (Joale mamela. Taba ena e tlil'o lekanya ntho e 'ngoe.) Joshua o ile a emela nako eo. Ho sa tsotolehe, kamoo batho ba buileng ba re, "Molimo o re neile lefatše, tšepiso. A re eeng joale re le hape." E ka ba ba itse, "Joshua, u lahlehetsoe ke thomo ea hao. U tapile. Hore'ng u sa etse ho hong? U n'o tloaetse ho sebetsa, u tseba HO RIALO MORENA ka nakoana, le seo thato ea Molimo e neng e le sona." Empa mohlalefi enoa, e leng moporofeta ea romiloeng se-Molimo o na a tseba tšepiso ea Molimo, a bile a tseba ho emela tšepiso eo, qeto e iphotlileng e tsoang ho Molimo bakeng sa nako ea hae. (Bona lipapiso tsena. Joale ela hloko.) 'Me eare ha nako e fihla, Molimo oa le abela Joshua, ea neng a eme le Eèna, ka Lentsoe, hoba O ne a sa tšepe ba bang. A ka tšepa eèna. E tla boela e iphetra.

⁴²⁴ Joaleka moporofeta ea tlotsitsoeng oa senatla, Moshe, a tsebile hore Molimo o tla mo sebelisa. Hoba A ne a pakile Moshe e le mohlanka oa Hae, ka tsoalo ea hae e hlollang, ka nako e tšoaneleheng, tokoloho ea peō ea Abrahama e ne e le haufi. (Le a e tšoara na?) Moshe ha a ka a sala Egepeta ho ngangisana le bona ka Mangolo. Ha a ka a phehisana le baprista. A mpa a kena lefeelleng a emela Morena, ho fihlela—ho fihlela batho ba itokiselitse ho mo amohela. A tlie

ho ba pakela, ba mpa ba hana ho mo amohela. Molimo oa biletса moporofeta oa Hae lefeelleng. Molimo o se o pakile hoba O mo khethile. Empa ho ema e ne e se ka baka la Moshe, empa hore batho ba itokisetse ho amohela Moshe. Moshe o hopotse bana ba tla utloisia hore o romiloe. (Hase 'na ea e ngotseng; ke Eèna.) Ho a tšoana le joale.

⁴²⁵ Joaleka Elia, hoba senatla seo, moporofeta ea netefalitsoeng eo Lentsoe la Molimo le tlileng ho eèna, a qete ho rera molaetsa oa Hae ho lihlopha tsa mehla ea sejoale tsa Amerika ea Mofumahali oa Pele, ka meriri ea bona e ponngoeng le ka lihlopha tse itakang tsa Jesebele. Molimo oa chaella moporofeta oa Oona; nako le nako ha a porofeta, e ne e le 'nete. Molimo oa tlameha ho mo hleka temeng, Oa ba oa otla moloko oo ka likotsi tse khölöö, ka ho latola molaetsa oa moporofeta oa Oona le Lentsoe la Molimo leo A ba romeletseng lona. Molimo oa mo isa lefelleng, ho ipata, esita le morena a ke ke a 'mitsa ho mo ntša. 'Me bao ba lekileng ho mo phehella khahlano le thato ea Molimo, ba shoa ka ho etsa joalo. (Oho Molimo! Shuu. Uh!) Empa eare ha Molimo a buile le moporofeta oa Hae ea tšepehang ka pono, a tsoa lefeelleng ka HO RIALO MORENA. A etsa'ng? A toba Lentsoeng ka ho otloloha, a khutlela Lentsoeng, a bokella majoe a leshome le metso e 'meli a phikolosa hammoho.

⁴²⁶ Joaleka Johanne Mokolobetsi, pulamaliboho e tšepehang ea Kreste, moporofeta ea tlotsitsoeng. Ha ho sekolo sa ntatae, ho se sekolo sa Farisi, ho se bolumeli bo ka mo 'mitsang bo mo khuthisa feelleng moo Molimo a na a mo romile teng, pele a utloa Puo ea Molimo. "Messia o atametse." (Na le mametse, ka mehopolo ea moea? Nka boela ka reng mona. Ke tlöla ntho e itseng mona joale.)

⁴²⁷ Kajeno ho fapane hakakang, baevangeli ba bangata ba itlaleha ba tšoere karabo ea... e tsoang ho Molimo, ho batho. Joaloka Kore, ea latolang, a hanetsa boholo ba moprofeta oa Molimo ea netefalitsoeng, ea tlotsitsoeng, Moshe, a itlaleha a tšoere karabo. Lena e ne e le leano la ho fehla chelete, hape, namane ea gauta; joalekaha bongata bo etsa kajeno, moaho o moholo, sekolo se seholo, liqhotsisi tse qhotsang peō ea mofuta oa bona. 'Me ebe moo batho, joaleka kajeno, ba ile ba e oela sehlöhö. Ka mora ho utloa Lentsoe la 'nete la Molimo, ka moporofeta ea tlotsitsoeng ea na netefalitsoe, ba seohela leshano la Kore. Moporofeta oa Molimo ea lekiloeng, 'me Molimo o tsebile... le ho tseba hobane Molimo o ba boleletse. Iseraele e tsebile hoba Molimo o ba boleletse, ka ho hlaka, le hoba O tla netefatsa baporofeta ba Oona ka Lentsoe la Oona. Kore e ne e se moporofeta oa Mangolo, empa ea khahla batho habohloko, ho a tšoana le joale. Kajeno, kajeno ke mali matsohong a lona, likhabo tsa mollo kalaneng, oli menoaneng ea hao. 'Me ke eona ntho e hlahisang bareri ba basali, moriri o mokhutšoane, o

ponngoeng, meikapo. Le fuman'ang? Ha le hopole batho ba ka e oela sehlōhō, empa ba e etselitse Kore. 'Me le joale ba etsa eona ntho eo, 'me ba furalla Lentsoe la 'nete, ba ikhethela malumeli. Marikhoana, a supa mofuta oa peō e ka ho bona.

⁴²⁸ Empa, ho lebohuoe Molimo, hase Iseraele eohle e seohetseng Kore. Ba bang ba setse le Moshe, moporofeta ea tlotsitsoeng ea tšoereng Lentsoe la Molimo. Ho a tšoana, le kajeno, ka Bakhethoa ba bangata ba Molimo, ka Lentsoe la Hae le ka Moea oa Hae.

⁴²⁹ Hopola, mefoka, le mahola, a tla bokelloa 'me a tlangoe mangata. (Ho joalo?) Sena se etsahetse. Likereke sena tsa mokhatlo oa bokoenehi li tlamahana ka thata ho feta kamoo li kileng tsa tlangoa pele. Li tlangoa mangata settlamong sa likereke, li itokiselitse mello ea kahlolo ea Molimo. (Hase 'na ea ngotseng sena. Ke utloa e le Eèna ea entseng.) Mapentekosta a hlohliloe hona hoo, ba ipitsang bona, ba futsitse bao. Koro-Lentsoe e tla bokelloa ka tsatsi le leng, ka mora ho tsamaea ha Bona, ho ea ha Mong'a bona.

⁴³⁰ Molimo o tšepisitse...Ela hloko. Molimo o tšepisitse letsatsi lena la qetelo Malakia 4. 'Me Malakia 4 ha e-so phethehe, empa o tlameha ho phetheha, hoba ke ho phelisoa ha Lentsoe la Molimo le builoeng ke moporofeta Malakia. Jesu o buile ka lona. Ke pejana Kreste a Khutla, khetlo la bobeli. (Mamelang ka hloko joale.) Lengolo lohle le e-song ho ka le phethoa, le tšoanetse joalo, pele nako eo e fihla. Bibele e tla phetheloa, ho—ho phetheloa. Lekhathe la Balichaba le tla phetheha, le mongoaha oa kereke, mohla lenqosa le tlotsitsoeng lena le fihlang. Ehlide, o tla jala Peō ea Bibele eohle, ho qala koana ho noha ho fihla ho lenqosa la lipula tsa hoetla. A nt'o latoloa ke batho ba liphuthheho tsa malumeli, joaleka moholo oa hae, Johanne le Elia, kamoo Morena oa rōna a boletseng kateng.

⁴³¹ Batho, joaleka Elia khetlo la pele, mehla ea Akabe, e tla hlaha naheng ena, kaha naha ena e le papiso ea Iserale. (Le ke le bale kapa le mamele *Borapeli Ba Jesebele*.) Joaleka naha ena, baholo ba rōna, ho rapela ka boithatelo ba bona, ba tlie naheng ena 'me ba tebela batala ba e hapa, le joalo Iseraele e ile ea hapa mohla ba tsoang Egepeta. Ra fumana banna ba barapeli, ba kang Washington, Lincoln. Ba fumana banna ba baholo, ba barapeli, ba kang Davida le ba joalo. Eaba ba hloellisa Akabe teroneng le Jesebele ka morao, ho mo laola. Le rōna re entse joalo.

⁴³² Ho a tšoana le nakong ena, naheng ena, moo motho enoa a tla hlaha, hoba e Lengolong 'me ke HO RIALO MORENA. Ebe ho fihla makhaolakhang a Thaba Karmele, mohla lipula tsa selemo. Bibele e phethisoa, ho fihla letereng! Johanne Mokolobetsi, "Lenqosa la Hae ka pel'a sefahleho

sa Hae,” ho Malakia 3. O jalletse lipula tsa hoetla ‘me a latoloa ke likereke, liphutheho tsa malumeli, Bafarasi le Basalusi ba letsatsing la hae. Jesu o tlie ‘me a hlahisa makhaolakhang a Thaba ea Phetolelo. Pulamaliboho enoa, oa matsatsi a morao, o tla jalla lipula tsa hoetla. Jesu etlaba makhaolakhang lipakeng tsa liphutheho tsa malumeli le litumeloana, e leng Lentsoe la Hae, mohla A fihlang, makhaolakhang, Hloibilo ea Monyaluoaa oa Hae. Pele ebile Thaba Karmele, bobeling ea e-ba Thaba Phetolelo, borarōng e tla ba Thaba Sione. (Thoriso!)

⁴³³ Boitšoaro ba Elia, boitšoaro ba Moshe, boitšoaro ba Johanne, mohla ba na ba siea tema ea tšebetso ea bona, bongata ba batho bo sitiloe ho ba utloisia. Ke kahobane ba ne ba latotsoe, le Molaetsa oa bona. Peō e ne e jetsoe. Kahlolo e ne e tla latēla. ‘Me bao e ne e le pontšo ea batho, ho tsoa ho Molimo, e reng kahlolo e ne e le haufi. Tjalo e ne e fetile.

⁴³⁴ Kea lumela, tsatsi le leng, Monyaluoaa oa ‘nete oa Kreste o tla hatelloa ho emisa ho rera Lentsoe la Molimo. Bibele e porofeta hoo, ho Tšenolo 13:16. (Ha le batla ho le ngola.) Liphutheho tsa malumeli li tla E qobella ho khaotsa, kapa ho amohela letšoao la eona. E be moo, mohlang oo, Konyana e tlang ho nka Monyaluoaa oa Hae ‘me e ahlole seotsoa ka baka la sena.

⁴³⁵ Hopolang, Moshe, ea tsoaletsoeng mosebetsi, o n'a tlamehe ho emela Molimo ho fuoa neo e phaellang mosebetsi. A lokela ho khutla le ho ema, ho emela nako ea Molimo e baliloeng. Faro ea baliloeng o ne a loketse ho lula teroneng, ‘me batho keha ba loketse ba be ba batla Bohobe ba Bophelo, pele Molimo o ka mo khutlisa.

⁴³⁶ Joale, tsatsing lena la morao re fumana likete tsa boramehlolo, ba bopile moloko o tjantjèllang mehlolo o sa tsebeng letho ka khato ea ‘nete ea Molimo le ka Lentsoe la Oona matsatsing ana a morao. (Joaleka ha ke boletse...) Ba fe mali le oli, le liponahatso tsa nama kalaneng, ‘me ba tla li tšehtsa, hore na ke Lentsoe la Molimo kapa ha se lona, hore e lumellana le Mangolo kapa che. Jesu o re lemositse ka lintho tseo nakong ea qetelo. (Joaleka ha ke boletse...) Ho Mattheu 24, meea e ‘meli, e atamelane haholo, “Ho thetsa Mokhethoa hola ho ka etsoa.”

⁴³⁷ Le ka ba arola joang? Ba fetise tekong ea Lentsoe. Le ka e tseba joang? Bua Lentsoe, le bone seo ba se buang ka Lona. Ha ba sa lumele Lentsoe, ha ba na Lefi-Peō ka ho bona. Ke bana ba e mobe, ‘me ba le thetsa. Joalekaha monyaluoaa oa pele a thetsitsoe, le monyaluoaa oa bobeli a thetsitsoe, le bona ke bathetsi ba monyaluoaa oa borarō, ka ho futsoela Lentsoe, kapa ho leka joalo. Molimo ha o e-so bee mehlolo ka pel'a Lentsoe la Oona. (Amen. E a tlabolaa.) Molimo ha o e-so bee mehlolo ka pel'a Lentsoe la Oona. E ne e ekeletsoa ho netefatsa Lentsoe,

empa Lentsoe le tlie pele. Ho e paka, Elia o laetse mosali, "Nketsetse senkhoa pele," le ntoo bona mohlolo ha o hlaha. Tloo Lentsoeng, pele, le ntano shebella mohlolo. Lentsoe-Peo, ka boLona, ke sona seo Moea o Halalelang o se natlafatsang.

⁴³⁸ Lenqosa le romiloeng ke Molimo le ka lumela joang Mangolo a mang 'me e seng Lentsoe lohle, la latola karolo ea Lona? Moporofeta oa 'nete oa Molimo o tla tumisa Lentsoe matsatsing a ho qetela. Phutheho tsa malumeli li tla mo hloea. A ke ke a thinyetsa mantsoe a letho holim'a bona. O tla itšoanelia le mohla a na a sebetsa ho tleng ha Kreste la pele, "Lona malinyane a marabe." Empa ba reriloeng-pele ba tla utloa 'me ba itokisetse ho thakhoha. Peo ea borena ea tumelo ea Abrahama, joaleka eena, e itšoarellang Lentsoeng la Molimo, ho sa tsotellehe, hoba o ne a reriloe-pele.

⁴³⁹ Lenqosa la Malakia 4 le tla hlaha nakong e baliloeng ke Molimo. Re mo lebeletse. Rea lumela o tla fihla. Mono ke ho latela Lentsoe la Oona. E tla be e le nakong ea qetelo. Etsoe, joale ke nako ea ho e bona. O tla—o tla be a inehetse Lentsoeng ka nepahalo, kamoo esale ba suptjoa ke Lentsoe la Molimo 'me ba netefatsoa. Molimo o tla netefatsoa seo a se rerang e le 'Nete, kamoo A sebelitseng ho Elia, hoba ke Elia ea tlang, ho hlophisetra Tlhoibilo ea Thaba Sione. Jesu o boletse, "Matsatsing a qetelo ho tla ba joaloka mehleng ea Lota."

⁴⁴⁰ Thero ea hae e tla hlaha ka Moea le ka matla a mochoporo oa Lentsoe la Molimo. Erekaha lintho tse ngata esale li bitsitsoe 'Nete ea Molimo, bongata bo tla utloisia lengosa lena la 'nete ka phoso. (Mona ke ngotse, s-e-p-o-r-o-f-e-t-o, "Seporofeto.") Hobane, hobane lintho tse ngata hakana esale li reiloe 'Nete ea Molimo ke baqhekanyetsi, bareri ba bangata ba 'nete ba tla utloisia lenqosa leo ka phoso.

⁴⁴¹ Le joalo, liporofeto tsa nako ea qetelo li tla ipheta, kea kholoa. Kamoo pulamaliboho oa pele a tsoileng feelleng 'me a hoeelitse, "Bonang Konyana ea Molimo," mohlomong le lenqosa la bobeli le tla etsa hoo le supisa batho ho Monyaluo a tsoetsoeng ke Lentsoe. Monyaluo oa Kreste o tla supisoa maholimong, ho hlaheng ha Jesu. A ntse a hooa, "Bonang Konyana ea Molimo," e tla tsoa melomong ea hae. (Molimo o re thuso ho itlhophela ketsahalo ena e haufi.)

Nka mpa ka e tlohela, ho tloha mona hantle.

⁴⁴² Lea lumela? [Phutheho e re, "Amen."—Mong.] Hona ho hlahile ka lebaka lefe? Kutloisiso ea lona e hlakile joale? ["Amen."] Ke Lentsoe, motsoalle. E batla e le lihora tse tšeletseng, haufi le tsona hantle, hora tse hlano le halofo, kapa lihora tse tšeletseng. Tse ngata li ka be li builoe. Empa ruri Moea o Halalelang, hajoale, o se o—o se o E tebisitse ka ho lona, ebile le tseba seo ke buang ka sona. Re nakong ea qetelo. Lipeo li jetsoe joale. Lipula tsa selemo li itokisetra ho tšoloha.

⁴⁴³ Le hopole, khobokano e khōlō ea liphutheho tsa malumeli e tla fihla, e tla be e tsabeha, 'me ba tla itšohlometsa mona Federasing ea Likereke. 'Me kereke ea mofuta oona e tla thibeloa ho sebetsa, ho latēla tsebo ea bona. Ka eona nako eo, Jesu o tla hlaha, 'me O tla bontša hore Monyaluoa ke mang le hore eo e seng eèna ke mang. 'Me le hopole, metsoalle ea Bakreste, ke motho, nka etsa liphoso. Empa Molimo, kaha e le Molimo, a ke ke a etsa phoso. Mantsoe oohle a ngoliloeng a tšoanetse ho phethoa. Jesu o boletse joalo. Ka baka leo mona Lengolong re fumana lintho tse tšoanelang ho phethoa, 'me eo ke e 'ngoe ea lintho, khanyetso ena e tla latela.

⁴⁴⁴ Empa le pele khanyetso ena e ka fihla, ea tšoaeo ea sebata, e ka khona ho jaloe Peō, Molimo o tle o ntše Kereke teng. Lea utloisia joale? [Phutheho e re, "Amen."—Mong.] Peō e lokela ho jaloa. Peō ea bolumeli ba mokhatlo, 'me ba tlameha ho etsa seboleho kapa setšoantšo sa sebata, kereke ea Roma. 'Me Monyaluoa oa 'nete o tlameha ho hlaha. 'Me re utloisia ntho e reiloeng monyaluoa e latotsoe.

⁴⁴⁵ Monyaluoa oa Adama o haneloa ho hlahisa Bophelo. O hlahisistse lefu. Rōna re sebeoa sa hae, mebele ea rōna. Bohle re a shoa. Re shebeng, le ka bona.

Monyaluoa oa Jehova o ile a shoa. O ile a mo hlala.

⁴⁴⁶ 'Me oa ntša batho ho Balichaba, bakeng sa Lebitso la Hae. Ho joalo? Lebitso la Hae; ho joaloka mosali ea nkang lebitso la monna, monyaluoa. Joale o entse'ng? Eona ntho e entsoeng ke ba bang ka mohla o mong, ho itlhophisa ka bolumeli, ho silafala.

⁴⁴⁷ Empa molokong o mong le o mong, tsoseletso ka 'ngoe e hlahisa moporofeta ea itseng oa Molimo. Moporofeta ke moreri, moreri oa 'nete oa Lentsoe, ea emang le Lentsoe, 'me ba hlahisa tsoseletso e phuthang Mokhethoa e mo ntša molokong oo.

⁴⁴⁸ Ebe e fetoha peō, ebe moo Molimo o sa hloleng o e sebelisa. Ke botsa moithuti ofe feela oa thutamolimo, ranalane ofe feela, ho mpolella mohla bolumeli bofe bo hlophiloeng bo kileng ba tsoha le ka mohla. Ha bo e-so khone. Bo shoele mohla bo ne bo hlophisa bolumeli, 'me ba robala hona moo. Ke nahana ka Dwight Moody, Bibele ea Moody, e shoele sa khitla ea bosiu.

⁴⁴⁹ Ke sa hopola Mamethodise, Mapentekosta, Mapresbeteriene, Maluthere, Manasarene, Pilgrim Holiness, ho kile ha hlaha banna ba barapeli, Buddy Robinson, le—le George Whitefield, le baholo bao bohole, banna ba barapeli ba boletseng Evangedi. 'Me moloko oo oa na oa amohela Peō e jaletsoeng kabelo ea bona. Joaleka koro, mohla e ne e le tlhaka, mohla e ne e le lehlaku, mohla e ne e le tjellane, mohla e ne e le thollo; e ka bang eng, moreri eo o na a hlahisa Lentsoe la tsatsi leo. La hooa le hlaba mokhosi ho tsoa meeeng e mene ea lefatše 'me la ntša Mokhethoa oa moloko oo. Ka Bakhethoa bao, ho hahiloe Ntlu ea Molimo o phelang.

⁴⁵⁰ Joale, thuto ena mona e tlameha ho khohlela malulong ho fihlela ho entsoe eona mesebetsi e entsoeng ke Jesu, hobane, mohla A fihlang, Lejoehlōrō le tla hokana le Eona hantle. Hoba ba ke ke ba . . . Hloibilo e tla fihla, 'me ba tla 'nkuoa, 'me 'Mele oohle o tla hlaha le Eona, 'me O tla be a ile Lehelimōng. Ha se phutheho ea malumeli, motoalle; Kereke ea Lentsoe la Molimo! Lea e lumela? [Phutheho e re, "Amen."—Mong.]

Lisakatuku tse 'maloa ke tsena mona.

⁴⁵¹ Joale kea tsamaea. Kea tsamaea, ha ke tsebe moo ke enang. Kea batla, joaleka lona, thato ea Molimo. Eka nka lula tabernakeleng ena; nke ke ka khona. Ho na le likete; ke utloa sello, meeä e sa hloekang e a ba harola. Ke batla, ke sa khone ho robala. Ke utloa sello sa bana ba banyenyane, 'me ke bona bomme ba sumeletsang bana ba bona moleng oa thapelo; ho bona 'mè e mong a fehlela lesea moea; a le khurumelitse ka lesela, ho le sireletsa puleng, kahara jarete. Pelō ea ka e ba lutlela mali.

⁴⁵² Mohla ke ne ke haha tabernakele ena, mohla ke ne ke hloma lejoe la sekhutlo mono, ke hopola pono eo, hoseng hoo. E ngotsoe hantle mono holim'a lejoe la sekhutlo, ho thoe, "Ena hase tabernakele ea hao." Ha thoe, "U etse mosebetsi oa 'moleli oa evangeli. U phethisise tšebetso ea hao." [Sekheo lebanteng—Mong.] Kea e rata. Ke rata bana ba Molimo hohle. Ha ke tsebe O tla nkisa kae. Ha ke tsebe. Ke lebeletse. E sa le ke eme selemo. Nka ema lilemo tse peli, nka ema tse tharo. Ha ke tsebe. Ha ke tsebe khato e latèlang. Ke e emetse. Empa kea nahana, ho latèla Lengolo, Lentsoe le jetsoe. Ntho e latèlang ke ho fihla ha Moea.

⁴⁵³ Billy Graham a ka rera hohle. Oral Roberts, banna bao ba barapeli, ba ka rera hohle. Morena a ka nthoma ho jala Peō nqa e 'ngoe, tšimong e 'ngoe. Empa kea lumela sechaba sa rōna se jetsoe ho felile ka sona. Kea lumela joale se itokiselitse kotulo.

⁴⁵⁴ Ha Moea o tšoloha, 'me khato e kena har'a batho, liphutheho tseo tsa bolumeli li tla momahana li tiea 'moho joaleka ha ke eme sefaleng mona, 'me Kereke ea Molimo e tla lelekeloa ntle. 'Me ba tla loha leano, ho fihlela ba e kopanya, 'me ba fehle khanyetso kahlano le mang e seng setho sa bona.

⁴⁵⁵ Roma e tla busa lefatše hora e le 'ngoe feela. E tla busa nakoana feela. Ha se bokomonisi. Boroma bo tla busa lefatše, ka tšebelisano le Boprotestanta, ka sebopaho sa kereke ea bolumeli bo hlophiloeng boo Molimo a bo furaletseng. E atametse hakaalo ho latela tsebo ea ka ea Lentsoe la Molimo.

⁴⁵⁶ Kea le rata. Kea le ananela. Mohlomong ke tla be ke khutlile Sontaha, vekeng. Ke theohela, Florida joale, ha Morena a rata; tlase Georgia, bakeng sa hosane mantsiboea. Ke ralile likopano tse 'maloa tse qalikaneng, ha Morena a ka tataisa. Ke tšoere buka e tletseng tsona, eo Moena Roberson . . . kapa Borders a nthomeletseng eona, tsatsi le leng. Kea kholoa,

be, libaka li teng moo likereke tse mashome a mararo le mashome a mane li ikemiselitseng ho sebetsa 'moho, empa eka Moea o a nkhina. Ha ke tsebe lebaka. Ha ke tsebe lebaka. Ka baka leo le nthapelle, ke tla le rapella, re tle re eme 'moho. Molimo o ke o re thuse. Ho se be le a mong oa lona mona ea hlolehlang 'me a fosa nako e khōlō eo e tlang.

⁴⁵⁷ Joale, ke qositsoe ka lintho tse ngata, metsoalle. 'Me ke jere molato oa lintho tse ngata. Ke lesistheho; ke 'nete. Ha ke tsebe hobaneng ho le joalo, motho o tlameha ho ntsoaketsa khoneng, ke tle ke loane. Ha ke tsebe. Ke tlahao feela. Ke entse lintho tseo ke beng ke sa lokela ho li etsa, e se ka boomo, empa ka—ka thekesella ho eona. 'Me ke eona ntho e ntšosang hakana, ho bona tsatsing lena, tsatsi leo re phelang ho lona, 'me joale le bona seo ke se lumelang. Ke batla ho utloa ho Molimo, ha e le ntho e ka etsoang, pele ke nka khato, ua bona, hoba ha ke batle ho Mo soabisa. Ke batla ho lula le Eēna, hohle. 'Me ke batla le nthapelle.

⁴⁵⁸ 'Me, le hopole, ke le boleletse 'Nete. 'Me ke le leboha ka ho lula mona letšeare lena lohle, ho tloha hoseng hona haholo. Bongata ba lona bo sa itšetlehile ka mabota, kahara liholo, le joale, maoto le meoomo li a honyela. Le lutse kantle makoloing, libeteri tsa lona li a theoha, mohlomong, ha le ntse le mametse. 'Me ke ena, e teiping kaofela. Bashanyana ba e hatisitse morao mane. Le tla khona ho e fumana. 'Me ha le ka e fumana, e nkeng le ee lapeng le e hlahllobise ka thata, ka bohlale, 'me le bone na Morena o tla le senolela'ng.

⁴⁵⁹ Lea Mo rata? [Phutheho e re, "Amen."—Mong.] Teddy o kae? [Motho o re, "Mona hantle."] Pele re rapella lisakatuku tsena le batho, ke batla ho rapella e mong le e mong oa lona. Ke batla ho bina thoko ena joale. Ebe Moena Neville o etsa litsebiso tsa hae tsa tšebeletso e 'ngoe.

Kea Mo rata, kea Mo . . .

Le rata Lentsoe la Hae? Etbla lea Mo rata he.

Hoba A nthatile pele
O lefeletse pholohoa ea ka
'Fateng sa Kalvari.

⁴⁶⁰ [Sekheo lebanteng—Mong.] . . . ho Mo tšaba ka hlompho. 'Me ke qetile lihora tsa thero mona, ke hlalosa, ho sebeletsa ka bokhoni ba ka, molemong oa bomphato besō, ho leka hore ba utloisise lintho tseo ke li buileng, le hobane'ng ke entse lintho tsena. Ke tlisa ho Uena joale, Morena, batho bana, batho bana ba bonoang le batho ba tla utloa liteipi ka morao ho mona. [Sekheo lebanteng.] Molimo ebe Oona o hlalosang ka Khalalelo. 'Me ke kholisehile, Morena, ha eba ke tlisitse Lentsoe, Le tla oela holim'a bao Le reretsoeng ho oela holim'a bona. Lentsoe la Hao ke 'Nete.

⁴⁶¹ Ntate, ke masoabi ha ke U soabisitse, khafetsa. Ke U rapela ho ntšoarela. Ke U rapela ho tšoarela letšeole la ka, le bonoang

le le sa bonoeng, ka libe tsohle tsa bona. Etsoe, Morena Molimo, rea elelloa re fihlile pheletsong ea tsela. Pontšo e 'ngoe le e 'ngoe e eme ka pel'a rōna mona. Kea kholoa ba nang le mohopolo oa moea, Morena, ba tšoara seo ke sa tsoa se bua metsotsong e 'maloa e fetileng. Ke ba rapella ho utloisisa, Morena. Le seo re... [Sekheo lebanteng—Mong]... moo re leng teng. Re atamela ho Khutla ha Hae. Re utloa ho hōba ha leqhubu. Li haufi.

⁴⁶² Re thuse, Morena. Re thuse. Ke rapella motho mang le mang ea lutseng mona. Ke rapella lisakatuku tsena, le banabesō ba mametseng teipi. Nthuse, Morena, ho rapella bohole, thapelo ea tumelo.

⁴⁶³ Joale, ho bao ba buletseng Lentsoe la Molimo pelō, ka tumelo, ke lema Peō ena. Ke E jala ka Lebitso la Jesu Kreste, ka tumelo ho Molimo. Empa, Morena Molimo, ke ba laeletsa ho Uena joale. E nosetse. Romela Moea holim'a Eona, Morena, Lentsoe le melisitsoeng leo mono; hore U sa le Molimo o moholo, ho folisa; oona Molimo o moholo, ho pholosa; oona Molimo o moholo, tsohong. U Molimo. Ha Le ke le bee sejalo sa kotulo, Monyaluoaa Morena Jesu oa rōna, popelo e halalelitsoeng ea pelō, ho amohela Lentsoe. Aba sena, Morena. Ke ba laeletsa ho Uena, ho e thonaka ho tsoa mona, Morena, (ha e le ntho e ka etsoang, e ke e be e mong le e mong), Monyaluoaa Hao, ka Lebitso la Jesu Kreste. Amen.

Kea Mo rata, . . .

. . . pholoso

'Fateng sa Kalvari.

'Moho joale, ka matsoho a lona a phamisitsoeng.

Kea Mo rata, kea Mo rata

Hoba A ntahtile pele

O lefeletse pholoso ea ka

'Fateng sa Kalvari

⁴⁶⁴ Joale, ka mora hoba Lentsoe le omèle lihora tse tšeletseng, ke le laela ho nka khato ea pele. "Bakang," 'me le shebe holimo, "me le kolobetsoe," metsotsong e 'maloa, "ka Lebitso la Jesu Kreste tšoarelong ea sebe sa lona, 'me Molimo o tsepisitse ho le nea Moea o Halalelang. Hoba pallo e etselitsoe lona le bana ba lona, le ba leng hole." E etselitsoe Mamethodise, Mabaptise, Katolike, Mapresbeteriene. "Me mang le mang ea batlang ho amohela Lentsoe, a ke a tle." Lea e lumela? [Phutheho e re, "Amen." —Mong.]

⁴⁶⁵ Ke le neheletsa molisa joale, tšebeletsong ea kolobetso. O tla lokisa joale, hoba re lokisetza kolobetso. Moena Neville.

Joale lulang fatše nakoana.

⁴⁶⁶ Moena oa rōna Neville, joale, molisa oa rōna, o tla le hhalosetsa tsamaiso ea tšebeletso hona joale, motsotsong feelsa. Molimo a le hlohonolofatse, ho fihlela ke le bona.



LENTSOE LE BUILOENG KE PEŌ EA TŠIMOLOHO SST62-0318
(The Spoken Word Is The Original Seed)

Molaetsa wona, ka Moena William Marrion Branham, o rerilwe sethatong ka Senyesemane ka Sontaha hoseng le thapama, Hlakubele 18, 1962, mane Tabernakeleng ea Branham, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org